



6

9-f

30

6

8 H G

12

16

C

Adams

0

R

6-9, f, 30

indicated

19. c. 11.

Coll. Rom. in Jesu.

VALENTIS ACIDALII
IN
Q. CVRTIVM
ANIMADVER-
SIONES.


QVIBVS SVPERSTITES SCRIPTORIS
eius omnes libri post accuratam Fr. Modij censuram
plurimis etiam locis, alijque nonnulli qui-
busdam obiter, emendantur,
illustrantur.



FRANCOFVRTI AD MOENVM.


M. D. XCIIII.

And. Schöner



REVERENDIS-
SIMO ET ILLVSTRISS.
PRINCIPI AC DOMINO, DN.

ANDREÆ EPISCOPO VRATISLA-
uiensi supremo Silesiarum Præfeto
Cæsareo, dedicat conse-
cratque



VALENS ACIDALIUS.

N tanta hodie & scri-
ptorum & librorum non
copia, sed abundantia,
quanta post literas natas nata
nunquam fuit, sæpe mecum ego,
Reuerendissime & Illustrissime
Præsul, de seculi nostri fertilitate
dicam, an luxuria in hoc genere,
tum contrà de rebus ipsis & scri-
bendi legitimis argumentis soleo
cogitare. De illa quid sentiam, &
in futurum quid ominer, apud

A 2 me

And.



EPISTOLA

me premere tacitus malo , quam
in vulgus promere , ne malorum
augur & vates importunus ha-
bear , quem multi non sine irrisu
& cum sententia nostræ insectati-
one sint audituri. Equidem pru-
dentium esse neminem puto , qui
per se non videat ; neminem bono-
rum , qui non doleat , & quo illa
tandem , & quàm certò , nostraq;
fortassis etiam opinione citius e-
ruptura sit scribendi quidlibet &
edendi licentia , ni in tempore ad-
huc , latissime iam grassanti tamē ,
neq; minus indies crescenti malo
obuiam eatur. Erat hæc princi-
pum & magistratus cura , quo-
rum auctoritate & legibus solum
comprimi effusa & vaga libertas
potest:

potest: neq³ rationem inire difficile sit, quæ coerceatur eadem commode, frenisq³ velut iniectis teneatur in tractos gyros, quos minime liceat emigrare. Sed hic dux & auctor opus est Germania, qui initio facto reliquis exemplum ostēdat saltem, quorum nemo tam est salutis literarum insensus, nemo temporum suorum tam non studiosus & securus posteritatis, cui illa scriptioribus hodiernis, pudet me dicere qualibus plerisq³ traducuntur; nemo deniq³ publicæ iā nunc quietis ita negligens, quin recte præeuntem unum aliquem certatim cum æmulis omnibus sequatur. Hic ut exsistat aliquando iam tādē, cum eruditis mul-

EPISTOLA

*tis voueo: ipsum qualem esse oporteat, & ad totum hoc negotium quæ pertineant, eorum nescio an me quoq; deceat cognitionem profiteri; certe explicationem persequi nondum ætatis est mea, nec in qua positus adhuc sum conditionis; ad extremum nec loci huius & nostri instituti. De rebus ipsis & argumentis, quæ iure cadant sub scriptiōe, potius aliquid hîc dicatur: quod fuit omnino propositum mihi, cum argumentum ipsæ scriptiōis huius ad te meditarer. Sed hoc quoq; fiet breuiter, ut quàm potest paucissimis absolua-
tur. Omnium, quæ post veteres tot ac recentes ipsos non pauciores scriptores scribi hodieq; possint & debeant*

debeant deinceps, tria facio capitula sine classes, quibus nec puto fore quidquam ἀξιόλογον quod non includatur. In primo ordine statuo, qui aut nova prorsus inveniunt, aut veterum inuentis addunt: in secundo, qui opiniones antiquorum in artibus & sciētys quibuscunque quocunque modo vel castigant vel dirigunt; ipsas autem res meliore via & ad discendum accommodatiore tradunt: in postremo, qui scripta ipsa priscorum omnis generis vel obscura illustrant vel emendant maculosi. Primis nihil dignius: qui hos subsequuntur, nihil utilius: quos ultimos feci, ijs verò nihil magis necessarium. De omnibus erat latiss.

A 4. finis

EPISTOLA

*simus dicendi campus, si ingenio
permitterem exspatiari, quod ar-
ctioribus habenis ita moderandū
hīc mihi, ne magis qua dere, quā
ad quem & qua lege scribam, vi-
dear meminisse. Quod dixit amē,
primo genere dignius nihil, omni-
nō quidē id liquere puto: nec quod
deinceps est, utilissimum, eget ulla
probatione: quorum in utrisque
nemo erit, qui mihi aduersetur.
Ultimum solum necessarium ne-
scio si omnes dabunt, ut sunt huic
generi multi præter ullum meri-
tum iniquiores. Ego sic tamen sen-
tio, & mecū, qui non dicam haud
planē nihil, sed rectius ceteris &
vero iudicio sentiunt. Qui negent,
eos cogere ad assentiendum vel v-
nara-*

naratione ista poteramus. *Quid*
enim? an non carere quibamus
prioribus, & contenti vivere pri-
scorum inuentis & doctrina, quā
parare nobis etiam licebat eadem
via, qua didicissent ipsi & docuis-
sent? Sanè & vita hominum, et si
multis destituta opportunis in-
strumentis, & eruditio, quam-
quam imperfecta nec ubique for-
tasse certa satis vel recta, constare
tamen poterat, uti constitit hactē
nus à tot seculis ad nostram etā-
tē. At postrema illa opera, quæ in
restaurandis veterum scriptis po-
nitur, carere nequimus omninò,
neque magis quàm scriptis ipsis.
Tollamus enim hac sanè, quid no-
bis relinquetur? Quid autem in-
A s tereft,

tereſt, non habeamus, an uti, &
 rectè uti non poſſimus? Uti utcū-
 que num poterimus, niſi intelligā-
 tur? Iam quis eorum multa à ſe
 intelliget, niſi explicent & illuſtrēt
 doctiores? Et hoc verò doctiſſimo-
 rum quis præſtabit, niſi prius e-
 mendentur? Nam corrupta eſſe
 paſſim nemo tam animi vel iudi-
 cij corrupti qui negare velit aut
 poſſit. Ita hoc conſequitur, quod
 volebamus, unum genus hoc ne-
 ceſſarium, cætera vel in pompam
 vel aliquem etiam uſum. Quibus
 nos quidem cenſura noſtra detra-
 ctum nihil volumus, qui ample-
 ctimur iſta quoque, & amamus,
 & digna ſummis laudibus cenſe-
 mus: ſed huic in primis ſuam etiā
 lau-

laudem & dignitatem asserere conati sumus, quæ non aliunde fortius quàm ab ipsa necessitate vindicatur: et si alia sunt quoque plurima, quibus adstrui possit & firmari. Mihi verò consecrari ista nunc non libet, qui quod in rem meam proprie fuit, satis iam videor exsecutus. Ad ipsum studiũ, de quo agimus, ipsa necessitas hæc, quam precipue urgemus, eruditos hoc seculo multos excitavit: inter quos ut meum quoque profiterer nomen, eadem effecit. Nec enim profecto aliud quidquam magis: quod de me vere fateor, de alijs item credo. Utinam quo successu illi hoc egerunt, eundem agenti & acturo deinceps idem mihi sit
spe-

EPISTOLA

sperare. Tentauimus & ante & nunc in historico scriptore, sed vere tirones adhuc, nec aetate, nec iudicio fortasse satis etiam confirmati, certe anxij valde & metuentes iudiciorum publicorum. Quomih nomine cum statuissem tamen has in Q. CURTIUM Animaduersiones edere, quarendus sollicitate magis erat, in cuius tutelam iuvenile opus committerem: qui nunc quidem oblatus ultro mihi tamen querendi curam omnem ademit. Etenim ante ipsos oculos hic tu mihi, Praesul Illustrissime, quot uerit nemo vel posset melius, vel libentius adeo vellet, quod huius generis dedicauissem. Et posse te unice, multa mihi suggererant; in his au-

cto-

*etoritas precipue tua, & ipsa do-
 ctrina in ista quidem fortunatam
 admiranda quàm rara; velle autē,
 cum in omnes doctos, quorum au-
 dis & es præsidium singulare, tum
 in hunc etiam nostrum ordinem
 amor ac fauor, alystui ordinis in-
 solitus, non admodum quidem cer-
 te frequens; cuius in te illustria mi-
 hi multa, sed vnum præclarissimū
 argumentum, quod ipsum harum
 omniumq; bonarū artium prin-
 cipem Iustū Lipsium magnis inu-
 sitatisque ad te premijs & hono-
 ribus inuitasset. quod auditum sa-
 ne statim in admirationem cul-
 tumque tui me rapuit, & dein-
 cept huic dedicationi maximum
 protelum fuit & validissimū in-
 cen-*

EPISTOLA

centium. Accessit ad eam tamen
unam potissimam causam altera
quoque nihilo leuior, qua quod il-
la suasisset, hortari etiam videba-
tur. Accepi enim, tuis adeo qui-
busdam interpretibus, etiam de
metenui & indigno homine nescio
quid in aulla illustrissima tua fuis-
se cogitatum: quod cum intellige-
rem, et si recusandum erat mihi,
qui ineptus essem ad id, cui disti-
nabar, ex eo tamen deber me cen-
sui statim grati aduersum vos a-
nimi quandam neque longè deffe-
rendam significationem. Qualem
igitur hoc tempore cunque potui,
festinato depromsi: quam benigne
tu accipies, benignissime Praesul,
& in patrocinium tuum recipies
unà

DEDICATORIA.

7

*Unà cum ipso libro me quoque, ti-
bi deditum & ultrò, & meritis
iam nunc tuis, quàm in me, quàm in
alios harum Musarum viros:
quos ut amas & foves, ita me in-
ter eos minimum non in minima
tamen apud te gratiæ parte perpe-
tuò harere patieris. Vratislavia.
Kal. auspiciibus anni 1594.*

VALEN.



VALENTIS ACIDALII
IN Q. CVRTII LIBRVM

III. ANIMADVERSIONES.

AD IO. MATTHAEVM VVACKERVM
virum ampliss. nobiliss. Reuerendissimi & Illu-
strissimi Ep. Vratisl. Cancel-
larium.



VErè tibi & ingennè fatebor, am-
plissime nobilissimeque vir, ob-
noxium me planè sibi fecit hu-
manitas tua, & beneuolentia in
me insignis illa, quam cum per li-
teras primùm, ad famam aduentus huc ex I-
talia mei excitatus, aperuisses, à reditu deinde
in hanc ipsam urbem meo præsens præsenti cu-
mulatam omni genere comitatus ita per hora-
rum aliquot eruditissimum sermonem expli-
casti, ut istum in hominem ignotum antea ti-
bi prolixissimum adfectum, deque immerente
merendi benignissimam non voluntatem, sed
cupiditatem & mirarer vehementer, & cum
mirari nō possem satis, etiam venerarer. Quæ
enim & qualia tu mihi vir tantus ultrò, nec
tuo tantum, sed Principis etiam tui nomine
deferabas? Frustrà, quæ spero, omnia sperem, si
B sperare

P R Æ F A T I O.

*sperare undecunque illi ausus unquam fui. Ac
 quæ literis obtuleras, de ijs & per literas vicis-
 sim & coram gratias tum egi: quæ etsi non li-
 cuit accipere mihi, supra tenuitatem posita cõ-
 ditionis meæ, tamen sic amplexus animo sum,
 ut frui ijsdem videar, omniaque debere me vo-
 bis pro ipsis censeam. Quæ porro in sermone
 pollicitus es, ut ex temporum ratione pendet,
 sic ab ea moderabuntur in posterum: quæ iam
 ipsa tamen etiam præcipio, nec expectanda mi-
 hi videntur amplius, quæ iam nunc possideam
 in antecessum oblata & in accepti tabulis apud
 animum meum dudum consignata. Hæc quæ-
 cunque sunt, quæcunque erunt, intelligere tum
 potuisti quoque ex vultu & sermone contra
 meo, gratè accipere me & benignè interpreta-
 ri: quod ut intelligeretur magis aliquando,
 tunc etiam ipsum statim manifestiorem & v-
 beriore destinavi vobis gratitudinis meæ si-
 gnificationem. Itaque digressus à te cogitare
 cœpi mecum, ecquid in paupertino literario
 meo censu, quod isto titulo dignè exhiberi pos-
 set. Euolutaui deinde & excussi copiolas omnes
 chartaceas: neque inueni nihil, quod cum tua
 amplitudine, tum autem fastigio principali
 nõ indignum planè videretur. Sed istuc quid-
 quid erat, hoc quidem tempore nondum ma-
 ture-*

turnerat ad publicam editionem: neque quidquam reperi aliud postea, quod non crudum nimis esset, præter Animadversiones quasdam in Q. Curtium, Alexandri Magni vitam resque gestas haud scio an unicum inter Latinos, certè inter etiam Græcos unice persecutum. Has etsi leuiculas arripui tamen potius, ut quamprimùm vobis testarer animum meum qualicunque monumento, quàm illius expectarem maxima cum molestia mea maturitatem. Graue enim mihi in diem debere, quod cuperem citissimè representare. Et sperabam omninò gratius futurum, quod mora quàm minimum tardasset. Quod igitur ad manus unum erat non præcox nimis aut acerbum, id festinaui, ac tumultuaria propè scriptione deproperavi, ut ad proximum mercatum Musicum à typographis absolui posset, & perueniret in vestrum, ac secundùm vestrum in doctorem omnium conspectum. Gessi autem in eo ita me, ut cum vobis præcipuè stude-rem, alios nihilominus unà demererer, quos tibi adiunxi magnos & eruditos in hac urbe viros, ut cum totum Reuerendissimo & Illustrissimo Principi tuo consecratum esset, partibus etiam singulis suum velut tutelare numen præficeretur. Solet hoc nimirum fieri: nec me

PRÆFATIO.

vulgata consuetudo magis tamen inuitabat, quàm ratio quadam peculiaris incitabat. Illud enim respiciebam: si minus ipsi Præsuli vacaret hac diligentius omnia perlustrare, quod iure verebar in isto fortuna tam arduo culmine, susciperent hanc in se alij curam, & operam mihi darent, sui quisque destinati sibi libelli serij accuratique iudices ac censores. Id ita non ingratum puto fore Præsidi supremo: qui cum vniuersum hoc uti Iuppiter solus sibi vindicet, non inuitus patietur eius partibus quasi minores apponi Deos. Tu inter istos ipsos primo mihi loco causam hanc meam, imò tuam ac sociorum apud æxi^ægñ vestrum ages: meque & hoc meum quod offero cum debito cultu, cum offeres ei porrò meo nomine & commendabis, tum ipse ultro, quod tibi indidem vnà datur ita volens ac propitius accipies, uti ego Lubens Meritoque ex antiqua formula dico consecroque.

VAL.

VAL. ACIDALII

AD Q. CVRTII LIBRVM III.

ANIMADVERSIONES.



D Curtium interim, dum in alios alia maturescunt.

Adeste adeste, quæ feramq; noscite vos, qui cognoscendi simul animum affertis & ignoscendi. Talis enim mihi lector ac iudex opus: quorum illum sanè velim doctum Latinitatis, historiæ non imperitum, Curtij studiosum; hunc & hoc amplius, æquum, mitem, non invidum, non malignū, aut certe deniq; quātumvis serium, dummodo ne nimis seuerum. Quos opto, etiam spero: faciamque, quod huius faciam, animo eò firmiore, quia, Tullij scito, non modò non invidetur adolescentiæ, verum etiam fauetur. Audebo, dum audere, Fabij opinione, non dedecet, dum & veniæ spes est, & quod operi deest, ætate suppletur, & quæ iuueniliter dicta, pro indole accipiuntur. Ac scriptori quidem, cui manus emendando ad-mouimus, ante plures iam annos, vt de prioribus taceam, quorum labor non adeò commendandus, operam verè vtilem & præclaram nauauit Cl. V. Franciscus Modius, cui non hoc tantum nomine, sed aliis multis plurimum literę literatique debent ac debebunt. Hic quę aut non vidit, aut neglexit, aut de quibus aliter nos sentimus, neque parui quędam,

neque maximi omnia momenti, persequemur ordine nos & hic proponemus, è coniecturis illa pleraque, neque nulla tamen è libris vetustioribus hausta. Manuscripti apud nos sanè nulli: sed eorum vicem adminiculatæ nobis sæpè veteres editiones, & subuenit sua diligentia ipse Modius, qui quæ variantia reperisset in suis (& habuit scriptos aliquot, sane bonos:) minima maxima omnia sedulò, paulloque minus quam accuratatione superstitiosa annotauit. Ergo nos ordimur, atque inde statim, quod in ipso scriptore primum occurrit. Neque enim saltuatim, quod ille ait, ac vellicatim, aut desultorium in morem vagabimur, ordinem paginarum & auctoris vestigia pressopede sequuturi: neque illud profecto laboramus, in hoc scribendi genere pænè omnibus iam solemne, vt tanquam in ædificio vestibulum domus amœnum atque *τηλαυγές*, sic in opere illustris aditus fiat, ipsaque ianua & ingressus antepagamento aliquo bello exornetur. Nihil hic deliciarum faciemus: in interiore parte si quid erit deinceps insigne, suo se loco facile prodet. Ac me mordet tamen, ne dissimulem, initio nihil esse adeo, quod aliqua venustate lectoribus & se, & porrò de se reliqua commendet. Nec in speciem inhonesta sunt tantum, quæ erunt prima, sed & pondere leuia: digna tamen quæ notemus, & hercule non vsque eò vilia, vt propter ipsa vel legē nostri operis frangamus,

gamus, vel consilij nos pœniteat, ac repēte institutum omne iam mutemus. Sit primū, quod ordo nō patitur esse medium aut postremum.

Pag. 6. Modianæ, iteratæ anno XCI. nouissimæ & optimæ, quam vbiq̃ sequimur, editionis. *Erat Dario mite ac tractabile ingenium, nisi etiam naturam plerumque fortuna corrumpere.*

Cl. Modius ineptissime ait haberi vulgo, *nisi suam naturam*: itaque se correxisse. Bonâ veniâ dissentire liceat initio statim. Neque correctione opus, neque ineptum quod vulgatur. Sic enim accipies: Naturam suam fortuna corrumpit: quamcumque naturam nacta deprauat: in quodcumque, quantumvis sanum sanctumque ac mite ingenium inciderit, violat ac vitiat. Argutius interpretari nihil attinet: quod possim, ineptire si libeat cum illis, qui apud Liuium *suum ingenium* pertendūt idem esse ac mansuetum. *Sed curæ fuit consulibus & senioribus patrum, vt imperium suo vehemens, mansuetum permitteretur ingenio.* Nam hic mutant, vt *imperium vehemens suo permitteretur ingenio*: & exempla Liuij item ac Sallustij afferunt, quæ similia non magis sunt, quam quæ dissimillima. Abite argutiores, & manum à Liuiο abstinete. Si mens vlla vobis, mentē videritis elegantissimæ locutionis, quam recte iam nunc præiuit vobis egregius iuuenis Iacobus Scheckius in Præmessis: quem inter Germanos vnum pœnē nunc scio cultorem horum studiorum,

& daturum nobis aliquem auguror, quem obducere Candidatis aliarum gentium possumus. In Curtio item maneat, quomodo vulgares feruant editiones. Dico vulgares, quæcumque ante Modianam adornatæ, Nam quæ post eam Lugdunensis, incertum mihi, noua dici debeat, an vetus; vulgaris ac communis, an singularis. Vespertilionis omninò instar habet, quæ nec in his, nec in illis numerari possit. Et quam Medici constitutionem neutram dicunt, de illa non male vsurparim. Nec enim sana prorsus est, nec insana: nisi vtrumq; forte. Id quidem affectauit editor, quisquis est, vt veluti cinnus esset ex vtroque genere temperatus: quàm benè sit autem assecutus, aliorum esto iudicium potius: quia & cursim ipse perlustrauit, & ex his quæ notauit, dixero inclemētius in eum, quàm ferre fortasse possit, etiam si dissimulare ipsi liceat, qui quidem ignoretur, neque nomen suum eruditus voluerit profiteri: malo exemplo, quod si feratur amplius, in perniciem erumpet omnium auctorum. Sumere enim ita quiuisset Typographus licentiam sibi volet in quoscunque scriptores pro libidine sua grassandi. Sed ne stomachus hic ab instituto nos longius auheat, hoc quidem etiam in loco illud obseruauit is, quem dico, nec quem dicam scio, vt neque cum priscis editionibus neque cum recente faceret, & faceret tamen cum vtrisque. Lectionem scilicet vtriusque generis exhibuit nobis, & *etiam & suam* pariter

pariter recepto. Siue id iudicio; siue negligentia quadam; siue, quod putem, neque negligentia, neque iudicio, cui non optimo aliàs, parum filius hîc videtur, merito certè ubique fuerit diffusus.

Ibidem. Tu quidem licentia regni subitò mutatus documentum eris posteris, homines cum se permisere fortuna, etiam naturam dediscere.

Mutari quid in his verbis debeat? nihil ego video sed nec velim. tamen coniicias è priscis codicibus aliter, *etiam à natura desciscere*. minimè profectò ineptè, ac nescio an non vulgato non dicam equidem aptius, sed fortius, imò verò & venustius, si rem quidem ipsam: & simul phrasin spectes. A se quippe desciscit, qui se totum alteri permittit. Exit è sua, qui trāsit in alterius potestatem. Naturam suam exuit, qui induit alienam. Sed hæc eadem cōfunt interpretatione commoda etiam è vulgato. Nec ausim ipse, nec alij suaferim mutare.

Pagin. 6. & 7. *Adhæc vates variâ interpretatione curam distrinxerant. Alij latum id regi somnium esse dicebant, quòd castra hostium arsisent, quòd Alexandrum deposita regia veste in Persico & vulgari habitu perductum esse vidisset. Quidam non ita augurabantur: quippe illustria Macedonum castra visa fulgorem Alexandro portendere, quem regnum Asia occupaturum esse haud ambigere: quoniam in eodem habitu Darius fuisset, cum appellatus est rex.*

Hîc primùm legi patiar, & censeam verius

contra, pro non ita. Neque enim aliter hi modò somnium interpretabantur, sed planè in contrarium. Deinde, quà varietas magna est, & nunc *ambigere*, nunc *ambigua rei*, nunc aliter inuenias, ἀναμφοισβήτως ego scribo: *occupaturum huius ambigüe.* Liquet id mihi verum. In postremis nolim sane aliam lectionem: *quoniam in eodem habitu fuisset, quo Darius, cum appellatus esset rex.* Vulgata melius se tuetur.

Pag. 7. *Patrio more Persarum traditum est, orto sole demum procedere, die iam illustri: signum è tabernaculo regis buccina dabatur.*

In vulgatis insertum reperias quod: unde suspicor, ne texendum sic potius hoc orationis filum. *Castra ad Euphratem mouere iubet, patrio more Persarum, quo traditum est, orto sole demum procedere, die iam illustri. Signum è tabernaculo regis buccina dabatur: super tabernaculum &c.*

Pag. 8. *Cidarim Persa regium capitis vocabant insigne: hoc carulea fascia distincta albo circuibat.*

Vitij recte locum arguit, ille vitiorum omnium domitor, vnus veri assertor, legitimæ Criticæ solus auctor, sol antiquitatis, historiæ omnis condus & promus, anima Sapientiæ ac Prudentiæ: & quid vltius eam, quidue nomen apponam? iam nunc omnes Lipsi vix me dicere intelligūt. Hic ad Annal. Taciti VI. sana ista negat: idem sana vtinam fecisset! Nō sunt: quia neque cæruleus color inter regios aut principales, neque certè Persici reges vsitarunt. Purpureum testantur omnes: ac
ne mu-

ne mutasse Darium putemus, ecce Curtius disertim alibi de eodem affirmat. li. 6. *Purpureum diadema distinctum albo, quale Darius habuerat, capiti circumdedit.* Hic igitur, oblitus sui, quomodo cæruleum supponat? Liquet, non scriptoris, sed exscriptoris id erratum. Quod ambiguè tamen Lipsius corrigit, & vel *coccinea fascia*, vel *hoc cæruleum* coniecat. Neutrum persuadet nobis. prius à scripturavulgata abit longius: alterum à veritate. Tam enim insigne capitis ipsum cæruleum esse non potuit, quàm fascia non fuit. Sensit hoc ipse, & defectū felicitate sua se queritur. Nos an Sullæ cognomen hîc, eius vicem, nobis vindicabimus? Nescio. nã & ipse timidè diuino, *hoc erubea fascia distincta albo circumibat.* Ad vestigia quidē. literarum proximè: à vero neq; ipso fortasse lōgissimè. An nō enim purpureū erubeū dixerimus? Scimus à rubro purpureū differre sanè plurimum: sed & scimus purpurā rubro plenè saturatam: atque idè scilicet erubeam vocemus. Et intendit enim etiam *e* particula, non tantum remittit. Quis poetæ illud nescit?

Egelidum Borean, egelidumque Notum.

Vtrumque venustissima alternatione complexus est. Aliā sunt etiam ad id exemplum: sed quid referam? siue proba coniectura doctis, siue non proba; frustrā. Sciunt enim & ista plerique. Mihi quidem, vt fatear, etsi quod posui valdè blanditur, nondum tamen satis etiam se probavit: alijs vereor vt probe
multo

multò minus. Tamen vt verum non sit, est
certè verissimile: nec facile quisquam vocem
inuenerit in ista literarum vestigia magis con-
gruentem. Experiatur quisque se: virum di-
xero, qui potuerit. Palma cum certò manet,
adhuc in medio posita: quam neque Lipsius
poposcit sibi, & ego vltiò nunc recusò, tam
porrò libenter in alium cum alijs tralaturus,
quàm mihi, si detur ab omnibus, accepturus.
De ipso nomine Persici insignis huius nihil e-
go turbo, quamquam de eo turbellam video
inter auctores. Plerisque & in his Arriano &
Plutarcho maximè, ὁ καύδους est plerumque: sed
Arriano etiam ἡ κίδαγίς alicubi. Nisi vtrumque
verum, (potuit enim non vnum esse, & ab his
aliud quoque:) verius hoc equidem, quod à
Curtio expressum, iudicarim.

Pag. 11. *Hoc modo agmen peruenit ad urbem Far-
son, cuitum cum maxime Persæ subijciebant i-
gnem, ne opulentum oppidum hostis inuaderet.*

Quis hic mendum suspicetur? nec ego qui-
dem. At omissio τῆνε, quam in libro nescio
quo notauit, qui idem exhibebat inuident, facit
suspicari, an non fuerit, *Persæ subijciebant ignem,
opulentum oppidum hosti (vel, hostibus) inuidentes.*
Maneat tamen quod hætenus obtinuit.

Pag. 12. *Laxataque vis morbi hoc solum videbatur,
quia magnitudinem mali sentiebat.*

Sic Modius, & pariter idem li. 4. *Ex suis quisq;
vicinioribusq; hoc ipsum concurrunt ad delenda prae-
sidia Persarum.* Benè vtrobiq; nec ego patronus

Isti

isti vulgato *ad hoc* vel *ob hoc ipsum*. Sed si semel atque iterum formulam illam recipimus, erit eadem recipienda pluribus etiam & geminis omnibus locis. Vt li. 4. *In conspectu erat nepos parvulus ob id ipsum miserabilis, quod nondum sentiebat calamitatem.* Ibid. *Ob id ipsum, quod ignoti essent, ignobiles esse.* Ibid. *Auidum certaminis & ob id ipsum incautius in se ruentem hasta transfixit.* Lib. 7. *Horum ob id ipsum melior est caussa, quod ego, qui profugi, susceptus sum.* Neque tamen temerè quisquā; ubique delendum *ob* censuerit, quod nec ipse, minimè quidem aliàs timidus, fuit ausus. In Propertio quidem reperies eadem facie, *Hoc vnum.* lib. 4. in descriptione Actiacæ pugnae de Cleopatra:

*Illā petit Nilum cymba malè nixa fugaci;
Hoc vnum iussu non moritura die.*

Apud Plautum verò, Terentium, aliosque infinita talia per omissionem & propter, aut similium particularum.

Pa. 13. *Darius ergo cum tam superbas literas scriberet, fortunam meam in consilio habuit.*

Acris vel in indignatione, vel miseratione sententia: quam tamen an non animabis magis, si nota erigas interrogationis? Videtur. Eadem locutione post etiam lib. 5. vsus: *Ita suam quisque fortunam in consilio habet, cum de aliena deliberat.*

Ibid. *Erat inter nobiles medicos ex Macedonia regem secutus Philippus, natione Aeternan, fideus admodum regi puero comes, & custos salutis datus:*

non

non vt regem modò, sed etiam vt alumnus eximia caritate diligebat.

Pendet oratio, nisi vel distinctione alia ne-
ctas, vel particellę vnus insertionē. Distinctio
nusquam commoda: ista fuerit sic satis: *Philip-
pus, natione Acarnan, fidus admodum regi puero comes,
& custos salutis datus, non vt regem modò, sed etiam.*
Inlertio tñ qui magis placuerit: *natione Acarnan,
fidus admodum: qui regi puero comes, & custos salutis
datus non vt regem &c.*

Pag. 14. Rex, inquit, *semper quidem spiritus meus ex
te pependit, sed nunc verè arbitror, sacro & ve-
nerabili ore trahitur. Crimen parricidij quod mi-
hi obiectum est, tua salus diluet. Seruatus à me,
vitam mihi dederis.*

Corruptum locum pridem Modius pronũ-
tiauit, atque etiam antè Glareanus: et si huius
quidem habendam rationem parua puto.
Neuter eorum medicinam vel tentauit: nec a-
lij, quod sciam, ab his præstiterunt. Facile mihi
sit mutare, sed non vno modo. Turbant duo,
& verè, siue verò, & potissimùm *arbitror*, cui non
est plane locus. Feceris leuicula mutatione: *sed
nunc verè arbitro sacro & venerabili ore trahitur*: aut,
sed nunc, vero arbitro, sacro & venerabili ore trahitur.
hoc sensu, qui sanè bonus, vt arbitrum vocet
os ipsum Alexandri, quod spiritum & regis &
medici, cuius à regis vita pendeat vita, semper
trahens simul, nunc nunc verè iudicaturum sit
& decreturum de salute illius, propriæ salutis
euentu. Nō hoc mihi displiceat: alterũ tamen
ample-

amplectar magis, quod & simplicius à dictione, & à literis simile prorsus ei quod vulgatū, etsi paullò diuersum quid emergit. In arbitror duæ sunt voculæ, coalitæ primū, dein corruptæ. Scribo: *semper quidem spiritus meus ex te pependit, sed nūc verè ab isto sacro & venerabili ore trahitur.* Id dubiū faciā, si verbo probare amplius nitar.

Pag. 16. *Et quæ leuiores haberi solent, plerumque militari gratiora vulgo sunt. Exercitatio corporis inter ipsos, cultus habitusque paullum à priuato abhorrens, militaris vigor, quis ille vel ingenij dotibus, vel animi artibus, vt pariter carus ac venerandus esset, effecerat.*

Vulgates editiones, *plerumque in re militari.* vnde binas voculas eijcit Modius, vt superfluū à glossographis additamentum. Laudo factū, adeò non culpo. Quid tamen, si corrigendæ illæ potius quàm exigendæ? Non enim hercule absurdè feceris: *Et quæ leuiores haberi solent plerumque in rege, militari gratiora vulgo sunt: exercitatio corporis inter ipsos, cultus habitusque paullum à priuato abhorrens, militaris vigor: queis ille vel ing. d.* Nā sic & reliqua interpungenda simul, vt & mens sit clarior auctoris, & ordo æquabilior orationis.

Pa. 17. *Nabarzanes prator Darij miserat eam, hortabaturq, Sisēnem, vt dignum aliquid nobilitate ac moribus suis ederet: magno id ei apud regem honori fore.*

Non ego tam audax, vt hoc damnem: neque dum tamen eripi mihi suspicio potest, pro moribus à Curtio scriptum fortè maioribus.

Hæren

Hærent enim certè hîc melius nobilitas & maiores: etsi neque non optimè hærent aliàs nobilitati mores, quos ab illa nec ego sperno, per se utinam ne tam procul hodie spreto! Commodè etiam accipio, quod est vulgò. Vult enim agere eum quid respondens ceteris moribus & par egregiis antefactis.

P A G. 18. *Minus hoc regi, quàm purpuratis eius displicebat: ancipitem fidem, mercede venalem proditionem, imminui & diuidi non ob aliud copias velle, quàm ut ipsi in diuersa digressi, si quid commissum esset, traderent Alexandro.*

Sic Modius edidit, Palmerij nostri secutus emendationem: ὅχι καὶ ἡμέτερον γὰρ νόον. Antè fuit: *proditionem imminere, & diuidi copias*. Neque hoc ad nostram aut Curtij mentem: etsi fortasse ad mentem quidem, sed ad scripturam minimè certè. Meo enim animo, nequaquam à Curtio vllum eiusmodi verbum. Addidit ineptus sciolus, qui desiderari tale animaduvertebat. Desideratur, sed intelligi tacitè auctor, non hîc disertim voluit legi. Multæ in his libris id genus inculcationes, quas innumeras iampridem Modius expulit, & superant non pauca, suo quæque loco nobis expellendæ. Hîc nunc quidem non muta, sed exige protinus, atque ita scribe: *Ancipitem fidem, mercede venalem proditionem: diuidi non ob aliud copias velle, quàm ut ipsi in diuersa digressi, quod commissum esset, traderent Alexandro*. De copiarum imminutione scio pertendere aliquem posse. minuuntur enim

nim aliquo genere, quæ diuiduntur. At hic dicat mihi, quid ad proditionem istuc? Ea spectabatur sola, si spectabatur tamē, quæ & pendebat à sola digressione. Consideret mihi sepius lector: — ὅδε καὶ ἴσμεν

Μῦθον ἀπμῆσθ.

PAG. 19. *Delituisse inter angustias saltus, ritu ignobilium ferarum, quæ strepitu prætereuntium audito, sylvarum latebris se occulerint.*

Et hoc à Modio. Vulgus librorum, *occulerunt*. Tu facito, *occulerent*. Non tam id verbi Alexandrum eiusq; exercitum respicit, etsi respicit omninò, quàm feras ipsas, à quibus ad illos accommodatur.

Ibid. *Nam etiam faucij quidam & inualidi, qui agmen non poterant persequi excepti erant.*

Leue est, sed sinceritatis tamen interest, ut *potuerant* scribatur. In eadem voce sæpe deinceps iterum erratum: quod indicasse hinc semel suffecerit, ne ubique semper iteremus.

PAG. 20. *Sed cum speculatores reuenterentur, procul ingens multitudo conspecta est.*

Vidi alibi, *sed quàm speculatores*. Potuitne ab auctore omitti, an à librario omissa est particula *ante*? ut valeat, priusquam reuenterentur: quod in hac re magis verisimile. Sed ut vulgò etiam est, capi *reuerterentur* potest, cum in reditu essent, nondum reuersi.

PAG. 21. *Darius initio iugum montis cum parte copiarum occupare statuit, & à fronte & à tergo circuiturus hostem. à mari quoque, quo dex-*

C *terum*

terum eius cornu tegebatur, alios obiecturus, vt undique vrgeret.

Rectè hæc vt capias vide, neu vana te quædam nebula turbet, quod non infitebor euenisse primùm nobis. Acies sic disposita, vt dexterum eius cornu mari tegeretur. hoc quomodo posset, initio imprudens ipse quærebam: aspectuque primo labebar, vt scribendū fuisse putarē *quod dextero eius cornu tegebatur*. Ita montis siue iugi cornu interpretabar: atque hoc vt diligens etiam inscitia est, è descriptione conabar astruere, quæ & in qua præcessit: Namq; *perpetuo iugo montis asperi ac prærupti Cilicia includitur: quod cum à mari assurgat, veluti sinu quodam flexuque incuruatum, rursus altero cornu in diuersum latus excurrit*. Putabam è situs ista ratione confieri quod volebam, & fortasse confit: verum enimuerò frustrà. Mens alia longe Dario, alia Curtio. Phrasis, & tegendi verbum nos decepit, quod hîc ea notione, pereleganti mehercule, positum, qua & lib. 4. *A parte dextra erat Tigris nobilis fluuius, leuam tegebat Euphrates*. Valet id nihil amplius, quàm in hoc loco, fuisse Euphratem à parte læua; in illo, dexterum cornu stetisse ad mare: quod verum probant insequentia: *Quidquid in illis angustiis adiri poterat, impleuerant copię: cornuaque hinc ab iugo, illinc à mari stabant*. Tralata locutio ab illa, qua dicimur latus alicui tegere.

Ibid. *Transire & obicere sese Macedonum copias iusserat. si id præstare non possent, retrocedere*
in mon-

in montes, & occulte circuire ultimos hostium.

Mirum, ni & hîc utilitium est *prestare*. Nam quanto venustius, si absit? Equidem & Curtium, si quid addere tale vellet, additurum aliud fuisse credam. Sed, ut atbitror, nec hoc adderet, nec aliud: ita eum noui & amantem harum ἐλαίῳ, & otiosorum verborum fugientem.

PAG. 23. *Alexander ante prima signa ibat, identidem manu suos inhibēs, ne impensius ob nimiam festinationem concitato spiritu capefferent prælium.*

Oaculum habere iubemur hoc à quercubus Pelasgis: ego vix accipio, certè fidem non magnam ei habeo. Non persuadet Modius, *suspensi acrius*, eo modo natum ex *impensius*, quo vaticinatur. Mea cortina verisimilius quid subiicit, ut retento *acrius*, minore mutatione pro *suspensi*, legatur, *sic insensi*. Nam aliæ nostræ audaciores sunt hariolationes, ut transponatur idem verbum, legaturque vel: *identidem suspensa manu suos inhibens, ne acrius ob nim.* Is enim habitus & gestus est inhibentium, ut subrecto brachio manum suspendant. vel, remoto eo longius in sequentem comprehensionem: *Cumque suspenso agmini obequitaret.* Valeat hic suspendere, sistere, morari. Ni ex omnibus his vnum aliquod verum, equidem ausim ipsum *suspensi* in crucem ad suspendium tollere: quod certè non frustra verear ex dubia scriptura natum eorum, quæ proximè præcedunt, *suos inhibens:*

hibens: nec difficulter huc ibit, qui & literarum similitudinem videt, & exscriptorum seculi superioris oscitantiam in his talibus nouit.

PAG. 24. *Cum adierat Græcos, admonebat, ab iis gentibus illata Græciæ bella: Darij prius, deinde Xerxis insolentia, aquam ipsam, terramque populantium, vt neque fontium haustum, nec solitos cibos relinquerent.*

Male vulgò *insolentia*, vel *insolentiam*. Ad *insolentia*, verbum repetendum, quod præcessit, *admonebat*. De cetero *populātium* Modius etiam damnat, & è Sigebergensi codice *poscentium* reponit: quod vt persuadeat nobis, magno conatu agit, nec interpretationis solùm suada blanditur, etiam vi auctoritatum pugnat. Pugnet, & depugnet, non ille tamen codex vincet, quantumvis ei omen à Victoriæ monte. Videamus, & collato pede cerтемus. Interpretatur homo doctissimus ex more Persarū, qui tributī nomine aquam & terram exegerint, hoc est, redimere coegerint subditos vsum aquæ & terræ certo aliquo tributo: idque non vt opes augerent adeò, quàm imperij magnitudinem ostentarent. Blanditur hoc, & de Persis quis non facilè credat? Vnde habet tamen, si fas interrogare? Mihi enim sanè dubium, & testem velim ab antiquitate. Ain' verò testem? Duos ecce tibi locupletes, alterum certè minimè reiiculum, si alterum detrectes. Plutarchus est (sanctus ille quidem mihi testis:) & Iulius quidam Valerius. quis iste? Vitam

tam Alexandri Latinam fecisse dicitur ex Aesopi Græco. Dicitur, ais: & ex Aesopi Græco. Neutrum horum noui, nec iniuriâ fidei diffido. Admittamus tamen ad testimonij dictionem, & audiamus: sed Plutarchum priorem. Apponantur enim & hîc sanè ipsa eorum verba, quò iudicare lector melius ac statim possit. In vita Alexandri: Δίνων δέφησιν καὶ ὕδωρ ἀπὸ τοῦ Νείλου καὶ τοῦ Ἰσροῦ μετὰ τῶν ἄλλων μελαπρεπέμενους εἰς πλὴν γάζαν ἀποπέδεσαι τῆς βασιλείης, οἷον ἐκβεβαυμένους τὸ μέγεθος τῆς ἀρχῆς, καὶ τὸ κυριεύειν ἀπάντων. Plutarchum accipimus, etsi neque hic Plutarchus, sed Dino, à quo acceptum ille saltem refert. Verùm non cauillabimur. dicat, & affirmet Plutarchus ipse: an Modium quidquam tamen iuuat? Postea videbimus: prius Aesopi nescio an fabellæ attendamus. Exponit hanc ita Iulius ille nescio qui Valerius: *Videt (Alexander) sibi assistentes habitu barbaro viros, percontatusque cognoscit esse Darij satrapas, causamque aduentus esse, quòd ex more regio petiit pecunias à Philippo venissent, pretium scilicet aquæ & terræ. his enim nominibus subiectos obsequi sibi Persæ iubeant. Miratus igitur Alexander & petendi morem & titulum, Haccine, inquit, elementa Persæ mortalibus venditant, quæ cunctis Deus in commune largitus est? Egregiè: & quis adhuc auctore tanto vicisse non assentiatur? Ille tamen haud contentus, etiam corollarium addit, æui nostri consuetudinem in Feudis, quæ similis inde adeò ad nos durarit. Suaue illud: in quo ri-*

sum tamen ego teneo , pertinere ad id quo
 de agimus , seriò ac seuerè nego. *Απεσδιόνυ-
 σος* est : quod si neque sit , probat tamen o-
 mninò nihil. Atqui de *Æsopi* iam testimonio
 quid dicam ? Nihil , nisi auctoritatem eius a-
 pud me tantundem ac *Valerij* valere. Valeant
 vterque , & vnde venerunt , eant . quærant
 etiam , quibus persuadeant : apud me fidem
 non inueniunt. Nec puto quisquam corda-
 tus erit , alicuius qui ponderis habeat , quod
 incertæ , ignotæ quidem fidei , incerti ipsi i-
 gnotique dicant. Sed nec opus illorum atte-
 statione , si *Plutarchus* ab eadem parte. Vnus
 hic mihi , vnus omnibus satis erit , si affirmat ,
 quod isti volunt. At vide , quàm de eo malè
 mercantur ! Ignarum rei testem citant , inui-
 tum ad dicendum pertrahunt , dicenti alie-
 nam mox sententiam affingunt. En iniuriam !
 Id eum aiunt dicere , quod nullus dicit. A-
 quam & terram tributino nomine *Persas* exegis-
 se volunt : idem iidem de certo pretio pro a-
 quæ & terræ vsu interpretantur. Cedò , quid
 horum *Plutarchus* ? De aqua meminit , neque
 vniuersim omni , sed *Istri* & *Nili* : vbi verò de
 vlla adeò terra ? Sed de terra gratiam facia-
 mus : age quid de aqua narrat ? Ipsam , an pro
 ea tributum flagitatum ? Non hoc profectò ,
 si loquentem modò *Græcè* satis intelligo. Vi-
 deor intelligere , sine interprete etiam : & ta-
 men interpretes consului. Hi nihil inde me-
 cum de vllo eliciūt tributo. Et quid te teneam ?
 hoc

hoc difertim longè ab illo aliud scriptum: solitos Persarum reges haustam & allatam ex ipso Nilo & Istro ipsam aquam inferre suæ Gazæ, & reponere inter reliquum thesaurum, idque velut in imperij pignus, & magnitudini eius extollendæ. Hoc quid ad tributum exactiorem? Neque verò aliud prætere avel fidiculis extorserint ex adducto loco. Vel occasionem vide, qua inciderit auctor in thesaurariæ huius aquæ mentionem. De Sufis captis agebat: ibi Gazam narrat inuētam: in ea extra numerum multa, supra modum pretiosa: duo præcipua & velut ad miraculum, purpuram Hermioniceam, quinque millium talentum, annos pænè ducentos servatam, floris tamen adhuc recentis, & hanc illam aquam Istri ac Nili, turbatam ab his tantoperè & vltro turbantem. Certè enim eos hæc turbavit, auditione aut lectione leui aspersos alterius Persici moris, quem eundem arbitrati cum isto cõfuderunt. Nam video & teneo originem erroris. Meminerant, sed iam totum pænè dememinerant, quod ab aliis verè traditum constat inter eruditos. Id est huiusmodi: nec piget enim, neque huc non facit plurimum recensere. Persarum reges quibus populis bellū indicebant, aut à quibus aliàs volebant tradi sibi rerum omnium potestatem, ab iis per legatos terram & aquam poscebant. Id nempe Συμβολικῶς: cùm eo se argumento dominos vellent omnium, quæ terra marique tenerentur. Et

hoc igitur & illam qui quasi darent, accipere se imperium vtrò significabant: qui negarent, ab iis mox vi & bello repetebant. Hoc cum veluti per nebulam obtusâ memoriæ acie viderent, glaucomam oculo animi porrò obiecit obscurus quicumque est ille scriptor, qui & ipse fortassis haud rectè satis consuetudinem Persicam intelligens, ira detorsit ac pro suo captu interpolauit. Ab eo decepti Plutarchū iam quoque ad has partes trahere sunt conati, imprudenter, vt monstrauius, ac frustra: quamquam ego quidem non tam inscientia lapsos ita eum prorsus accepisse crediderim, quàm de industria sic interpretatos, vt fucum vtrò facerent nobis, quos ad ignotum auctorem hæsitantes illius auctoritas percellere posset & impellere ad assentiendum. Quî enim contra quem nitimur, eum in Græcis vsque adeò cæcutire putem, vt tam liquidum Plutarchi sensum liquidò non viderit? Ac fuerit tamen per me ipsius error potius inscientis, quàm scientis inducendi alios voluntas. Facilius ignorantia veniam inuenit, quàm malitia, quæ nec iure vllò vllam adeò meretur. Lōgius produxisse videor hoc certamen, & satis iam pro Curtio pugnasse. Satis, ac nimium etiam satis: nec tempero mihi tamen, quin victor etiam nunc ex ipso pro ipso nitar. Etenim hætenus aliorum ab eo vim ita defendimus, vt frangeremus eorum saltem tela: ipse nunc & hos & alios, si qui porrò incurrent, propriis à se lon-

longissimè arcebit armis. Demus enim, quæ refutauimus, verè ab auctoribus quibus volunt prodita, demus ab aliis eadem prodi: nihil ad Curtium pertinent omninò. Iam primum Curtius ita loqueretur scilicet, vt cum vellet tributum pro terra & aqua, terram & aquam posci diceret. Clarius omnino, si id vellet, aperiret. Sed neque Latinorum alius ita quisquam. nam quis omnium sub aquæ & terræ sola appellatione tributum etiam harundem acceperit? Quasi tu qui mercem poscat, mercedem velle; aut contrà qui mercedem, mercem arbitreris. Ineptè: sed & hoc faciamus cum Latinitatis auctorem alium, tum Curtium potuisse: nego iam nostrum voluisse. Quod si demonstro, an hiscere porrò contrà quis audebit? Possum, neque quidquam est facilius. Vide mihi contextum ipsius orationis: & quæ sequuntur verba cum præcedentibus aptè iunge. Priora nempe sic accipienda, vt posteriora patiuntur. his enim sensus illorum absoluitur, vt contrà pendent à primis aliàs postrema. Iam si Darius & Xerxes insolentia quadam tributum pro aqua terraque poscebant, quomodo à quibus id poscebant, à quibus etiam forsitan accipiebant, his quomodo, inquam, neque fontium haustum, neque solitos cibos relinquebant? Tributum qui pendunt, id certè retinent, pro quo pendunt. Alia quantumuis multa in hanc sententiam dici poterant: quæ malo cogitet

ipse secum lector, ne iusto nos longiores si-
mus. Et quid plura dici aut cogitari referat?
iam qui communis sensus aliquantillum ha-
bet, nihil inesse sensus in ista lectione dudum
sentit. Retinemus ergo nos *populantium*, in
quo sententia optima & clarissima: quæ ta-
men eadem ferè, ne quid omnium dissimu-
lem, ex illo ipso *poscentium* leui mutatione pos-
sit extricari. Quid enim si coniiciamus, in lau-
dato Sigebergenli libro, qui *poscentium* scri-
psit, scribere *pascentium* voluisse, siue debuif-
se? Pasci & depasci quidem populari etiam est.
Ita mens eadem ex utrisque: etsi fortior è no-
stro. nam leuius certè *pasci*: & hîc non satis
vim exprimat insolentiamque vastam regum
vastatorum. Itaque sic etiam maneat vox vul-
gata. De re, quid manifestius, quàm ad inso-
lentem illam respici multitudinem copiarum
Persicarum? Has Xerxi quidem fuisse tan-
tas accepimus, etsi neque Dario alteri postea
minores, sed Xerxi, quem nunc maximè per-
stringit Alexander, multorum asseueratione
tantas, ut quâ incederent, omnia quæ ad vi-
ctum absumerent, neque illis pænè terra ci-
borum produceret satis, neq; integra flumina
sufficerent in potum. Ita scilicet aquam ipsam
terramq; populabantur, ita neq; fontium hau-
stum, neq; solitos cibos relinquebât. Et rapio-
ne ad Prætorem iam illû, qui seruitum abduci
se iubebat, ni *poscentium* legendum, nive adeò
Curtius sic scripsisset? Habuero additum ab-
ductum,

ductum, si iure experiri velim. Sed esto per me liber, dum ne correctionis, dum ne opinionis ac linguæ posthac ita liber. Insultare nos ei nolumus, quod nec me nec in illum deceat: neque factum volumus, si quid videbitur hîc à nobis dictum fortasse acerbius aut scriptum. Atque planè cum Homero

— ἔπειτα δ' εἰπὲρ τι βέλεια;

δεινὸν, ἄταρ τὸ φέροιεν ἀφάρπαξασαι ἄλλαι.

Luxuriati sanè iuueniliter sumus, & habenas paullisper ingenio dedimus in re, quæ calorem nostrum excitauerat. Id dedecere nos hac etiam ætate non existimauius, quoniam adhuc quidem, Varronis verbo, adolescuntiamur: & veniam, si quid admisimus, cui venia opus, haud difficulter à quocunque lectore, ipso etiam Modio, quem vt meretur amamus ac colimus, impetraturos speramus.

Quod superest, fuit, cum argutarer etiam aliquid ipse in hoc loco, & pro *solitos* legendum *solidos* opinarer. Aptè enim & pulchrè iungi mihi tum liquentes fontium haustus & solidi cibi videbantur. Abstineo nunc, & nemini sum mutationis auctor.

Ibid. *Dedita Deis templa ruinis & ignibus esse deleta: vrbes eorum expugnatas.*

Modius sic quoque fecit. Non vñitatum tamen in consecrationibus dedendi verbum, & & potius hîc erat *dedicata*: quod ego non tamen intruferim: lubentius ex illo ipso *dedita* concinnarim *Deis sita*, maximè quia in vulgatis

gatis *dein*. Sita Deis templa, Taciti phrasis est, quam neque noster abhorruerit. ille quidem frequenter eâ vsus. Exemplum vide Annal. 2. Tumulum etiam nuper Varianis legionibus structum, & veterem aram Druso sitam disiecerant.

Ibid. *Aspera montium suorum iuga, nudosque calles. & perpetuo rigentes gelu, ditibus Persarum campis agrisque mutarent.*

Inuenio alibi *mitibus*: quod rectè rigori frigoris & montium asperitati, sic quomodo alterum nudis callibus, opponatur. Vtrumque bonum: vtrum melius? Ego tam non ausim hoc tollere, quàm illud pariter inferere.

PAG. 25. *Quippe Darius equestri praelio decernere optabat, phalangem Macedonici exercitus robur esse coniectans.*

Itane coniectans? Imò verò sciens. Docuerat eum perspicua & liberrima oratione Charidemus, quæ propius initium huius libri. Suspectum ergo nobis id verbum, etsi mutare non audemus, nunc quidem. Nam olim scio impetus capiebat me rescribillare, *phalangem Macedonici exercitus robur detrectans*. Atque ita erat: equestri praelio decertare malebat, timens ac fugiens Macedonicam hanc phalangem, quæ in dextro cornu. Sed olim hoc, præcipiti adhuc calore, qui nunc paullatim crescente minuit ætate.

Ibid. *Itaque ipsi in medium Persarum vndique circumfusi, egregiè se tuebantur. sed conferti, & quasi coherentes tela vibrare non poterant. simul*

*mul erant emissa, in eodem concurrentia impli-
cabantur, leuique & vano ictu pauca in hostem,
plura in humum innoxia cadebant.*

Fatetur ita Modius correxisse, quæ antea
mirificè turbassent. Rectè ille, nisi quod in-
cautius emendationem suam firmari putauit
Diodori verbis. Neque rem prorsus eandem,
neque de iisdem hic quidem narrat. Contrà
est, ac de Darij militibus ille, quod noster de
Alexandri. Vide: ὡς δ' αἰ δυνάμεις ἐπὶ τὸς βέλους ἐ-
γύοντο, τοῖς μὲν περὶ τὸν Αλέξανδρον ἐπέρριψαν οἱ
βάρβαροι τοσούτον πλῆθος βλητῶν, ὥς τε διὰ τὴν πυκνό-
τητα τῶν βεβρυμένων ἀλλήλοις συγχρόνως ἀδενεσέ-
ρας γίνεσθαι τὰς πλήγας. Gemina sunt tamen pæ-
nè, ac valdè iuxta se posita inuicem illustant.

Pag. 26. Ergò frater eius Oxathres cum Alexan-
dram instare ei cerneret, equites quibus præ-
erat ante ipsum currum regis obiecit, armis &
robore corporis multum super ceteros eminens;
animo verò & pietate in paucissimis, illo utique
prælio clarus.

In Plutarcho Exathren legas. Hic ad finem
distinctiunculæ sententiam ita iuuabis, vt ca-
pias isto Oxathrem prælio animo quidem &
pietate fuisse inprimis clarum. Nam aliàs ob-
scurum etiam quis putet? Nunc tamen pietas
cum præcipuè commendauit. Est & in qui-
busdam reperire non utique, sed vtrunque. Non
hoc etiam male. Vtrunque hoc prælio ille cla-
rus, nempe quâ ab armis & robore corpo-
ris, quâ ab animo & pietate. Prior & scri-
ptura

ptura & sententia magis è re, magis è Curtij mente.

Pag. 27. *Equi pariter equitesque Persarum, serie laminarum graues, agmen quod genus celeritate maximè constat, agrè moliebantur: quippe in circumagendis equis suis Thessali multos occupauerant.*

De Persica hac graui armatura lib. etiam 4. *Equitibus equisque tegumenta erant ex ferreis laminis serie inter se connexis.* Quod hoc loco legimus, è Modij censura sic legimus: qui tamen idem malit aliter, in hunc modum transpositis aliquot verbis: *Equi pariter equitesque Persarum serie laminarum graues agmen agrè moliebantur: quippe in circumagendis equis suis Thessali, quod genus celeritate maximè constat, multos occupauerant.* Aut veram, aut veræ proximam ait hanc scripturam. Mihi non sic videtur. Etiam nunc turbatus orationis ordo. Quomodo enim se consequitur? An ideò Persæ βαρέως ὀπλισμένοι agmen ægre moliebantur, quia leues Thessali multos occupauerant? Omnino contrà: multos occupauerant Thessali, quia agmen ægre moliebantur Persæ. Facile existeret hic sensus, si vbi quippe est, quapropter legeretur. Aut traicienda erunt multò plura, vt mēbra orationis ipsa ac tota inuicē mutent locum. Hoc tamen ego mihi nō permiserim: nec quippe illud adeò mutarim. Scio ab hac particula omnem turbam, quæ consulescet auctore me, si veterem reduxero lectionem. reduxero, sed in suum etiam

iam scilicet ordinem. Ea sic habet: *serie laminarum ob id genus graue, agmen, quod celeritate, &c.* Mirè voces hîc disiectæ, quarum aliquæ à Modio & eiectæ. Nos eas restituemus, atque ita locum miserè fluctuantem constituemus. *Equi pariter equitesque Persarum, serie laminarum graues agmen agrè moliebantur: ob id in circumagendis quoq; equis suis Thessali, quippe quod genus celeritate maxime (vel, maxima) constat, multos occupauerant.* Tam opinor licuit mihi traiectionibus uti, ut componerem, quàm aliis, ut turbarent.

Ibid. Haud amplius regem quàm mille equites sequebantur, cum ingens multitudo hostium caderet.

Ne verò, *caderet*: alienum id à vera mente. *cederet* scripsit auctor. Nam de fuga saltem ei sermo. Sequentia ostendunt: *Sed aut quis in victoria aut in fuga copias numerat? Agebantur ergo à tam paucis pecorum modo: & idem metus qui cogebat fugere fugientes morabatur.* Quæ postrema pulchrè mehercules, & ex intima natura. Sic enim fit occulto nec quo satis scio modo. In trepidatione metu impellimur ad fugam, quam nitentes tamen eodem retinemur. Eleganter hoc idem ferè Latinus Pacatus, Theodosii Panegyrico, scriptor, ut illa ætate, minimè spernendus, & quem ego sane amo æstimoque, nec si optio detur, vnâ eius orationem illam, nisi sunt eiusdem inter panegyricas etiam plures, quod alibi quærendi erit locus, haud equidem multis aliorum, vna etiam atque

que altera pænè dicam Ciceronis mutem. Is ita: *Vt clausa cassibus fera quasito diu exitu desperatoque consistunt, & præ timore non fugiunt: ita ille ipso quo agitabatur metu alligatus in oppidum semet Aquileiense precipitat.*

Pag. 28. Tunc verò impotentis fortunæ species conspici potuit, cum ij, qui cum Dario tabernaculum exornauerant omni luxu & opulentia instructum, eadem illa Alexandro quasi veteri domino reseruabant. namque id solum intactum omiserant milites, ita tradito more, vt victorem victi regis tabernaculo exciperent.

Modianæ castigationis hæc quoque sunt: in vulgatis quædam mutant. Primum *impotens* alibi: quod non prorsus improbandum. Mox nescio quid ἀνακλινθον in structura, cum ij, qui cum Dario, & habent posteriore loco alij libri tum: quod aut eiecerim, aut retulerim in aliam sedem. *Venturo* denique Antvverpiensis editio, non *veteri*. Potest illud etiam aspectu aliquo probari. Nos totum locum ab interpunctis quoque male affectum, nec orationis satis puræ, sic emaculamus: cum ij, qui Dario tabernaculum exornauerant omni luxu & opulentia, instructum eadem illa tum Alexandro quasi veteri domino reseruabant. Ni sic complanes, aspera nimis eadem illa, quæ nec habent aliàs, cui apte hæreere possint. Tu eandem opulentiam acceperis.

Ibid. *Sed omnium oculos animosque in semet auerterant captiua mater coniunxque Darj.* Illa

non maiestate solum, sed etiam atate venerabilis: hac fortuna pulchritudine, nec illa quidem sorte corrupta acceperat in sinum filium, nondum sextum annum atatis egressum.

Distincti uncultas coapta: coniunxq; Darij: illa non m. s. s. e. a. venerabilis, hac f. pulchritudine, nec illa q. f. corrupta acceperat in sinum &c.

Ibid. In acie autem cesa sunt Persarum peditum centum millia: decem equitum.

Vbi numeri, plerumque dissensus auctorum: quem notare neq; semper attinet, & conciliare non est nostræ opis. Hic quidem quod distinctè Curtius tradit centum millia peditum, decem equitum interfecta; Arrianus vnâ summâ complexus omnes, ad ceterum omninò millia cecidisse ait peditum simul equitumque, sed in his equitum ultra decem millia, vt peditum scilicet fuerint millia saltem nonaginta. lib. 2. Ἰδὲ ἄλλο πλῆθος εἰς δέκα μάλιστα μυριάδας. καὶ ἐν ἑτοῖς ἰππεῖς ὑπὲρ ἑὸς μυρίου. Idem mox de Alexandrinis, quantum memini, silet: vbi pro solita diligentia noster. At ex parte Alexandri ad quatuor & quingenti saucij fuere, triginta omninò & duo ex peditibus desiderati sunt, equitum centum quinquaginta interfecti. in quibus assentior Modio & Glareano trecenti legendum pro triginta. Nimenim ille angustus numerus: neque mouere debet ἐπιφώνημα, quod subiunctum Tantalo impèdio ingens victoria stetit. Nam etiam sic impendium satis leue. At quid ibidem Solæcum video? Nisi Prisciani manes irati mihi, legen-

dum sanè, *ad quatuor & quingentos*. Potest tamen etiam decurtata vox esse, vt fuerit *admodum*: quod ita positum sæpe, pro circiter. Ab aliis libris ipsa particula hæc abest, nullo fortasse detrimento.

Pag. 30. *Ea ipsa res turbauerat feminas, quod irrupisse non admisus videbatur.*

E vulgatis quidam, *Ea res ipsa*. cur mutarunt? Suauius ita ad aures meas accidit: ac nempe sic quoque lib. 4. *Ea res ipsa militi ad persequendum hostem animum intendit*. Leue hoc, sed neq; Curtio, neque me indignum. Aliud monebo non maioris etiam momenti: quanticunque est, tu verò tolle comma post *irrupisse*. Veri sensus non nihil interest, qui alius fit atque alius à leuissimo interpuncto. Hic, vt nos volumus, ille oritur: Erant turbatae feminae, quod irrupisse videretur, quia non esset admisus. Alius longè fit retento commate: Pavor illis, quia non admisus, sed irrupisse videbatur. Hic alienus, ille germanus.

Pag. 31. *Equidem hac continentia animi si ad vltimum vita perseverare potuisset, feliciorum fuisse crederem, quam visus est esse, cum liberi patris imitaretur triumphum vsque ab Hellesponto ad Oceanum omnes gentes victoriâ emensus: si viciisset profectò superbiam atque iram, mala inuicta, si abstinuisset inter epulas cadibus amicorū, egregiosq; bello viros, & tot gentium secum dormitores indicta causa veritus esset occidere.*

Aliis hoc fortasse liquidum: mihi neq; ipsi valdè

valdè turbidum, nescio tamè quid insubidum
& insudum. Offendor iteratione illa *τὴν* si: quæ
cum adiunctis verbis non satis ad æquabilita-
tem structuræ Curtianæ. De illis sentio, *si vi-*
cisset profectò: &, *si abstinuisset* &c. Eiiciendæ pri-
mò videbantur: neque id, si rationem inis,
absque ratione. Pendebunt omnia sic à primo
illo, *si ad ultimum vitæ perseverare potuisset*. Aliud
deinde subveniebat, utrobique ut sic scribere-
tur. Ne id quidem pœnitendum. Sensui cer-
tè mirè opportunum sit, & à præcedenti i-
psum quoque pendeat. Sic, nimirum, si con-
tinentiâ eâdem perseverasset. Sed latet aliud,
quod elicui tandem, ac verum plane deputo.
Minima una vocula deperiit, atque interpun-
ctio etiam fortassis aberravit. En tibi locum
totum, ut restituisse nos arbitramur: *Equidem*
hac continentia animi si ad ultimum vitæ perseverare
potuisset, feliciter fuisse crederem, quàm visus est es-
se, cum liberi patris imitaretur triumphum. Usque ab
Helleponto ad Oceanum omnes gentes victoria emen-
sus, se vicisset profectò, si superbiam atque iram, mala
inviecta; si abstinuisset inter epulas &c. Omnium vi-
ctor Alexander ad extremum seipsum vicis-
set, si illa vicisset, quæ inviecta subiungit au-
ctor mala. Verè profectò nos; verè Curtius, à
talibus censuris meritò nobis commèdatior,
ac dignus in historicorum lustro inter primos
& ipse cenferi. De continentia Alexandri, &
hac ipsa humanitate in matrem, coniugem, li-
berosque Darij pariter iudicat etiam Diodo-

rus, qui tantis quidem laudibus effert, ut maximum unum omnium facinus faciat & maximè inter eius cetera memoratone dignum. Digna & ipsius verba, quæ hîc reponantur: ἐγὼ ὅ νομίζω, πολλῶν καὶ καλῶν ἔργων ὑπὸ Ἀλεξάνδρου Συντελεσμένων μηδὲν τούτων (scilicet τούτου) μείζον ὑπάρχειν, μηδὲ μᾶλλον ἄξιον ἀναγραφῆς καὶ μνήμης ἰσορικής εἶναι. Αἱ μὲν γὰρ τῶν πόλεων πολιορκίαι καὶ παραλύσεις, καὶ τὰ ἄλλα τὰ κατὰ τὸν πόλεμον περιρήματα, τὰ πλείονα διὰ τύχης ἢ δι' ἀρετῶν ὀπισχυγάνεται: ὅθ' ἐν ταῖς ἐξουσίαις εἰς τὸς ἐπαικότες ἔλεος μερίζομεν διὰ μόνης τῆς φρονήσεως γίνεσθαι. Et plura, quæ apud ipsum iam melius legi. Arrianus autem & Plutarchus quid? hi quoq; & alij item concordî iudicio in hanc sententiam, in has laudes eunt: sed excerpere ista talia non ex instituti nostri modo.

Ibid. Sed nondum fortuna se animo eius superfuderat. Itaque orientem eam moderatè & prudenter tulit: ad ultimum magnitudinem eius non cepit.

Imprudenter faciàm, si sollicitem hoc prudenter. At vide ne pudenter tamen fuerit, quod pudenter moneo. Modestix pudor & verecundia pulchrè quidem hæserit: pulcherrimè tamen etiam prudentia moderationi.

Ibid. Tum quidem ita se gessit, ut omnes ante eum reges & continentia & clementia vinceret.

Maluit hoc Modius, ego vulgatum vinceretur. Multum adeò refert, inquires. non multum sanè, sed neque nihil. *Vinceret* si Curtius scri-

scripſiſſet, ſcripſiſſet non *eum*, ſed *ſe*, vel *iſum*, quod pro eodem *ſe* infinitis locis apud hunc item vt Manilium.

Pag. 33. *Gangabas Perſæ* vocant humeris onera portantes. Ii cum frigus tolerare non poſſent: quippe & procella ſubito niuem effuderat. & humus rigeſcit gelu: tum aſtriſtas veſtes, quas cum pecunia portabant, auro & purpura inſignes induunt.

Abundare tum videatur, quod addi non ſolet, nec debet quidem ſemper. Aſtriſtæ autem veſtes non malè ſanè dicuntur: imbibiti tamen, & altius, quàm vt refundere poſſim, non ad veſtes eam vocem referendam, ſed ad humum: atque ita ex animi ſententia reſcribo: & *humus rigeſcit gelu: tum aſtriſta: veſtes*, quas cum pecun. Doctis hoc probabo: de vulgo nunquam laborabo.

Ibid. At illi qui ſub oneribus erant, omiſſu per metum capeſſunt fugam.

Addendum forte, omiſſis iis.

P R Æ F A T I O.
V A L E N T I S A C I D A L I I
I N Q. C V R T I I L I -
b r u m I V.

A N I M A D V E R S I O N E S.

A D

E R A S M V M M V L L E R V M
v i r u m a m p l i s s . n o b i l i s s . i n c l y t æ R e i -
p u b . V r a t i s l . S e n a t o r e m &
S c h o l a r c h a m .

N O N mihi verendum est, amplif-
sime ac nobilissime Mullere, ne
videar ignotus adire te: quod si
vererer, altius exordirer, atque
ita me conciliare studerem nunc tibi, ut puto
iam olim conciliatum. Noueris enim Acida-
lij nomen vel à triennio saltem de Paterculi
edizione, quam in Italia adornatam amico-
rum suasu ad socerum tuum, magnificum am-
plissimi Senatus vestri Praesidem, Abraha-
mum Ienequitziū misi. cuius me facti pœ-
nitere non debet, etsi pigere ipsius editionis
potest. Vilis enim ac puerilis ille noster ad Vel-
leium labor, si labor mihi tamen dicendus,
qui verè fuit incipientis & tentantis has pri-
mum

mum literas adolescentiæ nostræ lusus. At
sane vellem retrahere eum posse, non aucto-
ris ipsius magis quam mea causa: quorum u-
troque digniora nunc, illi quidem salubriora
dare nunc possumus, quæ exinde fuimus me-
ditati. Quidquid tamen illud ante fuit, non
ingratum fuisse video, meum quidem stu-
dium plane gratum, quod acceptum fuit ita
prorsus, ut affectum potius ipsum meum,
quam effectum spectatum arbitrer in remu-
nerando. Quod quando ita est, dabitur ope-
ra porro, ut qui animo placuimus, ipsa quo-
que placeamus: & spero, quod minus illa
priores potuerunt, CVRÆ SECUNDÆ
deinceps aliquantò iustius merebuntur. De
his videbimus, cum videbitur opportunum.
Nunc in alio historico fuimus, Q. Curtio, re-
rum Alexandri Magni Macedonis Lati-
no super omnes Græcos diligente, vero, can-
dido, & prorsus integerrimo scriptore, si in-
tegrum haberemus. Hunc cum Animaduer-
sionibus quibusdam meis obscuriorem adhuc
alicubi & corruptiorem emendare statuissem
& illustrare, iamque eò rem deduxissem, ut
publicum spectaremus, aliquam earum par-
tem honori tui quoque nominis inter alios in-
scribere placuit & ex mea ipsius addictissima

PRÆFATIO.

tibi voluntate, & de sententia non mei tantum amantissimorum, sed & tui studiosissimorum amicorum. Causas & ego non paucas neque leues habebam, & illi plures gravioresque subiiciebant: quibus hic prolixius enumerandis puto equidem supersedendum. Nec enim opus est omnes dici, & tu potissimas ipse facile vides. Me quidem præter illam necessitudinem, quæ cum magnifico Præside tibi intercedit (hæc enim sanè etiā ita suadebat, demerendum te quoque mihi, qui illum hoc genere coluissem:) & Eruditio ipsa quæ & Virtus, quas in omnibus observo: tum, ut nobilitatem maximam & splendorem alium hic sanè omittam, munus propriè tuum in incluta hac Rep. impellebat. Scholarcha es, visitato nostris titulo, præses hic literarum, quasi quidam Apollo, doctrina omnis & huius studiosorum promotor, doctorum etiam ipsorum caput. Me igitur inter eos quocunque aliàs loco, postquam in hanc urbem siue fatum, siue fortuna deduxit, agnoscere te etiam unà cum aliis principem ac ducem nostrum æquum est, & honorem habere omnem tibi, qui vel officio tuo debetur, si non meritis etiam: quæ tanta tamen in omnem partem eruditionis, & huic quicunque quocunque modo

modo adherent, ut plus à singulis debeat, quàm præstari ab omnibus possit. Ego; quod possum, facio: tu cultum meum respice modò, & accipere dignare quod nunc offerimus exiguum donarium, cui inscribo, quod antiquitus solebant, qui pusilla pro facultate quisque sua Diis consecrabant:


ἄλλο γὰρ ὕδ' ἔχω.

D 5 VAL.



VAL. ACIDALII IN Q.
VAL. ACIDALII
AD Q. CVRTII
Libr. I V.

ANIMADVERSIONES.

 **D**E Curtio miror sæpè, nonnunquam & indignor, doleo quidem semper, non tam quòd ad manus nostras peruenit corruptus sic & vitiosus; hæc enim sanè cum omnibus: nec quòd tam multis locis mutilus ac lacer; hæc cum plerisque: nec quòd integris libris & ipsis adeò primis ceu capite truncatus; hæc quoq; cum multis communis illi est fortuna: quàm quod nec ortum eius satis certò, nec ætatem, qua vixerit ac scripserit, scimus vllò modo. quæ illi tamen ipsa fors non etiam omninò sic peculiaris, vt parem sociumque habeat neminem: illa autem vix omninò quemquam calamitas extra Curtium afflixit, vt reliquorum scriptorum nemo mētionem eius vsquam vel vno verbo, certam dico mentionem & indubitātā faciat, ad vnum omnibus tacentibus quasi de comperto, vt conspirasse videantur ad supprimendum hominis nomen, & famam prorsus opprimendam. In hoc quis non indoleat? quis non miretur & indignetur? Dignus ille mercurulè scriptor, qui ab omnibus prædicaretur,

tur, quem penitus & totum nosceremus. Ac laborarunt in eo viri docti sanè multū, vt quando indiciis & argumentis certis inueniri hīc nihil potest, coniecturis aliquid sagaciter indagaretur: quorum nos industriam diligentem amamus & laudamus, sed hanc ipsam vanam cum ipsis deploramus. Nec diuersas hīc diuersorum opiniones afferro, quia nullam ipse stabilire possum, quod contrā possim, si libeat, omnes refutare. Sed hoc cū non libet, tum opus non est: caduntque ipsæ per se singulæ tibicine infirmissimo suffultæ. Et tamen si quid in hanc rem poscis, ad Cl. Lipsium te ablego: quem audies in arduo ad Taciti Anal. XI. Commentario & de aliorum sententiis, & censura ipsius, ambigua tamen hac ipsa, non eleganter minus quàm eruditè differentem. Nos hoc agamus, & superstites auctoris nostri libros à mendis superstitibus, quod opīs Musæ nobis dant, vt cœpimus, porro liberemus.

Pag. 38. *Atque illi cum multos imminere tanta spei cernerent, singulis amicorum Alexandri ob nimiam regni cupiditatem adulantes, statuunt neminem esse potiore quàm Abdalonymum.*

Constanter omnes membranæ Modij *adulantibus*, quod cōsiderare iubet, quibus otium & ingenium est. Magna verò res, quæ confieri sine otio & ingenio non possit. Quid facilius quàm conicere? *singulis amicos Alexandri*

VAL. ACIDALII IN Q.

VAL. ACIDALII

AD Q. CVRTII

Libr. I V.

ANIMADVERSIONES.



DE Curtio miror sæpè, nonnunquam & indignor, doleo quidem semper, non tam quòd ad manus nostras peruenit corruptus sic & vitiosus; hæc enim sanè cum omnibus: nec quòd tam multis locis mutilus ac lacer; hæc cum plerisque: nec quòd integris libris & ipsis adeò primis ceu capite truncatus; hæc quoq; cum multis communis illi est fortuna: quàm quod nec ortum eius satis certò, nec ætatem, qua vixerit ac scripserit, scimus vllò modo. quæ illi tamen ipsa fors non etiam omninò sic peculiaris, vt parem sociumque habeat neminem: illa autem vix omninò quemquam calamitas extra Curtium afflixit, vt reliquorum scriptorum nemo menciónem eius vsquam vel vno verbo, certam dico mentionem & indubitatā faciat, ad vnum omnibus tacentibus quasi de comperto, vt conspirasse videantur ad suppressendum hominis nomen, & famam prorsus opprimendam. In hoc quis non indoleat? quis non miretur & indignetur? Dignus ille meritulè scriptor, qui ab omnibus prædicaretur,

tur, quem penitus & totum nosceremus. Ac laborarunt in eo viri docti sanè multū, vt quando iudiciis & argumentis certis inueniri hīc nihil potest, coniecturis aliquid sagaciter indagaretur: quorum nos industriam diligentem amamus & laudamus, sed hanc ipsam vanam cum ipsis deploramus. Nec diuersas hīc diuersorum opiniones afferro, quia nullam ipse stabilire possum, quod contrā possim, si libeat, omnes refutare. Sed hoc cum non libet, tum opus non est: caduntque ipsæ per se singulæ tibicine infirmissimo sustultæ. Et tamen si quid in hanc rem poscis, ad Cl. Lipsium te ablego: quem audies in arduo ad Taciti Annal. XI. Commentario & de aliorum sententiis, & censura ipsius, ambigua tamen hac ipsa, non eleganter minus quàm eruditè differentem. Nos hoc agamus, & superstites auctoris nostri libros à mendis superstitibus, quod opis Musæ nobis dant, vt cœpimus, porro liberemus.

Pag. 38. *Atque illi cum multos imminere tantæ spei cernerent, singulis amicorum Alexandri ob nimiam regni cupiditatem adulantes, statuunt neminem esse potiore quàm Abdalonymum.*

Constanter omnes membranæ Modij adulantibus, quod cōsiderare iubet, quibus otium & ingenium est. Magna verò res, quæ confieri sine otio & ingenio non possit. Quid facilius quàm coniciere? *singulis amicos Alexandri*

VAL. ACIDALII IN Q.

VAL. ACIDALII

AD Q. CVRTII

Libr. I V.

ANIMADVERSIONES.



DE Curtio miror sæpè, nonnunquam & indignor, doleo quidem semper, non tam quòd ad manus nostras peruenit corruptus sic & vitiosus; hæc enim sanè cum omnibus: nec quòd tam multis locis mutilus ac lacer; hæc cum plerisque; nec quòd integris libris & ipsis adeò primis ceu capite truncatus; hæc quoq; cum multis communis illi est fortuna: quàm quod nec ortum eius satis certò, nec ætatem, qua vixerit ac scripserit, scimus vllò modo. quæ illi tamen ipsa fors non etiam omninò sic peculiaris, vt parem sociumque habeat neminem: illa autem vix omninò quemquam calamitas extra Curtium afflixit, vt reliquorum scriptorum nemo mètionem eius vsquam vel vno verbo, certam dico mentionem & indubitatã faciat, ad vnum omnibus tacentibus quasi de compècto, vt conspirasse videantur ad supprimendum hominis nomen, & famam prorsus opprimendam. In hoc quis non indoleat? quis non miretur & indignetur? Dignus ille merculè scriptor, qui ab omnibus prædicaretur,

tur, quem penitus & totum nosceremus. Ac laborarunt in eo viri docti sanè multū, vt quando indiciis & argumentis certis inueniri hīc nihil potest, coniecturis aliquid sagaciter indagaretur: quorum nos industriam diligentem amamus & laudamus, sed hanc ipsam vanam cum ipsis deploramus. Nec diuersas hīc diuersorum opiniones afferro, quia nullam ipse stabilire possum, quod contrā possim, si libeat, omnes refutare. Sed hoc cū non libet, tum opus non est: caduntque ipsæ per se singulæ tibicine infirmissimo suffultæ. Et tamen si quid in hanc rem poscis, ad Cl. Lipsum te ablego: quem audies in arduo ad Taciti Annal. XI. Commentario & de aliorum sententiis, & censura ipsius, ambigua tamen hac ipsa, non eleganter minus quàm eruditè differentem. Nos hoc agamus, & superstites auctoris nostri libros à mendis superstitibus, quod opis Musæ nobis dant, vt cœpimus, porro liberemus.

Pag. 38. *Atque illi cum multos imminere tantæ spei cernerent, singulis amicorum Alexandri ob nimiam regni cupiditatem adulantes, statuunt neminem esse potiore quàm Abdalonymum.*

Constanter omnes membranæ Modij adulantibus, quod cōsiderare iubet, quibus otium & ingenium est. Magna verò res, quæ confieri sine otio & ingenio non possit. Quid facilius quàm coniiicere? *singulis amicos Alexandri*

randri ob n. r. c. adulantibus. Mutarunt hoc primitus, quod id verbum cum accusandi casu non ferebant. Cicero tamen sic etiam apud Nonium: & vetustiores ferè semper, qui *Adulo* dicebant, unde Tullius *adulor* passivo flexu & significatu.

Ibid. Tum rege eo salutato, alter ex his, *Habitus, inquit, quem cernis in manibus meis, cum isto squalore permutandus est: ablue corpus illuue, veterinoque & sordibus squalidum. cape regis animum & in eam fortunam, qua dignus es, istam continentiam perfer.*

Non omittenda fortasse particula fuit, quæ vulgati præferunt, *permutandus est tibi.* Sequentia Modius sic scripsit de Palmerij sententia: nam vulgò ubique: *illuue æternisque sordibus.* è quo nescio quid aliud extricandum etiam videtur. Mihi adeò Phœbus hîc non fauet, ut verum assequi vlla coniectura possim: etsi multis quidem tentauimus, è quibus vnâ atque alteram apponemus, ut quod mihi sæpè accidit in aliis, alij vicissim nostrâ ad verum ducantur hallucinatione. Poterat facilius, *illuue veterinque sordibus.* æquè faciliè, *tetrisque, vel ceterisque.* Nam illud opinor licenter nimis: *ablue corpus illuue squalidum, deterfisque sordibus cape regis animum.*

Ibid. Sed ut cunctanti squalor ablutus est, & iniecta vestis purpura auroque distincta: & fides à iurantibus facta: serò iam rex iisdem comitantibus in regiam peruenit.

Sequi

Sequiamicum monentem debuit Modius, qui *seriò* cum hac eadem distinctione volebat, & rectè interpretabatur: Hoc apud ipsum vide. Serum vt factum sit longo sermone, fieri potest: verùm & ambiguum; & quid ad rem? Ad rem autem quantò minus, si quid in Suetonio simile?

Pag. 40. *Sedeos Amyntas praliò superatos in urbem compellit, castrisque positus, victores ad populandos agros velut in medio positus hostium cunctis agebantur.*

Neque vt edidit, neque vt in Notis conii- cit Modius, rectè locus adhuc emendatus: cuius in tanta lectionum varietate magna difficultas. Hanc tamen superasse mihi videor, & ex scripturis omnibus aliquid seligens, ita tandem constitui verba & sententiam, vt sinceritati vtrorumque vix amplius quidquam desit. Diuersitatem lectionum hìc apponere non libuit, tu apud Modium vide, qui prolixe consignauit. In membranìs autem nusquam verbum *eduxit*, quod expungimus igitur ex hoc manipulo: *velut* in omnibus est, quod ægre mutes, nisi ex *ac velut*, facias *huc illuc*: Iam pro *in medio positus*, emendo *incompositis*: pro *omnibus*, *agminibus*: pro *cunctis* denique *securi*. Ita partibus resectis integrum restitui locum: *castrisque positus, victores ad populandos agros huc illuc, incompositis agminibus, hostium securi, agebantur. Quomodo, si non per-* fanatus est, audebo dicere, vix aliud aliter *fanabit*,

nabit. Vnicè probant sequentia ista: *Tamen palantes & victoriæ fiducia incautos ostentans.*

Pag. 42. *Nec vlla tam firma moles est, quam non exedant vnde, & per enixus operum manantes, & vbi acrior flaius existit, summi operis fastigio superfusa.*

De ceteris Modius benè: *nexus* non erat penitus damnandum. Per hoc quis compages non intelligat, quæ soluuntur aquis intermanantibus? Sed nec *enixus* ego contrà damnem. Elegantem id quoque sensum parit. Ceterùm insuavis iteratio, *operum*, & mox *operis*. Vide ne omittendum posterius, legendumq; , *summo fastigio superfusa.*

Pag. 44. *Speciem sibi Herculis in somno oblatam esse pronuntiat, dexteram porrigentis: illo duce, illo aperiente in urbem intrare se visum.*

Scitum mehercule somnium de Hercule, siue finxit Alexander, seu verè somniauit. Sed multò etiam scitius in hanc ipsam rem apud Plutarchum, siue & ipsum verum, siue à Græculis excogitatum, quod libenter huc transfero. In Alex. vita. ΣάτυρⓄ αὐτῷ φανείς ἐδόκει προσαΐζειν πόρρωθεν. εἴτα βουλομένου λαβῆν, ὑπὸ ξέφυγν. τέλⓄ δὲ, πολλὰ λιπαρήσαντⓄ καὶ περὶ δραμόντⓄ, ἦλθεν εἰς χεῖρας. Οἱ δὲ μάντις, τοῦ νομα διαροῦντες, οὐκ ἀπιθάνως ἔφασαν αὐτῷ, Σὴ γῆρῃ σείλαι ΤύρⓄ. Vbi sincera vix sunt auctoris extremà hæc verba, quæ glossam omninò sapiunt. Nam ille indubiè vocem ipsam diuinit tantum, & scripsit Σὰ ΤύρⓄ: nec aliter respon-

respondisse verisimile est vates siue coniectores. Et interpretationis, & narrationis adeò gratia omnis perit, si quid insuper addatur.

Pag. 45. *Igitur munitibus coria velaq₃ inssit obtendi, vt extra teli iactum essent: duasq₃ turres ex capite molis erexit.*

Nescio an temerè discriminanda in genere isto locutionis, *ictus* & *iactus teli*. Differre meritò videantur: ac vereor, ne sæpè loco alterius alterum legamus. Etenim vis eorum diuersa non nihil, si penitus introspiciamus. Extra teli iactum est, quò pertingere iacta tela nequeunt: extra ictum, quò perueniunt, sed sine noxa, prohibito illapsu aut tactu. Quod si admittitur, hic nempe legendum potius *ictum*. Neque enim aberant hi tam procul, vt iâci in eos tela non possent: ictui saltem eorum obnoxij non erant, coriis velisque obtentis. Quæ eadem ratio in loco libri 5. *Casaq₃ materies cratibus & pluteis faciendis, vt qui turres admo- uerent, extra teli iactum essent.* Contrà, hoc libro inferius: *Latitudinem quoque aggeri adiecit, vt turres in medio excitatæ procul teli ictu abessent.* Sic enim editio Modiana exhibet, vbi vulgares hand dubiè melius *iactu*. Sensus enim ille: adiectam aggeri latitudinem tantam, vt excitatæ in medio turres ab extremo aggeris abessent teli iactu, id est, spatio tanto, quo iacta pertingere tela non possent. Sed nimis hæc tota distinctio tenuis, & fortasse superuacua:

mihi

mihi tamen vsque adeo leuis & ieiuna non visa, quæ notari tribus verbis non mereretur.

Pag. 46. *Ventus motum ex profundo mare illisit in molem, crebrisque fluctibus compages operis verberata laxauère, saxaque interluens vnda medium opus rupit.*

Non ignoramus, vsurpari *laxauere* sic posse, quomodo alia innumera agendi formæ, sensu patiendi: sed à Curtio vsurpatum quis nobis probat? Cur autem ineptum ait Modius, *se laxauere*? Scilicet ita non alij, non Curtius ipse solet. Hic tamen lib. 3. *Paullatim deinde laxare se sinus montium, & maius spatium aperire cœperant.* Mala quædam scabies est & pruriginosa libido mutandi, si quid nouitatis specie blanditur. Ac sæpe vulgatæ lectiones defendendæ nobis, immeritò ab aliis damnatæ: in quo equidem non minus de Curtio benè meremur, quàm vbi comminiscimur ipsi nouas. Etiam is corrigit, qui corrigere prohibet, vbi nihil corrigendum. Nec tamen huius generis omnia persequi nobis hîc integrum: quod curæ foret, si nouam moliremur editionem. Sed quorsum aliam repente, tot vbique exemplaribus, quibus nihil nisi bibliopolas, &, si forte, bibliothecas oneremus, tineisquæ & blattis nidum ac cibum paremus?

Ibid. *Tum humus aggerebatur, super qua alia strues saxorum arborumque cumulata, velut quodam nexu continens opus iunxerant.*

Lego,

Lego, *superq, alia struc.* Et verborum nimium
 sim prodigus, ei si probando vnum adeò im-
 pendam.

Pag. 47. *Quos (muros) Tyrj raptim ol structis sa-
 xis refecerunt; interiorum quoq, murum, ut si
 prior fefellisset, illo se tuerentur, vndiq, orsi.*

Non abundat equidem hoc *vndiq,*: nec fru-
 stra metus est tamen, ne supersit, è sequentibus
 temerè repetitum. Nam statim ecce: *Sed vndiq,*
vis mali vrgebat. In sua uis autem iteratio talis.

Pag. 49. *Clypeos verò aneos multo igne torrebant
 quos repletos feruida harena cœnoque decocto è
 muris subitò deuoluebant: nec vlla pestis magis ti-
 mebatur: quippe vbi lorica corpusq, feruēs ha-
 rena penetrauerat, nec vlla vi excuti poterat, &
 quicquid attigerat, perurebat.*

Mirum verò, si arena non loricas modò, sed
 & corpora ipsa penetrauit. Illud creditu perfa-
 cile, hoc fidem non meretur. Scribe mecum,
corpus vsq, nam per lorica usque ad corpus pe-
 netrasse vult, & rei veritas non aliter patitur.
 Omissa est præpositio venustè, atq; ita lib. etiam
 8. de Indis: *Corpora vsq, pedes Carbaso velant.*

Pag. 50. *Vtriusq, latius fuit beluæ aspectus: Macedo-
 nes iter iaciendo operi mōstrasse eam auguraban-
 tur: Tyrj Neptunum occupati maris vindicem
 abripuisse beluam ad molem breui profectò rui-
 turam.*

Expedita ominis interpretatio, quod Mace-
 dones; impedita, quod Tyrj sibi capiebant: &
 hæc impeditior ex hac ipsa lectione, quam Mo-

dius è scriptis libris dedit, cui vulgata minus placuit: *arripuisse beluam, ac molem, &c.* Ex ea tamen emendationem ego, & ex emendatione vim ominis elicio, scriboque ita: *Neptunum occupati maris vindicem arguisse beluam, ac molem b. p. ruituram.* Sic nempe Tyrij interpretabantur, quasi bellua cōspecta Neptunum argueret, qui se vindicē profiteretur occupati maris: ac ruituram indè profectò molem, quia cū se belua applicuisset ei, mox ab eiusdē capite rursus in altum se immeruisset. prorsus vt hæc in præceptis se dedisset, ita molem Neptuni ope datam iri.

Pag. 51. *Plures deinde Macedonum naues superueniunt, & rex quoq; aderat, cum Tyrj inhibentes remos agrè euellere nauē, quæ hærebat, portumq; omnia simul nauigia repetunt.*

Vulgatum *remis* Modius non audit, ego nec hoc nouum *remos*. Vtrum autem melius; rationem certè non in eo, cur vel remos, vel remis nauem inhibuerint. Quin contra faciundum fuit: atque omninò corrigo, *innitentes remis*. Vt euellerent nauem, remis incumbabant, remos concitabant, acrius remigabant.

Ibid. *Ipsè in altissimam turrē ascendit ingenti animo, periculo maiore.*

Magis ad animum Alexandri, *ingenti periculo, animo maiore*. Maior enim ille semper omni periculo: & si octauo libro *Tandem, inquit, par animo meo periculum video.*

Pag. 54. *In vtro statu ambo essent si solus ignoraret, quam-*

quamprimum Marte decerneret: se quoque cum transfret mare non Ciliciam aut Lydiam, quippe tanti belli exiguam hanc mercedem: sed Persepolim, caput regni eius, Bactra, deinde Ecbatana, ultimique orientis oram imperio destinasse.

Non nemini displiceat in illis istud quoque, sic quidem nudè positum. Nam additâ particulâ magis ferre vulgus possit: *se tum quoque, cum transfret mare.* At Curtius suo eleganti more omittit eam, atque ita cum sæpè, tum lib. 6. *Darium quoque cum occidisset Bagoam, hac excusatione satisfecisse popularibus, quòd insidiantem sibi interemisset.* Nam ita prorsus & illuc capies. Quæ hic sequuntur, in vulgatis meliora. Nos adiuuamus, & totum scribimus: *Se quoque cum transfret mare, non Ciliciam, aut Lydiam, quippe tanti belli exiguam mercedem, sed Persepolim caput regni eius, Bactra deinde, & Ecbatana, ultimique orientis oram imperio destinasse.*

Pag. 55. *Namque inter Apollonidem & duces militum orta seditio irrumpendi in urbem occasionem dedit.*

Quinam obsecro hi duces? Apollonides certè vnus. sed hunc cur velut ex eorum numero excludit? Si istum non excludit, addere debebat & reliquos. Qui autem hi, iterum dico, reliqui duces? Nulli præter Apollonidem & Athenagoram. Huius nomen à librariis supinâ negligentia omissum inferes vicissim, & scribes: *Namque inter Apollonidem & Athenagoram duces militum.* Hos duces paulò antè Pharnabazus faciebat: sed

Pharnabazus Darij prator comprehensis, qui res ad Macedonas trahebant, rursus Apollonidi & Athenagora suarum partium viris urbem cum modico presidio nullum tradidit. Inter eos dissensio & seditio orta dedit Alexandrinis irrumpendi occasionem.

Pagin. 58. *Omni*bus territis, quia quàm altè penetrasset telum, lorica obstante non cognouerant.

Quidquid alij dicant, aut legant, hanc omninò certam emendationem Modius credit. Credat sanè, dum ego non esse sciam. Quid enim est, quod verba ista sonant? Lorica scilicet obstabat, quo minus cognoscerent, quàm altè telum penetrasset: & hoc quia non cognouerant, miseri terrebantur. Nihil languidius dici potuit, vix absurdius etià quidquam. Præsto veram sententiam, quam lectio conficit vulgata: *quia nunquam tam altè penetrasse telum lorica obstante cognouerant.* Verba etiam ipsa non dubito quin sincera: quæ sic iterum interpolauit nouus editor Lugdunensis, vt neque Modij, neque alias aliorum sequeretur editiones, & sequeretur utrorumque: credo, vt neutras offenderet, vel ab vtrisque etiam gratiam ini-
ret. Fecit ἀνώνυμος Aristarchus: *quia tam altè penetrasse telum, lorica obstante, non cognouerant.* Egregiè: & nisi vnicus hic conciliator esset pugnantium scripturarum, æternum fluctuaremus. Atqui certiores ipsi sumus hoc hîc auctorem velle. Nouum & mirum visum Macedonibus, quòd per lorica[m] ita adaucta sagitta esset, vt in ipso humero exstaret, qui nunquam

quam ante cognouissent, illâ obstante, tamen adeò altè telum penetrasse. Ex ea vulneris insolentia terrorem animis concipiebant.

Pagin. 59. Cum suppressus paulò antè sanguis medicamento, longius manare cœpit & vulnus, quod stupens adhuc dolorem nō mouerat, frigente sanguine intumuit.

Inficetissimam glossam, quo retentus erat, rectè Modius expulit: sed idem vnde aut qua causâ stupens mutauit, pro quo alibi recens? Ineptum id hercule. nam stuporem in vulnere hoc medici non agnoscent: nec per eos quod dolorem non mouet ipsum stupere dixeris. stupet, quod illum non sentit: quamquam ne id quidem omne. Sed hæc non sunt huius loci. Vulgatum recens melius sanè, nec germanum tamen, vt opinor. Ex illo stupens, quod è membranis credo Modius promisit, emendo tepens: vnde natum quidem & ipsum recens, quia primum abierat in repens, mox in istud, quod vulgati tenuerunt. Et stupens etiam non aliunde. nam prima erroris indoles, quod temerè aliquando tupens scriptum esset. Calida autem vel tepentia adhuc vulnera dolorem non ciēt, qui frigescentibus inoritur demum. Hoc qui nescit, aut non credit, ci quid, nisi vt in seipso discat, & expertus credat, optem?

Ibidem. Linqui deinde animo, & submitti genu cœpit: quem proximi exceptum in castra receperunt.

Literulâ vnâ minus hoc rectè, quamquam sic etiam rectè. Sed auctor omnino *quum*, nō *quem* scripsit.

Ibid. Batim egregia edita pugna, multisque vulneribus confectum deseruerant sui: nec tamen segnius praelium capeſſebat, lubricis armis suo pariter atque hostium ſanguine: cum vndiq, telis circumducto Alexander, aliàs virtutem etiam in hoste miratus, non vt voluiſti, inquit, morieris Bati, ſed quidquid in captiuum inueniri poteſt, paſſurum eſſe te cogita.

Hæc quoque Modio debemus, à multis inquinamentiſ repurgata. Ac quæ eiecit, quæ reſtituit, eorum improbaremus nihil prorſus, vnum niſi nos moueret, quo nec immeritò alij moueantur. Is conſenſus eſt librorum in hoc additamento, *inſolenti gaudio iuuenis elatus*. conſenſus inquam ſcriptorum pariter omnium & cuſorum. Nec enim eſt de nihilo tam arcta, tam pertinax conſpiratio: & quid vult ſibi tamen, aut quò tendit? Ego cum Modio ferri nego ea poſſe: ſed at textum merum nec auſim affirmare. An igitur emendanda ſtatuemus? equidem ſi poſſunt, quoquo modo. Verùm nos id non ſumemus nobis: tentabimus tamen, quod impunè liceat, ſine periculo Curtij, aut meo. Gaudium non ibi conuenit proſectò, magis ira, de qua præceſſit, *ira quoque accenſus*; & ſequitur, *ira deinde vertit in rabiem*. Ergo poſſim ne ſic interpolare? *Cum vndique telis circumducto Alexander, inſolenti incendio mentis efferatus, aliàs virtutem,*

rem, &c. Ira sanè feruor, ignis, incendium. sed piget hercule probare, quod vereor, vt cuiquam probum. Mihi quidem ipsi non esse palàm testor. ὃ γὰρ μοί δοκέει μύθοιο τελευτῇ

Τῇ δὲ γ' ὁδῷ κρανέεσθαι.

Aliud inueniat alius, si tamen inueniri quidquam à quoquam potest, aut quæri adeò debet. Ecce autem quid hoc, quod sub acumine ipso stili, non quæsitum, sponte se nobis ingerit? vide tu, si quid ad rem facit. Fortasse nihil in iis mutandum, nisi vt odio, pro gaudio substituat-
tur.

Pag. 62. *Tandem ad sedem consecratam Deo ventum est. Incredibile dictu, inter vastas solitudines, ita vndique ambientibus ramis, vix in densam vmbra cadente sole, contacta est: multique fontes dulcibus aquis passim manantibus alunt filuas.*

Alios hîc nihil offendisse non miramur. est enim non sanè nimis asperum, quod meastamen aures radit. Leuigabis vnus adiectione literulæ, quæ geminanda, geminæ suæ occasione periit: *Incredibile dictu, inter vastas solitudines sita, vndiq, ambientibus ramis, vix in densam vmbra cadente sole, contacta est. Sita nempe sedes. Ita superuacuum, nisi ita mutes.*

Pagin. 64. *Nihil amplius quasiuerunt, quàm an auctor esset sibi diuinis honoribus colendi suum regem. Hoc quoq, acceptum fore vates loui respondit, vt ipsi victorem regem diuino honore colerent.*

Aut nimis hîc ego video, aut nihil alij viderunt. Equidem non pannus magis in purpura conspicuus, quàm iste mihi in Curtio adtextus. A mala manu puto appendicem illam totam, *ut ipsi victorem regem diuino honore colerent.* Quorsum enim additamentum tale? Periculum erat, ne caperemus satis, quid auctor vellet, nisi ipse adderet scilicet, quod sine nausea non legeremus. Glossema est, quod tu eiice lector; & vindica nobiscum ab impura inculcatione purissimum castigatissimumque scriptorem.

Pag. 65. *Ad cuius interitum vindicandum, quanta maximè celeritate potuit, contendit.*

An nō melius? *quanta maxima celeritate potuit.* Sic enim potius Latini. ac mirum, in superius etiam sic fuit emendandum: *Bessum quoque Bactrianorum ducem perquam maximo posset exercitu coacto, descendere ad se iubet.* legendum inquam fortè, *Bactrianorum ducem properè quanto maximo posset exercitu coacto.* Curtius, alique sic plerumque: nec tamen alibi *perquam* damnem, hîc tantum vix censcam genuinum, eo, quòd *propter* in quibusdam legitur, vnde *properè*, vel *properiter* eliciendū videtur, ac potius illud, quod magis tritum, & nostro familiare. Alterum sub eadem voce in aliis corruptum, suo loco, suo tempore ostendemus.

Pag. 67. *Omnia longinquarum gentium auxilia Babylonem contrahi iussit. Bactriani, Scythæque, & Indi conuenerant. Nam & cetera-*

tum

*rum gentium copia partibus simul affue-
runt.*

Legendum ac distinguendum omninò: *Ba-
ctriani, Scythæque, & Indi conuenerant iam, & ce-
terarum.* Nam illud non affirmabo postrema et-
iam, mutanda: *paribus studiis affluxerunt.* Quin-
imò in his nihil mouendum edico.

Pag. 68. *Hic commeatum sarcinarumq; maiore
parte deposita, Lycum amnem ponte iunxit, &
per dies quinque, sicut antè Euphratem, traiecit
exercitum.*

Purum hoc esse, non ipsi Fidei crediderim,
etiam iurata. Nam quid ista sibi vult constru-
ctio tam impedita? Ad *Euphratem* quid verbi re-
feres? *traiecit* ne an *iunxit*? illud ex ordine debes,
hoc non potes. Atqui iam & illud occupatum,
vt cum *exercitum* iungatur. Neque igitur po-
test vel cum illo. Quod si cum hoc possit, an-
tè verba traiecienda fuerint in hunc modum:
*Lycum amnem, sicut antè Euphratem, ponte iunxit,
& per dies quinque traiecit exercitum.* Verùm &
audax nimis hoc, & rei parum conueniens.
Nam id quidem notare non voluit auctor, a-
mnem Lycum à Dario ponte sic iunctū, quem-
admodum anteà Euphratem. ita enim cur
non alios enumerat simul, quosunque pon-
tibus aliquando ille iunxit? & hoc verò quor-
sum annotari debuit? illud autem nota di-
gnum, quod & voluit omninò, exercitum nunc
Lycò per dies adeò quinque, quot diebus ipsis
olim Euphrate, traiectum. Nam sic lib. 3. me-

morabat: *Ad Euphratem contendit iunctoque eo pontibus quinque tamen diebus traiecit exercitum, Ciliciam occupare festinans.* Transductio ergo minimè tentanda. Sed ita structuræ manet illud inconcinnum; cui mederi quomodo posset, olim variè cogitavi. Duos nunc proponam modos, quorum erit vel vterque bonus, alter indubitato verus. Nam & sic leuiter expediri possit: *Lycum amnem ponte iunxit, & eo (vel, eoq;) per dies quinque, sicut antè Euphrate, traiecit exercitum.* quod etsi verisimile, verum ipse tamen haud agnosco.

Nunc quod ponam, ita mihi certum, ut ex tripode Delphico credam nihil vnquam exauditum certius. Mihi adhuc dico: sed fore nec aliis dubito, si verè æstimabunt. Nulla mutatione opus, sed planè deletionem vnius vocis, quæ ad finem ab inepto glossographo, siue lectore diligente nimis, adiecta. Hac rursus eiecta turbatrice, quid tranquillius & liquidius istis? *Lycum amnem ponte iunxit, & per dies quinque, sicut antè Euphratem, traiecit.* Amnem traicere non Latinum minus omnes sciunt, quàm amne exercitum. Et in illo subintelligitur hîc nempe, cum exercitu: quod qui expressius scriptum à Curtio volebat, admonitus gemino, quem paullò ante adduximus, loco, adscripsit, securus antecedentium, quæ non patiebantur. Sed & hunc satis res refutat ipsa, & sententiam nostram per se eadem probat,

bat, ne nos hîc verbum vltius perdamus.

Ibid. Opportuna explicandis copiis regio erat, equitabilis & vasta planicies.

Audaculus aliquis, ne nihil moueat, fortè mutet *aquabilis*: & hoc sequentia dicat postulare: *Ne stirpes quidem & breuia virgulta operiunt solum, liberque prospectus oculorum etiam quæ procul recessere permittitur.* Atqui eadem faciunt pro altera voce, quam caue mutari sinas, elegantem, & cuius gemina, quamquam contraria, habetur octauo libro. *Imber violentius quàm aliàs fusus campos lubricos & inequitabiles fecerat.* Illud autem cuiusvis sit arbitrium, an malit, *equitabili & vasta planicie*, casu auferendi. Mea parum interest, & Curtij fortasse nihil.

Pag. 69. *Præcipuus erat labor eorum, qui humeris onera portabant: quippe cum semetipsos regere non possent, in rapidos gurgites incommodo onere auferebantur.*

Verba consequantur ipsos, sed onera abrepta volunt: Et dum sua quisque spolia consequi studet, maior inter ipsos, quàm cum amne orta luctatio est, cum ulque sarcinarum passim fluitantes plerosque perculerant. An ergo mutandum, incommoda onera? Minimè: nam & ipsi sanè gurgitibus hauriebantur. Diodorus in hac re: τὸ δὲ ρεύματος ἢ ὀξύτης πολλὰς τῶν διαβαινόντων παρέσυρε, καὶ τὴν βάσιν τῶν σκελῶν παρεῤῃτο. τότε ρεῦμα τοῖς ὄπλοις ἐμπίπτον πολλὰς τε παρέφερε καὶ τοῖς ἐχάτοις κινδύνους περιέβαλλον.

Et

Et noster antè: *sed gradum firmare vix poterant, cum modò saxa lubrica vestigium fallerent, modò rapidior vnda subduceret.* Quomodo sequentia igitur prioribus aptabis, vt rectius hæreant? Me volente scribas: *in rapidos gurgites vnà cum incommodo onere auferebantur.* Insertum à nobis, *vnà cum*, absorberi facile potuit à proximi verbi prioribus syllabis, *incom.* Neq; pugnem tamen & hîc, si vulgatum retinere se quis malit.

Ibid. *Rex monere, vt satis haberent arma retinere, cetera se redditurum. sed neque consilium neq; imperium accipi poterat.* Obstrepebat hinc metus, præter hunc inuicem natantium mutui clamor.

Ad viuum aiunt non omnia refecanda: me tamen id non tenet, quin minus concinnè putem iungi, *hinc & præter hunc.* Nam non ita quidem, qui diligenter orationem & Curtij exemplo struunt. Alterutro deletò scabrum illud facile tollas. Nam elegantius, *obstrepebat metus, præter hunc:* & adhuc elegantius, *obstrepebat hinc metus, hinc inuicem natantium mutui clamor.* Nam vtrumque vt retineatur, non sic ausim interpolare: *Obstrepebant pariter, hinc metus, hinc in.* n. m. c.

Pag. 70. *Audacia quoq; qua maximè viguit, ratio minui potest, quia nunquam in discrimen venit, an temerè fecisset.*

Offendo hîc, etsi satis capio. Nempe hoc vult: minus audacem videri Alexandrum posse, nec temerarium culpandum, eò, quòd nullius

lius euentus periculi testetur, vllum vnquam temerè suscepisse. Quia feliciter omnia cesserunt, nihil temerariò gessisse probatur. Id et clarum ita satis, locutione tamen ista moueor; *Audacia ratio minui potest*, vt subesse aliud suspicer. Quid enim illa sonat? Rationis vox haud sanè opportuna. quæ quomodò minui dicitur? augeri potius: vt in audacia Alexandri plus fuisset rationis intelligatur. Sed non hoc ita expugnabimus: nec tentabimus quidē aliter, vt expugnemus. Maneat, ac perstet, si quo modo cōstat sibi. Mihi quid ea vox ipsa Rationis subiecerit, apponam saltem, vt alij cogitent diligentius. Venit in mentem leuiter existimare, an non rectius scripsisset Curtius: *Audacia quoque, qua maximè viguit, ratione niti potest*. Potest, inquit, audaciæ isti ratio subesse, quando nunquam eò per eam deuentum, vt temeritas posset iudicari. Perpetua quippe felicitas temeritatē excludit: à ratione proueniat necesse est. *Nihil enim* (vt verè Darius ad milites suos hoc libro:) *nihil potest esse diuturnum, cui non subest ratio. Licet felicitas adspirare videatur, tamen ad vltimum temeritati non sufficit*. Hæc igitur ista illibata felicitas regis argumentum certissimum est non imprudentis audaciæ, sed consideratæ rationis. Atq; hoc non vanè fortasse Curtius: alij tamen, & ipse aliàs ad Fortunam omnia aut pleraque eius refert. Pauca loca non aliorum, sed huius ipsius vide libro 3. *Iam primum nihil sine diuina ope aggredi videbatur. nam cum præsto vbique esset fortuna, te-*
meritas

meritas in gloriam cesserat. libro 8. *Fortuna indulgendo ei nunquam fatigata.* libro 10. *Fatendum est tamen, cum plurimum virtuti debuerit, plus debuisse fortune, quam solus omnium mortalium in potestate habuit.* Sed in hac lite nihil vtilius feceris, nihil rectius, quam si Plutarchum consulas duobus libellis id ipsum propriè argumentum (περὶ τῆς Αλεξάνδρου τύχης, ἢ ἀρετῆς) luculenter & egregiè persequentem. Ex quorum posteriore non mihi tempero pauca verba describere, quibus pulcherrimè controuersiam ipsam ita decìdit, vt neque aduersum fortunam pronuntiet, & litem magis det tamen secundum virtutem & rationem. καὶ γὰρ εἰ διὰ τὴν μέγαν γέγονε, μείζων ἐστίν, ὅτι τῇ τύχῃ καλῶς κέχρηται. καὶ ὅσοις ἂν μᾶλλον αὐτῇ τὴν τύχην ἐπαινῇ, τοσούτω μᾶλλον αὖξαι τὴν ἀρετὴν, διὴν ἄξιός τῆς τύχης ἐχέτω.

Ibid. Mazæus, si transeuntibus flumen superuenisset, haud dubiè oppressurus fuit incompósitos in ripa: demum etiam per armatos adequitare cœpit.

Diffiliit vox in duas, quas in vnā coge iterum & compelle, *per armatos.* Ita superius: *Hoc modo instructo exercitu ac perarmato Babylone copias mouit.* Itemque eadem forma: *Nondum percurato vulnere.*

Ibid. Biduo ibi statiuarex habuit, in proximum deinde pronuntiare iussit.

Omissa hîc vocula, quam alij libri benè retinent: *in proximum deinde iter pronuntiare iussit.* Hæc necessaria: non illa, vt diem etiam addatur.

Ea venustè supprimitur. libro 6. *Pronuntiare deinde iter in posterum iubet.* libro 8. *Iamque iter parare in posterum iussus.* In Tacito id quoq; crebrum, & magno Lipsio sedulò notatum.

Ibid. *Iam nec flumina posse adiri, nec sidera pristinum servare fulgorem.*

Vanè nimium exaggerant, si ita dixerunt, *adiri.* Neque enim verum, quid enim adire prohibuerit? Sed non id verbi Curtius iis tribuit: à librario affictum, querelæ augendæ. *Vadari* credo auctor scripsit, aut *transiri*: sed illud potius, quod ad literas propius. Ad recentem quidem in transeundo Tigri casum respicitur saltem, in quo firmare gradum nō potuerant propter & fluminis rapacitatem, & saxorum lubricitatem.

Ibid. *Vastæ terras, desertæ omnia occurrere: vnius hominis iactatione tot milliū sanguinem impedi.*

Modius ita maluit è libris, ut ait, scriptis. Mihi vulgati probiores, in vnius h. iactationem, etsi equè & illud facias bonum, si iactationi substitueris pro iactatione.

Pag. 72. *Extincto igitur igne plurimum frumenti repertum est: copia aliarum quoq; rerum abundare cœperunt.*

Cape interpoles, quò libri fortasse quidam te inducant: *Ex. i. i. p. f. receptum est: copiam al. q. r. abundè repperunt.*

Pag. 75. *Pudicitia earū quæ supersunt curam haud secus quam parens agens, reginas appellas, speciem pristina fortuna retinere pateris.*

Malim

Malim etiam *agis*, ut eodem omnia sint flexu.
 Ibid. *Nunc quidquid inter Hellepontum & Euphratem est, in dotem filiae offert. Tibi tradit Ochum filium, quem habes, pacis & fidei obsidem retine. Matrem & duas virgines filias redde.*

Placuit Modio sic edere: cui vulgatum visum ineptissimum. Mihi contrà tolerabile, quod in aliis: nihil hoc ineptius, quod substituit. Etenim quid est, *Tibi tradit, quem habes?* Si habet iam alter, quid alter tradat? Exēplaria reliqua vulgo: *in dotem filiae offert, quam tibi tradit. Ochum filium quem habes, &c. Amplector. filiam in matrimonium nempe tradit. Si quid omninò mutādum tamen, aliud quidvis potius admittam præ Modiano. Vel scribe: in dotem filiae offert. Tibi credit Ochum filium, quem habes: pacis & fidei obsidem retine: matrem, &c. Vel: in dotē filiae offert, tibi cedit. Ochum filium, &c. quod firmari videatur Alexandri responso: Hinc me depellite, ut sciam vestrum esse, quod ceditis. Me tamen in vulgari inuēt conquescere.*

P. 75. & 76. *Periculosum est pragraue imperium: difficile est continere, quod capere non possis.*

Nescio an frustra malim *pragrande*. Caussam quidem habeo verba, quæ subiiciuntur, *capere, & cōtinere*: quibus magnitudo potius respicitur quàm pondus. Etiam ipsa probare comparatio videtur: *vides ne ut nauigia quæ modum excedunt, reginequeant?* quæ tamen ambiguè trahi pariter ad grauitatem potest.

Pag. 76. Tandem Parmenio, *Ante suasissēm ait, ut captiuos apud Damascum redimentibus redderes. ingentem*

*ingentē pecuniam potuiffē redigi ex ijs qui multi
vincti virorum fortium occuparent manus.*

Modio non probum fatis illud *multi vincti*,
nec quod dicat tamen habet. Ego etiam dubi-
to, an non scribēdum potius, *qui simul vincti vi-
rorum f. o. m.* expedito magis & claro sensu isto.
qui nunc vincti occuparēt & quasi vincirēt si-
mul illorū manus, qui in custodijs dediti nihil
adiuare vllā alīā opēā possent ipsum bellū. i-
ta vinctos illos aliud esse nihil, nisi vincula suo-
rum custodum, certē impedimēta, per quæ nō
liceret alibi melius vti strenua virorum fortiū
manu. Fit tamen hæc sententia ipsa & ex rece-
pta lectione: quam parum nūc abest, quin esse
veriore & retinendam censeam. Latet for-
tasse vis eius in oppositione, qua *multi* illi non
inuēnstē opponātur *vni* isti *anui & duabus puel-
lis*, de quibus mox subinfertur. Atque hoc tanē
placet, quod ipsum vt placeat clareat que ma-
gis, addendam initio copulam aio, quæ totam
comprehensionem in hunc modum nectat:
Tandem Parmenio, Et ante suafissem, ait, &c. huic e-
nim respondet deinceps, *Et nunc magnoperē cen-
serem.* Aptandæ igitur & distinctiunculæ. quod
per se quilibet iam poterit, ne longa nos otio-
sæque verborum serie chartam occupemus.

*Ibid. Opimum regnum occupari posse conditione,
non bello: nec quemquam alium inter Istrum &
Euphratem possedisse terras ingenti spatio inter-
ualloque desertas.*

Non iniuria suspecta mihi vox desertas: nec

scio tamen satis, quam reponam. Cogito *distin-
gas*, item *disseptas*, itemque *discretas*. Vna harum
non dubiè vera. Quā malet quisque, legat sibi:
vel aliā ipse inueniat magis cōmodā, si potest.

P. 77. *Veram enim uero cum modò milites meos lite-
ris ad proditionem, modò amicos ad perniciem
meam pecunia sollicitet, ad internecionem mihi
persequendus est, non ut iustus hostis, sed ut per-
cussor venificus.*

Inserenda copula, *sed ut percussor & venificus*:
nisi iterandum potius ipsum ut. Nam diuersi ve-
nificus & percussor, & utrumque increpat Da-
riū diuersā causā: percussorem, quia milites;
veneficum, quia medicos sollicitaret. Ac vide
ne pro *amicos* hīc planè scribendum etiam *me-
dicos*: de quo non pugnabo tamen. Ad Philippū
certè medicum, sed eundem & amicum, respi-
citur, quem pecunia ingenti à Dario corruptū
Parmenio lib. 3. regi nunciabat. Quod ad mili-
tes: hī & aliās alij, & nunc paullò antè Græci li-
teris tentati, non ut proderent modo, sed et-
iam vel interficerent.

Ibid. *Eadem libertate dat mihi filiam: suam nempe
quam scio alicui seruorum eius nupturam.*

Typographicum puto saltem mendum *li-
bertate* pro *liberalitate*. Nam sic libri alij habent,
rectè. Præcessit: *Quæ post Euphratem sunt, liberali-
ter donat*. Utrumque *εὐφρατικῶς*. Idem etiam libri
melius *scit*, ubi Modiani *scio*: quod nec opinor
operarum *σφάλμα*. Tu corrige, qui vides vel à
proximis verbis id flagitari: *Multum verò mihi
præ-*

præstat si me Mazæo generum præponit.

*Ibid. Hoc regente, vtriusque terminos regni, id quæ-
que habiturum, quod proxima lucis assignatura
fortuna est.*

Leuiter interpunctum peccat in Modianis,
quod tolle, vt iungantur, *Hoc regente vtriusque
terminos regni.* Qui de regno certant, eorum fi-
nes belli fortuna regit.

*P. 78. Duo cornua diuiferat peditum, vtrimque la-
teri equite circumdato.*

Correxisse è membranis ait Modius, si cre-
demus adeò correxisse. Nam ego priora sic ad-
huc puro corrigenda: *In duo cornua diuiferat pedi-
tem.* posteriora nego fuisse corrigenda, *in vtrum-
que latere equite circumdato:* aut certe aio non ne-
cessariò fuisse. Nisi enim venusta etiam sic, cer-
tè non inuenusta, quantumuis idem clamet,
quem (malum!) tale qui?

*Ibid. Pedites his plurium gentium nõ immixtos, sed
sua quisque nationis iunxerant copias.*

Damnat iterum Modius impressos, qui ha-
beât, *mixtas*, ineptissimè. Quomodo tandè hoc
vel ineptè? Ineptè mèbranæ potius, nisi scribas
etiam *immixtas*. Verba enim quæ aliter strues,
nisi copias iunxeris mixtas siue immixtas?

*Ibid. Persas deinde cum Marfis Sogdianique Ario-
barzanes & Oriobates ducebant. illis partibus
copiarum Orsines præerat.*

Etiam nunc vulgatos libros acerbo iudicio,
si iudicio tamen, damnat Modius. Vnde, ait,
aut quæ hæc monstra? *Illi partibus copiarum, sum-*

ma Orsines præerat. Nescio equidè unde: sed obsecro monstra tu audes ista? Tua magis, quæ produxisti è membranis. quæ si tibi pro Apolline Delphico semper, age vaticinare indidem, quibus copiarum partibus præfuerit Orsines. Scribunt, *illis.* quibus? inquam ego. nempe quæ proximè nominatæ, Persis, Mardis, Segdianis. Abi cum isto oraculo. Non vides datos iam ijs ipsis duces Ariobarzanem & Oriobatem? Si id non videras, ipsa te hæc verba monere poterant insulsissimæ sententiæ. Cur enim partibus, & indefinitè illis, non vni alicui certæ dicatur præfuisse? Verùm quid diutius & meo & lectoris otio abutatur? Isto meridie clarius est, veram lectionem vulgatorum: qui partibus earum copiarum Ariobarzanem & Oriobatem, summæ earundem disertè præficiunt Orsinem: aut si non hanc vsquequaque veram, certè salissimam membranarum, quæ nec ipsæ suis verbis sententiam bonam explicant, & optimam præcedentium implicant, tum vniuersam turbant prorsus & corrumpunt.

Ibid. Hunc Armenij, quos minores vocat Armenios, Babylonij, vtrosque Belitæ, & qui montes Cossæorum incolebant, sequebantur.

Distinctiuncula & hic in vulgatis integra, apud Modium vitiosa. Res ita poscit: *Hunc Armenij, quos minores vocant; Armenios Babylonij; vtrosque Belitæ.* In ijsdem forsan etiam rectius *incolunt,* quàm apud hunc *incolebant.*

P. 79. *Cœli fulgor tempore æstiuo ardenti similis internitens ignis præbuit speciem, flammæque ex Darij castris splendere velut latis tenderent præfidijs credebant.*

Hic verò quæ vulgò corruptissima, fecit Modius ut essent multò meliora. Nā optima necdum ego puto, nec ipse fuit ausus affirmare. Fluctuat imò me ipso magis, & nescio quid alterius scripturæ cōfingit etiā è mēbranis. Hanc ipsius causa vellem omisisset. nec erat periculum, ne præter eum alius de illa suspicaretur. Nos autem quid habemus? Olim argutati sumus, atque ita conabamur: *flammæque ex Darij castris splendere, velut latis temerè radijs, credebant.* id adeò ex ijsdem Modij membranis, quæ habent, *velut illatis temerè prædijs.* Ac nostræ lectionis sensus erat iste: credebant è Darij castris flammæ scintillantes exsplendere, cū radij fulgoris cœlestis inter se temerario cōcursu quasi velitarentur. Ita enim videtur hoc fulgorum genus: quod ad illa referebā Aristotelica in libello de Mundo, si is Aristotelis est tamen satis certò: ἰῶν δὲ σελάων ἃ μὲν ἀκοντίζονται. ἃ δὲ σπείζονται. ὁ μὲν ἔν ἐξακοντισμῶς ἐς πυρὸς γένεσις ἐκ παραλείψεως ἐν ἀέρι φερομένη ταχέως καὶ φαντασίαν μήκους ἐμφαίνοντος διὰ τὸ τάχος. Quæ sic Apuleius noster vertit: *Horum pleraque iaculari credas, alia labi: stare alia.* Iaculatio igitur tunc fieri putatur, cū meatu aeris impulsus generatus ignis, celeritatem sui cursumque rapidæ festinationis ostendit. De his quidem ardoribus indubitatim locus

interpretandus: at de *velitatis*, siue *iaculatis*, quod etiam ipsum exinde coniiciebam, valdè nunc hæremus. Displicet argutiola in verbis tota, quæ magis iam sobriè tractamus, & vestigia propius legimus vulgatæ lectionis. Sic tamen duplex quoque scriptura nata nobis. harum prior non contemnenda: *veluti laxis tenderet præsidijs*. Tenderet enim de Dario capi volo, non de castris *tenderent*. *Laxis* etiam in hac re melius: atque ita lib. 3. in re simili: *Ignes deinde totis campis collucere cœperunt, omniaque velut continente incendio arde-re visa, cum incondita multitudo maximè propter iumenta luxius tentoria poneret*. Iam *veluti* non ob aliam causam, nisi ne insuperhaberetur syllaba prior in *illatis*, quæ scilicet orta ex isto *i*, loco suo moto. Sed altera magis mihi probata, quæ quamuis licentior, est tamen aptior: *veluti laxius tenderent præsidia*. Ac præsidia capies hîc de ipso toto exercitu, nouo more, sed apud Curtium non planè nouo. Sic enim etiam superius hoc ipso libro: *Multis tamen salutis fuere Sidonij, qui intra Macedonum præsidia erant*: id est, qui erant in exercitu, siue pars exercitus Alexandri. Aliàs præsidia strictioris intellectus, qui vulgò adhuc solus notus. Hunc & hinc notemus, & porrò alibi inquiramus.

Ibid. Alexander cognito pauore exercitus, signum vt consisterent dari, ante ipsos arma deponere ac laqueare corpora iubet.

In vulgatis *ante* non est, & abesse sanè potest: in membranis autem si fuit, *inde* fortasse debuit emendari.

Pag. 80. Tum verò vniuersa futuri discriminis facies in oculis erat. armis insignibus equi virique splendebant, & omnia interiorè cura preparari: sollicitudo Prætorum agmina sua interequitantium ostendebatur, ac pleraque inania, sicut fremitus hominum, equorum hinnitus, armorum internitentium fulgor, sollicitam expectatione mentem turbauerant.

Quid dicemus? consultò Modium hoc quoque, vt alia in eodem isto loco mutasse, an operas errasse? Nam *intentiorè* & libri reliqui habent, & planè sic legendum. Præter autem illud, quod corrigi aliunde poterat, aliud est etiam in hoc loco, quod ex alijs non potest. Scribunt omnes eodem modo, & ferri sanè possunt: nec me fallit tamen, sic legendum potius & interducendum: *Armis insignibus equi virique splendebant: & omnia intentiorè cura preparari sollicitudo Prætorum agmina sua interequitantium ostendebat. ac pleraque inania, sicut fremitus &c.* Melius istud qui negabit, eum verè bonum quid sit nego scire.

Pag. 82. Quippe ritu ferarum prædam modò quam expeteret intuentem, in perniciem quæ ante prædam posita esset, incurrere.

Simplex isti loco conuenientius, *peteret*, neque composito Curtius hîc vsus.

Ibid. Alexander non aliàs magis territus, ad vota &

preces Aristandrum vocari iubet. Ille in candida veste verbunas manu praeferebat, capite velato, praestabat preces regis, Iouem Mineruamque & Victoriâ propitiatus.

Debet hic locus Modio non modicè, qui nec vidit vnum tamen, quo viso, nâ ille miserum Glarcanum vehementius incessisset, cuius nunc industriam acerbè videt, & ridiculum nobis omnibus modis facere studet. Sed id, quod reliquum dico, quàm erat cuius facile tollere! nisi si dedignati forsân alij huc se demittere. Nos Curtij causa & minorauimus, tam hercle, quàm maiora. Scribimus regi, & propitianti. Verba, preces, iuramentum alicui præire Latinum: alterum nec ipsum non Latinum, illo tamen eodem sensu vix Latinum. De cetero, Iouem quòd hîc addit, insolitum. Nam alibi Mineruam saltem iungit & Victoriâ. lib. 8. *Victimis Mineruæ Victoriæque caesis imperium Sysimithri restituit.* lib. 9. *Ara in petra locata sunt Mineruæ Victoriæque.* An ergo Iuppiter ex hoc Dearum collegio excludendus, alij vidento.

P. 81. *Diu Parmenio cunctatus, cibum vt caperent ipsi pronuntiat.*

Multo melius hîc quoque vulgati, *cibum vt caperent, ipse pronuntiat.* ipse vltiò iubet, non expectato amplius Alexandro.

Ibid. *Et cum in eadem admiratione Parmenio assueueret, quod solum se curis somnum cepisse dixisset, Minimè, inquit, mirum est.*

Illud

Illud vero maximè mirum est, ex diuersitate scripturæ huius in membranaceis & vulgò cunctis libris, qui habent, *quod securus somnum cepisset*, non subuenisse Modio, vtrumq; glossam esse. Ego fidenter esse pronuntio, deberique iam nunc & rescribi iubeo simul *perseueraret*, quod item melius in vulgatis: *Et cum in eadem admiratione Parmenio perseueraret*, Minime, inquit, mirum est. Quæ sit admiratio ista, iam ante satis scimus, ne inculcandum nobis iterum inepti scoli putent.

Ibid. *Vos ite ad copias quibus quisque præst: ego iam adero, & quid fieri velim, exponam.*

Non mutamus, sed mutari, si quis velit, facile patimur. *præstis.*

P. 83. & 84. *Raro admodum admonitu amicorum, cum metus discriminis erat, uti solebat. Tunc quoque munimento corporis sumto, processit ad milites.*

Neque rectum, neq; verum, discrimine imminente, raro amicorum admonitu vsum Alexandrum: si modo loqui nobis etiam ita licet. nam quid adeò est hoc ipsum, *uti admonitu amicorum?* Tum illa quid volunt sibi, *Tunc quoque munimento sumto?* Nimitum egregie nos emendasse, parua translatione, minore vnius voculæ mutatione, imò minimà syllabulæ vnius recisione legimus ad hoc exemplum: *Tunc, quo raið admodum admonitu amicorū, cum metus discriminis erat, uti solebat, mun. mento corporis sumto. processit ad milites.* Verum id ex multis patet historię

huius locis. Vnum dabo, qui sit præ omnibus.
 Supra hoc ipso libro: *Iamq; ad regem præliantium
 clamor peruenerat, cum denuntiati periculi haud sanè
 memor, loricam tamen, quam rarò induebat, amicis o-
 rantibus (an & hic hortantibus? quia illic admo-
 nitu amicorum: nihil tamen mutem.) assumpsit, &
 & ad prima signa peruenit. De sententia clarum nunc
 & liquidum: de verborum ordine si quis tur-
 bet, haud equidem negarim, leuiori traiectione
 sic defungi posse: Rarò admodum, admonitu a-
 micorum, cum metus discriminis erat, vti solebat, quo
 tunc munimento corporis sumto processit ad milites.
 Deniq;, ne hoc omittam, vox admodum non su-
 perflua quidem prorsus, & tamè videri possit,
 ex sequenti, admonitu, per repetitionem earun-
 dem literarum temerè nata.*

P. 84. *Haud aliàs tam alacrem viderant regem
 & vultu eius interrito, certam spem victoria au-
 gurabantur.*

Scribes inserta præpositione: *& ex vultu eius
 interrito c. s. v. augurabantur.*

Ibid. *Post illos Polyperchon dux peregrini militis.
 huius agminis Amyntas princeps erat.*

Venimus ad locum, qui Modio crudus, mi-
 hi crucius, & ipsa crux. Concoquere ille non
 potest Amyntæ nomen, quem prælio huic certum
 est non interfuisse. Testis illi Arrianus, sed &
 noster mihi, qui supra in Macedoniam cum
 ablegauit: Amyntas cum decem triremibus in Mac-
 doniam ad inquisitionem (forte, anquisitionem) nouo-
 rum militum missus, & post reducit demùm lib. 5.

Ceterum

Ceterum quo minus damnum sentirent, identidem incremento nouabantur. Namq; Amyntas Andromenis ab Antipatro Macedonum peditum sex millia adduxit, quingentos præterea eiusdem generis equites. Conuenit hoc nobis: illud minus, quid reponendum. Atque ex illo conicere vix possis, quid statuerit: ita ambiguè sententiam perscripsit. Dubitet, Philotam, an Menidam substitui velit: etsi quidem ego de Menida sensisse penitus opinor. quod nisi est, vanum illud & exsensum totum annotamentum. Illa præcipuè verba eius turbant: *Philotamque equitum præfectum, vt & Curtius, alibi faciat*. Scimus ex Arriano, nec tamen item è Curtio, sed certè & ex Diodoro, ducem Philotam vniuersi equitatus amicorū: sed quid huc ille? Mentis eius aut manus aberratio fuit, Philotam pro Menida scribentis. Nam hic præfectus equitum mercenariorum Arriano aiente, nec Curtio negante: quamquam hic simpliciter equitum scribit, non addit expresse mercenariorum. Ac ponit enim Arrianus in dextro sanè cornu, in quo collocetur & à Curtio, si nomen eius hic recipimus, quod voluisse planè Modius videtur. Diodorus in aciei tota dispositione verbulo eius non meminit, ad finem perstringit leuiter in enumeratione amicorum & ducū illustrium hoc prælio vulneratorum. Sed recipiamus sane Modij suasu Menidā, ac legamus: *huius agminis Menidas princeps erat*: age dic modo, cuius ille agminis princeps? eiusne, q̄ proximè præces-

fit?

sit? ita debebat: sed ibi iā dux apertè Polyper-
 chon nominatus. Quid igitur? an deesse quæ-
 dam hic putabimus, in quibus agmen ipsum,
 cui ille princeps, sit expressum? An potius, uti
 Modius hinc Amyntam, sic nos indidem i-
 psum quoque Menidam vnà cum agmine suo
 expellemus, ut verborum eorum alibi sedem
 insequentibus faciamus? Ita quidem videat-
 ur: quoniam aliquot infrà loca, ubi agmina
 quædam memorantur, locis quæque suis in a-
 cie disposita, non memorantur vnà eorum du-
 ces. Vbi tamen inserantur commodè satis,
 haud perspicio: nisi si post illa fortè verba: *Sed*
ne circuiiri posset à multitudine, vltimum agmen vali-
da manu cinxerat. Huius agminis Menidas princeps e-
rat. Verum neque hoc firmat historia, & ve-
 reor magis ne refellat. Diodorus quidem nul-
 lum & ipse ducem his assignat: nec adeò vali-
 dæ manus illius meminit, nisi quod post The-
 salos sub Philippo, Cretenses sagittarios & sti-
 pendarios ex Achaia ponit. Iam id contra hi-
 storiam fortasse, quod in læuum cornu tra-
 duximus hoc agmen, quod relinqui melius e-
 rat in dextro, & ordine planè suo. Relinqua-
 mus, & iam ibi videamus, an quoquo modo
 verbaliceat interpretari. Vult ne igitur illud
 auctor, inter omnes, quos recensuit, primum
 & in fronte Menidam stetisse? Nam ita certè
principem melius accipiamus, quam pro *duce*,
 cuius non habet ille vim genuino significatu.
 Atque hoc de voce benè: de re suadere vide-
 tur

tur Arrianus, qui vniuersis ad hoc ipsum cornu præstitutos ait equites mercenarios, quibus hic Menidas præfectus. En verba libr. 3. *ἑκὺς πάντων δὲ περὶ τεταγμένοι ἦσαν οἱ μισθοφόροι ἰσπανῆς, ὧν Μενίδας ἦρχε.* Sed suadet hic, non etiam persuadet. An ergo emendatiuncula tentanda è Diodoro? Hic Polyperchonti, qui ipsi Polyperchon, Stymphæos subiicit, cui noster *ἀνώνυμον* peregrinum militem. Vide ne in Amynta damnato hi Stymphæi latitēt, qui literis ab illo non penitus abhorrent. Quod si est, concinnare verba possis: *Post illos Polyperchon dux peregrini militis, cuius agminis Stymphæi principes erant.* Diodorus: *ἦν δὲ συνεχὴ τῶν τῆς Πολυπερχων, τεταγμένων, ὑπὸ αὐτὸν τῶν ὀνομαζομένων συμπαίων.* Dubium hoc quoque tamen æque: nec illud istis certius, an ex Arriano rursus immutandum in hanc faciem: *Huius agminis manus Amyntæ princeps erat.* Nam ille ecce: *ὅππῃ δὲ, ἡ Πολυπερχωντὶ τῷ Σιμμίῳ. ὅππῃ δὲ, ἡ Ἀμύντῃ τῷ Φιλίππῳ. ταύτης δὲ ἡ γῆ τοῦ Σιμμίου, ὅππῃ Ἀμύντας ὅππῃ Μακεδονίας ἐς ξυλλογὴν στραπᾶς ἐσαλμῆν ἦν.* Ac stuo, æstuo, ac vere,

—*velut minuta magno*

Deprensa nauis in mari vesaniente vento.

Nec est inter historiæ huius omnes scriptores, qui vlla ratione tranquillet aut leniat hunc æstum: quin vltro pro se quisque magis accendit, ac fluctus acriores mouet. Vbique in iis video non leues dissensus, nusquam maiores crebrioresque, quam in ista parte, vt sint ipsi pror-

psi prorsus in hac τάξει ἀτακτοί. Pænè mihi conspirasse videntur, vt nemo hic idem cum alio dicat. Neque in ordine solum rei turbant, etiam in nominibus ipsis mixticè. Vt vnum atque alterum modò tangam, Orestas & Lyncestas populos facit Diodorus, cum ait: ἐξῆς δὲ τὴν τῶν Ὀρέστων καὶ Λυγκιστῶν τάξιν ἔστησεν, Περδικκὸς τὴν στρατηγίαν ἔχουσι. Hi Curtio sunt duces *Post eum Orestes Lyncestesque*. De iisdem Arrianus plane silet. Iam Curtius ait *Philagrum Balacros* (ita enim ex prisca editionibus legendum Modio assentiamur, non vt idem edidit tamen. *Philigrum Balacrisæos*) rexisse: Diodorus horum loco nescio quid de Philippo quodam Balacri (qui sanè Balacrus inter Alexandri duces apud Curtium non semel nominatus) filio suggerit: Φίλιππος δ' ὁ βαλάκρος τὴν συνεχῆ τούτης στρατηγίαν ἐπλήρωσεν (emendo transiens, ἐκλήρω,) καὶ τῆς μετ' αὐτὴν Κράτερος ἡγήτο. vbi & Craterus in cornu dextro, qui apud Curtium & Arrianum in læuo. Balacros quidem & Arrianus memorat, iaculatores appellans, qui locati fuerint ante amicorum equitatum. Sed piget hæc talia vel diligentius inquirendo, vel enotando prolixius confectari. Neque fructum id habeat, neque si habeat, est loci huius aut instituti nostri. Ad Curtiū redeamus, cui quas possumus maculas, & vt possumus, eluamus.

P. 85. Qui cornibus præerant extendere eaiussi, ita vt nec circumuenirentur. si artius starent, nec tamen vltimam aciem exinanirent.

Mem-

Membranas secutus *ultimam* Modius edit, cum in editis rectum agnoscat tamen *mediam*. Culparem factum, nisi eo ipso occasione dedisset mihi verioris quærendæ lectionis, & fortasse an inuentæ. Credo enim corruptum in membranis *ultimam* fuisse pro *intimam*, quod plane idem est ac *mediam*: & hoc *ἔσχατον* sititius fuisse interpretationem, atque inde invulgatos irrepisse. De media quidem vel interiore acie probant & intelligi hic omnino volunt, quæ Darius paullo post ad suos: *Vide-
tis ordines raros, cornua extenta, mediam aciem vanam & exhaustam*. Idemque ante ista: *Contemse-
rat paucitatem hostis, vanam aciem esse extentis corni-
bus ratus*.

Ibid. *Impedimenta cum captivis, inter quos ma-
ter liberique Darij custodiebantur, haud procul
aciem in edito colle constituit, modico presidio
relictis*.

Lapsus operarum est & iste forsan. Nam Modium puto *acie* voluisse: cui vulgati addunt *ab acie*: qua particula nihil opus. Non aciem constituit in colle, sed haud procul acie impedimenta. Sic enim iungenda verba: non, ut accipias, *impedimenta custodiebantur*.

Pag. 86. *Neque enim ad belli discrimen pertinere,
qui ab his Scythæ, quiue Cadusi appellantur*.

Sic ubique: sed vera lectio, *qui ex his*. Quod sequitur, *Scytharum* vocabulum, mihi suspectum. Neque enim hi Alexandro vel militibus esse potuerunt adeo de nomine etiam igno-
ti. Quia

ri. Quin aliud potius nomen latet alterius ignobilioris generis.

Ibid. *Nec postulare se, ut fortiter capefferent praelium, ni ipse ceteris fortitudinis fuisset exemplum: se ante prima signa dimicaturum: pro se quot cicatrices, totidem corporis decora.*

Darius similiter ad suos de se ante hanc ipsam pugnam: *Nec recuso, quo minus imitemini me, siue fortitudinis exemplum siue ignavia ero.* Sed quid quærit hic sibi illud *pro se*. Distinguendumne aliter dicemus? *se ante prima signa dimicaturum pro se: quot cicatrices &c.* an delendum, ut quod in eadem causa sit cum deletio iam *spondere*? Videantur enim & hoc addidisse, qui alterum: ut Alexandrum fecerint *pro se spondentem*. Neutrum mihi probetur. quin & *voculâ*. & *distinctiunculâ* relictâ mutandû aio. *prorsus. Prorsus, quot cicatrices, totidem corporis decora.* Particulæ eius elegantem hunc usum elegantes homines sciunt, & nos alibi fortasse magis illustrabimus.

Pag. 88. *Nam ultimi quos locauit auersos, terga iam præbent.*

Oratorium videatur hoc, & imprudenti Curtio excidisse, dum ingenio indulget in oratione fingenda. Sane suspectum ea dubitatio facit, qui Darius scire potuerit de ordinibus auersis. Bonis enim oculis & vix humanis necesse est fuisse, qui totam aciem visu permetiretur, & ad ultimos ordines ita penetraret, ut discrimina etiam agminum & positus eorum
perui-

peruideret. Nisi si à transfugis accepisse credemus, quod solum excusando Curtio dici possit. Ac in eadem plane causa superius etiam illud est: *Et profecto si qua diuina opis auguria humana mente concipi possent, deos stare secum: illos nuper Macedonum animis subitam incussisse formidinem: adhuc lymphatos ferri agique arma iacentes.* Dubites enim & ibi, vnde idem tam citò de formidine hostium cognouerit. Sed esto apud transfugas & exploratores Curtio perfugium. Ita tamen omnia debebant temperari, vt nihil nisi verisimile dicatur, nihil admittatur: quod vel minimam excitare suspicionem queat dubiæ veritatis.

P. 89. *Matrem meam, duas filias, Ochum in spem huius imperij genitum, illos principes, illam sobolem regie stirpis, duces vestros regum instar, victos habet: nisi quid in vobis, ipse ego maiore mei parte captiuus sum.*

Concinnius videri possit, alio verborum positu: *Ochum in spem huius imperij genitum, illam sobolem regie stirpis, illos principes, duces vestros regum instar &c.*

Ibid. *Eripite viscera mea vinculis, restituite mihi pignora, pro quibus ipsi mori non recusatis.*

Valde metuo, ne legendum cum vulgatis: *pro quibus ipse mori non recuso: quod & Modius subuerebatur.*

Pag. 91. *Inter hæc Menidas præfectus equitum Alexandri cum paucis turmis opem impeditentis laturus aduenerat, & incertum suone con-*
G filio

fronte & à tergo hostem habebat. Qui auerso ei instabant, ab Agrianis equitibus premebantur. Bactriani impedimentis direptis &c.

Pag. 93. Lugubri ergo ululatu & incondito clamore gemituq, totam fere aciem adhuc aquo Marte pugnantium turbauere cognati Darij & armigeri; lauoq, cornu in fugam effuso destituerant currum, quem à dextera parte stipati in medium agmen receperunt.

Indiligenter alij fuerant hic: sed quod illi viderant minus, vnus Modius è membranis correxit. Vidit & correxit, necdum ille tamen omnia, quædam nec satis recte. Dabo prius vulgatam lectionem, mox deinde censuram nostram. Cognati Darij & armigeri, lauumque tuentes cornu in fugam effusum destituerant currum. vocem tuentes eiecit Modius: mallet, cornu. Nihil enim huc cornu aciei, quod nec erat vllum iam amplius, illâ tam variè turbatâ: certe non nunc ipsum in fugam effundebatur. Ego aliud video, sic scilicet emendandum, vt ascribam: Lugubri ergo ululatu & inc. cl. g. t. f. a. a. e. M. p. turba- uerant cognati Darij: & armigeri lauum tuentes in fugam effusi destituerant currum, quem à dextra parte stipati in medium agmen receperunt. Armigeri ad læuum Darij latus positi, occisum eum nunc rati, in fugam se dabant curru destituto: quem alij ad dexteram stabiles & firmi in agmen suum recipiunt vndique circumfusi. Verus iste sensus, qui nec aliter à Curtio expressus. Lauum simpliciter intelliges, vel subintelliges

partem, uti mox à dextera parte: quamquam sane & hic vocula illa ipsa abesse potest, & utroque læua & dextera absolute capi.

Pag. 95. Darius paucis fugæ comitibus ad Lycum amnem contenderat, quo traiecto dubitavit an solueret pontem. quippe hostem iam affore nuntiabatur.

De Lycum amne vere noster, ut sibi constet. Hunc enim ponte iunctum & traiectum à Dario supra memoravit. At Iustino quæ in mentem venit de Cydno affirmare? libr. XI. *suadentibus deinde quibusdam ut pons Cydni fluminis ad iter hostium impediendum intercluderetur: non ita se salutis suæ velle consultum ait, ut tot millia sociorum hosti obiciat: debere & aliis viam patere, quæ patuerit sibi.* Mirum ni emendandus hic è nostro. Nam quid huc Cyd nus, qui Ciliciæ fluuius? In Lycum Arrianus etiam consentit, etsi non Darium quidem eo diserte profugisse narrat, sed Alexandrum, cum hunc insequeretur, transisse. Diodorus neutrius meminit, nec adeo fugæ ullius ad vel ultra pontem. In Iustino verbum quoque vix sincerum, *intercluderetur: quod duriuscule de ponte, rectius de amne aut itinere ipso dicas.* An mutandum, *intercideretur?* ut Curtius hic mox deinde: *sed tot millia suorum, quæ nondum ad amnem pervenerant, ponte reciso prædam hostis fore videbat.* Ad quod ipsum exemplum vitæ ne & porro in Iustino scribendum, *ut tot millia suorum hosti obiciat.*

Ibid.

Ibid. *Alij qua breuissimum patebat iter, alij diuisi saltus & ignotos sequentibus calles petebant.*

Scribendum plane cum vulgatis, *diuersos saltus.*

Pag. 96. *Nec vlla adeo arida & sicca lacuna erat, ut vestigantium sitim falleret.*

Ineptè *arida*. Vulgò melius *ania*: cui tamen quomodo *sicca* hæret? Rectius *disita* iungetur. Et vtrumque illa probant superiora: *Quidam, occupatis proximis riuulis, diuerterant longius, ut quidquid occulti humoris usquam manaret, exciperent. At sicca si retines, arida pulchrè attemperaueris ex arida.* Quæ epitheta solennia poëtis. Martial.

Sicca quod redolet palus lacuna.

Propert. *Dicebar sicco vilior esse lacu.*

Sed vulgata lectio tota fortasse recta, *ania & sicca*. ut vtrumque dicat, & sitas longius, & *arida* fuisse.

Ibid. *Iamque non pons modo fugientes sed ne amnis quidem capiebat agmina sua improuide subinde cumulantes,*

Facilius omninò ex vulgatis rescribi improuidâ fugâ poterat, quàm fugâ ipsum penitus deleri. nisi forte, quia *fugientes* iam antecesserat, hoc repeti noluerunt.

Ibid. *Alexander instantibus suis abeuntem hostem permitteret sequi: hebetia esse tela & manus fatigatas, tantoque cursu corpora exhausta, & præceps in noctem diei tempus caussatus est.*

Non tam cæcus ego , vt præstare vulgatis
 hæc non videam. præstant, sed quantillum? Tu
 reducta voce *impune* sic mecum potius & ini-
 tium & reliqua deinceps, totamque perio-
 dum rescribe & interpunge: *Alexander, instanti-
 bus suis , impune abeuntem hostem permitteret se-
 qui; hebetia tela, & manus fatigatas , tantoque cursu
 corpora exhausta , & præceps in noctem diei tempus
 caussatus; reuera, de lauo cornu, quod adhuc in acie sta-
 re credebat, sollicitus; reuerti ad ferendam opem suis
 statuit.*


VALENTIS ACIDALII
IN Q. CVRTII LIBRVM

V. ANIMADVERSIONES.

AD CHRISTOPHORVM HVLSIVM

virum ampliss. nobiliss. Sac. Cæs. Maiest.

Consiliarium & Qua-
storem.

 Vm diebus his aliquot in Curtio
fuissem, vir amplissime, iamque
cōmentationibus in eum nostris
penè absolutis cogitare inciperē
de earum & publicatione & dedicatione, am-
plexus eam sum rationem, quam cum animus
ipse mihi subiecisset meus, amicorum etiam
sententia videbam cōprobari. Est hac illi, quæ
solennis hodie plerisque omnibus in isto genere
scriptionis in vulgus nouitia videtur & huius
inuentum æui, apud doctos antiquam esse con-
stat & veteribus etiam frequentatam. Singu-
lis libelli singuli inscribuntur: cuius alijs alia
nec una fortasse caussa, mihi præter vnā hanc
nulla, ut vel amantibus mei vel benè iam me-
ritis de me viris amoris in eos contrā mei gra-
tique significationem aliquam animi publi-
co dein eiusmodi monumento: quando & hæc
fortuna adhuc meæ ratio, nihil ut possim ali-

G 4 ud, nisi

sit? ita debebat: sed ibi iā dux apertè Polyper-
 chon nominatus. Quid igitur? an deesse quæ-
 dam hic putabimus, in quibus agmen ipsum,
 cui ille princeps, sit expressum? An potius, uti
 Modius hinc Amyntam, sic nos indidem i-
 psam quoque Menidam vnā cum agmine suo
 expellemus, ut verborum eorum alibi sedem
 in sequentibus faciamus? Ita quidem videat-
 ur: quoniam aliquot infrā loca, ubi agmina
 quædam memorantur, locis quæque suis in a-
 cie disposita, non memorantur vnā eorum du-
 ces. Vbi tamen inferantur commodè satis,
 haud perspicio: nisi si post illa fortè verba: *Sed*
ne circuiri posset à multitudine, vltimum agmen vali-
da manu cinxerat. Huius agminis Menidas princeps e-
rat. Verum neque hoc firmat historia, & ve-
 reor magis ne refellat. Diodorus quidem nul-
 lum & ipse ducem his assignat: nec adeò vali-
 dæ manus illius meminit, nisi quod post The-
 salos sub Philippo, Creteneses sagittarios & sti-
 pendarios ex Achaia ponit. Iam id contra hi-
 storiam fortasse, quod in læuum cornu tra-
 duximus hoc agmen, quod relinqui melius e-
 rat in dextro, & ordine planè suo. Relinqua-
 mus, & iam ibi videamus, an quoquo modo
 verbaliceat interpretari. Vult ne igitur illud
 auctor, inter omnes, quos recensuit, primum
 & in fronte Menidam stetisse? Nam ita certè
principem melius accipiamus, quam pro *duce*,
 cuius non habet ille vim genuino significatu.
 Atque hoc de voce benè: de re suadere vide-
 tur

tur Arrianus, qui vniuersis ad hoc ipsum cornu præstitutos ait equites mercenarios, quibus hic Menidas præfectus. En verba libr. 3. *Ξυμπαόντων δὲ περὶ τεταγμένοι ἦσαν οἱ μειθοφόροι ἱππεῖς, ὧν Μενίδας ἦρχε.* Sed suadet hic, non etiam persuadet. An ergo emendatiuncula tentanda è Diodoro? Hic Polyperchonti, qui ipsi Polyperchon, Stymphæos subiicit, cui noster *ἀνώνυμον* peregrinum militem. Vide ne in Amynta damnato hi Stymphæi latitēt, qui literis ab illo non penitus abhorrent. Quod si est, concinnare verba possis: *Post illos Polyperchon dux peregrini militis, cuius agminis Stymphæi principes erant.* Diodorus: *Ἰὴν δὲ συνεχῆ τὰς τῆς Πολυσερχων, τεταγμένων, ὑπὸ αὐτὸν τῶν ὀνομαζομένων συμπαίων.* Dubium hoc quoque tamen æque: nec illud istis certius, an ex Arriano rursus immutandum in hanc faciem: *Huius agminis manus Amyntæ princeps erat.* Nam ille ecce: *ἐπὶ δὲ, ἡ Πολυσερχοντὸς Σιμμίας. ἐπὶ δὲ, ἡ Αμύντου τῆ Φιλίππου. ταύτης δὲ ἡγήτο Σιμμίας, ὅτι Αμύντας ἐπὶ Μακεδονίας ἐς ξυλλογὴν στραπᾶς ἐσαλμένον ἦν.* Ac stuo, æstuo, ac vere,

—*velut minuta magno*

Deprensa nauis in mari vesaniente vento.

Nec est inter historiæ huius omnes scriptores, qui vlla ratione tranquillet aut leniat hunc æstum: quin vltro pro se quisque magis accendit, ac fluctus acriores mouet. Vbique in iis video non leues dissensus, nusquam maiores crebrioresque, quam in ista parte, vt sint ipsi pror-

psi prorsus in hac τάξει ἀτακτοί. Pænè mihi con-
spirasse videntur, vt nemo hic idem cum alio
dicat. Neque in ordine solum rei turbant, et-
iam in nominibus ipsis mixticè. Vt vnum at-
que alterum modò tangam, Orestas & Lyn-
cestas populos facit Diodorus, cum ait: ἑξῆς δὲ
τὴν τῶν Ὀρεσῶν καὶ Λυγκισῶν τάξιν ἔστησε, Περιδικῶς
τὴν στρατηγίαν ἔχοντες. Hi Curtio sunt duces *Post-
eum Orestes Lyncestesque*. De iisdem Arrianus pla-
ne fileat. Iam Curtius ait *Philagrum Balacros* (ita
enim ex priscis editionibus legendum Modio
assentiamur, non vt idem edidit tamen. *Pha-
ligrum Balacrisæos*) rexisse: Diodorus horum lo-
co nescio quid de Philippo quodam Balacri
(qui sanè Balacrus inter Alexandri duces a-
pud Curtium non semel nominatus) filio sug-
gerit: Φίλιππος δ' ὁ βαλάκρου τὴν συνεχῆ ταύτης
στρατηγίαν ἐπλήρωσεν (emendo transiens, ἐκλήρω,) καὶ
τῆς μετ' αὐτὴν Κράτερος ἡγήτο. vbi & Craterus in
cornu dextro, qui apud Curtium & Arria-
num in læuo. Balacros quidem & Arrianus
memorat, iaculatores appellans, qui locati
fuerint ante amicorum equitatum. Sed piget
hæc talia vel diligentius inquirendo, vel eno-
tando prolixius confectari. Neque fructum
id habeat, neque si habeat, est loci huius aut
instituti nostri. Ad Curtiū redeamus, cui quas
possumus maculas, & vt possumus, eluamus.

P. 85. Qui cornibus prærant extendere eaiussè, ita
vt nec circumuenirentur. si artius starent, nec
tamen vltimam aciem exinanirent.

Mem-

Membranas secutus *ultimam* Modius edidit, cum in editis rectum agnoscat tamen *mediam*. Culparem factum, nisi eo ipso occasione dedisset mihi verioris quærendæ lectionis, & fortasse an inuentæ. Credo enim corruptum in membranis *ultimam* fuisse pro *intimam*, quod plane idem est ac *mediam*: & hoc *ὑλοζορ* sit itius fuisse interpretationem, atque inde in vulgatos irrepsisse. De media quidem vel inferiore acie probant & intelligi hic omnino volunt, quæ Darius paullo post ad suos: *Vide-
tis ordines raros, cornua extenta, mediam aciem vanam & exhaustam*. Idemque ante ista: *Contemse-
rat paucitatem hostis, vanam aciem esse extentis corni-
bus ratus*.

Ibid. *Impedimenta cum captivis, inter quos mater liberique Darij custodiebantur, haud procul aciem in edito colle constituit, modico presidio relicto*.

Lapsus operarum est & iste forsan. Nam Modium puto *acie* voluisse: cui vulgati addunt *ab acie*: qua particula nihil opus. Non aciem constituit in colle, sed haud procul acie impedimenta. Sic enim iungenda verba: non, ut accipias, *impedimenta custodiebantur*.

Pag. 86. Neque enim ad belli discrimen pertinere, qui ab his *Scythæ*, quiue *Cadusii* appellantur.

Sic ubique: sed vera lectio, *qui ex his*. Quod sequitur, *Scytharum* vocabulum, mihi suspectum. Neque enim hi Alexandro vel militibus esse potuerunt adeo de nomine etiam ignoti. Quia

ri. Quin aliud potius nomen latet alterius ignobilioris generis.

Ibid. *Nec postulare se, ut fortiter capefferent praelium, ni ipse ceteris fortitudinis fuisset exemplum: se ante prima signa dimicaturum: pro se quot cicatrices, totidem corporis decora.*

Darius similiter ad suos de se ante hanc ipsam pugnam: *Nec recuso, quo minus imitemini me, siue fortitudinis exemplum siue ignavia ero.* Sed quid quaerit hic sibi illud *pro se*. Distinguendumne aliter dicemus? *se ante prima signa dimicaturum pro se: quot cicatrices &c.* an delendum, ut quod in eadem causa sit cum deleta iam *spondere*? Videantur enim & hoc addidisse, qui alterum: ut Alexandrum fecerint *pro se spondentem*. Neutrum mihi proberetur. quin & *voculâ*. & *distinctiunculâ* relictâ mutandû aio. *prosus. Prorsus, quot cicatrices, totidem corporis decora.* Particulæ eius elegantem hunc usum elegantes homines sciunt, & nos alibi fortasse magis illustrabimus.

Pag. 88. *Nam ultimi quos locavit auersos, terga iam præbent.*

Oratorium videatur hoc, & imprudenti Curtio excidisse, dum ingenio indulget in oratione fingenda. Sane suspectum ea dubitatio facit, qui Darius scire potuerit de ordinibus auersis. Bonis enim oculis & vix humanis necesse est fuisse, qui totam aciem visu permetiretur, & ad ultimos ordines ita penetraret, ut discrimina etiam agminum & positus eorum perui-

peruideret. Nisi si à transfugis accepisse credemus, quod solum excusando Curtio dici possit. Ac in eadem plane causa superius etiam illud est: *Et profecto si qua diuina opis auguria humanamente concipi possint, deos stare secum: illos nuper Macedonum animis subitam incussisse formidinem: adhuc lymphatos ferri agique arma iacentes.* Dubites enim & ibi, unde idem tam citò de formidine hostium cognouerit. Sed esto apud transfugas & exploratores Curtio perfugium. Ita tamen omnia debebant temperari, vt nihil nisi verisimile dicatur, nihil admittatur: quod vel minimam excitare suspensionem queat dubiæ veritatis.

P. 89. *Matrem meam, duas filias, Ochum in spem huius imperij genitum, illos principes, illam sobolem regia stirpis, duces vestros regum instar, victos habet: nisi quid in vobis, ipse ego maiore mei parte captiuus sum.*

Concinnius videri possit, alio verborum positu: *Ochum in spem huius imperij genitum, illam sobolem regia stirpis, illos principes, duces vestros regum instar &c.*

Ibid. *Eripite viscera mea vinculis, restituite mihi pignora, pro quibus ipsi mori non recusatis.*

Valde metuo, ne legendum cum vulgatis: *pro quibus ipse mori non recuso*: quod & Modius subuerebatur.

Pag. 91. *Inter hæc Menidas præfectus equitum Alexandri cum paucis turmis opem impediens laturus aduenerat, & incertum suone con-*

G filio

fronte & à tergo hostem habebat. Qui auerso ei instabant, ab Agrianis equitibus premebantur. Bactriani impedimentis direptis &c.

Pag. 93. Lugubri ergo vlulatu & incondito clamore gemituq; totam fere aciem adhuc aquo Marte pugnantium turbauere cognati Darij & armigeri; leuog; cornu in fugam effuso destituerant currum, quem à dextera parte stipati in medium agmen receperunt.

Indiligenter alij fuerant hic: sed quod illi viderant minus, vnus Modius è membranis correxit. Vidit & correxit, necdum ille tamen omnia, quædam nec satis recte. Dabo prius vulgatam lectionem, mox deinde censuram nostram. Cognati Darij & armigeri, leuumque tuentes cornu in fugam effusum destituerant currum. vocem tuentes eiecit Modius: mallet, cornu. Nihil enim huc cornu aciei, quod nec erat vllum iam amplius, illâ tam variè turbatâ: certe non nunc ipsum in fugam effundebatur. Ego aliud video, sic scilicet emendandum, vt ascribam: Lugubri ergo vlulatu & inc. cl. g. t. f a a e. M. p. turbauerant cognati Darij: & armigeri leuam tuentes in fugam effusi destituerant currum, quem à dextera parte stipati in medium agmen receperunt. Armigeri ad læuum Darij latus positi, occisum eum nunc rati, in fugam se dabant curru destituto: quem alij ad dexteram stabiles & firmi in agmen suum recipiunt vndique circumfusi. Verus iste sensus, qui nec aliter à Curtio expressus. Leuam simpliciter intelliges, vel subintelliges

partem, vti mox à dextera parte: quamquam sane & hic vocula illa ipsa abesse potest, & vtrobiq; læua & dextera absolute capi.

Pag. 95. Darius paucis fugæ comitibus ad Lycum amnem contenderat, quo traiecto dubitauit an solueret pontem. quippe hostem iam affore nuntiabatur.

De *Lyc*o amne vere noster, vt sibi constet. Hunc enim ponte iunctum & traiectum à *Dario* supra memorauit. At *Iustino* quî in mentem venit de *Cydno* affirmare? lib. XI. *suadentibus deinde quibusdam vt pons Cydni fluminis ad iter hostium impediendum intercluderetur: non ita se salutis sue velle consultum ait, vt tot millia suorum hosti obiciat: debere & alius viam patere, quæ patuerit sibi.* Mirum ni emendandus hic è nostro. Nam quid huc *Cydnus*, qui *Ciliciæ* fluuius? In *Lycum* *Arrianus* etiam consentit, etsi non *Darium* quidem eo diserte profugisse narrat, sed *Alexandrum*, cum hunc insequeretur, transisse. *Diodorus* neutrius meminit, nec adeo fugæ vllius ad vel ultra pontem. In *Iustino* verbum quoque vix sincerum, *intercluderetur*: quod duriuscule de ponte, rectius de amne aut itinere ipso dicas. An mutandum, *intercideretur*? vt *Curtius* hic mox deinde: *sed tot millia suorum, quæ nondum ad amnem peruenerant, ponte recto prædam hostis fore videbat.* Ad quod ipsum exemplum vide ne & porro in *Iustino* scribendum, vt tot millia suorum hosti obiciat.

Ibid.

Ibid. *Alij qua breuissimum patebat iter, alij diuisi saltus & ignotos sequentibus calles petebant.*

Scribendum plane cum vulgatis, *diuersos saltus.*

Pag. 96. *Nec vlla adeò arida & sicca lacuna erat, vt vestigantium sitim falleret.*

Ineptè *arida*. Vulgò melius *ania*: cui tamen quomodo *sicca* hæret? Rectius *disita* iungere-tur. Et vtrumque illa probant superiora: *Qui-dam, occupatis proximis riuulis, diuerterant longius, vt quidquid occulti humoris vsquam manaret, excipe-rent.* At *sicca* si retines, *arida* pulcrè attempera-ueris ex *arida*. Quæ epitheta solennia poëtis. Martial.

Siccæ quod redolet palus lacuna.

Propert. *Dicebar sicco vilior esse lacu.*

Sed vulgata lectio tota fortasse recta, *ania & sicca*. vt vtrumque dicat, & sitas longius, & e-rudis fuisse.


Ibid. *Iamque non pons modò fugientes sed ne amnis quidem capiebat agmina sua improuide subinde cumulantes,*

Facilius omninò ex vulgatis rescribi improui-dâ fugâ poterat, quàm fugâ ipsum penitus dele-ri. nisi forte, quia *fugientes* iam antecesserat, hoc repeti noluerunt.

Ibid. *Alexander instantibus suis abeuntem hostem permitteret sequi: hebetia esse tela & manus fa-tigatas, tantoque cursu corpora exhausta, & præ-ceps in noctem diei tempus caussatus est.*

VALENTIS ACIDALII
IN Q. CVRTII LIBRVM
V. ANIMADVERSIONES.

AD CHRISTOPHORVM HVLSIVM
virum ampliss. nobiliss. Sac. Caf. Maieft.
Consiliarium & Qua
storem.

 Vm diebus his aliquot in Curtio
fuissem, vir amplissime, iamque
cōmentationibus in eum nostris
pænè absolutis cogitare inciperē
de earum & publicationē & dedicatione, am-
plexus eam sum rationem, quam cum animus
ipse mihi subiecisset meus, amicorum etiam
sententia videbam cōprobari. Est hæc illi, quæ
solennis hodie plerisque omnibus in isto genere
scriptionis in vulgus nouitia videtur & huius
inuentum æui, apud doctos antiquam esse con-
stat & veteribus etiam frequentatam. Singu-
lis libelli singuli inscribuntur: cuius alijs alia
nec vna fortasse caussa, mihi præter vnā hanc
nulla, ut vel amantibus mei vel benè iam me-
ritis de me viris amoris in eos contrā mei gra-
tique significationem aliquam animi publi-
co dein eiusmodi monumento: quando & hæc
fortuna adhuc meæ ratio, nihil ut possim ali-
G 4 ud, nisi

P R Æ F A T I O.

ud, nisi literarium; & studiorum ille dum pro-
uentus, ut literarium hoc etiam tempore ni-
hil, nisi id genus offerre vel referre. Atq; in ista
cogitatione cum placeret huius meditationis ac
urbis, cuius advena sum novus & inquilinus,
veluti cancellis nunc circumscribere multi sa-
nè occurrebant & multò plures, quibus officiũ
hoc deberem; quam quibus exhibere Curtiana-
rum Animadversionum occasione possem. Li-
brorum enim numerus ad paucos me restrin-
git, quem ad plurimos & prolubium meum dif-
fundit, & ipsorum quà humanitas inuitat,
quà benignitas impellit. Itaq; difficultas orta
mibi magna in electione, cui cum discernere ar-
duum esset, quos non liceret; tam metuendum
erat, ne offenderem, quos necesse esset prateri-
re. Et diu sanè anxius hic hærebam, adcò ut
fluctuare iam inciperem de toto consilio diuer-
sarum inscriptionum, nec aberam procul ut
damnarem, cum amici trepidantem confirma-
runt vicissim & labantem erexerunt, ita mi-
hi serìò magnaque assueuratione, multa etiam
suada suavi dicētes, nullam esse causam hanc,
ut ab incepto desisterem, neque fore in præiu-
dicium alijs, si alios pratulissem, neque posse
queri se neglectos, quos coactus essem postha-
bere. Quod ut persuaderent, multa afferebant
nec

nec infirma quadam argumenta, quibus & denique persuaserunt, eò quidem illi facilius, quod ipse cogitabam etiam mecum, si qui ægriusculè laturi essent, posse me ijs deinceps ita satisfacere, ut solutionis huius moram vel in lucrum sint deputaturi sibi. Atque ita futurum est omnino. nam & habeo pridem, ac plus indies acquiram, unde possim, & ut voluntatem non mutem, vel mea constantia faciet in amicis colendis, vel ipsorum certa in me beneuolentia, quam, ut spero, non modo perseuerabunt, sed & augebunt quotidiana non amoris tantum, sed officiorum etiam & beneficiorum accessione. Hoc cum ipse de illis mihi spondeo, tum ipsis alterum, quod posui, de me respondeo. Te autem, Huls! amplissime, præ ceteris hoc ipso tempore nec volui nec debui præterire: quem ut censerem inter primos mihi demerendum, plurimæ causæ effecerunt, non omnes isto loco exponendæ: quia & ipsi tibi audire pro modestia tua molestum sit, & alij dari auribus tuis suspicentur. Vtrumque hoc vitabo: nec illarum præcipuas reticebo. tamen, quarum fuit princeps humanitas tua singularis cum pari beneuolentia coniuncta: qua nunquam visum & absentem etiam in Italia cum Achate meo, tuo affini

& plura, quæ deinceps mihi polliceor (nec enim cessabis aut desines porro de me tu mereri:) digniore olim præconio simul omnia mediator illustrare. Denique vel illud caussa mihi satis, quod amari à te Curtium vehementer, & cum studium in eo meum audires, lætatum adeo te vidi, ut me collaudares & hortareris ad inceptum perficiendum. Debuisti ne, quem tantoperè scriptorem amas, & cuius emendationem sic probas, eius ita immunis esse, ut vel ex ipso, vel opella nostra nihil ad te propriè dirigeretur, saltem ut videres diligentius, quid in eo præstitissemus? Imo habe tibi aliquam eius istam partem, quam volo tuam planè esse, censura tuæ præcipuè subiectam, nec minus à te tamen aliorum, quique poterunt pariter tecum iudicare. Et hi tecum idem iudicabunt, puto: si minus; ego iudicio unius tuo stabo, cui merito tribuo plurimum: & scio, reliquos facile refutabis, ac me defendes, si videbor alicubi aberrasse. Id cum possis, velle te siue mea, siue Curtij caussa quæ dubitem? Otium modò tibi sit à gravissimis amplissimi tui muneris negotijs: à quibus cum respirare dabitur, ad hæc leniora diuertes vel reficiendi tui, quamquam omnino voles etiam nostri dyjudicandi. Fa

PRÆFATIO.

*di, Facies hoc, ut tibi commodum erit, me-
que cum Bucretio nostro, quo recepisti loco se-
mel, habebis in perpetuum, certus, ita vicif-
sim colite à nobis, ut de nobis præter alios u-
nicè mereris.*

VAL.

VAL. ACIDALII

AD Q. CVRTII LIBRVM V.
ANIMADVERSIONES.

Sunt qui scriptiois hoc genus ostentui magis habent quàm vsui. In his nunquam erit vt culpa nostra numerari possimus ipsi: qui ve-
rò ac seriò præter vsum nihil spectamus. atq; vtinã operâ istâ minus opus esset! abstinere facile, & alibi industriam nostrâ occuparemus. quam quando & hæc studia sibi deposcunt, & videmur ijs non inutiliter impendere, portò pergemus, ac nitentur, vt cum fructu, quò nos cunq; dederimus, fuisse; sin minus, vt laborasse de eo seriò, nec aliud quæsiuisse nos appareat. Quod, vti speramus, & è Curtio elucebit, in quo nūc sumus, humili ac tenui post alios labore, sed nec supuacuo nec inani.

P. 99. *Vltima regni adhuc intacta esse: inde bello vires haud agrè reparaturum.*

Eleganter, & quis mutare sustinuerit? Est tamen, vnde conijcere sic quoque liceat: *inde belli vires haud agrè repetiturum.* Nō minus id eleganter, nisi petendi verbum iam iam præcessisset. Ita quidē frequēter auctor, vt hoc infra libro: *Itaque non illum modo sed etiam Alexandrum spernebant inde vires imperij repetituri, si regionis potiri cōtigisset.* Monete, tanti fuit: vt & mutem, non omnem mihi Persarum meream Gazam.

P. 100.

P. 100. *Euntibus aperit se laeuâ Arabia, odorû fertilitate nobilis regio. Campestre iter est inter Tigrim & Euphratem tam vber & pinguis soli, vt à pastu repelli pecora dicantur, ne satietas perimat.*

Modius, quem sine ambitiosis laudibus nomine semper appello, sine honore merito nunquam nominatum volo; Modius hæc restituit in hunc modum: benè, si quid aliud. In vulgatis fœdæ maculæ: quibus elotis, si cui tamen vber iter minus ridet, ei legere per nos liceat: *Campestre iter est inter Tigrim & Euphratem, & vber tam pinguis soli, vt à pastu.* Transductio leuis sit, atque vber soli, quod poëtæ Vber agri.

Ibid. *Vicina maximè sunt his campis, quos incolæ Mesopotamiam appellant.*

Quod in vulgatis est, hîc verum est, vicini: cui à Modio illud immeritò prælatum, etsi in membranis, & cum appicta quantiuis pretij glossa. Loca scilicet intelligenda: pulchrè. quis intelligi debere non videt amnes? Etiam paullò post scribendum: *Idem per Babyloniorum fines in rubrû mare irrumpunt: non eadem.* nam hîc quis glossæ locus? loca videlicet irrumpent in mare. Quin & supra sic: *Idem cum Mediæ & Codiæ terrarum secare cœperunt, paullatim in arctius coeunt.* Pendente omnia ab istis: *Ipsi amnes ex Armenia montibus profluunt.* Eodè igitur genere oratio continuanda.

P. 102. *Ac ne totâ quidē urbē tectis occupauerūt. per LXXX stadia habitabatur; nec omnia cōtinua sūt. Vulgò & hîc melius, habitabatur.*

P. 104. *Prætores qui regioni Babylonia & ciuitati præ-*

præssent, Menetam & Apollodorum reliquit.

Quasi *Meneta*. nomen fuerit, quod fuit *Menes*. Scribe igitur *Meneta*, vel *Menetem* latino flexu. Non aduertit hoc Modius ex illo ipso Diodori loco, quem adducit ad hunc locū: Ἀπολλόδορον δὲ τὸν ἀμφοπολίτην καὶ Μένητα τὸν πελλαῖον ἀπέδειξε στρατηγὸς τῆς τε Βαβυλῶν καὶ τῶν Σατραπειῶν μετὰ Κιλικίας.

P. 105. *Ac ne defides otio demitterent animos, iudices dedit, præmiaque proposuit de virtute militari certantibus.*

Siue potius remitterent.

Ibid. *Octo qui fortissimi iudicati essent, singulis militum millibus præfuturi erant. Chiliarchas vocabant, tum primum in hunc numerum copijs distributis. namque antea quinquagenaria coheres fuerant, nec fortitudinis præmia gesserant.*

Postremum verbum iure mihi suspectum. Quid enim? an cohortibus ipsis præmia dabantur? & si dabantur fortè, quænam? non hoc certè, de quibus hic sermo. Non ipsæ Chiliarchæ constituebantur (quo quid cogites absurdus?) sed ipsis. Ita præmia non illis, sed illæ præmia dabantur suis præfectis. Ipsæ inquam præmia erant: & qui eis præficiiebantur, viri fortes ac strenui, in virtutis suæ mercedem accipiebant hanc præfecturam. Hanc sententiam vna minima literula impedit, quæ sæpe similes alibi turbas dedit. Scribe *cesserant*, & rem factam habes. g in c mutato: quarum literarum alterna vicissitudine nihil in omnibus libris frequentius.

tius. Iam rectè, & id per facile capies, cohortes præfectis suis, tanquam præmia fortitudinis cessisse. Teneo hoc, & verum scio: tamen aliquis coniectare etiam possit, *præfecti* vocè desiderari, vt in eundem sensum ita rescribatur: *nec præfecti fortitudinis præmia gesserant.* Quod ego non admitto: prius, vt dixi, teneo, multis causis, quæ intelligenti lectori per se obuiæ.

Ibid. Nam cum antè equites in suam quique gentē describeretur, seorsum à ceteris exempto nationū discrimine, præfectos non vtique suarum gentium sed delectos attribuit.

Pugnā in sententiā distinctiūcula facit, quā aliò remoue, vt illā tollas: Nā cū ante equites in suā quique gentem describerentur seorsum à ceteris; exempto nationum discrimine, præfectos &c. Etiam hoc, vt video, in vulgatis libris diligentius obseruatū.

P. 109. Simul iam inter hæc eminus petebatur, cum testudine obiecta milites, quem vt inde cederet propellere nequiverant, tuebantur.

Quæ præcedunt hæc, benè à Modio restituta: hæc ipsa non sanè optimè. Eiecit vocem *admonens*, nō necessariam, vt ait, ac totam per idum turbantē. Bona verba verò: & clementer, ne qua iniuria miseræ fiat. Eam scioli cōmentū esse, mihi non fit verisimile. Glossam potius ista arbitrer, *inter hæc.* Nam simul *admonens iam*, valet, iatere à dum admonet etiā, dum milites adhuc instigat. Is particulæ *iam* vsus apud Curtium etiam lib. 9. Ille vt, antequam vltimus spiritus deficeret, dimicans iam exstingueretur, clypeo se alleua-

re conatus est: pro, dum etiam dimicaret, inter ipsum dimicandum. Apulcius ferè cōsimiliter lib. 6. Et simul dicens libellum ei porrigit. Porro hīc autem melius percellere deinceps sit, etsi nec alterum omninò malum. Sed nō quod ferri quoquo modo, verū quod probari maximè potest, nobis amplectendum.

Ibid. Ad ultimum victa, literis Alexandrum ita deprecata est, ut id ipsum excusaret, quod deprecatur, petere se ut illis quoq, si minus, sibi ignosceret, pro necessario ac propinquo suo iam nō hoste, sed supplice tantum vitam precari.

Interpunctionem hanc si retines, ad finem legas potius precanti. Ne hoc mutes, potes illam: petere se, ut illis quoq, si minus, sibi ignosceret: pro neceſs. ac p. f. i. n. b. f. f. t. v. precari.

Pag. 112. Igitur promissis quāta & præsens neceſſitas exigebat, & ipsius fortuna capiebat, honoratum, armari iubet.

Non conuenit prorsus honoratum: oneratum edendum fuit. quod cum displicere neque Modio potuerit, non debuit etiam ipso neglectus præiudicio damnari.

Pag. 112. & 113. Cratero igitur ad custodiam castrorum relicto cum peditibus, quibus assueuerat, & ijs copijs, quas Meleager ducebat, & sagittarijs equitibus mille.

Inferitur alicubi, & sagittarijs & equitibus. Mālè. Non nouerant illi genus hoc equitum, non temerè quidem aliàs Curtio etiā nominatum. Apud Arrianum frequentius est, qui

ἵππων καὶ τοξοῦν

πισὰς vocat. vt lib. 3. Ἀναλαβὼν δὲ ἴς τε ἑταίρους ἰπ-
 πείας καὶ ἴς ἰπποκονπισὰς, καὶ ἴς ἰοξότας. Vbi per viam
 monco corrigēdum leuiter ἑτέρους. Nec verten-
 dum fuit de focijs equitibus, aut capiendum de
 amicorum ala: sed hoc dicitur, & alios equites
 & hos sagittarios siue iaculatorēs cū peditibus
 etiam sagittariis assumptos.

Pag. 113. *Sin autem ipse hostem fefellisset, & saltum
 occupasset, cum trepidantium barbarorū tumultum
 exaudisset, persequi id ipsum iter, quo pridie
 pulsi fuerant, ne dubitaret.*

Varijs glossematis hic locus antè conspurca-
 tus, neq; dū opinione mea purus putus. Lectio-
 nū diuersitatē apud Modiū vide. Nos ex ijs hoc
 exsculpimus, quando pertinaciter libri scripti
 vocē *regem* habēt, ab ea fontem omnis variatio-
 nis. Hæc corrupta scholijs & additamentis oc-
 casionem dedit. Emendanda autē iterū *relegere*.
 Quod ex animi sententia dico, ac seriò, spretis
 reliquis, ita scribo: *cum trepidantium b. t. exaudisset,*
relegere id ipsum iter, q. p. p. f. ne dubitaret. Non pro-
 priè, nō venustè magis potuit: & inficeta p̄ illo,
 non *persequi* tantū vel *ingredi*, sed quidquid aliud
 excogitare ingeniosi glossographi potuissent.

Pag. 114. *Duces erant itineris de captiuis dati.*

Malim abesse hoc *erant*: quod profectò nec
 Curtius adiecit.

Pag. 115. *Procedenti ei literæ redduntur à Tyridate
 custode pecuniæ regiae, indicantes eos qui in vrbe
 essent, audito eius aduentu, diripere velle thesau-
 ros: properaret occupare, expeditum iter esse,*
 quam-

quamquam Araxes amnis interfluat.

Insertæ vulgò binæ voces, *thesauros dimissos*: quas planè inſititias nō Modius, non alius mihi perſuadebit. Emendo ego: *properaret occupare: thesauros ditissimos, expeditum iter esse.* Inuitabat & incitabat eum, quòd cū iter facile, tum præda esset maxima.

Pag. II 6. *Plures igitur lacrimas commouere, quàm profuderāt ipsi: quippe in tam multiplici variaq; fortuna singulorum intuentibus similes quidem, sed tamen dispares pœnas, quis maximè miserabilis esset, liquere nō poterat. Vt verò Iouem illi tandem Graciæ ultorem aperuisse oculos conclamauère, omnes pari supplicio affecti sibi videbantur. Rex abstersis quas profuderat lacrumis bonum habere animū iubet, visuros vrbes suas cōiugesq; & castra inde duo ab vrbe stadia communis.*

Leuia fuerunt adhuc, quæ notauimus in hoc libro: grauius hoc erit, & quod à se dabit illis aliquod etiā pondus. Turbatus est locus & confusus, quē digero & dirigo traductione, distinctione. Sic mutandus enim ordo: *quippe in tam multiplici variaq; fortuna singulorum, intuentibus similes quidem, sed tamen dispares pœnas, quis maximè miserabilis esset liquere non poterat: omnes pari supplicio affecti sibi videbantur. Vt verò Iouem illi tandem Graciæ ultorem aperuisse oculos conclamauere, rex abstersis, quas profuderat lacrumis, bonum habere animum iubet.* In quo si fallor aut fallo, nihil ipse dehinc credam, nihil vnquam mihi credi volo.

Ibid. Nos qui modò etiam ad opem petendam ex tenebris & carcere procedere erubuimus, vt nũc est, supplicia nostra, quorũ nos pudeat magis, an pœniteat incertum est, ostẽdere Gracia velut letum spectaculum cupimus.

In elegantem meherculè splendorem hæc Modius è tam fœdo squallore dedit. Vnum nos monemus etiam, per interrogationem, si forte, efferenda. Nec ignoro enim aliàs, hæc talia qua figura soleant dici, quæ pronunciandi sola ratio moderatur.

Pag. 117. Ita suam quisq; fortunam in consilio habet, cum de aliena deliberat: nisi mutuo miseri esseamus, olim alius aliq; potuissimus esse fastidio.

Hæc cum ijs quæ & præcedunt & sequuntur, in hũc modum distinguenda, magis in expedito vt sit sententia. Nemo fideliter diligit, quem fastidit. nam & calamitas querula est, & superba felicitas. Ita suam quisq; fortunam in consilio habet, cum de aliena deliberat. Nisi mutuo miseri esseamus, olim alius aliq; potuissimus esse fastidio: quid mirũ est, fortunatos semper parem querere? Vbi tamẽ pro semper libentius sibi met reponam. Et geminam planè mendam in Manilio alicubi scio, de quo ad ipsum fortasse, cùm erit commodum.

Ibid. Ingrati prorsus coniugibus, quas iuuenes duximus, reuertemur. Liberi in flore & ætatis & rerũ & fratres agnoscent erga sibi uili detrimenta.

Postremam copulam in membranis non esse Modius notat & videri sibi aliud omnino latens vlcus subesse. Rectè suspicatus ille: nobis ipsum

ipsum vlcus magis notum, quod & sanamus leui manu. Scribimus: *Liberi in flore & atatis & rerum patres agnoscent ergastuli detrimenta?* Quòd si copulam obteri non pateris, muta vt: *Vt patres agnoscent.* quomodo Vell.lib.2. *At nunc si quis tanti habitet, vix vt senator agnoscat.* Ceterùm *ergastuli detrimenta* venustè Curtius pro ipsis captiuis & ergastulis, vt Apuleius noster in primo Afini, *fortune decermina*, pro mendicis, quasi fortunæ recrementa. Sic enim magnus Lipsius isthiclegit, è cuius emédatione locum integrum apponam: *Ecce Socratem contubernalem meum aspicio. Humi sedebat scissili pallia stro semiamictus, pœnali lurore ac misera macie deformatus: qualia solent fortune decermina stipes in triuijs erogare.* In quo ipso vt de alijs cum eo mihi non conuenit, quæ suo loco referuamus, ita neque de hac voce: de qua non nihil nunc occasione oblata, non quæ sita, breuiter agemus. Ac *decermina* scribi Apuleio potuisse non sum eius oris vt negẽ, frontis eius multò minus, vt improbã vocem aiam. quamquam Festus à *decerpo*, vt videtur velle, quomodo formet, equidem non video. Mihi autem iam olim de alia lubuit suspicari, ita parum diuersa, ita imò simili, vt sit eadem, literulâ exceptâ vnâ modò. Cùm enim in procusis exstet omnibus *determina*, *determina* inde fieri non minus ad sensum commodè, ad literas verò aliquanto etiam posse commodius arbitrabar. *Atero, terui, termen*, & hinc *termentũ* in Plauto eruditi norunt: à cõposito quid item ni *determen*? Id

cum *detrimeto* Curtiano mirè conuenerit:etsi nec dissimulabo, quid de vtriusque loco etiam aliud aliàs in mentem venerit opinari. Verebar ne Apuleius *decremina* scripsisset, Curtius *decrementa*, simili ac geminâ item formâ. Quæ voces à *decreſco*, sic forſan uſurpatæ, vt in contrariam mentem, *incrementum*, à Virgilio, Apuleio, alijs. Virgil. Bucol.

—*Magnum Iouis incrementum.*

Apul. lib. 5. Venus de Cupidine ſuo. *Nimirum illud incrementum lenam me putauit, cuius monſtratu puellam illam cognosceret.* Et Nazarius Panegyri. Constantini, Constantium iuniorem vocat *incrementum maximum publici boni*. Sed hæc olim ad Apuleium pueri allucinabamur: in quem certiora aliquando, magis ætate & vberiore lectione confirmati, dabimus, etſi daturi quando ſimus, vt res adhuc ſunt meæ, nescio. Vt propere illud hortari poterat, quòd obſeruationum noſtrarum quotidie numerus decreſcit, dum alij, me morante, præueniunt interim ac præcipiunt, vnde periculû fortè, ne fruſtrâ denique laborauerimus: vt tandem etiam, multæ cauſæ ſunt in publicum nullâ cauſâ vel proferendæ vel tacendæ. Nec eſt verò vnus ille, cui operam noſtram mancipauerimus: & in alios diſtringimur iam diu, vt ad hunc reſpicere non vacet. Fidem tamen promiſſi ante trienniû iam facti cum fide liberabimus, vt primum licebit, ac maiore cum fœnore ſoluemus, quod lōgius debemus. Non & mala nomina ſunt, quęcunq;
lenta.

lenta. De Curtij loco hæc scribenti hoc nunc incidit, *retrimenta* legi posse faciliore sensu, quo & lib. 6. Philotæ seruos *purgamenta* vocat: *Admonere eos cœpit, quoties quisq; diuersorij, quæ occupassent, deturbatus esset, vt purgamenta seruorum Philotæ reciperentur eo, vnde commilitones expulisset.* Et lib. 8. homines nescio quos viles, *purgamenta vrbiū suarum*, quam sentinā ciuitatis Cicero dicebat: *Et cetera vrbiū suarum purgamenta, quæ propinquis etiam maximorumq; exercituum ducibus à rege præferébantur.* Itemq; lib. 10. exules, *purgamenta exsiliij*, *Igitur exsules finibus eijciunt, omnia potius toleraturi, quam purgamenta quondam vrbis suæ, tunc etiam exilij, admitterēt.* Hinc prorsus, vt exilij purgamenta, colluuiæ exulum: sic ergastuli retrimenta siue purgamenta, vulgus ergastulorum & captiuorum. Retrimenti autem vox non protrita quidem, sed nec inusitata. Varro sesqui Vlyse: *Retrimenta cibi, quæ exirent, per posticum vallem feci.* Quem etiam locum ἐξ ἐμπόλων emendo: *Retrimenta cibi quæ exirent, per posticum canalē feci.*

Ibid. Relinquemus ergo præsentium pignora, cum incertum sit an visuri simus illa, quæ petimus?

Malè interpreteris, præsentium coniugum; frustra, præsentium nostrū. Omnino præsentia scribendum. Voce pignorum coniuges hîc simul & liberi veniunt: alibi nec hitantū, sed necessarij quicunq;.

Pag. 118. Quin illi ex hoc carcere erumpent, alium

domi esse cœli haustum, alium lucis aspectum. mores, sacra, linguæ commercium. etiam à barbaris expeti, quæ ingentia ipsi omiffuri sint sua sponte: non ob aliud tam calamitosi, quam quod illis carere coacti essent.

Pessimè antehac dispunctum fuisse locum Modius ait, qui sic restituit. Ego distinctionem veterem ita bonam habeo, vt præ ea nouitiam omnem spernam. Illam reduco: *Quin illi ex hoc carcere erumperent. Alium domi esse cœli haustum, alium lucis aspectum. Mores, sacra, linguæ commercium etiam à barbaris expeti, quæ ingentia omiffuri ipsi sint sua sponte, non ob aliud, &c.* In quibus ingentia illud ingenuum esse nūquam putem. Occultata sub eo vox alia, qua Græci hi barbaris se opponant & præponant. Quæcunque est, non elicio: nisi si *ingeniati*, qua tamen Apuleij & Plauti propria vix vti sustinuerit noster. Cultos quidem & ingenio elegantiori dicere voluisse videtur, aut quid simile, quo à barbarie gentium aliarum, Græcos politiores distinxerit, quod alijs quærendum linquo. Porro quod initio est, *illi*, venustè sic vsurpatum, cuius gratiam & vim interiorem non quilibet persentiscat. Ita lib. 3. *Si id consilium damnaverit, at ille diuideret saltem copias innumerabiles.* παρτέλκεν videtur, & nescio quid tamen ἐνεργείας inspirat orationi.

Ibid. *Si quos contubernij liberorumq̃, quos seruitus coegisset agnoscere, amor detineret, relinqueret, quibus nil patria carius est.*

Vulgati quidam auctiores vno verbo, *amor detineret,*

detineret, haberent, relinquerent. Vnde fortassis emendandum: si q. c. l. q. f. c. a. amor detineret, mainerent: reliqui irent, quibus nil patria carius est, vel esset. Sed fortassis inquam: nec enim certò scio.

Pag. II9. *Multi ergo hostium manu voluntariam mortem occupauerunt, pretiosissimas vestium induti, è muris semetipsos cum coniugibus ac liberis in præceps iactantes.*

Venia mihi tandem vnius liberioris vocis sit. Imperitè nimis atq; inscitè veterem lectionem multis locis mutauit editionis optimæ aliàs auctor, nusquam magis, quam in hoc: vbi, si Dijs placet, ita correxit atque edidit ille, vti nos hîc exhibuimus, cùm antiqua lectione nihil melius, nihil hac noua possit inueniri peius. Emēda iterum: *Multi ergo hostium manus voluntaria morte occupauerunt: id est, præuenerunt: et si idem ferè verbi sensus etiam in altera scriptura. Sed an rectè præuenisse dici possunt mortem voluntariam? & vt interpretemur, inuaserunt, adierunt; an hoc tandem hostium manu? imò suâ, imò nec sua adeò, qui præcipitio se perdiderunt. Vulgata nihil clarius: anteuenterunt vim hostis illata sibi sponte vi à semetipsis. Atque hîc morem nota priscorum ornandi se in mortem, suprema necessitate, quo maximo cultu possent. Exempla quædam iam nota, Romanorum patrum capta à Gallis vrbe apud Liuium lib. 5. Quintilij Vari apud Velleium lib. 2. Cleopatrx apud Florum lib. 4. & Dionem; Olympiadis Alexâdri matris apud Iustinum lib. 14. alio-*

rum plurimorum apud alios multos. Vnum nouiter obseruamus, etiã militares viros, cùm in aciem ad extremum discrimen exirent, ritum eũdem obseruasse. Nec ad alios te ducam: in nostro vide, & hoc ipso libro, neq; longè ab hoc loco: Nos verò, inquit Artabazus, pretiosissimas vestium induti, armisq; quanto maximo cultu possumus adornati, regem in aciem sequemur, ea quidem in mente, vt victoriam speremus, mortem non recusemus.

Ibid. Tandem suis rex corporibus & cultu feminarum abstinere iussit.

Rectius hñc scribes suos. quod etsi tenue, tamen obseruet mihi diligens lector, ac sciat, accusandi casu plerumque cum iubere verbo Latinos vsos, si infinitiuum, vt loquuntur, aliquem adderent, ad quem & ipsum magis casum cum referebant: sin hunc omitterent, simpliciter isto dandi.

Pag. 120. Ceterum aut de alijs quoq; dubitabimus, aut credimus in huius vrbs Gaza fuisse C. & XX. millia talenta.

Scribe, credemus: & ad finem, talentum, quod aliter βαββαίς.

Pag. 123. Ille iam Ecbatana peruenerat, caput Mediae. Nunc tenent Parthi: eaq; aestiua gentibus.

Vellem sobriè magis hæc circũcidisset Modius. Mihi diligentius omnem scripturæ varietatem pensitanti sic videtur: Ille iam Ecbatana peruenerat, caput Mediae. Urbem banc nunc tenent Parthi: eaq; aestiua genti sedes. Nam gentem ipsos Parthos accipies, qui per æstatem illuc cõcesserint, non ignotos

ignotos alios & dissitos nescio quos populos, de quibus obscurè inijcit ille.

Pag. 124. *Sed maiore, quàm vellem, documento & virtutem vestram & fidem expertus magis etiam conniti debeo, vt dignus talibus amicis sim, quàm dubitare an vestri similes adhuc sitis.*

Vide ne legendum, magis id iam conniti debeo.

Pag. 125. *Nec Dÿ siuerint vt hoc decus capitis mei aut demere mihi quisquam, aut condonare possit; nec hoc imperium viuus amittam. idem erit regni mei, qui & spiritus finis.*

Rectius hæc & scribere & distinguere se putat Modius, quàm vulgus. assentio: sed ita, vt sentiam, nec ipsum rectissimè. Facio: *Nec Dÿ siuerint* (an, *sirint*) *vt hoc decus mei capitis aut demere mihi quisquam, aut condonare possit. nec hoc imperium viuus amittam, idemq; erit regni mei & spiritus finis.* Confer hæc cum Modianis & vulgatis: videbis quid ab vtrisque; & quare sim mutuatus.

Ibid. *Nec aut consilium suppetebat, aut vox, cùm Artabazus vetustissimus amicorum, quem hospitem fuisse Philippi sæpe diximus, Nos verò, inquit, &c.*

Ait sæpe dixisse: nec vel semel inuenio in hoc & superioribus libris, quos habemus, in amissis primo & secundo an vsquam meminerit quis scire potest? Credere tamen id licet: at sæpe ibi fecisse, non hoc etiam licet. Igitur, si cui ita videatur, in locum τὴν sæpe, reponam *supra*, quod respiciat ad priores duos, aut alterum eorum, & magis secundum, in quo conijcere possumus
locum

locum fuisse potius ei mentioni. Si minus alijs hoc videtur, at illos delere penitus iubebo. Infrà scio idem alicubi dici, lib. 6. *Quippe & hospes Philippi fuerat, cum Ochoregnante exularet.*

Pag. 126. *Fortium virorum est magis mortem contemnere, quam odisse vitam. sæpe tædio laboris ad vilitatem sui compelluntur ignavi, at virtus nihil inexpertum omittit. Itaque vltimum omnium mors est, ad quam non pigrè ire satis est.*

Non aptè, in eo quidem animo, infertur Itaq;. Non enim gnomas hæce claudit. Aptius credam *Vtig.* Sanè sciamus, inquit, post mortem nihil esse nostri amplius: ad eam igitur non cursu & sponte properandum, satis si non lento & inuito gradu catur. Ipsæ sententiæ multorum ore celebratæ: quarum aliquot è plusculis scriptoribus affert ad Tacitum lib. 2. histor. diuinus Lipsius: & addi cum similes aliunde plures, tum hæc non absimilis ex Oedipo tragædi cuiuscunq; potest:

Haud est virile terga fortuna dare.

Pag. 127. *Instare Alexandrum, grauem, etiamsi omnes præsto essent. Quid futurum, si persecuti fugam ipsius alienentur à rege? Eare paruit Artabazo, & quamquam mouere castra statuerat turbatis tamen omnium animis eodem in loco substitit.*

Hæitationem librarij subodoror, qui cum legere diuulsam ac laceram forte veram vocem nequiret, in plures eam pro captu suo tribuit, & scripsit, *à rege, eare*, cum deberet simplicitate

agrè. Nam sic omnino me auctore corrigendum:
Instare Alexandrum, grauem, etiamsi omnes præstò es-
sent: quid futurum, si persecuti fugam ipsius alienentur?
Agrè paruit Artabazo, & quanquam. Nihil certius
 dere, de verbis. *Ægrè* Darius ac vix parebat:
 quod notare voluit Curtius ac debuit. *Ea* re la-
 xum nimis, & non magnoperè hîc faciens ad
 structuram exactam. *A rege* quid opus erat addi?
 maximè cum ad regem ipsum loqueretur, atq;
 etiam quia dixerat iam *fugam ipsius*, cui potius
ab eo subiunxisset. Qui aliter sentiet, eum nihil
 sentire sentiam. Quamquam de origine mendi
 sic potius habendum, si quid refert, vt nunc in
 mentem venit. Exolescētē ac fugientem for-
 tè vocem satis assequi librarij nequiuerē, quo-
 rum alius inde à *rege*, alius *ea* re legit ac scripsit:
 quæ post vtraq; simul in contextum, vt solet, ab
 alijs relata.

Pag. 128. *Ille Persarum tabernacula circuire, hortari,*
monere nunc singulos, nunc vniuersos non ante
destitit, quàm satis constaret, imperata fa-
cturos.

Bona lectio; nec peior: *monere nunc singulos,*
nunc vniuersos: nec ante destitit, quàm satis consta-
ret, &c. Vtra melior non satis mihi constat.

Pag. 129. *Hæc agit antibus Artabazus superuenit, si-*
ue regis iussu, siue sua sponte, affirmans mitiga-
tum esse Darium, & eundem illis amicitia gra-
dum patere apud regem.

Quis scit, an non & hic vltimæ voces, *apud*
additæ? Nihil ijs quidem video o-
 pus,

pus, & timidè tamen alienas affirmarim.

Pag. 130. Qui vt tandem aduertit oculos, Bubazem spadonem inter proximos currum sequentem per-
cunctari iubet, nūquid ipse velit dicere? Patron se
verò, sed remotis arbitris loqui velle cū eo respōdit.

Quia dubitare semel cœpi & ad Pyrrhonios
transij, non credo & isti loco ex sectæ lege. Ge-
mina illa & ab auctore esse, loqui velle cum eo, non
queo mihi persuadere: tu quid statuas, eijciēda
an retinenda putes, vide. Quorsum autem re-
tineas, quæcum odio & tædio adsint, cū venu-
stas & suauitate absint?

Ibid. Darius autem, quantum ex vultu conspici po-
terat, haud sanè territus, percōtari Patrona cau-
sam consilij quod afferret.

Suo periculo censet Modius, conspici rescri-
bendum: ego pænè contra meo, concipi retinen-
dum. Valet, intelligi, coniectari. Atq; eadē per-
mutatio lib. sequenti. Nam & illic quidā: Is quod
ex vultu quoq; percipi poterat, similis attonito: vbi ple-
riq; tamen, & Modiani, perspici.

P. 130. & 131. Ille nō vltra differendum ratus; Bessius
inquit, & Nabarzenes insidiantur tibi, in vltimo
discrimine & fortune tuæ & vitæ. Hic dies au-
parricidis, aut tibi futurus vltimus.

Vnius literulæ mutatione feceris elegantio-
ra; Bessius, inquit, & Nabarzanes insidiantur tibi: in v-
ltimo discrimine es fortune tuæ & vitæ.

Pag. 131. Eludant licet, quibus fortè temerè human-
negotia volui agiq; persuasum est: equidem æter-
na constitutione crediderim nexuq; caussarum
latentium

latentium & multo ante destinatarum suum quemq₃ ordinem immutabili lege percurrere.

Aurea verba, non auro comparanda sententia. Sed scribe, *suum quæq₃ ordinem*. quod typographicum hîc saltem opinarer, ni in libris reliquis & idem vulgatum mendum. At rectius illud alij, *fortè ac temerè*, copulâ insertâ. Vereor autè, ne particula etiâ vna desit, qua cum prioribus verbis locus hic nectatur, vt comprehensio eiusmodi existat: *Et Patron quidè egregiam conservati regis gloriâ tulerat: sed eludant licet, quibus fortè ac temerè h.n.u.a.p.e.e.a.c.c.n.c.l.e.m.a.d. suū quæq₃ ordinē i.l. percurrere.* Darius ergò respondit, quamquam sibi Græcorum militum fides nota sit, nunquam tamen à popularibus suis recessurum. Vbi & ergo scripsimus, pro certè: quòd item sequēs nexa sic & apta melius ex se oratio. Tamen id non pertendo. Prioribus & sensu & verborū structura simile quodammodo illud lib. 4. *Denunciato in illum diem periculo, vt arbitrabatur ipse, defunctus: sed, vt opinor, inevitabile est fatum.* In his quod legitur, *conservati regis gloriam tulerat*: explicandum verbum, laturus erat, ac subintelligendum, si per fata nimirum licuisset. Ita enim aptè subiecerit opinionem de fatali necessitate suam. Ac præteritæ significationis verba pro futuris accipi frequēs. Ita mox à paucis lineis: *Quicquid fors tulisset, inter suos perpeti malle*: valet, latura esset. In eadem caussa alia plura. lib. 4. *Si saniora consilia tandem pati potuisset, contentus patrio, cederet alieni imperij sinibus.* Ibid. *Quocunque ille fugere potuisset,*
ipsi

ipsum sequi posse. lib. 3. Persas recentes subinde successuros, si laxius stare potuissent. lib. 7. Admonuit, qui literas in Macedoniam ad suos scripsisset, ijs quos ipse mittebat, perlaturis cum fide, traderet. Sueton. Tiber. c. 67. Similem se semper sui futurum, nec unquam mutaturum mores suos, quamdiu mentis sanæ fuisset. Sallust. Iugurthâ: Respondit, ubi primum per negotia publica potuisset, facturum sese quæ peteret. Val. Max. lib. 9. c. 3. Iuraret, se cum primum per ætatem potuisset, acerrimum hostem pop. Roman. futurum. Idem lib. 5. c. 3. Nonne ingeniosum & garrulum populum mutum atq; elinguem hac postulatione reddidisset? Sed hæc ubique, si quis aduertat, obuia quid hoc loco cumulemus?

Ibid. Serò se perire, si saluum esse milites sui nollent. Certò hic vox milites inculcata. Non debuit addi perpera glossa: quæ rectè exulat alibi. Paullò antè: Quidquid fors tulisset, inter suos perpeti malle, quàm transfugam fieri. Nec multò post: Sed eo rerum ventum erat, ut tam periculosum esset non credere suis, quam decipi.

Pag. 132. Destinatus forti suæ, & iam nullius salubris consilij patiens, unicam in illa fortuna operam Artabazum, ultimum illū visurus, amplectitur, perfusisq; mutuis lacrimis, inhaerentem sibi auelli iubet. capite deinde velato, ne inter gemitus digredientem velut à rogo intueretur, in humum prouum corpus abiecit.

Et verò miserabiliter scriptum, lector, & lacrimas mecum non tenes scio. Sed cum humanæ miseriæ indolueris satis, & Darij vicem tuam
etiam

etiam gemitu subleuaris, absterge oculos & attolle, vt videas ac dispicias, sincera ne verba ista: *digredientem velut à rogo*: quæ ego apta nõ negem plane, neque eò minus à nasutulo aliquo interpolata constanter ausim affirmare. De rogo sit aliquid, atq; ipse scio, quid dici, quĩ interpretari, quĩ defendi possit: verũ enimucrò Curtius aliter scripsit, ac vera lectio non diu quæsitæ, feliciter inuenta nobis. Nam vel quouis sacramento contenderim, ita rescribendum: *Capite deinde velato, ne inter gemitus digredientem vel à tergo intueretur, in humum prouolu corpus abiecit.* Hæc Curtij mens, hic Darij adfectus, qui abeuntem amicunt nec à tergo sustinebat intueri. Quod qui non assentietur mihi, sensu carentem humanitatis, & affectus omnis expertem, non hominem profectò, sed stupidum stipitem appellabo. Non parui emendatio hæc momenti, in qua meritò placeam mihi, si φιλαυτὸς haberi velim: est & altera leuior; vt *perfususq;* legatur, aut *profususq;* sed illud magis, quod & habent aliæ editiones.

Pag. 133. *Forſitan mireris, quòd vitam non ſiniam. Alieno ſcelere quàm meo mori malo.*

Non temerè damnem, etſi ſuſpectum. Neq; enim ſanè ſcelus illis αὐτοχρεια: & ſic vti poterat, ne ſic ſceleſtè moreretur, aliena manu, vel huius ipſius Bubacis. Quod ſolenne quidẽ priſcis: atque, vt Florus ait, *Viri fortes & ſapientes in vltimis non ſuis manibus vſi, ne violarent manus, ſed in abolitione ſanctiſſimarũ pientiſſimarumq;* animarum

iudicio suo, alieno scelere vterentur. At quid tamen hæsito, quin aut sentiam liberè, aut proferam, quod sentio liberius? Cordato lectori non diffidam, cui soli probabo vocem excidisse, quam reponimus audacter: *Alieno scelere, quam metu meo mori malo.* Id vnde? qua auctoritate? Exemplo Curtij ipsius, aut Alexandri, qui lib. 3. sic quoq; , cum de medici fide & periculo suo anxius deliberaret: *Damnemne medici fidem? in tabernaculo me opprimi patiar?* Atqui satis est, *alieno mori scelere, quàm metu meo.* Is viri fortis animus, nec Darij nunc minus quàm Alexandri. Illius hæc etiam excusatio ad mollem spadonem. Denique Curtium qui nouit, imitationem in eo sui ipsius alibi solēnem & hîc agnoscet: lubenter quidem & cum magna voluptate.

Ibid. Rex curru paullo antè vectus, & Deorum à suis honoribus cultus, nulla externa ope admota, capitiuus seruorum suorum, in sordidum vehiculum pellibus vndiq; contextum imponitur.

De huius quoq; loci integritate valdè dubito: nec abest multum, quin mutilum pronuntiem. Illud *externa ope* nos mouet, inidoneum ei menti, quàm Curtius sequebatur. Hæc enim quæ fuerit, haud ægrè conijcimus: ipsa verba non diuinamus. At neque requiruntur à nobis ista: quæ tamen aut hæc, aut non valdè dissimilia necesse est fuisse: *nulla externa vi admota, domestica omni ope adempta.* Verecundè licuerit hæc nobis attentasse, quæ nostra quidem haberi volumus, agnosci Curtiana non postulamus. Et
tamen

tamen integer etiam videri locus, si rectè capias, possit. *Non admota externa ope, cuius iam scilicet egebat, à suis planè destitutus. Infra: Qui ultimum ausus scelus, regem suum etiam externa opis egerem, certè cui nos victores pepercissimus, quasi captivum in vinculis habuit.*

Pag. 136. *Ille Deos ultores adesse testatur, & Alexandri fidem implorans, negat se parricidas velle comitari.*

Quantulumcunq; interest, malim testatus.

Ibid. Quingenti tantum equites congregauerant se, incerti adhuc resistere melius esset an fugere.

Distingues ita, ne adhuc iungas cum incerti, sed cum resistere, vel cū ipso melius, quod nescio an hīc omninò melius; ex Curtij quidem more planè scio. lib. 4. Melius adhuc ratus Alexander in eodem tumultu castra munire, vallum iaci iussit. Alij sic quoque sæpe. Plinius Panegy. Quorum utroq; ita frueris, ut quum ipse ardentissimè diligas, adhuc tamen ardentius diligaris.

Ibid. Tria fermè millia resistentium occisa sunt: reliquum agmen more pecudum intactum agebatur, iubente rege ut cadibus abstineret.

Malim traiectâ voculâ: reliquum agmen intactum more pecudum agebatur, iubente &c.

VALENTIS ACIDALII
IN Q. CVRTII LIBRVM
VI. ANIMADVERSIONES.

AD
NICOLAVM RHEDIGERVVM
virum nobiliss. patritium
Vratislau.



*Q*UIS Musarum nomen, & Rhedigerorū nō vnā nouit? quis illas ritē, nisi hos pariter amet, colat? Ego de me vt fatear, iam quidē puer etiā & noui & amauī & colui praeclarissimā familiam, cuius à multis audieram illustria in literas literatosq; beneficia predicari. Vnum ex ea praecipuē Thomam sic extollebant omnes, vt publico nostro bono natum, malo denatum ferrent: quē exteri etiam homines certatim scriptis suis viuētem venerati, mortuum eodem studio docti quicunq; prosecuti, memoriam eius hodieq; omni genere honorū colunt, quam immortalitati pridem monumentis aeternis suis consecrarunt. Sed vt huius & conspicua maximē merita, & fama celebrior vnius: aliorum tamen indidem nec obscura illa, nec haec ignota, & minimē paucorum. sunt imò in ore omnium laudes omnium,
quas

quas me quoque persequi alibi saepe iuuat, hoc loco minus decet. Ad te enim scribens, Nicolae Rhedigere, vir nobilissime, decus & ipse familiae tuae singulare, temperare mihi debeo, ne non magis vel ipsi vero, vel studio in vos meo, quam gratia tuae & tuorum videar, quodcumque vobis dederò, dedisse. Quae pauca nunc dixi, eò dixi, ut & affectus hic animi mei à puero deuoti nomini vestro, & ex eo causa potissima innotesceret tibi qualiscumque huius scriptiois & inscriptionis. Etenim quos tam diu tacitus apud me sum veneratus, & quibus debere me censui semper affectus aliquod huius monumentum; ijs debere diutius non potui, quin libelli istius occasione qualemcumque, nunc publicè darem significationem. Et eam adeo ipsam ut tibi praeter ceteris exhiberem, non suaserit ea tantum ratio, quae inter tuos debere nunc tibi praecipue subijciebat, sed impulit illa quoque, quae velle tibi vnicè faciebat. Nam ut debebam propter eruditionem maximam, quae familiam tuam hodie ducis, unus omnium vestrorum doctissimus, cui nec comparari gentis hic alterius hac in parte quisquam possit: ita & volebam & velle cogebar ab humanitate illa beneuolentiaque in me tua mirifica, quam ostendis iam saepe mihi per amicos in sermonibus & li-

P R Æ F A T I O.

teris ad ipsos. Hanc ut mihi gratam videas, atq; ut accipi sic intelligas, quomodo planè debet, etsi nequeo contrà ut volo probare, volo tamen ostendere, ut omninò queo, dedicatione particula huius ex Animadversionibus nostris Curtianis: quam ad te nunc ipsum ita posse optem mittere & præmittere, dum ipse sequar, ut veteres venturi ad amicos preparare sibi aditum hoc genere solebant. Nosti enim antiquam eruditorum morem, qui si quos inuisere statuissem, ad eos præuiam Musam, vel libellum aliquem ἀποσινδόν, vel epistolam metatōriā ablegabant. Hos ut dico imitari ego, si possim, velim, quando veniendum mihi aliquando iam est, toties tam humaniter à te in suburbanum tuum, in quo maximam partē, urbanos strepitus fugiēs, literaria quietis audus agis, ut me nunquam etiam, dum hic sum, per occupationes tuas tibi visum nosceres, inuitatio. Sed quod volo tantoperè, metuo ut possim: imo certū est, non posse: nec enim hæc typis describentur ita subito, ut mitti queant prius, q̃ ipsi mihi gradus erit ad te affectādus. Pòst igitur hac, cū à Typographo redierint, intra menses aliquot; me autē mox videbis, cū erit cōmodum amicis, per quos & quibuscum vocas, quibuscq; uti ego tāquam mystagogis maxime lator,

tor, ut ab his potissimū in notitia tua sacrariū deducar, & ipsis initer amicitia sacris. Videbis hominem, nō qualem promittis fortasse tibi, nec in quo spem tuā agnoscas: eum tamē, qui visus auditusq. si minus ceteris reb. satisfecerit, obseruatia in te sua redimat alia omnia, & hac una expleat istā sui cupiditatē. Quā adeo magnam nihil est in me q̄ excitare tibi merito potuerit: & nimīū indulges benenolentia tua, qui tam præclarā de me foueas opinionē. Nam q̄ sic aestimas me, tribuere nulli rei, nisi amoris tuo possum: cui ut ipsi videmur, qui non sumus, ita hæc utinam, quæ in Curtiū missuri sumus videātur! quæ placitura quidē aliter vix sperarim. quamquā ut sic placeant, neq. debeo optare, neq. sanē opto. Adhibe imo iudicium illud acerrimū tuū, amore seposito, & censuram age liberrimam: quam si eruditio & scripta nostra sustinere non poterunt, mores quidē & vita sustinebūt egregiē, quib. & malo probari probis omnib. inprimisq., nobiliss. Rhedigere tibi, quē nō Doctrina magis admirabilē, quam Virtus venerabilem, utraq. certē facit ita & omnibus carū & ubiq. clarū, ut per te familia vestra, utriusq. laudē iam pridē celeberrima, & dignitas nūc magis exsplendescat, & gloria ad famam perpetua posteritatis efflorescat.

VAL. ACIDALII
AD Q. CVRTII LIBRVM VI.
ANIMADVERSIONES.

IEgenti mihi bonos auctores, & quàm eruditi, quàm multi, quanto labore, quantoq; iam tempore in expurgandos eos à tenebris & maculis incubuerint, cogitanti mirari sæpe subuenit & illorum prodigiosam corruptionem, & horum felicem industriam; ac miserari rursus hanc inexhaustam adhuc, illam exhauriendam fortasse vix vnquam, vt & dubitare necesse sit adeò, plurane vitia sublata sint à prioribus, an posteriorib. relictà: de quibus nec ipsis vtrinq; satis certum, illane plus olim negotij præteritis ingenijs fecerint, an hæc futuris deinceps assiduò sint factura. Magna vitiorum etiam nunc vbiq; materies, imò & fecunditas quotidie, quasi subolescentium, dum oriuntur ex alijs alia, quoque plura tolluntur, hoc repullulare plura videntur, quibus haud immeritò desperemus vllū vnquam parem fore vel vberimum prouentum ingenuorum. Neque hæc vt absterream alios dico, nec quòd ipse sim deterritus: sed vt excitem me pariter aliosq; & ad diligentiam maiorem studiumq; indefessum acuam, ne defatigemur in extirpanda barbarie, nec finem faciamus

ante-

antequam vestigia eius nulla amplius inueniamus. Hoc & difficile sanè admodum, & vix in viribus ingenij humani: at nihil arduum animo magno, nihil nimium improbo labori. Luctemur cum difficultate, capiamusque spiritus ab ipsa rei mole, in qua vel adnissum esse pulchrum est: nec destituet fortuna conatum omnium, si quorundam minus adiuuabit. Nos hoc animo viam hanc ingressi, quod in nobis est, sedulò faciemus, & pro parte copiaque nostra conferemus in commune symbolam qualemcunque post alios, & cum alijs, quorum in isto studio vel collegæ sumus vel imitatores. Nunc in Curtio sumus, in quo tot ante nos viri docti laborauerunt, tamque multa post se reliquerunt tamen, in quibus etiam laboretur, ut exinde potissimum in mentem nunc mihi venerit & cogitare, quæ scripsi, & scribere quæ cogitavi. Iam primum sub initia seculi politioris Huttenus hic sudavit & Erasmus: qui defuncti tamen leuiter, occasionem dedere magis alijs expoliendi, diligentius operis, quod ipsi rude, vix satis inchoassent. Successit ergo Glareanus, ille quidem non malè de Curtio meritis, neque semper ineptus adeò, ut videtur alijs, aut hi videri eum nobis volunt, quamquam scio multa & hic & alibi conatum, quæ nec ipse probo, & sine stomacho vel risu non transmittito. Sed amplecti voluntatem certè debeas, & studium laudare: quod & in alijs ego facio, qui hunc insecuti postea tametsi

ridiculus magis & minus utilis eorum labor, sæpè nocuus etiam in lacunis explendis, & supplementis, si Musis placet, concinnandis: donec exortus denique V. Cl. Fr. Modius, qui multorum fultus ope codicum manu scriptorum & amicorum aliquot, ac in his Germanorum subsidio, non quæ priores neglexissent tantum, sed & quæ malè tractassent, omnia diligenti cura, magnoque iudicio persecutus, auctori tantum lucis conciliauit ac nitoris, ut videri alius ille ac renatus posset, etiam sibi pænè esset ipsi, quatenus licet, redditus, nisi nonnulli superessent næui, quorum maximam partem nos abstergendam nobis sumimus, & tamen haud fortasse minimam post nos etiam alijs relinquemus. Existant utinam, qui perpurgent! nos interim, ut cœpimus, analecta quædam viliora cuerramus.

Pag. 138. *Non tamen omisere Lacedæmonij pugnam, & ut primum sibi quam hosti equiorem locum capere potuerunt, densatis ordinibus effusi, fluentem in se aciem excepere.*

Monstrum in sententia. Utine densarint se simul & effuderint? Verbulum corrige, *effuse*: id extrito commate refer ad sequens *fluentem*. Laxam & fluxam aciem densati stipatiq; excipiebant.

Ibid. *Spectabant ergo plures, quàm inierant prælium: & qui extra teli iactum erant, clamore inuicem suos accendebant.*

Fuit

Fuit cum malle, *inirent*: neque nunc pœnitet, si inuenio, cui probem. si nemini persuadeo, promptus etiam ego vulgato iterum adhærere.

Pag. 139. *Quippe Alexander hostes vinci voluerat, Antipatrum vicisse, ne tacitus quidem indignabatur, suæ demum gloria existimans quidquid cessisset aliena.*

Non satis liquet hoc, quod leui mutatione sic clarabis: *Antipatrum vicisse, nec tacitus quidem, indignabatur.* Multò expressius ita, nec in eam mentem aliter Latinus. Vt vulgò est, eò traxeris, quasi non sit indignatus, ne tacitus quidem & intra se, qui maximè & palam indignabatur, Alexander.

Ibid. *A quo Lacedæmonij nihil aliud, quàm vt oratores mittere ad regem liceret precati, non grauatè veniam defectionis præter auctores imptauerunt.*

Sequitur hîc eorum exemplum Modius, quos tam sæpe damnat, ac præpostera liberalitate de suo ista donat auctori, *non grauatè.* Iubeamus illum quoque res suas sibi vicissim habere. Nam quæ ratio, quia in membranis præcati, *geate* vel *grate*; nouas inde voces potius exsculpere, quàm eam ipsam, cuius locum occupabant, elicere? scilicet compendiosè, *virgulâ τῶ π*, quod ambiguè tamen etiam *g*, superimpositâ scriptum *precati* fuit: hoc leuiter deinde in eam faciem, quam membra-

na exhibent corruptum, è qua facile tamen vel alius quivis, tantò facilius Modius germanum *precati* agnosceret. Reddimus ei suum non grauatè, quod grauatè sanè Curtius accepit.

Pag. 141. *Postero autem die præcepit Ephæstioni, vt omnes captiuos in regiam iuberet adduci. Vbi singulorum nobilitate spectata secreuit à vulgo, quorum eminebat genus: M. hi fuerunt inter quos repertus est Oxatres Darij frater, non illius fortuna, quàm indole animi sui clarior. XXV I. millia talentum proxima præda redacta erant: è quibz XII. millia in congiarium absunta sunt. Par huic pecunie summa custodum fraude subtracta est. Oxidates erat nobilis Perses, à Dario capitali supplicio destinatus cohibebatur in vinculis. Huic liberato Satràpeam Mediæ attribuit, fratremque Darij recepit in cohortem amicorum, omni vetustæ claritatis honore seruato. Hinc in Parthienem peruentum est, tunc ignobilis gentem, nunc caput omnium, qui post Euphratem & Tigrim omnes siti rubro mari terminantur.*

Fuit prolixius adscribendus locus, vt ratio lectori facilius constaret emendationis. Hanc puto certam habere me, nec leuem: quippe in ordine turbato, & ἀνακολουσία manifesta. Quis non videt malè cohærere ista? Oxidates erat nobilis Perses, à Dario capitali supplicio destinatus, cohibebatur in vinculis. Iam quis credat, captiuorum recensitioni interseruisse Curtium de præda in

da in militum congiarium absumpta partim, partim custodum fraude subtracta? ἀπεροδο-
 νου hoc & indecorum. Nec est per aucto-
 rem aliter, neque potest ex ipsa re, quin illa
 cohæserint de Darij fratre, & nobili altero
 Oxidate. At nunc quomodo diuulsa? Trans-
 posita liquet, & fas nobis sic restituere, pristi-
 na serie verborum ex ingenio retextâ. Scri-
 be totum locum de integro: *M. hi fuerunt: inter
 quos repertus est Oxathres Darij frater, non illius for-
 tuna, quàm indole animi sui clarior. Oxidates etiam
 nobilis Perses, à Dario capitali supplicio destinatus, co-
 hibebatur in vinculis. Huic liberatò Satrapeam Me-
 diæ attribuit, fratrémque Darij recepit in cohortem
 amicorum, omni vetustæ claritatis honore seruato.*
 XXVI. millia talentum è proxima præda redacta e-
 rant, è quibz XII. millia in congiarium militum ab-
 sumpta sunt. Par huic pecuniæ summa custodum frau-
 de subtracta est. Hinc in Parthienem peruentum est,
 tunc ignob. Quæ insititia antè, nunc traduxi-
 mus, haud dubiè in natalem reduximus lo-
 cum. de quo si quis tamen hæret, illud qui-
 dem consentiet statim, captiuorum sic rectè
 continuatam enumerationem. Omni enim
 modo Oxathres & Oxidates isto coniungen-
 di modo.

*Ibid. Scythæ regionem campestem ac fertilem oc-
 cupauerunt, graues adhuc accola. Sedes habent
 & in Europa & in Asia.*

*Non satis fido istis verbis, graues adhuc accola.
 Suspicio leuiter, gnauis adhuc agricola. vt com-
 mendet*

mendat eos à peritia agriculturæ, qua excellant suo etiam tempore. Certè studium & vita illis in illa maximè, qui propterea campe-
strem fertilemq̃ue, vt hic ait, regionem octu-
parint, & vt lib.7. inter bona sua præcipuè iu-
gum bouum numerent & aratrum.

Pag. 142. *Vrbs erat ea tempestate clara Hecatompilos, condita à Grecis. Ibi statua rex habuit, commeatibus vndique aduectis. Itaque rumor otiosi militis viritim sine auctore percrebuit, regem contentum rebus quas gessisset, in Macedoniam protinus redire statuisse.*

Offendi iam olim vehementer ad vocem *viritim*, cuius insolens hic vsus, nec qui ferri posset, vt ego sentiebam. Itaque variè mutabam, nec ineptè quidquam: omnia tamen frustrà, quando alia tandem scripta lectio reperta in Modij Sigebergensi bono sanè libro. Is pro ea *vitium* habet: in sanè benè. Nec enim ferri modo potest, quod Modius ait, sed ferri vna, & præferri omnibus debet ipsissima Curtij scriptura. *Rumor otiosi militis vitium*, verè. Sic libro 8. idem *Otium ferendis rumoribus natum* ait. Et huc trahas illud è Taciti Annal. 14. ambiguae adhuc lectionis: *Hac more fama, credentium otio augebantur.* quod eo modo noster hic ipse Modius in Nouantiquis censuit emendandum, cum vulgò scribatur: *Hac in ore fama credentium otio augebantur.* Sed de illo expecta nos ad ipsum Tacitum suo propriè loco. Curtij quidem etiam nostri istud ex
8. lib.

8. libro huc accommodaueris : *Seditiosaque voces referebantur ad regem , quís ille haud sanè motus satisque prudens , otij vitia negorio discuti , edicit vt omnes in vestibulo regia præstò sint.*

Pag. 144. *Vestris armis continentur, non suis moribus : & qui presentes metuunt, in absentia hostes erunt.*

Clarius & venustius fuerit, *in absentis, siue absentes.* Atque ita credimus omninò Curtium scripssisse.

Pag. 146. *Ex ipsis radicibus montium Zioberis amnis effunditur , qui tria ferè stadia in longitudinem vniuersus fluit : deinde saxo , quod alueolum interpolat , percussus duo itinera velut dispensatis aquis aperit.*

Vbique ferè turbæ & confusio in verbis *interpolat , interpellat ,* suppositis inuicem sibi, nec locum suum tuentibus præ iniuria alterna. Hic quidem *interpellat* esse verius putem, quod præferunt quidam è vulgatis. Atque idem rectè lib. 4. repositum à Modio : *Quippe multam harenam vicinum mare euomit , nec saxa cotesque quæ interpellent specus , obstant. vbi vulgò interpolent.* Illud etiam inferius legitur hoc libro : *Otium interpellandum erat bello. quo loco non constituo , an melius interpolandum.* Bonum & elegans vtrumque. At alibi non nisi alterum legendum. lib. 4. *Silentium gemitu interpolabo.* lib. 6. *Satietatem epularum ludis interpolabâr.*

polabat. In Manilio dubitavi quoque iam olim:
lib.3.

*Et modò deest aliud, modò adest, vicibusq; recedit
Aut redit, atq; alio mutatur tempore tempus
Interpellatum variantum sorte dierum.*

Dubitavi an non rectius *Interpolatum* : maximè ob præcedens verbum *mutatur*. Sed hoc suo quoque, cum Dij volent, loco dispiciemus.

Ibid. Itaq; Alexander duos tauros, quæ subeunt aquæ terram, præcipitari iubet : quorum corpora, ubi rursus erumpit, expulsa videre, qui missi erant ut exciperent.

Ad *erumpit* amnem potes intelligere : tamen quia aquas terram subeuntes præmisit, concinnius *erumpunt* legas : nisi vel hoc ipsum ideò de industria vitatū, ne in sensu pareret ambiguitatem, & temerè de corporibus taurorum, non de aquis caperetur.

Pag. 147. *Se in præcipiti & lubrico stantem, consilium à præsentī necessitate repetisse.*

Prorsus hoc & ipse malo præ vulgatorum reperisse : quod tamen neque ipsum inelegans præpositione mutata : *consilium è præsentī necessitate reperisse*. id est quæsisse & inuenisse consilium è re nata, atq; ut præsens necessitas subijciebat.

P. 148. *Alij sunt, qui Mæcimpaludem in id cadere putent, & argumentum asserunt, aquam, quod dulcior sit, quam cetera maria, infuso paludis humore mitescere.*

Legam,

Legam, quòd dulcior sit, vel certè quia. nam vulgati quæ repræsentant. Vidi & alibi argumento: quod valeat, in argumentum, pro argumento.

Ibid. *Ad Septentrionē ingens in littus mare incumbit, longeq; agit fluctus, & magna parte exastuans stagnat. Idem alio cœli statu recipit in se fretum, eodemq; impetu quo effusum est, relabēs, terram naturæ suæ reddit.*

Non constituo, hoc quod scripti libri, an à Septentrione, quod impressi habent, melius. Illud planè ac facile statuo, voculam deinceps transponendam: *recipit se in fretum.* quod cum sententia manifestè velit, mirum est nō alios antehac vidisse.

Ibid. *Præter alios cōmeatus, quorum tum copia regio abundabat, pomorum quoq; ingens modus nascitur, & vberimum gignendis vuis solum est.*

De veritate scripturæ huius nō dubitem, et si cōcutiunt quidam omissione lē tum, vt scribendum forte *quorum copia regio abundat.* Ego nolim, non verborum equidem, sed sententiæ causa.

Pag. 194. *Dexteram venienti obtulit rex: quippe & hospes Philippi fuerat, cū Ocho regnante exularet, & hospitij pignora in regem suum ad vltimum fides conseruat a vincebat.*

Hoc explicandum, ne etiam peruertatur. Ista enim vera mens. Alexandro duplici nomine carus & gratus Artabazus; & ob hospitij cū patre ius, & magis ob fidem, quam ad vltimum regi suo constantem exhibuisset. Hospitij pignoro cōmendatum validius egregia sua virtus com-

K mendabat

mendabat & fides tam certa vnus in regē suum, quantumuis hostem Alexandri. Alia scriptura alienam sententiam gignat: quippe hospes Philippi fuerat, cum O r. exsularet, sed hospitij pignora in r. s. a. v. f. conseruata vicerat.

Pag. 150 Vnaratio erat cadendo aperire saltum Sed hoc quoq, magni operis: crebri namq, nodi nudauerant stipites, & in se implicati arborum rami suspensis circulis similes lento vimine frustrabantur ictus.

Vulgò nodauerant. Sed & hoc & illud pariter ineptum. Quis nodos nodare dicat? quid autem ad rem si nodi stipites nudarunt? quos tamen illi quomodo nudarū? Emendo, durauerant. Nodi crebri interuenientes durant & inobediens cadenti faciunt lignum: quod nemo vsq; ad eò lignum vt ignoret.

Pag. 151. Iam aliquantulum altitudinis opus creuerat, cum barbari desperato, regionem quam occupauerant, posse retineri, gentem suam dedidere.

Addenda præpositio: Iam in aliquantulum. libr. 4. Iamque à fundo maris in altitudinem modicam opus excreuerat.

Ibid. Inter que Bagoas erat specie singulari spado, atq, in ipso flore pueritiæ, cui & Darius fuerat, & mox Alexander assuevit.

Non potest abesse, quamquā defuit in membris, quod adest, non superest in vulgatis: fuerat assuetus.

Pag. 152. Nec tamen sinus vestis, quæ nodo colligunt, infra genua descendit.

Versum

Verſum Maronis aſpexit: — *nodoq; ſinus col-
lecta fluentes.*

Pag. 155. *Ceterum Satibarzanem, quem Satrapen
Ariorum ipſe præfeciffet, defeciſſe ab eo.*

Eſt & *Satrapia*: quod potius videtur cū verbo
præfeciffet, vt alterū *Satrapen* cum ſimplici ſciſſet.

Ibid. *In vertice herbidus cāpus. in hoc multitudinem
imbellium cōſidere iubent: ipſi quā rupes erat, ar-
borum truncos & ſaxa obmoliuntur.*

Qui attētius hoc legit, neq; præteruolat ocu-
lo vel animo, cum neceſſe eſt offendi. Quo enim
conſilio illi ſaxa & arborum truncos obmolie-
bantur ea parte, qua erat rupes? Hic quidē nulla
munitione opus, vbi rupes ipſa ſatis arduū mu-
nimentum. Contrā potius, *quā rupes deerat*. Illic
naturā deficiente, manu & arte ſubueniendum
erat. Sed non ita tamen auctor ſcripſit, cuius hæc
ē cōiectura noſtra nō arbitraria, ſed certa lectio:
quā rupes ſederat. hoc eſt vbi leniore faſtigio erat
ſubmiſſa, quomodo paulò antè locutus, in ipſa
deſcriptione: *Prærupta rupes erat, quā ſpectat Occidē-
tem: eadem, quā vergit ad Orientem, leniore ſubmiſſa
faſtigio multis arboribus obſita*. Ecce, quā rupes hu-
milior, arbores ad manum, quas ex iſas cū ſaxis
pariter intercludendo aditū moliebantur.

P. 156. *Ac primò repurgari iubet quidquid ingredi poſ-
ſent: deinde vt occurrebant innie cotes præruptæq;
rupes, irritus labor videbatur, obſtante natura.*

Vulgò *repugnari*, & *quacunq;*, & *poſſet*. Dicam
quod ſentio. Non mihi totus hic locus ſatisfa-
cit: quem & vereor vt ſatis integrum habeamus.

Certè ante eū deesse videtur nescio quid, quo significet ad obsidendam Artacaenam, quæ Artacoana Arriano, Diodoro Chortacana, Craterum missum. Nam paullò inferius ecce: *Hinc ad Craterum, qui Artacaenam obsidebat, redit.* Nisi enim & hîc disertè missum eò prædicat, intelligamus apud regem in oppugnatione rupis hæsisse, in cuius obsidione anteà fuerat relictus. Hoc igitur ommissum turbare & sequētia potuit, ut nec verba nunc fortassis omnia, nec sententia compareat satis expedita.

Ibid. Varia igitur cade consumpti sunt. Alij in medios ignes, alij in petras præcipitauere, quidā manibus hostium se obtulerunt, pauci semiuoluti venēre in potestatem.

Minus propriè *cadem* dixerit omnia hæc genera mortis. Scribo, *Varia igitur clade cōsumti sunt.* Et id verum mihi sanè liquet.

Pag. 157. *Ab hac vrbe digresso supplementum nouorum militum occurrit. Zolus D. equites ex Græcia adduxerat, tria millia ex Illyrico Antipater miserat. Thessali equites centum & triginta cum Philippo erant. Ex Lydia duo millia & DC. peregrinus miles aduenerant. CCC. equites gentis eiusdem sequebantur.*

Diu me & acriter hic locus torfit: neq; dum inueni, in quo penitus acquiescam. Primum offendebar, quòd ait *peregrinus miles*, & mox, *gentis eiusdē.* Cur gentem ipsam nō nominauit? Offendebar & ibidē hoc quòd cū *miles* dixisset, *equites* subiungit. An equites ergo nō sub nomine militum?

litum? sunt verò: sed noster etiam aliàs equitem à milite discernit, vt hūc de pedite magis capiat. Ita paullò superius: *Amicos verò & equites, cumq; his principes militum aspernantes quidem, sed recusare non ausos Persicis onerauerat vestibus.* Et inferius: *Iam ad omnes aditus dispositi milites: equites itinera quoq; obsidere iussi, ne quis ad Parmenionē occultus euaderet.* Sic enim legendum omninò ibi cum vulgatis, etsi Mss. Modij vocem *militēs* non habebant. Et lib. 10. *Intra id spaciū armati omnes starent, hinc milites, hinc equites, illinc phalanx.* Hoc igitur planum: alterum de nomine gentis omisso, leue. Sed illis quid faciemus? *Thessali equites centum & triginta cum Philippo erant.* Quid enim sibi volūt? Scimus equitibus Thessalis prapositum Philippum. E multis id locis constat, ex isto lib. 4. maximè: *Hos Thessali equites claudelāt Philippo duce.* Quid autem hoc ad milites novos, qui nunc primum aduenisse memoratur? An is sensus in hoc loco, Philippum è Thessalia recentes hos centum & triginta adduxisse? Sic videtur. At inquit, *Erāt cum Philippo:* nec mentio vsquam, si memini satis, ab Alexandro Philippum digressum. Ita verba magis hoc innuerint, ex omni Thessali equitatus numero centum & triginta iam saltē Philippo superfuisse: reliquos scilicet variis superioribus præliis absumptos. At qd hoc dici attinebat isto loco? Importunè inserat enumerationi supplementi, nisi aliud præterea addat. Quòd si is sensus, addidisse profecto mihi aliquid videtur, & videor id ipsum hīc videre, sed diuulsum à prioribus

ribus & traiectū. Liceat enim coniicere, in hanc sententiā sic illa cohaesisse: *Thessali equites centum & triginta cum Philippo erant: CCC. equites* (possis & debeas *equites* hic omittere) *gentis eiusdem sequebantur.* Id enim nunc dicat: Equitatum Thessalum, qui cum Philippo, ad centum & triginta recidisse: his in subsidium & supplementum venisse novos Thessalos trecentos. Sed hæreo adhuc ego de interpretatione verborū priorum: quorum si ista vera; de translatione rectè. Quo firmem, non habeo, & facilius inuenerit alius, quo infirmet. Si tamen aliquid in re; quæ traduximus & coniunximus, iis vel præponi vel postponi debebunt interiecta adhuc ista: *Ex Lydia duo millia & DC. peregrinus miles aducnerant.* Rogo considerent alij diligentius, & vel hæsitātem me confirment sine mea laude, vel refellant errantem sine mea fraude. modicè ac modestè fieri vtrumque volo, alterum certè sine calumnia, quam non feremus, & speramus

ἀνδρ' ἀπαράσπειναι, ὅς τις πρὸς ἄλλους χαλεπήνῃ.

Pugnandi sanè cum nemine mihi libido, naturā ac disciplinā facto ad quietem: si quis tamen impudenter & procaciter laceffet, ita veniam animatus & armatus, vt temeritatis cum suæ citius poeniteat, quàm me audentiæ meæ. Benè si quid monemus, vtilitati tuæ, lector, haud laudi nostræ studemus: malè si quid etiam aliquando, te scilicet æquum est ignoscere, si tamen videbor, quod spero,

ἄλλοις ἐν ἐπιλοῖς ἰόντ' ἀπαρσιεῖναι φόβον.

Ibid.

Ibid. *Hac manu adiecta Drancas peruenit.*

Siue potius *Drangas*, vt vulgatę editiones. Diodor. *Ἰν Δραγγίνῃ.*

Ibid. *Iam nonum diem statua erant, cum externa vi non tutus modo rex, sed inuictus, intestino facinore petebatur.*

Nescio quid monstri alit vulgatum *interritus*, pro *tutus*, quod in scriptis. Sed & hoc transponendum videatur sic potius: *externa vi non inuictus modò rex, sed tutus*. Ita sensus enim velit, et si de verborum ordine scio auctores aliquando ita variare. Ait, non modò nunquam victum externo tali scelere, sed nec vnquam, reapse nimirum, attentatum, quo tunc domestico sit petitus. Quid autem, si ex vtraque lectione conglutinatis, ipsis binis vocibus vnā facias? Haud equidem difficulter ex *interritus* & *tutus*, fiat *intentatus*. Calidum hoc est, & sit forasle nimis callidum: valdè tamen suspicioni fauet & literarum in hanc vocem tacita conspiratio, & magis ipsa sententia: quæ omninò vult, non inuictum modo regem externis insidiis, sed etiam prorsus intentatum. Quomodo vocabulum primo dissilierit, mox in diuersa literæ abierint, & nata denique sit ex librariorum hæsitantia diuersitas, in promptu erat ostendere, nisi nollem videri plus æquo cōiecturæ isti tribuere: & vident tamen omnes mediocriter in hoc studio versati.

Pag. 158. *Quibus iuuenis auditis, se verò fidem in paricidio dedisse constanter abnuir, nec vlla religione vt scelus regeret, posse const: ingi.*

Non venustius tantum, sed & rectius sit, in *parricidium*. quomodo volo profus emendari.

Pag. 160. *Rex item querens an Philotam adisset, an institisset ei.*

Forſan iterum.

Pag. 165. *Nullius eorū indicio Philotas particeps deſtinabatur.*

Quod vulgò eſt, in *participes ſcleris deſtinabatur*, ferri poſſit, ſi inter emendes.

Ibid. Tum rex, *Qualis, inquit, ergo animi vobis videtur, qui huius rei delatum indicium id ipſum ſuppreſſit, quod nō fuiſſe vanum Dymni exitus declarat? Incertam rem deferens tormenta nō timuit. Ceballinus ne momentum quidem temporis diſtulit exonerare ſe, ut cò, vbi lauabar, irrumperet. Philotas ſolus nihil timuit, nihil credidit.*

Quis ille, qui rem deferēs incertam tormenta non timuiſſe dicitur? Addi nomen debuerat. nec poteſt verò capi de Philota: quod cum putaret Glareanus, intricauit ſe magis & locum, quàm expediuit. Etiam Modius hæret, cui obſcurum oppidò locum eſſe penitus aſſentior; illud quoq; ferè, ut in membranis ſcribitur, ita legendum. Earum iſta ſcriptura: *Incertam rem deferens tormenta non timuit Ceballinus. Ne momentum quidem*, &c. Ita quidem hercle diſtinguendum potius. Nam deferēbat à fratre audita Ceballinus. At idem etiamne ad Alexandrum irrupit ipſe cōmodum lauante? Id verò falſum. Non enim hic ipſi regi, ſed Metroni cuidam indicium deferēbat, qui rectà protinus Alexandro.

Huius

Huius omiffum nomen, inferendum rurfus, & omnia funt plana. Periit illud affinitate literarum, quæ excipiebant. Ita verò fcribe nunc & interpunge: *Incertam rem deferens tormenta non timuit Ceballinus. Metron ne momentum quidem temporis distulit exonerare fe, vt (fortaffe quin melius) eò, vbi lauabat, irrüperet.* Ne dubites audi & recognosce fuperiora, quæ probant non modò, fed flagitant, fed expofcunt: Cæperat Ceballino efle (Philotas) *fufpectus. itaq, non vltra interpellandum ratus, nobili iuueni (Metroni erat nomen) fuper armamentarium pofito, quod fcelus pararetur indicat.* Ille Ceballino in armamentario abfcondito protinus regi corpus forte curanti quid iudex detuliffet oftendit. Satin' clarè, fatin' ordine ifta Curtius? Ille quidem plenè omnia hæc & planè. Nam Arrianus breuiter nec adeò difertè; Diodorus paullò difertius ac prolixius, idem mutilè tamen fepè, neq; hîc nomen exprimit eius, qui indicij Ceballini index. Vnũ fuiffe ex regiis pueris ait. Sed benè, quòd ex Curtio nobis & hoc, & alia constant, ne foris quæramus, cuius abundè eft copia domi.

Pag. 168. *Ecquid videtis odio etiam sermonis patrij Philotam teneri? Solus quippe fastidit eũ dicere.*

Non damno eum, malo tamen eo. Dicere eft caufam agere. Nolebat fcilicet agere patrio sermone.

Pag. 169. *Abest quidẽ optimus caufa mea iudex, cum illi vtrinq, cognita caufa tam damnare me liceat, quàm abfoluere. Non cognitã verò liberari ab abfente non poffum, qui à prefente damnatus fum.*

Quid ita Modius *utring*, maluerit, quàm quod in excusis esse idem notat, *utiq*, non mehercule exputo. Vix illud interpretere vilo pacto ut quadret: hoc rei conuenientissimum omnibus modis. Nec ego iam quidquã dubito reponere, qui illud tamen dubito adhuc leuiter, an non & sequẽtia, quę *λελεύσις* μὴ nunc disiuncta, tenore vno continuanda: *cũ illi utiq, cognitã causã tam damnare me liceat quam absolvere; non cognitã verò liberari ab absente non possim, qui a. p. d. sum.*

Ibid. *Sed quamquam vincti hominis non superuacua solum sed etiam inuisa defensio est, quæ iudicẽ non docere videtur, sed arguere: tamen utcunq, licet dicere, memet ipse non deseram, nec commutã, ut damnatus etiam mea sententia videar.*

Non arguta magis hæc quã vera lectio: quam tamen ita esse non potui persuadere cuidam, in aliam sententiam non minus equidem acutam, Curtio tamen alienam, transpositione & correctione non prorsus inepta, sed omninò superuacua, torquenti. Legi ille sic volebat, & debere pertendebat: *sed quamquam vincti hominis non inuisa solum, sed etiam superuacua defensio est, qui iudicem non docere videtur, sed se arguere.* Nempe, aiebat, qui vinctus causam dicit, præiudicio vinculorum se magis ipsum arguit, quàm oratione iudicem instruit. Atq; hinc proximo libro Amyntas, vinculis solutus, eleganter: *sine præiudicio dicimus causam, liberis corporibus animisq; habitum etiam in quo te comitari solemus reddidisti.* Aciem hominis vide: sed teneat ipse hoc, quamdiu volet, & amet suum
solus

solus ineriorali: nobis hebetioribus acumē placet expressæ scripturæ, magis acre & penetrans & prorsus à mucrone ingenij Curtiani. Vincti hominis defensionem liquet esse superuacuum, utpote iam damnati. eadem autem cur quisa? non enim docere videtur iudicem, sed arguere: quomodo tamen arguere? Vinctus reus, cum se defendit, iudicem sanè arguit & accusat, à quo iniuste damnatus vult videri. Damnati excusatio iudicis est accusatio. Et huic tantum sensui conueniunt, quæ in altero orationis membro: à quibus abhorret nimium quantum, imò cum quibus directò pugnat alterius, quem me dicere sentio, noua lectio & interpretatio.

Ibid. Nicomachus, quem taciturnum arcana de semetipso credebatur, confessus, aliis nominatis me vnum subtrahebat.

Olim per interrogationē efferendā mihi videbantur hæc: alia nunc mens attentius cōsideranti. Maius enim vitiū, nec in distinctione tantū, sed ipsa scriptura. Vt Nicomachus subtraxisset Philotē nomen dicatur, ineptū, neq; quidquam cohereret locus, si sic amplius feramus. Vt aptè ex se apta omnia, sic locū integrum rescribe: Atqui cōiurationis caput me fuisse credit rex. Pōtuit ergo Dymnus eū præterire, quem sequebatur? Præsertim cum querenti socios vel falso fuerim nominandus, quò facilius, qui tentabatur, posset impelli. Non enim detecto facinore nomine meū præterit, ut posset videri socio pepercisso: sed Nicomacho, quē taciturnū de semetipso credebatur confessus, aliis nominatis, me vnum subtrahebat. Quæso cōmilitones,
si Cebal-

si Ceballinus non me adisset, &c. Ita Curtius, ita Philotas voluit: qui ista scilicet, vnum me subtrahebat, per εἰς ὧν εἰς αὐτὸν.

Pag. 170. *Maligna est calamitas, & serè noxius, cum suo supplicio crucietur, acquiescit alieno.*

Vt verum sensum assequare, lege, *crucietur*. Nam is iste: Noxius dum supplicio suo torquetur, in alieno interim solamen habet & leuamē.

Ibid. Graui sopere acquiescebam, cum me malis indormientem meis vinciendo excitauerunt. Vnde & parricidæ & proditori tam alti quies somni?

Parum aut nihil ad rem vox *proditori*. An enim proditor Philotas? & ille verò quorum? sui, an sociorum? Si ad regem trahis, non prodere cogitabat hunc, sed perdere. Minus ergo, quàm pro sceleris gravitate. Quid autem tricolor? egregiè hoc etiam emendamus, vnius syllabæ detractione: *Vnde & parricidæ & prodito tam alti quies somni?* Valdè ἐν ἐγγύτητι, & ex intimis affectibus Naturæ. Non cadit securitas, & securitas vsq; ad somnum, & somnum deniq; tam profundum, non hæc, inquam, cadit in parricidam, & parricidam quidem cum, qui se proditum iam sciat & delatum. Hoc ex sequētibus ita elucescit, vt qui non videat, nō luscum oporteat esse, non lusciosum, sed plane cæcum, & supra omnia omnino exempla cæcitatatis.

Ibid. Sed ne te mihi credidisse pœniteat, res ad me deferrebat à puero, qui non testem, non pignus indicij exhibere poterat, impletur omnes me si cœpisset audiri.

Istud verò nō mutandum. Nam aliena mens, et si non importuna: *Sed ne me tibi credidisse pœniteat*, tamquam præcisio sit, qua sermonem abrumpat de venia, quam antea rex dedisset. Verum de fide reconciliatæ mihi gratiæ tuæ plura non dicam, ne credidisse tibi pœnitere videar. Ac præeunt huc ista, quæ proximè præeunt: *At mihi securitatem primū innocentia mea, deinde tua dextera obtulerat. Non timui, ne plus alienæ credulitati apud te liceret, quàm clementiæ tuæ.* in quibus & legendum forte potius attulerat. Hoc autem et si non absurdum, vt dixi, non tamen verum, & simplicissimus in excuso ille sensus: Ne te pœniteat excusanti tum mihi credidisse, siue ne temerè aut frustrà credidisse videaris, iterabo hîc excusationem apud Macedones, vt constet & his, meritò habitam mihi fidē, nec sine vera causa quæ audieram silentio me pressisse.

Pag. 171. deniq, post delatum indicium, quo periturus eram, cubiculum regis solus intraui ferro quidem cinctus. Cur distuli facinus? an sine Dymno non sum ausus?

Etiam si bis dicetur idem, & quātumuis Modio non finente, placet mihi tamen impensius vulgata lectio, quam reddo Curtio volenti: *Deniq, post delatum indicium, quid opperiturus eram? Cubiculum regis, &c.* suus cuique sensus, mihi meus: quem non pauciores, spero, quàm Modij sequuntur.

Ibid. Non me hercule ista me magis ledunt, quàm quod Amyntas Perdicca filius insidiatus est regi:
cum

cum quo quoddam amicitia fuerit mihi non recuso defendere, si fratrem regis nō oportuit diligere à nobis.

Vix germana ista, *non recuso defendere*. Dicturus fuisse magis videtur, non defendam, non excusabo: ut negatio forsan expellenda sine qua fiat illa ferè sententia. Scilicet ita defendebat, quia cōstaret satis, omnibus omninò diligendū fuisse fratrē regis. quod si is non fuerit; nullam inquit, defensionem se adhibiturum. Imò verò sic ait: aliam se veram & legitimam allaturum, nisi ista ipsa sit, quod & iure amatus, & amandus necessariò fuerit ille. Atq; ea vera profectò sentētia, veris & sinceris verbis. Tamen in mentem veniebat, *non recuso defendere*: id est, satisfacere pro ea culpa, si culpa fuit. Haud inepte sanè, tamē hercle frustra.

Ibid. *Sin autem in illo fortuna gradu positum etiam venerari necesse erat, utrum queso, quod non diuinaui, reus sum?*

Ἐπεὶ οὖν istud, *utrum*. Emendo verissimè, *iterum*.

Respicit ad illud prius: *At enim Dymnus se occidit. Num igitur facturum eum hoc diuinare potui?*

Pag. 172. *Scriptissis me hoc fateor regi, non de rege scripsisse. Non enim faciebam inuidiam, sed pro timebam.*

Nihil erat necesse geminare verbum *scripsisse*, quod vulgati posteriore loco venustius omittunt. At sententia duplex potest esse. Ad regem scripsi, non ad alium de rege: quod si factum, inuidiam isse factum videri queam. Nunc quia ipsum, pro fama scilicet eius timuisse me & existima-

existimatione fuisse sollicitum apparet. Aliter paulò, & multo fortasse verius ita scripsi regi, sed non ut regi, nec de rege, sed amico. Id præcedentia requirere videntur: *Fides amicitia, veri consilij periculosa libertas, vos me decepistis, vos quæ sentiebam ne reticerem impulistis!*

Ibid. Retinete me in vinculis, dum consulitur Hammon interim.

Vulgatam lectionē reducturus, deprecor antè diras, quas non condignas satis imprecari se posse Modius ait illi, qui princeps eam cudisset. Mitte deuotiones tuas, nisi vis expetere in te ipsum. Corrupta tu censes ista? *Retinete me in vinculis, dum cōsulitur Hammon in arcanū & occultum scelus.* Interim qui regem nostrum dignatus est filium, neminem eorū qui stirpi suæ insidiati sunt, latere patietur. Ut censes, quid mouit? Interim particula credo maxime: cuius tamen idē non inelegans vsus & apud alios sepe, & apud Senecam vnū frequentissime. Sciunt, quique non duro nimis ingenio, aut memoria fluxa: quæ mihi tamē ipsi non nunc ita cōstat, ut exempla in numero habeā, quæ alioqui plurima notavi. Nam ista hīc ibidem, *in arcanū & occultum scelus*, glossam esse, vel quoquo modo irrepisse temere, nemo, nec Modius quidem ipse crediderit. Nimis honesta locutio, *Oraculū consulerē in aliquid*: quæ facile abstertere quemuis poterat, ne vim inferret; me certē inuitauit & sic cepit, ut defendam ab alio illatam. Sed in hac tanta tumultuariæ pænē scriptionis propè ratione, serò in memoriam redeo loci Curtiani ex quar-

ex quarto libro, quem illuc emendatum, hic etiam tum emendandum destinabam. Scilicet in eo de particula *interim* suspicabamur, quæ si restitueretur, ita ferè usurpata esset, ut hic volumus usurpatam. Verba sunt pag. 84. *Haud aliàs tam alacrem viderant regem, & vultu eius interrito, certam spem victoriæ augurabantur.* Inseruimus ibi tum præpositionem, & *ex vultu*: nunc hoc amplius, *interrito* illud mutandum censemus in *interim*. Nam de interrito vultu minus hic quàm pro re: quippe in tanta regis alacritate, quantam haud aliàs in eo milites vidissent. Mihi valdè sic placeat: & spero non aliis item elegantibus ingeniis displiciturum.

Ibid. Solent rei capitis adhibere vobis parentes. Duos fratres ego nuper amisi: patrem nec ostendere possum, nec inuocare audeo, quum & ipse tanti criminis reus sit.

Nihili verbum in hac re, *adhibere*. Mihi liquet, *exhibere* corrigendum: cui respondet, quod hic iam habes, *ostendere*. Sic & lib. 7. in simili pænè caussa: *Iussus est fratres suos exhibere admodum iuvenes & regi ignotos ob atatem.* Nec in dissimili adeò, quamquam non eadem, suprà isto libro: *Res ad me deferabatur à puero, qui non testem, non pignus indicij exhibere poterat.* Ceterum hanc non adstrictè nimis scriptum, *solent exhibere parentes?* Non herclè verò parentes tantum: sed omninò propinquiore cognatione reum contingentes: & statim subditur de ipsis fratribus. Vnam alteramq; voculam puto periisse, quâ coniecturâ quilibet facile reuocarit.

Pag. 173. *Et finem facio dicendi: quoniam vltima verba grauiasunt auribus.*

Omninò generalis hæc sententia, & optimè sic à Modio constituta: quam pessimè destruit iterum Lugdunensis quicumque est editor, & ad præsentem concionem adstringit, recepto in textum *vestris*. scilicet vtrumque suo more secutus editionum genus, ne alteri forte præiudicaret, & ipse verò medium (quod ille aiebat) vbique secaret. Nunc hinc, nunc illinc stat: vtrinque alternis causam dicit. Hîc Modio sedat, cum *visa* reiicit: cum *vestris* etiam tenet, vulgo gratificatur. Abi inepte, quò dignus es, nec arbitrumingere te doctis, qui suo iudicio melius stabunt.

Pag. 174. *Ludibrio ei fuisse rusticos homines, Phrygasq; & Paphlagonas appellatos, qui non erubesceret Macedo natus homines lingue suæ per interpretem audire.*

Vocula hîc etiam certò excidit, qua repolita fit totum elegantius: *Ludibrio ei fuisse se: rusticos homines, Phrygasq; & Paphlagonas appellatos.* Macedones suos etiam Philippus ioco noto rustiores dicebat, qui scapham scapham appellarent: quò, si fortè, potuit alludi.

Pag. 176. *Amisimus regem, incidimus in superbiam.*

Non fortè, sed certo, sed omninò legendum vulgata iteratione: *Amisimus Alexandrum, amisimus regē.* sed has nō necessarias mutationes nec vacat omnes persequi, nec est sane hîc propositum nobis. Indignitas tamen rei sæpe cogit, vt

vindicem & retraham vel in transitu, quæ im-
meritò multa nimis in exsilium acta.

Pag. 177. *Cum Philotas circumlatis oculis, ut inci-
deret in Calin quendam haud procul stantē, pro-
pius eum iussit accedere.*

Verbū *incidere* vim propriè nō eam habet, ut
opera dedita quærat, sed casu offeratur. Idcō
malim hīc, ut *inciderat*, quod est, cum incidisset.

Pag. 178. *Omnes ergo à Nicomacho nominati more
patrio, dato signo, saxis obruti sunt.*

Alium morem Arrianus ingerit, qui nō saxis
ait obrutos, sed confossos telis, siue *μεγαστοῦ
ἀνδρῶν*: quod sequenti quidem libro apud no-
strū Lyncesti Alexandro euenit: etsi & ibidem
in Polemonem saxa moliuntur, suo quidem, ut
iterum addit, more. De cetero, cauillari Cur-
tium hīc & insimulare negligentiae possis, qui
dicat à Nicomacho nominatos omnes suppli-
cio affectos. Id verò falsum, ac duplici quidem
modo. Nec enim illi omnes, neq; rursus ij tan-
tū. Primū non omnes. Impunis enim Amyn-
tas, qui superius & ipse à Dymno inter cōscios
Nicomacho detectus. Et verisimile, quotquot
ab illo Nicomachus hic acceperat, eorū nemi-
nem subtraxisse, ut nec addidisse quemquā, de
quo alter forte tacuisset. Ille autem suprā: *Simul
gratulatur quod fortissimus iuuenum non dubitasset se
adiungere Demetrio corporis custodi, Peucolao, Nicano-
ri. Adicit his Aphebetum, Loccum, Diogenem, Archepo-
lim, Amyntam.* Hic postremus certè libro dein-
cipe causam pro se dicit, & absoluitur. Ac suspi-
cari

cari liceat, præter hunc alios etiam fortasse nonnullos iudiciū ac supplicium effugisse: de quibus quidquid sit, Amyntas certè palàm nõ vna interemtus. Non igitur omnes prorsus, qui à Nicomacho nominati. Iam neque illi tantum. Nam etiam Philotas ipse & Calis: quos manifestum itē est ab indice nequaquam nominatos. Quid verbis igitur istis ancipitibus faciemus? Excidisse Curtio imprudenti ipsi credemus, an fraudē hanc ei librarios fraudos? Huc inclinem magis: at emendationē quam opportunam inueniemus? Audacia magna vtendum sit: quam ego huiusmodi vix mihi permiserim, à *Macedonibus damnati*. Mos quidē ille Macedonum vetustus, vt ipsorū cognitio esset, quem & noster ipse nos docuit hoc libro: *De capitalibus rebus vetusto Macedonū modo inquirebat exercitus: in pace erat vulgi. Nihil potestas regum valebat, nisi prius valuisset* (nescio quid occulti hīc mendi) *auctoritas*. Itaq; & *Alexāder Macedones inquit de te iudicaturi sunt: & ipsi Macedones Philotam inquinare innoxios velle suspicabantur*. Sed vtcunque hoc firmemus, à recepta lectione nimium recedit. An ergo potius? *Omnes ergo et si à Nicomacho non nominati*. Sic omnem facillimè cludamus obiectionem, neque Curtium tamen scripsisse sic facile probeamus. Alij viderint hoc. ad reliqua nos properamus.

Ibid. Dum inficiatus est facinus, crudeliter torqueri videbatur: post confessionem Philotas ne amicorum quidem misericordiam meruit.

Hic verò dele vocem *Philotas*, quæ tam manifesta temerariæ glossæ, vt mirum sit haud etiam pridem deprehensam. Curtius quidem si addidisset, non eo quo nunc est loco, sed initio statim posuisset. Sed nec addidit, nec opus fuit, cum in medio, non alium quàm Philotam designari.

VALEN-

VALENTIS ACIDALII
IN Q. CVRTII LI-
brum VII.

ANIMADVERSIONES.

A D

IACOBVM MONAVIVM
virum nobiliss. IC. & patritium
Vratislaviens.



Ad te quoque itur, Monavi CL. non quia nemini obtrudi possit, sed quòd nemini magis volo. Quid enim? ego te tacitus hìc omittam? Absit, neq. Dÿsirint, ut hoc tantũ in me admittam scelus. Ita enim sentio, ita loquor: scelus, ac planè nefas, honorem tibi non habere, qui tot nominibus debetur. Ut priuata mittam mea, quot publica sunt nomina, quibus obstricti omnes tibi sumus, qui literas & harum quodcung. genus tractamus? Est animus, si sint vires, explicandi omnia hìc & velut profitendi. Quorsum autem, si nec vires absint? Nemo est omnium, qui, quantum debeat, vel nesciat vel neget. Ad hoc neq. tu cõmemorationem tuleris, grauem pudori tuo: qui nec benefacis quidquam, ut au-

P R Æ F A T I O.

*diâ benè, sed ut feceris, & in ipsa sola cōscien-
tia mercedem unam tibi statuis, aliorum secu-
rus præmiorum, quæ ultro tamen ambiunt
non affectantē & nec respicientem consequun-
tur. Inter hac nescio si numerare potes aut de-
bes hoc etiam scripti genus, quod honorî nomi-
nis tui offerimus & venerabundi velut conse-
cramus. Tu quo loco habeas videris: ego quan-
tumuis leui donario isto mactō te, cuius no-
men ut numen à puero observavi, nunc magis
ipsum te veneror, postquam nosse magis cœpi.
Nam fama credebam equidē antea, cui fidem
nunquam abrogo de viris magnis: sed hanc
superasti tu profecto apud me, qui præsens &
agnoui quæ pradicasset illa, & quæ pradicari
ego quidem nec audieram cognoui. Rarum hoc
& insolitum ferè prorsus, certè non ex vulgi
dictis, quæ in maius omnia tradi à fama &
credi, tum præsentia minui eam affirmant:
verum tamen omnino: nec ego frontis huius
aut oris, ut simulare vultu aut verbo possim,
quod in interiore animo non sentiam. nec au-
sus eram eloqui hoc ipsum, nisi evenisse aliis
idem non crederem modò, sed scirem. Ego ita
sum felix, ut felicem me iudico, quia vidi te,
quia novi. quid me censes? nonne beatum vi-
deri mihi quòd amicitiam tuâ adeptus? quid
autem*

autem denig³? quanti illud faciam, aut propter illud quem me faciam quòd amicitia ipsi frui familiariter mihi datum? Ne mihi quidquam credideris, Monauri, nisi id ipsum inter causas precipuas reditus huc mei & mansionis in hac urbe: quam ut sedem nunc otio & studiis meis legerem non hortabatur tantum perpetui ius contubernij cum amicissimomeo, cognato tuo, CL. V. D. Bucretio, sed suadebat etiam viro- rum hic doctorem tanta copia, quantam alibi vix inueniam, & horundem insignis huma- nitas, cuius gustum in transitu percepissem, tum cupiditas impellebat tui quoque mirifica qui- dem illa cupiditas: quam ex consuetudine pau- corum dierum ita profundè hauseram, ut à meis non agro, quod mireris, animo tam re- pente rursum auellerer, ne à vobis agerrimo diutius abessem. Redij igitur auidè, nec me pœ- nitet: ab omnibus abundè satis fit expectatio- ni mea, & tu verò spei sic respondes, ut omni genere comitatis aques, excedas multa etiam benignitate. Sed in laudes & has & alias tuas nolo hic diffundi. Ut gratum aliquo pacto me videas, hanc tibi nunc partem Curtianarum Animaduersionum offero, quam boni consu- les, dum maiora aliquando & plura possim. Tenue munusculum est, quod aestimabis ab ani-

PRÆFATIO.

mo meo potius quàm ab ipso. quamquam & de ipso existimare te volo & iudicare. Prorsus hoc inquam volo. nam ipsum iudicio tuo magis eget, quàm tu munere ullo. Nec doni te reuerentia moueat, quo minus seriū iudicem agas. Ego sic habebō: quò censura tua fuerit acrior, eo impensius tibi placuisse. Ut autem placere istuc poterit, animum hunc tui obseruantissimum & addictissimam tibi voluntatem placituras omnino confido, quam lubens amplecteris & valebis ò meum, ò urbis huius, imò regionis, imo Europa totius illustre sidus & praeclarum ornamentum.

VAL.

AD Q. CVRTII LIBRUM VII. Animaduers.



ULTIS omninò reprehensionibus obnoxium est genus hoc siue studij, siue artis emendandi veteres scriptores, quam Criticem appellant. Has refellere prorsus hic quidem locus non patitur, & cum alij iam pridem fecerunt in parte, tum nos fortassis alibi copiosè & ad plenum ita præstabimus, vt & immeritò inuisos vtilissimos labores, & amore, laude, dignitate etiam aliqua dignissimos euidenter ab omnibus intelligatur. Nunc cōmittere tamē haud possum, quin vni breuiter obiectioni respondeam, quam illi impingunt etiam nobis, qui aliàs minimè toti isti generi iniqui, Modum tandem aliquem corrigendi fieri volūt, & quasi persanata iam vbiq; omnia, medicinam aiunt abstinendam. Remediis enim laborari iam, sic prorsus vt antea morbis, & nimium quotidie multos existere medicos, qui operam sanis iam passim ac certatim etiam obtrudant. Hi quàm vellem verum dicerent! Sed vereor ego, ac dici verè vnquam possit, adeò nondum hodie potest. Vix cœptum benè hoc opus communibus eruditorum operis, quod integrū nunquam exhibebitur, elaborari tamen quatenus potest, intra seculū vix absolua-

tur in magna etiam ingeniorum maximorum
 vbertate. Reuolue mihi paullisper animo, quid
 à seculis iam aliquot industria laboriosissimo-
 rum hominum præstitum. egregium illud qui-
 dem, & multum: sed obsecro quantulum, si reli-
 quum respiciamus, quod & nobis & posteris et-
 iam exhauriendum? Id si fastidiosuli isti nō vi-
 dent, ignoscere possumus imprudentiæ; si vi-
 dent, malignitati non possumus. At nō vident
 profectò: iudicarent enim re cogente aliter, ac
 pauci omninò vident, quos esse quotidie pau-
 ciores ipse video, quàm timere sustinui vnquā,
 putare nunc quoq; & credere vix audeo. Nihil
 ego mihi sumo, nec possum quidquam, iuuenis
 ingenij exigui, doctrinæ vix vllius, & lectionis
 adhuc perpaucæ: sed hoc bonâ veniâ sumam
 mihi, quod non sumerē, nisi iure quodam meo
 viderer mihi posse, vt iudicem de toto Critico-
 rum velut censu. Iudico autem ex iis quæ legi
 iam & noui, facioq; ex his coniecturam de reli-
 quis, quæ neq; dū planè noui fortassè nec legi.
 Iam lectitanti quotidie & noscitāti mihi sic ne-
 cesse iudicare, lucis & nitoris ubiq; multum ve-
 teribus accessisse scriptis, tamen adhuc plus su-
 peresse macularum atq; tenebrarum. Quo me
 cunq; verto, sublata vitia quamplurima video,
 sed ibidem residere etiam plura animaduerto.
 Quod autē in his nunc est, quæ tractaui & tra-
 cto, non iniuria metuo, ne futurum idem sit in
 aliis, quò me nondum dedi. In his si quid olim
 proficere labore etiam nostro poterimus, vi-
 debimus,

debimus, quod non desperamus: in illis quid profecerimus, edemus & exhibebimus ordine deinceps, vt erit opportunū: vires modò mihi sint & valetudo firma, quæ tenuior est hac etiam adolefcēte adhuc ætate, quàm in aliis solet, qui meos annos alteris tantis & multo amplius excedant: tum si otium nō desit, & alia adminicula adsint, sine quibus tentari nihil aut perfici potest. Verùm vt abundè ista iam omnia suppetant, exigua tamen in nobis spes exiguæ opis: quam maiorem & solidam bonæ literæ ab aliis expectant, quorum crescenti famæ iam nunc plaudimus & fauemus, ipsis læua numina deprecamur, & auertentia sacra Inuidiæ facimus ac Liuari. Hos tamen quàm olim magnos auguramur, vtinam eorum similes tam multos sit sperare! Vt nunc est, pauci nimis sunt, qui veteranis illis succrescant, & nī quos reclinare aliquando Atlantes hī tutò satis queant Criticum istud cœlum, quod vnus & alter egregiè adhuc sustinent. qui si deficient tandem, quod Musæ abesse longe velint, ac diu seruent seruatores suos, quid fore deinceps remur? Herculè barbariem iterum metuo, nī plures in tempore in hæc castra traducantur, sub hæc signa digerantur: quod vt fiat, duce, imò Ducibus opus est, qui intelligant, ab isto genere pendere decus & incolumitatem Literarum, qui præmiis, qui honoribus alliciant ac prouocent ingenia in hunc campum. Nunc non dignitas modò aut merces nulla, sed contemptus
ac pænè

ac pænè rei famæque dispendium propositum, qui id studium stadiumq; ingrediantur. Et mirabimur esse iam, & existere in posterum tam paucos? miremur iustius aliquos inueniri, qui contempto contemptu, qui spretis honoribus & lucris, amore solo ducti *τῷ καλῷ* audeât decurrere in hoc Circo, vbi cum irrisu & explosu spectatorû studeant & desudent nihilominus horum ipsorum non voluptati quidem, nisi quæ è ludibrio sui, sed vtilitati. Verû ne lōgius à linea mea excidā, vbi iam sunt illi, qui medicos tales esse nimis multos, qui superuacuum aiebant omnem iam hanc medicinam? Pudeat imperitæ vocis, & agnito errore faueāt dehinc foueantq; literarum genus hoc & literatorû. Quod iidem tamen modum flagitabant emendandi, ne nos quidē penitus improbamus, sed sentētiā eorum limamus & dexterè interpretamur. Quid autē isti volunt? vniuersumne illud *ὅ* criticum vocāt, renuunt & respuunt? Non debent. Verū & legitimā Critice nihil vtile, nihil necessarium magis in omni studiorû parte: neq; Censura olim illa morû præstantior, quàm hæc nunc scriptorû. Huius generis *ἰατρῶν καὶ ἰατρῶν* nō nimium vnquam, ne sat quidē potest esse. Nimiū morborum & morbosorum adhuc, vbi ritè obeant curationes. Si qui non obeunt ritè, si qui secant audacius & vrūt, si qui omnia sollicitant, etiam sana, & vlcera infligunt vltrò, vt vel ipsi alij habeant mox quod agant; iam illi scilicet non in horû numero, quos vero Criticorû nomine di-

gnamur, neq; horū culpe corruptorū expeterē debēt in innoxia bonorū capita correctorū. In omnibus artibus, etiam manuariis opificiis illegitimi sunt quidam fuci, propter quos non damnamus aut reiicimus artifices ipsos veros. Abusus cuiuscunq; rei, vulgò aiunt, nō infamat eius vsum: hīc quoq; idem valeat, & sine iniuria bonorū malos reprobemus, absq; respectu maiorum bonos agnoscamus. Quēd si, qui modū Critices volunt, hoc volunt etiam, vt ne totum quis aut nimīū ei sese dedat, ne prę ista negligat alia potiora: his quoque assentimus, & omninō seruire eā doctrinę studiis volumus, nō studio- sis aut doctrinæ ipsi dominari. Sed hīc illud ne minē decueat, in aliena studia aut consilia nimis inquirere, deq; iis censorē agere liberiorē, quod in se & suis fieri nolit. Arbitramur relin- quendū iudicium cuiq; propriū, vt ex suo mo- do modū sibi faciat, cui & naturę suę propēsis nota intimē, & vires optimē exploratæ, vt sta- tuere de se solus rectē possit, quid vel aggredia- tur, vel in eo quantū progrediatur. Nec sibi ve- rō quisquā deerit, vt mittamus ad nos nihil at- tinentem curam. Ego quidē de me videro, de se patiar alios. nō ero in hanc partem vlli censor, nolo quemquam mihi. Nūc hęc curo: quis scit: aut cuius refert, an hęc sola? Et vt ipse me om- nibus indicē, cum alia tractarem, quæ norunt, qui me norunt, nō hęc tamen abieceram, neq; illa nunc item negligo, dum ago vel hęc ipsa. Placet mihi omnibus modis tēperare mea stu- dia,

dia, quæ non magis alienis deuoui vsibus, quàm meo fructui, & huic non postremo delectationis. Igitur ad Curtium nunc redeamus, in quo mihi certè prorsum, dum animo obsequor; nec vt opinor, ipsi Curtio minus, & lectori eius, dū opera mea vtrumq; iuuo, hūc, vt rectè legat, & intelligat; illum, vt rectè legatur & intelligatur.

P. 180. *Seq. mirantem, quòd non vice sua tali fungerentur offi. io, & ipsa trepidatione corū perterritū.*

Leue dicent alij, quod dicam: sed sit interim, dum momenti in eo nō nihil. Traice voculam vnam: *quòd vice nō sua*. Non leuissimum id dicet, qui momenti quātum insit in negationum sede, non ignorat. Alexander mirabatur, non, quòd officio eo non fugerentur sua vice, sed quòd fungerentur vice non sua.

Pag. 181. *Sine præiudicio dicimus causam: liberis corporibus animisq; habitum etiam, in quo te comitari solemus, reddidisti.*

Sententiæ venustatem alia distinctione valde iuueris, quæ debet esse hæc omninò: *Sine præiudicio dicimus causam, liberis corporibus animisque: habitum etiam i. q. t. c. f. reddidisti.*

Ibid. *Ceterum etiam si militis tui vel in agmine deficientis & fatigati, vel in acie periclitantis, vel tabernaculo ægri & vulnera curantis, aliqua vox asperior esset accepta.*

Et si nec scripti nec cusi libri aliter, legendum tamen *excepta*.

Pag. 181. & 182. *Militantum nec indignatio nec lætitia moderata est. Ad omnes affectus impetu rapimur,*

pimur, vituperamus, laudamus, miseremur, irascimur. Vtrunq, præsens mouit affectio, modo Indiam adire & Oceanum libet, modo coniugum & liberorum patriæq, memoria occurrit.

Concinnior interpunctio sit ad hoc exemplum: *Ad omnes affectus impetu rapimur. Vituperamus, laudamus, miseremur, irascimur, ut cunq, præsens mouit affectio. Modo Indiam adire & Ocean.*

Pag. 182. *An non propemodum in tua verba tui omnes te praeunte iurauimus, eosdem nos inimicos amicosq, habituros esse quos tu haberes?*

Multis millibus hæc melior lectio præ ista quorundam librorum: *an nō propemodum tuo verberatu:* è qua ineptissima tamen affirmare pænè ausim in hac meliore etiamnum reliquam vocem *propemodū*, quæ delenda sit & abolenda, nisi mutanda verius, ut *pridem* rescribatur. Ego deleri malim, cui persuasum alienā atq; inde natam. Cum primum non intellectum illud esset *in tua verba*, & corruptū in *tuo verberatu*. nimium id alicui & indignū visum, verberibus adactos ad iuramentum, eoq; ut mitigaret, eam vocem addidit: qua nunc reparatā verā lectione nihil opus. Si quis tamen aliter sentiet, non admodum pugnabo.

Ibid. *Proinde ut ad id reuertar, propter q, rei sumus.*

Emendandum *præuertar*. Non redibat ad id, sed accedere iam primū volebat, quod esset potius. In hoc autē significato receptū illud verbi. lib. 6. *Ad verum crimen & ad vnum præuertendū mihi est.* Sic enim ibi rectè Modius, cū vulgò item *reuertendum*.

uertendum Columellæ exemplum ille dat: vbiq;
obuia plura: & habet tamen hîc etiam ista pauca.
Tacit. Annal. 2. *Sed prauerti ad Armenios instantior
cura fuit. Plin. lib. 5. epl. 15. In infinitū epistolam ex-
tendam, si gaudio meo indulgeam. Præuertor ad ea quæ
me agentem hic nuntius deprehendit. Apuleius Apo-
log. Nunc tempus est ad epistolas Pudertilla præuerti.*

*Ibid. Igitur si hoc crimen est paucos innocentes ha-
bes, imò hercule neminem. Omnes enim Philotæ
amici esse voluerunt. sed totidē quot volebant esse
non poterant. Ita si à consciis amicos non diuidis,
nec ab amicis quidem separabis illos, qui idem esse
voluerunt.*

Magnus vir tenuiter hic argutatur, & legen-
dum ait: *sed totidem quot volebant esse non poterant.*
Ita. sed si à cōsciis amicos. & id esse ex Amyntē mē-
te, quod facile visurū, qui ipse eam habeat. Ego
nō habuero igitur, qui non video. Et illā tamen
habere videor, & hoc certè video, contrā pror-
sus esse. Nihil inquā mutandū. Quid enim ver-
bis sensuq; clarius sic & elegantius? Vtriusq; v-
trūq; obscuraueris ac fœdaueris particulæ ad-
uersantis insertionē, & illa solitaria nescio cu-
iusmodi affirmatione. Valet hîc *ita*, ex eo cōse-
quitur, inde fit. Amicitia Philotæ si crimen est,
pauci tuorū extra crimē, imò nemo. quippe idē
in hac causa, fuisse amicum eius & esse voluisse.
Iam omnes idē esse eodem studio affectarūt. Ita
si conscios habes, qui amici, & necesse est eosdē
habeas & qui nō amici. Et re & voluntate amici
iidem si iidem & conscij; omnes ergo tui cōscij.

Variè

Varie sensum hunc efferre possis: in quo pulcra ingenij exercēdi occasio. Vbi ea nos sumus, & cum auctore velut certauimus, an rotundius possemus. Sed ascribere nostra omnia quorsum attinuerit? Nec ipsa tanti sunt, & si sint, quid ad Curtium? Malè etiam accipiantur à quibusdam: & hic ieiuna dixerit, ille plena ostentationis. Abstineo igitur, & se quemque ipsam iubeo experiri.

Pag. 184. *Sex millia Macedonum peditum, & DC. equites adduxi, quorum pars secutura me non erat, si militiam detrectantibus indulgere voluissē.*

Pugnat apertè numerus hic cum eo, qui dictus libr. 5. Namq; Amyntas Andromenis ab Antipatro Macedonum peditum sex millia adduxit, D. pratore eiusdem generis equites. Vides, hīc sex millia & quingentos; in altero sexcentos. Addenda alitribi centenaria nota, aut detrahenda. Vtrum utro loco verius, alij querant, & disputent: mihi non vacat: & vacaret tamen, si libéret.

Pag. 185. *Vos autem iuvenes malo beneficij mei obliuisci, quàm periculi vestri meminisse.*

Pulcrum, at difficile istuc. Libro autem 6. simillimus huic locus: *Suasissēmus. si Philotas velles ignoscere, paterere potius ignorare eum, quantum deberet tibi, quàm vsq; ad mortis metum adductum cogeres* (hoc enim verbum statuo prorsus è vulgatis iterum inferendum) *sapius de periculo suo, quàm de tuo cogitare beneficio.* Et egregiè hæc ibidem deducuntur: in quibus ista potissima ratio: *Qua-*

M dam

dam beneficia odimus: meruisse mortem confiteripudet. Quibus ipsis pulchrè Seneca succinit, Medeâ:

Ingrata vita est, cuius accepta pudet.

Nec abludivit tragædus alter, si idem non est, Oedipo:

— Quisquis in culpa fuit,

Dimissus odit.

Verùm quid possim ego melius, quam si Plutarchi similem quendam in re simili locum adscripsero, quem tu quid possis iucundius, quàm si contenderis ad hunc Curtianum? *κελεύσας (ὁ Ὅθων) Μάριον Κέλσον ἀχθῆναι πρὸς αὐτὸν ἡσπάσατο καὶ διελέχθη Φιλανδρεάπως, καὶ παρεκέλεσε τῆς αἰτίας ἐπιλαδέσθαι μᾶλλον, ἢ τῆς ἀφέσεως μνημονεύειν.* Ex eo Curtianū quantilla mutatione interpreteris? *ὑμᾶς θε, νέοι, παρακληθῶ τῆς εὐεργεσίας ἐμῆς ἐπιλαδέσθαι μᾶλλον, ἢ τῆς κινδύνου ἡμετέρου μνημονεύειν.*

• Pag. 186. *Fiducia in sollicitudinem versâ trepidare cæpit, sapinus quæ nocere possent, quàm quibus evolueret, reputans.*

Aut sic legendum, aut certè *eluderet*, ait Modius. Nescio & ipse, vtrum verius: sed nec, an alterum ad eò verum, scio. Nec desum è vulgato *illuderet*, suspicari potius *fideret*. sententia quidem magis hoc requirit, quàm vtrumvis Modianum.

Ibid. Ad Parmenionem quoq, epistolas feres, vnam à me, alteram Philota nomine scriptam. Signum annulicium in mea potestate est. Si pater credet à

det à filio impressum, cū te viderit, nihil metuet.

Hoc à Modio : vulgus , sic pater credens à filio impressum. Mihi utroq; magis arridebat: Signum annuli eius in mea potestate est. Pater credet à filio impressum: sic cum te viderit, nihil metuet.

Ibid. Et priusquam ipsius nuntiaretur aduentus, rursus Polydamas vestem Macedoniam sumit. & in tabernaculum Cleandri quarta vigilia peruenit.

Abundare censeam nomen Polydamantis, quod addi nihil necesse, cum de alio nemine agatur. Venustior omninò sermo, si deleatur.

Pag. 187. Redditis deinde literis, constituerunt prima luce ad Parmenionem coire. Nam ceteri quoque, quibus literas regis attulerat, ad eum venturi erant.

Concinna hæc sic satis inepta vulgata: Namque ceteris quoque literas regis attulerat. Iam ad eum venturi erant, cum Parmenioni. Ex quibus tamen hoc suspicor, permutatione locorum. Sciam & cum legi potius debere: Nam ceteri quoq;, quibus literas regis attulerat, tum ad eum venturi erant. Iam Parmenioni Polydamanta venisse nuntiatum erat, qui dum latatur &c.

Pag. 189. Et qui forte tadium laboris per literas erant questi, hanc seorsum cohortem à ceteris tendere ignominia cavssa iubet.

Vereor ne alterum orationi membrum desit. Duo enim genera eorum, qui secreti in hæc cohortem: non ij tantum, quorum ante à literis querulæ exceptæ, sed & præter hos alij non-

neq; longe hinc fici, vbi omnia ista superiora gesta. Gesta autem in *Drangis*, vt Curtius ait; vt Diodorus, in *Drangina terra*; vt Arrianus, in *Zarangaïs*: sed hic non dubiè corruptus, quem facile corrigas, *Drangais*. sed an *Ariorum* igitur in Curtio reponemus? Videatur ex Arriano, qui ait; Σατράπην δὲ Ἀρείων ἀπέδειξεν Ἀρσάκην, ἀνδρὰ Πέρσην, αὐτὸς δὲ σὺν τοῖς ἀμφὶ Κραλερὸν ὑπολειμμένοις, ὁμῶ ἔσιν, ἥδη ὡς ὅπῃ τὴν Ζαραγγαίων χώραν ἦγε. Sed temporis ratio turbat, vt vides: quatenus non valdè turber, qui scio non exactè semper ipsam subduci ab his scriptoribus, vt quod hic prius, alter posterius factum dicat. Nec rursus tamen desim inclinare, huius ipsius regionis, in qua tum erat Alexander, Satrapen aliquem dici constitutum. Quod si tu quoque lector potius credis, arbitrio tuo facies vel *Drangarum*, vel *Drangaorum*, vel *Dranginorum*. Diodorus huc vocet: Ἀπὸ δὲ τῶν γενόμενῃ, καὶ τὰ κατὰ τὴν Δραγγίνην κατὰσχέσας, ἀνέξεν ἐξ ἐμετὰ τῆς δουλείας ὅπῃ τὸς πρῶτον μὲν Αἰμαάσπης, νῦν δ' ἀνεργάτας ὀνομαζομένους.

Ibid. Cognoscit Satibarzanem, qui ad Bessum defecerat, cum equitum manu irrupisset rursus in Arieos.

Operæ errarunt, an editor παρεώσα? vulgati quidem etiam sic omnes. At traiectis litteris debebat, *Arieos* siue *Arios*, quomodo semper alias in Curtio. Græcè *Αρείους*.

Pag. 190. Ipse rex nationem ne finitimis quidem satis notam, quippe nullo commercio volentem

mutuos usus cum exercitu intravit.

Locutionem hanc quis damnet? ac nescio tamen, si *volentem* scripsit Curtius, an non omissurus illa fuit, *mutuos usus*. Sallustius, Tacitus, aliiq; maluissent scio, apud quos crebrum, *volentem esse alicui rei*. Nec absurda coniectura, si delenda quis ista suspicetur. Mihi tamen id nemo persuadeat, nec ego vlli velim. Illud credo potius, ac credent facile mecum omnes, pro *volentem, colentem* reponendum.

Pag. 191. *Multos examinavit rigor, insolitos niuis, multorum adussit pedes plurimorum oculis præcipue perniciosus fuit.*

Neque hic causam in eo, cur maluerit ita Modius, qui fatetur idem nō malè vulgò quoque scribi: *Multos examinavit rigor insolitus niuis*. Ita verò non tantum non malè, sed optimè: ut ipse edidit, profectò pessimè. Quomodo enim insolens niuis miles Alexandri? Puero turpe credere: quid viro, dicere? Niuis ibi potius ipsius inusitatus rigor: quod præcedentia satis clamant: Ceterum adeò alta niues premunt terram gelu & perpetuo panè rigore constricta, ut ne auium quidem, feraue vllius vestigium existat. Quod sequitur: *Fatigati quippe in ipso gelu deficientia corpora sternebant, &c. in eo nihil loci habet quippe, & legerim fatigatiq; in ipso.*

Ibid. Nunc ad prima signa, nunc in medium, nunc in vltimo agmine itineris multiplicato labore aderat.

Potius alicui sit, in medio, nam cum non eodem

dem flexu addat *in ultimum*? Mihi ut obscurum, cur hoc noluerit, ita clarum, illud maluisse. Sic & lib. 3. Itaq; ipsi in medium Persarum vndique circumfusi egregie se tuebantur. Et delectatur alias cā formā. lib. 6. Atq; ut primum rex in conspectum fuit, equo ipsa desiluit. Iterum lib. 3. Quippe Darium quinto die in Ciliciam fore nuntiabatur. Quæ nec Ciceroni infrequens, ad Attic. lib. 15. ep. 4. *Vt certior fieret, quo die in Tusculanum essem futurus.*

Ibid. Simul & qui consequi non poterant, in illa castra venerunt.

Hic quoque potuerant: quod suprā alicubi monuimus, aliquoties reponendum.

Pag. 192. At Bessus Alexandri celeritate perterritus diis patriis sacrificio rite facto, sicut illis gentibus mos est, cum amicis ducibusque copiarum inter epulas de bello consultabat.

Fluctuant ista verba, sicut illis gentibus mos est, nec satis scias ad præcedentia referenda, an sequentia. Ad illa meo animo nō debent: id hæc debent, sed non hoc tantum. Transponi enim etiam velim, ne quid ambiguitatis relinqueretur: *dys patriis sacrificio rite facto, cum amicis ducibusque copiarum inter epulas sicut illis gentibus mos est, de bello consultabat.* Nam hunc morem designat in conuiuiis & computationibus deliberandi: qui Persis præter ceteras gentes familiaris, etsi non minus vitarunt Germani olim nostri, Tacito quidem auctore, ad quem vide, quid in hanc rem, antiquorum rituum vnica fax Lipsius annotarit è Strabone, Ammiano, Athenæo,

ius amici, siue serui? Diodorus non *Cobarem* indiget, sed *Bagodaram*. πρὸ τῶν ἐταίρων, inquit, νόμα Βαγωδάραν. Alij dispicient.

Pag. 194. *In his audientium suspenderat expectationem.*

Correxit ita Palmerius, Modius edidit. Ab utroque nos dissentimus. Minore licentia fecerim: *In his audientis* (quod est, *audientes*) *suspenderat expectatione sui*. Vide vulgatam lectionem: videbis ex eius vestigiis hanc eductam. Nam quid ego etiam dicam, quod ipse statim agnoscis, Latinum magis esse, suspendere aliquem expectatione, quam alicuius expectationem?

Ibid. *Adeò exarsit, ut vix ab amicis, quo minus occideret eum (nam strinxerat quoque acinacem) vi contineretur.*

Modestè ait Modius inferui illud *vi*, ex membranis: non de meo violenter intrusi. Ut cunque est, furcillis ego vicissim præceps eiciendum censeo.

Pag. 198. *Ergo quidquid vini oleique erat, hominibus ingerebatur.*

Venustius absit *hominibus*: nec est forte nisi è glossa.

Ibid. *Graues deinde auido hausto humore, non sustinere arma, non ingredi poterant, & feliciores videbantur, quos aqua defecerat, cum ipsi sine modo infusam vomitu cogerentur egerere.*

Hic quidem non dubium, quin additamentum sit *aqua*. Non enim iam aquam, sed vinum

& oleum ingurgitarant. Dele, & mox *infusum* etiam scribe, vt *humorem* vtroque capias. Ad finem fors fuit, an *regerere* scriptum auctori.

P. 199. *Nec postero die latior erat, quia nec nauigia habebat, nec pons erigi poterat circumquaque amnem, nudo solo, & materia maximè sterili.*

Distingue: *nec pons erigi poterat, circumquaque amnem nudo solo.* ita rectius construxeris, ceperis facilius, quaque circum amnem. Haud ineleganter, absque alio tamen apud Curtium exemplo, quem vix putem sic locutum. Et abest sanè quaque istud aliis libris omnibus, vt insertum sine ratione magis suspiceris. nisi forte aliter attemperanda illi reliqua, & legendum: *circumquaque amne nudo, & solo materia maximè sterili.* Nam & *amne* perscribitur alicubi: *materia* autem, vtro modo malis, omninò rescribendum. Supra: *Et quia sterilis est terra materia, nudo etiam montis dorso.*

Ibi. *Titulus facinoris speciosus preserebatur, vindicta Darij. Sed fortunam, non scelus oderant Bessi.*

Forfan vnitatis numero potius, oderat: vt de Spitamene solo capias, de quo voluisse solo Curtius videtur: etsi potes & de aliis simul, quos in societate sceleris acceptos statim narrat. *Facinoris*, an *facinori* malis, hilum non interest, nec calamum vorterim aut manum.

Pag. 201. *Nec mora, quoque lucos sacros non cadunt modo sed & extirpant, vt vasta solitudo, & sterilis humus excussis etiam radicibus lineretur.*

Typographicum hoc quoque mendum, nec amplius, opinabar: cùm in aliis reperi omnibus eodem scriptum modo, nisi quod par- ticulam transponebant, *lucos quoq; sacros*: quod planè rectius, si reliqua scriptura recta: quam suspectam facit & hoc ipsum quoque, & magis illud, *nec mora*, *ἡ σύντομος*. Emendo verè: *Nemora quoque lucosque sacros non cadunt modò*: quod ita se probat ipsum, vt nec verbulo sit probandum.

Ibid. Tandem vt deficerent fundamenta murorum ab imo moliantur, ne quod vrbis vestigium ex- staret.

Iterum glossema teneo, vt deficerent: quo quid opus, cùm aliàs & sententia & oratio plena? Superfluit omninò hoc: quod tamen si glossa non est, vide an cum præcedentibus leui correctione sic nectendum: *Illi inermes passim trucidantur, nec aut commercio lingua. aut supplicum velamentis precibusque inhiberi crudelitas potest: qui tandem vt deficerent, fundamenta murorum ab imo moliantur, ne quod vrbis vestigium exstaret.* Cum homines crudelitati deficerent in tecta vrbis & mœnia, lucos denique & humum ipsam sæ- uierunt.

P. 202. Sed huius parricidij mercedem falso regis no- mine persoluiſti. Ibi ille facinus purgare non au- sus, regis titulum se vsurpare dixit, vt gentem suã tradere ipsi posset: qui si cessasset, alium fuisse re- gnum occupaturum.

Nihil rochiuius fuerat emendare: persoluiſti tibi.

fitum, & illos quoque Scythas, qui super Bosphoro incolunt, viseret.

Bona, & si vis amplius optima le&io: nec hillo deterior alia tamen: *qui super Bosphorum colunt.*

lib. 8. *Quem ad Scythas super Bosphorum colentes miserat.*

Ibid. *Condenda vrbis sedem super ripam Tanais elegerat, claustrum etiam perdomitorum, & quos deinde adire decreuerat.*

Optimè Modius: quem leuiter in partem etiam iuuo, diuidens tò etiam, vt fiat, *& iam perdomitorum.*

Ibidem. *Coercendo qui nouauerant iussit accersi.*

Non omisit Curtius voculam *res*, quæ addita in vulgatis. lib. 10. *Ni occupetur impotens animus, res nouaturum:* ipso ibi Modio sic emendante. Sed ita sumus quidam, quod placuit modò, displicet; quod displicuit, mox placet: vtcunque se nouitatis aut raritatis aliquid specie cõmendat. Sæpe phrasi hac vsus Curtius, nunquam aliter, nisi vt iuncta suo verbo ea ipsa vox legatur. Ceterùm nec *mouerant* vsque adeò malum: quomodo idem tamen ait flagitiosissimè scribi.

Pag. 205. *Itaque Meleagrum & Perdiccam in obsidionem iungit, Cyropolin (vt ante dictum est) obsidentes.*

Hoc verò dictum antè non est. Vnus Craterus eò paullò antè mittebatur: *Alexander transfugarum defectione comperta, Craterum obsidere Cyropolin*

ropolin iubet. Oblitus ergo sui Curtius tam citò?
 an & illos cum hoc vià fuisse intelligere debemus? Expressisset: ita neque dubitare nobis,
 neque ipsum reprehendere liceret. At Arrianus 4. libr. de solo item Cratero testatur, qui
 omnes omnium harum & plurium obsidiones urbium dilucidius & magis ex ordine describit,
 quas intricatè quodammodo Curtius narrat & imperfectè, Diodorus autem præterit omninò.

*Ibid. Itaque captam urbem diripere iussit delectos
 Macedonas haud iniuria infestos, & ad Meleagrum
 & Perdiccam redit.*

Forte relictos, pro delectos. At subesse aliud quid è membranis videtur, quas & Modius hîc iure monstri suspectas habet. Eæ legunt: *Itaque captam urbem diripi iussit. deletæ Macedones haud iniuria infestos, ad Meleagrum &c.* Fallor, an coniectura emendationem tetigi? Certè sub ictu habere videor: *Itaque captam urbem diripi* (aut, dirui) *iussit. Deletæ, Memacenis haud iniuria infestus, ad Meleagrum & Perdiccam redit.* Cyropoli deletæ, inquam irâ magis, quàm iure sæuierat, ad Meleagrum & Perdiccam redit Memacenos obsidentes, quibus merito suo infestus erat ob interfectos equites, legatorum vicem à se præmissos, gentium iure violato. Hinc tamen illud sequatur, ipsum regem obsidioni & direptioni Cyropoleos præfuisse, quod ex reliqua narratione non apparet. Arrianus inter & præfuisse disertè scribit, atque ibi vulnus in cerui-

ce accepisse, quod ad hanc urbem Curtius refert. Sed, ut antè dixi, & dissentanea & intricata hæc tota Curtij narratio est: quod ante nos etiam Modius in parte observavit.

P. 207. *Ultima Asia, quæ Bactra sunt stringit.*

Malim quàm. Reliqua facile sic fero, ut à Modio constituta. Nam melius quod afferam non habeo.

Ibid. *Itaque qui post Darium victum ariolos & vates consulere desierat, rursus ad superstitionem humanarum mentium ludibrio revolutus, Aristandrum, cui credulitatem suam addixerat, explorare euentum rerum sacrificiis iubet.*

Benè Modius gentium mutavit, quod in vulgatis malè. Idem ludibria & legi alias & posse legi ait. Aio & ego: sed hoc amplius, debere. Quin amplius etiam subtimeſco, ne pro humanarum, scribendum fortè vanarum. Id ex loco superiore: *Cobares natione Medus, sed magica artis, si modo ars est, non vanissimi cuiusque ludibrium, magis professione quàm scientia celebr.* Vbi diuersa tamen aliquantum ratio, quam video: nec perpendam in altero valdè suspicari. In his autem verbis, quod monere consulto distulimus in hunc locum, vide ne supersit particula negās, & coniunctim sic legendum: *si modo ars est vanissimi cuiusq; ludibrium.* Sensum vterque modus habet non ineptum: hic putomagis efficacem.

Pag. 208. *Haud dubiè si omiserimus Scythas ultro arma inferentes, contemti ad illos, qui desecerunt, reuertemur.*

Ita

Ita hæc Modius: vulgò, *aut dubia fortuna fœ-*
miserimus Scythas. Ego aliud inde coniicio, quod
 spero me omnibus probaturum. Nihil deleo:
 distinctione solum mutata superioribus an-
 necto initium horum: *Defecere Bactriani in quo-*
rum ceruicibus stamus, & quantum in nobis animi sit,
alieno Marte experiuntur, haud dubiâ fortunâ. Si omi-
serimus Scythas vltro &c. Et potestne quidquam
 elegantius? Alieno periculo experiri tutissi-
 mum: neq; fortunam belli extimescendam ha-
 bent, qui tentant discrimine aliorum.

Pag. 210. *Rex iussu confidere felicitati suæ ait, alia*
sibi ad gloriam concedere Deos.

Modius pro sua sapientia locum sic ait con-
 stituisset: cui malè tamen adhuc esse, quoniam
 pessimè fuerit, nec satis dum conditum vel ad
 publici saporis, vel eruditissimorum pala-
 tum. Est ita verò: sed ad gustum acriorem sub-
 tilioremque hominum delicatorum nos eum
 temperare non possumus, nisi è vulgaria dam-
 nata lectione vocem pro insipida derelictam
 condimenti vicem iterum accersamus, tum
 de nostro superaddamus aliquid, vnde suavis
 vsque adeo concinnetur locus, vt qui eum ita
 conditum & conditum gustet, ipse sibi digi-
 tos præodat suos, vtque vel odorem eius Iup-
 piter ipse præambrosia quotidie cœnare ma-
 lit. Verùm nugis omissis, exhibeamus re, quod
 verbis pollicemur. Vulgò est. *Rex iussu confide-*
re felicitati suæ remisit. Sibi enim ad alia gloriam con-
cedere Deos. Reuocamus inde verbum *remisit,*
 quod

quod necessarium, nam remittebat Aristandrum rex ad sacrificium iterandum, si perlitari posset. Reliqua leuiter mutamus, & sic scribimus: *Rex iussit confidere felicitati suæ remisit aliàs sibi ad gloriam concedere Deos.* Alta & Alexandro digna sententia, quæ hæc. Etiam aliàs mala omnia & discrimina imminetia Deos auertisse in gloriæ suæ gratiam. Aliàs quoque Deos ipsa fata, ne gloriæ obsisterent suæ, immutasse siue potius flexisse. Sæpe iam Deos sibi cedere, ne gloriæ suæ cursus impediretur.

Ibid. Qui comperto hostis aduentu, ne muris urbis includeretur, simul fretus, excipi posse quem venturum sciebat, consedit occultus.

Quid ni venturum sciret? ineptè videtur hoc addi. Sed extra culpam Curtius, qui planè scripsit: *simul fretus excipi posse, quæ venturum sciebat, consedit occultus.* In insidiis consedit illic, quæ cognouerat aduenturum. Excipere verbum, itemque confidere, subsidere, insidere, & quæ ab iis manant, propriè insidiis seruiunt omnia: quorum exempla nec è Curtio, nec aliunde libet hîc aceruare.

P. 211. *Hæc agentem anima defecit.*

Siue, aientem.

P. 212. *Admissi in tabernaculum, iussique confidere in vultu regis defixerant oculos: credo quis magnitudine corporis animum æstimantibus modicus haudquaquam fame par videbatur.*

Non quis, sed quia præterunt vulgati, quod illi audacter ego præfero. Auctiores etiam iudic

una voce, quam malè Modius omisit, etsi ipsam non bonam. Corrigenda fuit, non exturbanda. Legunt illi: *modicus animus haudquaquam fama par videbatur*. Nos emendamus, *modicus habitus*. Ita barbari mox ipsi: *Si Dii habitum corporis tui auiditati animi parem esse voluissent, orbis te non caperet*. Ac probat maxime similis lib. 6. locus, non hactamen adeò caussa, vt verbum probet, quàm ob rei similitudinem ipsam adscribendos: *Interrito vultu regem Thalestris intuebatur, habitum eius haudquaquam rerum famæ parem oculis perlustrans: quippe omnibus barbaris in corporum maiestate veneratio est, magnorumque operum non alios capaces putant, quàm quos eximia specie donare natura dignata est*.

Ibid. *Ab Europa petis Asiam, ex Asia transis in Europam. Deinde si humanum genus omne superaue- ris, cum siluis, & niuibus, & fluminibus, ferisq; bestijs gesturus es bellum*.

Cogita, an non Denique, pro Deinde.

P. 213. *Nec seruire vlli possumus, nec imperare desideramus. Dona à nobis data sunt, ne Scytharum gentem ignores, iugum boum, aratrum, & sagitta, & hasta, & patera. His vtimur & cum amicis & aduersus inimicos*.

An dona ab his Scythis Alexandro data, non memini è superioribus, nec sanè puto: illud certò scio, non ista quæ commemorant, data. Sed profecto de nulla donatione agitur: de bonis suis disputant Scythæ, quæ sola possideant, aliarum opum incuriosi. legendum er-

go: *Bona nobis data sunt, ne Scytharum gentem ignoret. Meo periculo affirmo, veram hanc meam, meam autem dico? Curtij volebam, lectionem.*

ὃδ' ἀρὰ περὶ τοῦ ἄλλου ἀμείνονα τοῦδε νοήσει
οἷον ἐρωτάω, ἢ μὲν πάλαι, ἢ δ' ἔτι καὶ νῦν?

De cetero, non ausim hîc quoque iugum *bonum aratorum*: quia de aratro nihil subiicit. Sed nec subiicere opus erat.

Ibid. *Lydiam cepisti. Syriam occupasti. Persidem tenes. Bactrianos habes in potestate. Indos petisti. Iam etiam ad pecora nostra auaras & instabiles manus porrigis. Quid tibi diuitijs opus est, quæ te esurire cogunt? Primus omnium satietate parasti famem, ut quòd plura haberes, acrius quæ non habes cuperes.*

Et locus egregius, & egregia sapientia barbarorum: hæc multorum philosophorum sententias, ille plurimorum voluminum superans scripta: quem ægrè desino prolixius ac vel totum adscribere. Sed quorsum hic exponetur, qui apud auctorem ipsum promptus? In ijs, quæ attuli, videatur fortasse corrigendum, *auaras & insatiabiles manus*: nisi, quod certè puto, notare utrumque voluerunt, & in expletam & vagam rapacitatem Alexandri, qui nullo fine contentus, loco nullo constans, ex aliis alia subinde inuadat. Atque huc respiciunt eorundem superiora illa: *Ab Europa petis Asiam, ex Asia transis in Europam.*

Ibid. *Transi modò Tanaim, scies, quàm latè pa-*

teant, numquam tamen consequeris Scythas Paupertas nostra velocior erit, quam tuus exercitus, qui prædam tot nationum vehit.

Sententiæ ratio sic satis apparet : ὁἰχοῦται, quod vereor, aliquot voces. Has suspicione reprehendo, si licere id mihi volent, qui in alios parci & seueri, suæ libidini quidlibet indulgent. Sed liceat mihi, nulla Curtij fraude, sic explere : *Transi modò Tanaim; scis quàm late pateat fuga. Insequere, nunquam tamen consequeris Scythas.*

P. 214. *Vtrique imperio tuo finitimos hostes an amicos esse velis considera.*

Bina ergò imperia Alexandro ? imò vnum omnium, quæ adierat. Et næ illi, si diuidere velit, non duo, sed nimio multo plura. Scriptura falsa, cui literula extrita vna, quam illi redonamus, & Alexandro pariter diuulsum imperium redintegramus. *Vtrinque* legendum pro *Vtrique*. Scythæ imperio eius vtrinque finitimi, ab Asia, ab Europa : quam vtramque incolunt omnium consensu Geographorum, & Curtij sæpè testimonio. Quomodo autem finitimi, ipsi præcedentibus his iam declararunt : *Ceterum nos Asia & Europa custodes habebis. Bactra, nisi diuidat Tanais contingimus. Ultra Tanaim & vsq; ad Thraciam colimus. Thraciæ Macedoniam coniunctam esse fama fert.* Neque tamen nescio, aut dissimulabo, ne videat nescire, duplex imperium tribui Alexandro posse, vnum Asiæ, alterum Europæ : vt vulgata lectio teneatur, in eundem inci-

Incidens sensum, quē nouitia nostra pariebat.

P. 215. *Contrà rex fortuna sua & consiliis illorū se v-
surum esse responder Nam & fortunam, cui con-
fidat; & consilium suadentium, ne quid temere
& audacter faciat, secuturum.*

Attende, vt recte capias. Ne particula non referenda tibi ad audacter pariter, vt ad temerè. Sensus iste, distributis in sua membra verbis: Secuturum se & consilium eorum, ne quid temere; & fortunam suam, vt audacter faciat. Ac fortassis in hunc sensum ipsa planè verba in Curtio digerenda sunt: quod quilibet nunc potuerit.

Pag. 220. *Et mei documenta vobis dedi, & vestra habeo.*

Scribes, vestri.

Pag. 221. *Illi vero miserabilis erat facies, cum ij, quos instabilis gradus fefellerat, ex præcipiti deuoluerentur: mox eadem in se patiendæ alieni casus ostendebat exemplo.*

Distingue potius: Illa vero mis. e. facies: cum ij q. i g. f. e. p. deuoluerentur, mox eadem i. s. p. a. c. ostendebat exemplo. Ac forte scribendum exemplum. Porro similis planè locus octauo libro, quem hic ascribam ita quoque, vt distingui debet. Nam & is laborat eadem parte. Multorum mis. e. rabilis fuit casus, quos ex prærupta rupe lapsis annis præterfluens hausit: triste spectaculum etiam non periclitantibus. Cum verò alieno exitio, quid ipsis timendum foret ad nonerentur in metum misericordia versa, non extinctos sed semet ipsos desolebant.

Pag. 223. Ille quamquam verebatur, ne conspecta
iuuenum paucitate deturbarent eos barbari: ta-
men & fortuna sua confusus, & ArimaZi super-
bia infensus nullam se conditionem deditiois ac-
cipere respondit.

Non sic aut scripsit Curtius, aut Cophes
sensit. Quî enim suæ hic consideret fortunæ?
partium suarum potius, & ipsius regis. Atque
ita omnino lege: tamen & fortuna regis sui confi-
sus. Ita persæpè noster. lib. 3. Ignotum iter sine duce
non audebat ingredi: felicitati tamen regis sui confi-
sus, agrestes, qui duces itineris essent, excipi iussit.

Ibid. Artabazus in Petra regionisque, quæ appposita
esset ei, turela relictus est.

Melius, quæ appposita est ei.

VALENTIS ACIDALII
IN Q. CVRTII LIBRVM

VIII. ANIMADVERSIONES.

AD MARTINVM SCHILLINGIVM

virum nobiliss. IC. & patritium

Vratislau.

Historiarum & antiquitatis co-
gnitio quantum & in gerendis
rebus & in orbe illo studiorum
absolueno adiumentiferat, in
vulgus & à leuiter eruditis dubitari fortassis
adhuc potest, & sanè dubitatur; apud solidè do-
ctos neque dubitatum vnquam fuit, & dubi-
tari nullo iam quidem modo potest à medio-
criter etiam literatis, postquam è tenebris ac
situ hæc quoq; cum aliis literæ in tam claram
lucem splendoremque vindicata. Id ego didu-
cerem & planum multis facerem, si dicere a-
pud eum instituissem, qui vel dubitaret etiam
ipse, vel rem minus intelligeret: quorum v-
terque idem sit, quando neque dubitare potest,
nisi qui non intelligat, & qui non intelligat,
eum dubitare prorsus est necesse. Nunc ubi te
compello, Schillingi nobilissime, qui & rem
omnem probè per nosti, & de ea iudicæ ex ipsa,
quomodo qui iudicat, cum verè iudicat, tum

PRÆFATIO.

iudicare solus dici potest neq, opus est, neq, decet me prolixius explicare: quod vetat etiam insuper pudor meus ac reuerentia tui, quem & in reliquis studiorum partibus, interq, eas non vltima Iurisprudentia, & in hoc præcipuè historico genere suspicio venerorq, ita, vt antiquitatem ipsam amo accolo, cui mea quoque studia magnam partem consecraui. Quæ, fateor, ipsa studiorum non similitudo dicam, sed communitas, tum exinde affectus in te illi meus impulerunt me potissimum, vt cum in Curtio Alexandria historiae luculentissimo scriptore quæ emendando, quæ illustrando post alios optime hic meritos operam nescio quàm & ipse posuissem, & hanc quamcumque statuissem tandem in lucē & manus eruditorum emittere, tibi quoq, partem eius aliquam destinarem, quæ nominatim inscripta tibi cultus & obseruantia in te mea testimonium publice quoque perhiberet. Sed huc cū illa me impellebant, quæ dixi, tum beneuolentia in me ipsum etiam tua magis incitabat, cuius eximia & certa, dum hic sum, neq, pauca, & per alios & ipse mihi ostendisti signa. Grata habeo illa omnia, & plura deinceps maioraq, polliceor mihi, nec ex te tantum, sed per te ex aliis porro, quos mihi conciliabis, & in his fra-

trem

*trem maximè tuum , Gothofredum , virum
amplissimum , senatorem incluta Reip. huius
integerrimum, & benè doctum ipsum , & de
doctis non benè minus quàm de patria me-
rentem : cui viro tam graui cum optarem et-
iam innotescere , non sum ausus hisce leuiori-
bus obrepere: quod si non ingratum fore intel-
lexero, fieri tamen aliàs poterit, cum vberior
aliquando existet ingenij nostri prouentus.
Interim hoc tu habet tenue libamentum: quod
offero non tam eliciendi quàm sperare me dixi;
quàm quæ percepisse iam sum fassus , aliquo
modo remunerandi. Accipe volens , quidquid
est: nec gratis id ipsum tamen, vtcunq; munu-
sculum videatur, sed redde pro eo iudicium de
eo tuum: cui limatissimo certissimoq; si proba-
ri Animaduersiones ista poterunt , aliorum
censuras vel non morabor, vel has iudicio tuo
congruentes expectabo , vel deniq; dissimiles
feram a quo animo, qui tuo me vnus illo , cui
nitor vnicè , vnicè solabor. & hoc ipso tutum
satis aduersus omnium calumnias omnes ar-
bitrabor.*

VAL. ACIDALII
AD Q. CVRTII LIBRVM
VIII. ANIMADVERSIONES.



Vi tam multa in scriptis veterum iam aliquoties restare menda dixi, metuo, ne quibusdam & dixisse nimium videar, & ineptiis meis plausisse. Quibus respondendum equidem est, sed breuiter, vt hic locus sinit, Neque plus quàm pro vero dixisse, neque questum nimis esse me, illi intelligunt, qui versantur in eodem studio, & intelligere ex his poterunt, si volent, alij: nisi forsan & hos, vt sue causæ seruiant, daturus aliquid nostræ verebuntur. Igitur ipsi potius vt sibi credant, quàm aliis, à quibus decipi sit periculum, iubeo ipsos operam hanc sibi nauare, ac quid in re sit, penitus indagare. Næ illi si recte vestigabunt, nimis esse verum me reperient, & tãto plus queri cogentur ipsi, vt præuaricatus etiam siue meæ, siue communi Criticorum causæ videri queam. Sed rectè vestigare quotocuiq; datū? & vt hoc paucis datum, in his ipsis quotocuiq; vacat, quotocuiq; libet? Huc ergo reciditur, vt cum ipse sibi quisque videat, tum ab aliis ostendi patiatur: quod & fit quotidie, & deinceps ita fiet, vt finis non sit futurus, nisi ingenia deficient, aut diligentia relanguescat, aut studium hoc totum deferatur. Verùm, vt confido, pe-

ricu-

riculum non est, ne sic porrò alij nos destituant, vt vauì meritò habeamur : & si sit, per me non stabit tamen, quin opera me ipsius mea, quod possum, tuear, & vt dixi, ita prorsus esse, in non paucis scriptoribus propediem demòstrem. Quamquam ego profecto non tam ipsi mihi fido, nec industria mea consecuturum tantum spero: sed opera certe dabitur, vt aliquid consequamur, & iam nunc consecuti nō nihil hic atque alibi videimur, vt in parte sustinere iudicium illud nostrum possimus, in progressu magis magisque idem confirmaturi, fortassis & totum aliquando, maxima quidem ex parte, doctis plerisque (nam quis se speret aut postulet omnibus ?) approbaturi. Nec plaudimus igitur ineptiis etiam nostris, neque benignius de nobis ipsi sentimus: quod tam abesse volumus, vt hæere suspicionis eius vel tantulum nolimus. De me, deque meis, vt sumus tenues, ita nunquam quisquam adeò tenuiter sentiet, quin infra censuram eius ipsi nos longè demiserimus, & poni in aliquo saltem numero satis habeamus. Hoc cum omnes mihi credere volo, tum vt credant, ita me geram, in scriptis quibuscunq; dehinc meis, vt si minus de eruditione aliqua, de modestia certe & ingenui animi demissione magna ubiq; testentur. Ad Curtium interim redeamus, & hic probare pergamus etiam, non temere sententiam nos pronuntiasse : quam leuiter hoc tamen, ad quem peruentum est, libro firmabimus.

mus. Admodum enim quam pauca in eum habemus, siue reliqua non multa fuerunt, siue plura nos haud vidimus, siue adeo visa non potuimus per sanare. Vt opinor, omnia non præripuimus aliis, quibus & vberius forte post me relinquam spicilegium, quàm ipse feci post vberiusculam priorum melle.

Pag. 224. *Namque hostis in siluis, & forte erant campo iunctæ, armatum militem condidit, paucis propellentibus pecora, ut improuidum ad insidias perduceret.*

Priora Modius rectè: ad finem imprudenter eiecit vocem, sine qua non constat integritas loci. Nos neq; hunc mutilum, neque illam diutius exulem patiemur, & reuocamus restituimusque ex edicto Vnde. vi: *ut improuidum ad insidias præda perduceret.* In membranæ ipsius omiſſa si fuit, erat ei facile videre, qua omitti potuerit occasione. Verbi scilicet ultimi *perduceret* syllabæ primores eam hauserunt: in quarum faucibus ita tamen adhuc latet, ut cōspici extrahique nullo negotio possit.

Ibid. *Ibi Berdes, quem ad Scythas super Bosphorum colentes miserat, cum legatis gentis occurrit.*

Diuerſitatem in nomine notamus. Berdes hic missam ait: suprà Penidam appellabat. lib. 7. *Ad eos Scythas qui Europam incolunt, Penidam quendam misit ex amicis.* Quam diuerſitatem à corruptione, non dubium; dubium, utro modo, utro loco rescribendum. Idem enim nomen ex literarum quidem affinitate agnoscas. Nam
Berdes

Berdes & Penides quantillum scriptura differūt, sane si quis permutationes literarum nouerit è veteribus manu scriptis? E Diodoro nihil ad correctionem opis, qui silet: ex Artiano item nihil, qui non vnum, sed aliquot ex amicis, nominato eorum nemine, missos ait vnà cum legatis Scytharum dimissis.

P. 225. *inter quos cum leo magnitudinis rara ipsum regē inuasurus incurreret; forte Lysimachus, qui postea regnavit proximus Alexandro, venabulum obicere fera cœperat.*

Vitiosa distinctio, id est, punctuli vnus omissio, sentum gignit à re prorsus alienum. Neque enim hoc vult dicere, proximum ab Alexandro regnasse, sed in venatu proximum steterisse regi, qui postea regnarit, Lysimachum, & hinc defendendo ei venabulum leoni obiecisse. Virgula igitur interstingues hæc verba: *qui postea regnavit, proximus Alexandro, venab.* quomodo nunc video disertim exillare in aliquibus vulgaris.

Ibid. *Ille quatuor millibus ferarum deiectis in eodem saltu, cum toto exercitu epulatus est.*

Iterum peccat interpunctio, quæ debet esse hæc: *deiectis, in eodem saltu cum t. e. e. est.* Sed obserua non proculcatum vsum verbi *deicere*: qui & lib. 3. *Omnia ætatis ac memoria clarissimum regem non in acie saltē nō ab hoste deiectum, sed abluentem aqua corpus ereptum esse.*

Et apud Horat.

—militē nam tuo .

Druſus

*Drusus Gerannos, implacidum genus,
Brennosq; veloces, & arces
Alpibus impositas tremendis
Deiecit acer plus vice simplici.*

Pag. 226. *Hellanice quæ Alexandrum educauerat,
soror eius, haud secus quàm mater à rege dilige-
batur.*

Verum hoc sine controuersia nomē, quod in Arriano capite diminutum. *Lanicen* enim vocat, non ipsius puto, sed exscriptorum vitio: quod necdum ab aliis animaduersum, meo iudicio emendetur. lib. 4. *ὅτι τὴν Κλείτη μὲν ἀδελφὴν, αὐτὸν δὲ ἀναθρεψαμένην, Λανίκην, τὴν Δρωπίδου παῖδα, ὡς καλὰ ἄρα αὐτῇ τροφεῖα ἀποτεπκῶς εἴη ἀνδρω-
δεῖς.* vbi pariter in Clyti nomine scripturæ diuersitatem notas, quæ & alibi in Arriano, tum Plutarcho simul & Diodoro perpetua ista per-
e, non v.

Pag. 227. *Ceterum cum animo videretur impera-
turus, si finem procaciter orto sermoni Clytus im-
poneret; nihil eorum omittente magis exaspera-
batur.*

Si me audis, scribe: nihil eo remittente.

*Ibid. Ad vltimum, si moriendum, inquit, est pro te;
Clytus est primus. At victoria maius præmium
ferunt, qui procacissimè patris tui memoria il-
ludunt.*

*Membranæ: At cum victoria arbitrium magis
præcipuum fuerunt. Vnde, inquit Modius, qui no-
stra meliorem lectionem eruet, hic erit mihi
magnus Apollo. Apollo igitur ego, qui erui.*
nam

nam magnus audire non affecto, cui satis, hinc Apollinem factum. Extra iocum, non tibi videor egregiè vestigia secutus eius scripturæ? At cum victoria arbitrium (vel, arbitrum) agis, præcipuum ferunt præmium, qui procacissime patris tui memoria illudunt. Ita mihi credas lector, ita faueas nouo vati, vt hæc verior omninò, non tantùm melior lectio: de qua iudices tamen omnes cupio legitimos Apollinis veri mystas.

P. 228. Philippi milites spernis, oblitus, nisi hic Atharias senex iuniores pugnam detrectantes reuocasset, adhuc nos circa Alicarnassum hæsurus fuisse.

In hoc quoque nomine variatur. Ne de aliis dicam; in nostro Adarchias li. 5. scribitur: Primus omnium virtutis causa donatus est Adarchias senior, qui omissum apud Alicarnassum à iunioribus prælium vnus maxime accenderat. Sunt & alia consimilia his nomina, quæ nescio an vnus eadem omnia. li. 7. initio Apharias quidam, li. 6. Atarras alius nominatur: in quibus non abest quin confusio aliqua sit ac turba.

Ibid. Dolorem tamen pressit, contentus iussisse, vt conuiuio excederet.

Inelementer abiecerunt voculam rex, quæ adiungi verbo sequenti æquius erat, vt repressit scriberetur.

Ibid. Atque illum cunctantē adhuc surgere, qui proximi ei cubuerant, iniectis manibus iurgantes monentesque conabantur abducere.

Nihil hinc iurgio loci: substituo vrgentes.

Pag. 229. Male humanis ingenij natura consuluit,
quod

Apud hos *occumbere morti* meminim: *mortem*, non recordor. *Oppetere, obire*, cum eo casu trita: cum eodem hoc verbum, duruis est omninò, neque facile Curtius vsurparit.

Pag. 232. *Praterfluebat torrens amnis, tergo petra claudebat.*

Benè alia Modius: vnum ei excidit. *Terga* relinquere debuit, vt non tergū petrae, quo nihil ineptius, sed terga regionis accipiantur. Et tamen ipsa vulgata, *qui terga petra claudebat*, nō mala fortassis, imò & vera, si q̄ deinceps sunt cōsideras. *Ad petrā* admouit exercitū: ceterū interueniebat *fluuius coeūtib aquis ex superiore fastigio in vallem.*

P. 234. *Quam agram fuga & noua subinde exsilia tolerantem in omne discrimen comitē trahebat.*

Damno hīc membranas, quod vellē sēpius Modium fecisse, ne tot locis sine causā cuforum librorū veras lectiones peruertisset. Hīc è vulgatis quamprimum reponere: *Quam agre fugam & noua subinde &c.*

P. 235. *Itaq; rursus vni ei deditus orare non destitit, vt tali consilio abstineret, pateretur quo sortem, quamcumque eis fortuna fecisset.*

Vulgò *his*. neutrū Curtius voluit prae ipsis: si tamen hoc saltem voluit, neq; omnibus omis- sis sic potius scripsit: *quamcumque fortuna fecisset sibi. Mortem* deditione esse leuiorem. Neque tamen vel hoc affirmato.

P. 237. *Primus dies quietum iter praeiuit. proximus ei nondū quidē procellosus & tristis, obscurior tamē pristino, nō sine minis crescētis mali praeiit.*

O Non

Non abnegò pulcrè sic emédatum, si tamè
 è membranis magis quàm ex ingenio. Aliàs
 non temeraria vox *damno* sit, in qua lateat alia
 compendio scripturæ vitiata. Fortasse, *denuncia*
tione, vel *indicio*, vel quid tale. Lugdunensis edi-
 tor iterum moro suo more utrumque simul
 recepit: *non sine minis crescentis mali damno præte-*
ryt. Cucurbitas homo in tempore tibi adhibe-
 nam hæ certè minæ sunt crescentis insanæ,
 quæ non sine damno optimorum auctorum
 præteribit.

Ibid. *Erat propè continuus cæli fragor, & passim ca-*
dentium fulminum species viscebatur: attonitusq;
auribus stupens agmen nec progredi, nec conside-
re audebat.

Aio & præsto legendum consistere. li. 7. Itaque
primum animi, deinde corpora deficere cæperūt.
pigebat & consistere & progredi.

Ibid. *Ac primum quidem armis suis recti excepe-*
rant. sed & iam nec retinere arma lubrica rigen-
tes manus poterant, nec ipsi destinare, in quam
regionem obuerterent corpora, cum vndique tem-
pestatis violentia maior, quàm vitabatur occur-
reret.

Levis mutatio non leuiter ad sensum facit:
 Lego, quæ vitabatur. Maior ingruerat vis tem-
 pestatis ab ea regione, in quamcunq; obuerte-
 rant corpora vitaturi. Etiam copula & nullius
 vsus ibi: Sed & iam Si lubet, dele.

Ibid. *Multiq; prius metu quàm labore defatigati*
prostrauerant humi corpora.

A simili affectu illud lib. 7. *Aquarum penuria prius desperatione quam desiderio bibendi sitim accendit.*

Pag. 238. *Fortè Macedo gregarius miles seq. & arma sustentans, tamen in castra peruenerat.*

Germana & ipse hæc esse statuo Curtij verba, sed nec etiam distinctionem. Tamen ad proximum *sustentans* referri, non ad *peruenerat*, ut nunc iubet interpunctio, debet. Et si verius hoc ipsum *tamen* cum veteri distinctione sic ceperis, ut lib. 3. *Ad Euphratem contendit, iunctoque eò pontibus quinq. tamen diebus traiecit exercitum.*

P. 240. *Achillem quoq. à quo genus ipse deduceret cum captiua coisse: ne inferri nefas arbitrentur; ita matrimonij iure velle iungi.*

Quid ita vult hoc loco sibi. Abundat in nulum vltum, nisi rite corrigendum, vel in, ut libr. 10. *Oxatris Persæ filiam mecum in matrimonio iunxi.* Nam illud eloqui vix etiam audeo, ut priora leuiter mutantur: *cum captiua coisse, ne in se fore nefas arbitrentur: & tamen matrimonij iure velle iungi.* Ne sibi turpe putent, etiam Achillem fecisse: & se tamen hoc amplius, ut minus turpe sit, in matrimonium poscere coniugem legitimam, nō pellicem aut amicam. Sed taceri hoc profectò poterat. quippe certò scio, turpius Alexandro Macedones censuisse, quòd conubiali etiam iure captiuam sibi iungeret, quàm si iunxisset more tantum concubinali.

Pag. 241. *Iamque omnibus praparatis, quod olim praua mente conceperat, tunc esse maturum,*

quomodo celestes honores vsurparet , cœpit agitare.

Deest certò vocula participialis. Insero , *tūc esse maturum ratus*. Et hæc quî perierit, omnes facile vident, qui saltem aliquid vident.

Pag. 243. *Non pudet patriæ, nec desidero ad quem modum rex mihi colendus sit, discere. Quos equidem victores esse confiteor, si ab illis leges, quîs viuamus, accipimus.*

Iam pridem hic Glareanus offendit, cui obscurum, quos respiciat *quos* relatiuum , Deosne, an Reges, an Macedones ? Obscurum id quidem, sed nihil respicitur horum. Mihi verò claro meridie clarius, excidisse aliquid, & id ipsum certò inuenisse puto me, quò particula isthæc referatur. Referenda enim certè postrema pars hæc orationis Callisthenicæ ad Persicum adorationis morem , vt illi respondeat Cleonæ, qua exemplum is Persarum attulerat ad persuadēdos Macedonas de diuinis honoribus ipsorum etiam regi exhibendis. Verba sunt eius hæc suprà : *Persas quidem non piè solum , sed etiam prudenter reges suos inter deos colere: maiestatem enim imperij salutis esse tutelam*. Ego igitur hanc mihi licentiam audacter vsurpabo, vt quod deest, à me suppleam , pœnam subiturus quamcumque docti statuerint , ni rem ipsam, quod dicitur, acutetigero. Scribo: *Non pudet patriæ, nec desidero ad quem modum rex mihi colendus sit à Persis discere: quos equidem victores esse cōfiteor, si ab illis leges, quîs viuamus, accipimus.*

P. 244. *Polyperchonti quidem postea castigato diu ignouit.*

Aegrè fero istud *diu*, & vix abstinco interpolare: *Polyperchonti quidem postea, castigato prius, ignouit.* Tamen diu multumque castigatum ceperis ex vulgato.

Ibid. *Castigandi verberibus eos nullius potestas præter ipsum erat.*

Pulcrè: quasi rex ipse manus admouere debuerit castigandis. Hoc enim verba sonant, nulli verberare eos licuisse, nisi vni ipsi regi. At tu mecum scribe: *Castigandi verberibus eos nullius, nisi potestas per ipsum erat.* Hoc verum: non licebat, nisi cui rex iussisset. Ipse infra: *Nuper cum procacius se in venatione gessisset, more patrio & ab antiquissimis Macedonia regibus usurpato, eum castigari iussi.* Neque te turbet, quod hoc eodem libro: *Cum Hermolaus apud eum quoque verberatum se à rege quereretur.* Sana mente id accipiet, qui ipse eâ sanâ.

P. 246. *Vultuque & oculis metum præferens animi, ut rediret in conuiuium monuit.*

Neque *metum*, neque *motam* probo, si quis substituere velit. Rectum est, quod vulgo. Tamen eleganter, *animi mota* pro instincta, quæ non sit suæ mentis, ut solent, qui diuinitus inspirantur.

Ibid. *Adeò pertinax spes est, quam humana mentis concupiscentia deuorauerunt.*

Egò verò libēs veniā Modio do, sic, ut legimus, immutāti. quin amplius vellē, ita prorsus

excudisset, ut ad ultimū coniecit: *Adeo pertinax spes est, quā humana mentes deuorauerunt.* Nō veniæ modò, sed & gratiæ locum reperisset, apud me quidem. Nam mihi sanè totum istud, *quam ingentes concupiscentia*, glossa marginalis est, in cōtextum, ut sit, ab imperitis deniq; recepta. Nisi tamen non inuenuitè aliter etiam interpolari videatur in hunc modum: *quam humana mentes tam ingenti concupiscentia deuorauerunt.* Quod si cui placet, eum dono: sibi habeat. Mihi Modia num, quod dixi, vnicè probatur.

P. 247. *Prolemaum ac Leonatum excubantes ad cubiculi limen excitauerunt.*

Potius *excitauerant.* Si tamen ipsa vox sincera: quam etsi fero (acceptam non trito illo significatu, sed quo inferius etiam est hoc libro: *Nolo singulos vestrum excitare, ne inuisam liberalitatem meam faciam, si pudori vestro grauem fecero.*) tamen eiusdem crebra repetitio suspicionē mouet. Etenim & vix præcessit, *Excitati que custodibus corporis: & statim sequitur, excitant regem.*

P. 250. *Hac Hermolaus. At rex, Quam falsa sint, inquit, quæ iste tradita à magistro suo dixit, patientia mea ostendet.*

Imo, *ostendit*, præsentī tempore vel præterito potius. Ostenderat enim iam longè aliter semoratum rex istā ipsā patientiā, qua conuicia & probra debacchantis in ipsum Hermolai tā placidis aurib. acceperat, & tulerat animo tam æquo. Documentū & exemplū moderationis suæ dederat, immodestiā sine vlla moderatione ex-

ne exprobranti sibi inodestissimè auscultans. Atq; id euincunt subsequētia regis etiā verba.

Ibid. Hoc & oportet fieri, & vt à tutoribus pupilli, à maritis vxores, seruis quoque pueros huius ætatis verberare concedimus.

Liquida sententiā, subtrubida verba: quæ mutari sic illa postulet: & sit à tutoribus pupillis, à maritis vxoribus. At minori mutatione sic potius ego scribam: *Hoc & oportet fieri* (dubito, an & hoc mutandum ferri,) & *serunt à tutoribus pupilli, à maritis vxores: seruis quoque p. h. æ. v. concedimus.*

Pag. 251. *Horum fides stabile & æternum faciet imperium: & sanè plus habemus, quàm cupimus.*

Malè ad Alexandri mentem, *cupimus*. Ille verò *capimus* voluit, nec Curtius aliter ipse,

P. 252. *An me luxuriæ indulgentem putatis arma vestra auro argentoque adornasse? Assuetis nihil vilius hac videri materia volui; Macedonas inuictos ceteris, nec auro quidem vinci.*

In tanta lectionum varietate, facilius omnino, quid fugiamus, inuenire est, quàm quid sequamur, vt Modius aiebat. Alluxit tamen nobis aliquis lucis radius, siue strictura est: & speramus illius ope verum ita peruidisse, vt accenso de nobis nouo lumine tenebras omnes loci penitus illustrare possimus & clarare. Primum hæc refutanda erat, quam Modius dedit. At refutat ipse Curtius, si verba eius ista cum sequentibus comparemus. Scilicet si assuetudine vile aurum argentumque concinnare Ma-

cedonibus Alexander statuisset, ut qui ceteris inuicti, nec illorum æstimatione & cupiditate vincerentur: id si vellet, inquam, ita subiungeret scilicet: *Oculos ergo primùm eorum sordida omnia & humilia spectantium capiam, & docebo nos non auri aut argenti cupidos, sed orbem terrarum subacturos venire.* Quid horum sententiâ dissentaneum inter se magis? quid tota absurdius oratione? De Macedonibus præmittit: mox de Indis idem interpretatur. Atqui nihil ad Macedones ista: *Assuetis nihil vilius hac videri materia volui:* nihil hæc omnino ad Macedones, iterum dico. De Indis etiam ipsis capienda: quæ commodè non possunt tamen, imò nullo possunt modo, nisi leuiter emendentur, & ad hoc prorsus exemplū, reuocata etiam voce *ostendere*, quæ in vulgatis editionibus non temerè addita, temerè in Modianis et si cōsilio quidē ipsius, omissa. Scribo: *Assuetis nihil vilius hac videre materia volui ostendere, Macedonas inuictos ceteris, nec auro quidem vinci. Oculos ergo primùm &c.* Ait: Indis, qui aurum argentumque solum spectant, qui nihil quod ea materia vilius sit, oculo recto pænè dignari solēt, huius tantūm cupidi & æstimātes: ijs apparatu hoc & cultu armorū ostendere ac probare volui, Macedones meos virtute ac ceteris rebus quacunq; gente superiores, ne his quidē ornamenti, luxurię verius instrumentis, vel tātillo inferiores. Illorū ergo oculos, hæc tantūm, ut sola præclara & sublimia, quæ reuera sordida tamen & humilia, spectantium aspectu primo

capiam:

capiam: simul docebo, nos minimè ad diuitias istas obtinendas, quibus ipsi iam abundemus, sed ad imperium orbis terrarum occupandum, quod virtuti nostræ debetur, aduenisse. Diduxi hæc aliquantulum, vt sensus magis explicaretur: in quo tamen ista verba, *nihil vilius*, pariūt nonnihil ambiguitatis, (vnde & totus in reliquis error, & corruptio ipsa fluxit:) quæ sic potius interpretanda videantur: vilem & passim obuiam auri argentique materiam apud Indos, qui illam ipsam tamen vnicè spectare luerint & sectari. Sed hoc quidquid est, momentū leuioris est, & quod totum locum nō arguat minus à nobis rectè emendatum. Hunc verò emendatum sic rectissimè, testem, fundū & subscriptorem ipsum dabo Curtium: qui superius Alexandri mentem & consilium hoc idem aperuit nobis, cum ita disserit: *Itaq, omnibus cōpositis, cogitationes in bellū Indicum vertit. Diues regio habebatur, nō auro modò, sed gemmis quoq, margaritūq, ad luxum magis, quàm ad magnificentiam exulta. Clypei militares auro & ebore fulgere dicebantur. Itaq, necubi vinceretur, cum ceteris præstaret. scutis argenteas laminas, equis frenos aureos addidit: loricas quoq, alias auro, alias argento adornauit. Et absque hoc loco esset, alter ille nec emendari, nec explicari potuerat omninò.*

P. 253. *India tota fermè spectat Orientem, minus in latitudinem, quàm recta regione spatiosa. Quæ austrum accipiunt, in altius terra fastigium excedunt.*

Vidi, qui *aspiciunt* mutare vellet. Simplicius id erat, non tamen verius. Quæso enim an non ita æquè eleganter? Elegantius etiam: & exempla passim obuia, quorum vnum habet Plinij Laurentino. li. 2. epl. 17. *Ad hoc patentibus fenestris faunos accipit transmittitq.* Plura & hæc sunt, & in Tuscis, quos describit li. 5. ep. 6.

P. 254. *Ceterum quæ propiora sunt mari, Aquilones maximè deurrunt. Ii cohibiti iugis montium, ad interiora non penetrant, ita alendis frugibus mites.*

Imo verò *mitia*. loca ipsa mitia sunt, atque inde, quòd venti ad ea non penetrant.

P. 255. *Breviora itinera equo conficit. Longior ubi expeditio est, Elephantivehant currum: & tantarū belluarum corpora tota contegunt auro.*

Siue, elephantivehant currum: regem scilicet. Nā distinctio non mutanda: elephantivehant: currum & tantarum.

P. 256. *Lecticis aureis pellicum longus ordo sequitur. Separatum à regina ordine agmen est, aequatq; luxuria.*

Vulgò aliud regina. Fortè mutandum fuit: separatum illud à regina ord.

Pag. 258. *Quis neget, eximiam quoq; gloriam sapius fortuna quàm virtutis esse beneficium? quippe ne epulantes quidem & sopitos mero aggredi ausus est hostis.*

Rectè omnia: nec celabo tamen quid in mentem venerit primum hæc legenti. Suo sic Curtius arbitrio locutus: ego ita maluissem:

gle-

gloriam sapius fortuna beneficium, quàm virtutis esse meritum.

Pag. 259. *Deseruerant incola sedes, & in auios siluestresque montes confugerant. Ergo Acadira transit, aquè vsta & destituta incolentium fuga.*

Non credo huic verbo *vsta*. Non enim incendiisse apparet, saltem reliquisse. Scribâ ergo *vasta*: quod & tu scribe, si quid mihi credis.

Ibid. Diuisis enim copijs, pluribus simul locis arma ostendit: oppressiq, & qui non expectauerant hostem, omni clade perdomiti sunt.

Flagitium magnum fecerunt, qui vocem urbe eiecerunt: sed maius, qui primi corruerunt: nisi tamen illi maius eâ causâ, quod corruptum legi præstabat, vt posset aliquando corrigi, quàm deleri, vt tolleretur & facultas & spes emendationis. lego: *oppressique orbe, qui non expectauerant hostem, omni clade perdomiti sunt.* Sed quid hoc (malum!) est *orbe*? Valet, in circulum, vnde quaque, ab omnibus partibus. Ita loquitur noster etiam libr. 4. *Vltimos ordines auertit à fronte, vt totam aciem orbe muniret.* Perspicuus vtrobique sensus. Hic iste: eos qui ex viribus sedibusque suis profugerant, copijs diuisis, vndique circuitos & inclusos.

P. 260. *Hac munimenta cõtemplantem Alexandrũ consiliq, incertum &c. quidam è muro sagitta percussit. Cum forte in suram incidit telum, cuius spiculo euulso admouere equum iussit.*

Vulgo

Vulgo Tum forte. Vtrumque illorum in-
ptum, & debet expungi tam hoc quam illud.
Scrib. percussit. Fortè in suram incid.

Ibid. Ceterum cum crus saucium penderet, & cru-
ore siccato frigescent vulnus aggrauaret dolo-
rem, dixisse fertur, se quidem Iouis filium dici,
sed corporis agri vitia sentire.

Festiuè iocatur ipse in vanitatem suam: &
festiuus apud Plutarchum, simile quid nar-
rantem in eius vita; ὕστερον δὲ πληγὴν περιπεσὼν
ὑπὸ Ἰοξεύματι, καὶ περιελγῆς γινόμενον, τὸτο μὲν,
εἶπεν, ὅ φίλοι, τὸ ρέον, αἷμα, καὶ ἐκ ἰχώρ.

— οἷός τις τέρτερεί μάχρεσσι θεοῖσι.

pulchrè alludens Homerum, cuius studio-
sissimus perhibetur. Ibidem, si vacat, & ridere
libet, amœnam ac iucundam fabellam lege,
nisi vera potius res est, de origine diuinitatis
Alexandri, qui comiter filiolus, sed ambiguè
quasi Iouis filius à vate græcissante per erro-
rem sit primitus appellatus; vnde ipso mox
volente opinio increbuerit, verè à Ioue agni-
tum & salutatum. Sed nō tempero mihi, quin
adscribam. nec enim longum est, & iuuat em-
blemate tam venusto reficere me pariter ac le-
ctorem, ab horridiusculis hisce correctionum
spinis fatigatōs. εἰνοὶ δὲ φασὶν, τὸν μὲν περιφθὴν
ἐλληνιστὴν βυλόμενον. περισεπῆν μετὰ πινθ. φιλοφρο-
σύνης, ὅ παιδίον, ἐν τῷ τελευταίῳ τῶν φθόγγων, ὑπὸ
βαρβαρισμῷ, πρὸς τὸ σίγμα ἐξεκχυθῆναι, καὶ εἶπεν ὅ
παιδίον, ἀντὶ τῆς ν, ἵνα σχησάμενον. ἀσμένῳ δὲ Ἰῶ A-
λεξάνδρῳ τὸ σφάλμα τῆς φωνῆς γενέσθαι, καὶ διαδοθῆναι
λόγον,

λόγον, ὡς παῖδα Διὸς αὐτὸν τῷ θεῷ προσειπόντι. Fa-
ueamus Alexandro, & è ioculari hac εὐποδρώσει
seriam gratulemur.

Pag. 261. *Petra non vt pleræq, modicis ac mollibus
cliuū in sublime fastigium crescit, sed in metæ
maxima modum erecta est: cuius ima spatiosiora
sunt, altiora in artius coeunt, summa in acutum
cacumen exsurgunt.*

Eleganter nobis metam describit, sed non
maximam, quod hæc lectio falsò suadet. Scri-
be maximè aduerbiali forma. vult enim petram
hanc metæ fuisse consimilem, siue eius potis-
simum speciem præbuisse. Non semel ad hoc
exemplum in Curtio peccatum. Nam & lib. 3.
*Armati bipennibus leuibusq, scutis, maxima cetra spe-
ciem reddentibus: item maximè scribendum: quo-
modo & hic & illic vetustiores expresse habēt.*
Atq; etiam lib. 7. *Ad vltimum in carina maximè
modum coit.*

Pag. 264. *Rex locorum magis quàm hostium victor,
tamen victoriæ sacrificiis & cultu Deū fecit.*
Ara in petra locata sunt Mineruæ victoriæque.

Edere sic Modius ausus est: in Notis idem
mauult tamen, *magnis victoriæ sacrificiis*: quia vul-
go *magnæ* legitur insertum. Neutrū eius mihi
probum. Quid enim. *facere sacrificiis*? illa utum
& illa tinum. Nec victoria hîc dea capiēda, quæ
cum Minerua demum nominatur. Ego tenta-
bam aliquando: *Rex locorum magis, quàm hostium
victor, tamen magno victor*: sed non progrediebar;
vt reliqua accommodarem. Magno victor, cui
victo-

victoria magno constitisset, impensa nempe nobilissimorum iuuenum Chari & Alexandri militumq; præterea fortissimorū. Sic Propertius lib. 4. ex oraculo emendationis Lipsianæ, cuius interpres nobis princeps literatæ iuuentutis I. Doufa F.

Magno Tiresias aspexit Pallada vates,

Fortia dum posita Gorgone membra lauat.

Enimvero quamcunq; nunc rationē in eo, nihil videtur mihi potius, quam vulgatā retinere lectionē, vsq; dū melior ab aliis aliquādo reperiatur. Illa autē nō pessima, certē tolerabilis: *tamen magna victoria sacrificiis & cultu Deūm satisfecit.* id est, etsi nō omninō victor, ingentē tñ hanc victoriā honore sacrificiorū profecutus est, & cultu Deorum veluti repēsauit. Lugdunensis editor iterum ludos hīc facit, & solenniter insanit, cum ē noua simul & veteri lectione aliam concinnat neq; nouam neq; veterē. Excudit: *tamen Victoria magnis sacrificiis & cultu Deūm satisfecit.* Vnde hellebori satis, quo caput hoc purgemus? Anticyra tota nō sufficit: & nauiget eò tamen, si possit aliquantulum curari.

P. 267. *Gamaxusq; rex exigua partis Indorum, qui Bazaenti se coniunxerat, victus adductus est.*

Melius oratio fluat: *Gamaxus quoque rex.*

P. 269. *Dato signo vt omnes silentio ascenderent in ratē, eam qua ipse vehebatur, primā iussit expelli.*

Cur immutare placuit, quod est vulgo rates? plures sane fuerunt.

P. 270. *Armaq; capere milites & ire in ordinē iussit.*

Iterum

Iterum multitudinis numero scribe *in ordi-*
nes, et si nusquam hoc quidē in vulgatis. Sed ita
 scribendū res clamat, & similes loci. lib. 4. *Nec*
miles in iussu ducis aut arma capere poterat, aut in or-
dines ire. lib. 7. *In suos quisque ordines currimus.*

Pag. 271. *Capitis etiam sanxerant pœnam iu, qui*
ex acie non retulissent, metuquem ex illo ho-
ste quondam conceperant etiam in religionem
venerationemq, conuerso.

Malim primo. *Capitis etiam sanxerant pœna, si*
qui ex acie. Mox non etiam, sed iam in relig. quod
 non æquē necessarium tamen ipse cenleo, vt
 alterum non prorsus alij forte censebunt.

Ibid. *Tu Antigone, & tu Leonate, & Taurō inuehi-*
mini non in mediā aciem, sed vrgebitis frontem.

Exerto cāchinno Modius vulgatā lectionē
 ridet, nec ridet tantum, sed exagitat etiā vche-
 menti cū indignatione. Quā adeo ob causam?
 An enim, inquit, inuehi potest quisquā in me-
 diam aciē & vrgere frontem? Poteſt, Modi: si
 mediā aciem recte accipias, non interiorem,
 quanquā & interiorē, sed illam interiorē, quæ
 intra duo cornuā constituta: quā & mediā re-
 ctē dixeris & nō potes nisi frontē. Quod enim
 exercitus nō in cornua protensum, mediū in-
 ter ea locū tenet, est nimirū frōns aciēi. In hāc
 igitur inuehi Antigonū & reliquos iubet Ale-
 xander, vbi ipse cū suis in læuū, Cœnus in dex-
 terum cornu hostium impetū fecissent: vt iam
 iā monuerat, sed verbis itē vitiosis, quibus in-
 ferenda præpositio in hunc modū: *Cum ego, in-*
quit,

quit, Ptolemaeo, Perdiccaq; & Ephastione comitatus in læuum hostiū cornu impetum fecero, ipse in dexterum moue, & turbatis signa infer. Vbiq; adhuc, ipse dexterū moue: quo nihil absurdius. Mouebat enim ipse rex cornu suū dextrū, si in læuum hostium inuehebatur: Cæno mouendum læuum erat, si in alterum oppositum, nempe dexterū, debebat. Et vide, quàm elegans locutio perierat, *Mouere in aliquem!* sed & hac reducta & loco ipso restituto, rescribamus iā & alterū, de quo propriè hic agere cœperamus. Eum scribe & lege, prorsus vt in vulgatis exhibetur: *Tu Antigone, & tu Leonate, & Tauron, inuehimini in mediam aciem, & vrgebitis frontem.*

Ita omninò rectè; satis ex superioribus liquet: neq; mihi libet vel in explicando ultra Curtio, vel exagitādo Modio tēpus hoc abuti. Meruerat totidē & eadē, quæ hīc in alios ipse iacit: nisi beneficiis reliquis nō hāc modo noxā, sed plures redimeret apud me sanè facillimè, nec difficulter apud alios, quos oro etiam ipse tam æqui illi velint esse, quā sibi quisque quemq; velit in simili errore. Homines sumus, & humani (quid humanius autem quā labi?) nihil à quoquam alienum.

P. 275. Rursus interrogatus quid ipse victorē statuere debere censeret, *Quod hic, inquit, dies tibi suadet, quo expertus es. quàm caduca felicitas esset.*

Auet & audet animus pro ipse, in se rescribere, nisi vtrumq; simul forsan aliis videatur.

VALENTIS ACIDALII
IN Q. CVRTII LIBRVM
IX. ANIMADVERSIONES.

AD

LAVRENTIVM SCHOL-
tziū virū clariss. Medicū
Vratislau.

MAGNA & inuicta, quod tu non
ignoras V. Cl. vis est natura, quæ
nec expelli possit vnquam pror-
sus, & si expellatur vel furca, ta-
men recurrat vsq., Poeta verbis.
In omnibus id ubiq. videmus rebus, ego & in
me experior ipso: qui sapè cum ingenio meo lu-
ctatus, obsequi sum ei coactus tamen, & sequi
semper, quo natura ductus astringabatur. In
studijs dico: quorum ego rationem vniuersam
cum nunquam abhorruī, tum eam potissimum
inde à puero conciliatam mihi præ ceteris ne-
scio quomodo sensi, quæ in humanioribus & a-
mænioribus literis dedita Philologia nomen
inuenit. Hanc amaui igitur & colui assiduo,
nec impetrare à me vnquā potui, ut præ gra-
uioribus studijs spernerem, aut cum his dedis-
sem me tamē, quod & mea tum & temporum
P horum

P R Æ F A T I O

horum postulare conditio videbatur, non re-
 spicerem ad illam frequenter, aut minus in o-
 culis & amoribus haberem. quin ita tempera-
 ui semper, ut philosophica & Medica ista ubi
 tractarem, huius unà rationem pariter ibi-
 dem ducerem, & cum huic indulgerem, non
 negligerem interim, quæ maioris operæ essent
 & curiæ potioris. Nec unquam factum est, ut
 hæ vices diuersorum studiorum impedierint
 progressus meos in altero, quod isti necessario
 fieri dicunt, qui requiri ab unoquoque totū ho-
 minem, & aliter animos nostros distrahi ni-
 mis, & non sufficere vel diligentiam vel in-
 genium humanum in plura arbitrantur. Est
 ita vero: sed nec est planè, si modum quis norit
 & studia ipsa & tempora disponendi, quorum
 aptæ vicissitudines tantum abest, ut impedi-
 mentum ferant ullum, ut contrà maximum
 adiumentum. In me sum expertus ita quidem,
 nec aliter alij sibi fieri testati sunt, cum quibus
 eleganter & variè doctis hac ipsa de re contu-
 li sæpè, verèq; didici, conspirare inter se amicè
 genera omnia studiorum, & altero poscente
 alterius opem tradere operas mutuas, nec alti-
 ter existere solidam in ullo unquam eruditio-
 nem. Quam ut mihi non arrogo (absit ista
 persuasio procul, nec huc torserit mihi quis-
 quam

quam mea verba:) ita non omnino me pœnitet, quatenus processerim : illud quidem pœnitere nequaquam potest, eam secutum fuisse, quam dixi, rationem. Nec eandem nūc muto, aut mutabo, tam utilem simul & iucundam: etsi hoc quidem tempore magis in philologis sum, & deseruisse videor ista τῶν Ἀσκληπιαδῶν signa, quorum tu V. Cl. Δέμαχος hic nobis, eruditione & industria, tum vsu rerum facile ceteris antecellens. Ego vero non vestri desertor, nec transfuga, qui non agnoscam diuersa aut cōtraria professionum, quas vocamus, castra, sed una eademq; habeam omniū, tam horum quam illorum cultor & sectator. Est tamen diuersa instituti mei ratio, nec vniuersis eodem auctoramento me adstrinxi. Vt medicinā facere, animus nunquā fuit, nec eū finē mihi fixi, cū initiarer primū istis sacris. Alia secutus cōsilia sum, de quib. nec hoc loco me dicere, nec omnino quemquam scire attinet præter eos, qui omnium illorum ita conscj mihi sunt, ut fuerint & auctores. Quod huius est & loci & tēporis, ita uti cœperam dicere de natura vī, quæ in humanioribus literis puerum & adolescentulum tenuit, eadem in iisdem pertinaciter tenet etiam nunc, & quanquam à ceteris totum non auellit, magnam tamen & præci-

P R Æ F A T I O.

*puam mei partem istis vindicat, ad eaq³ nunc
 reuocat, qua olim cœperamus, & cogit emoli-
 ri, qua diu moliti sumus. Inter hac Curtiana
 Animaduersiones sunt, de quibus in ipsa etiam
 Italia inter aliorum studiorum occupationes
 agitaui: sed nunc ut proferre n tandem occasio
 nata est, quam eandem, si durat, amplectemur
 & in alijs porro edendis, quæ pluscula apud nos
 agrè in hunc diem continemus. In Curtio quæ
 præstiterimus, eorum te quoque cum alijs iudi-
 cem facio, & nominatim hunc ad te nonum li-
 brū mitto, quem inscriptum clarissimo nomi-
 ni tuo libèter accipies, cumq³ vacabit & à mo-
 lestis curationum, quas in agris assiduò ma-
 gna cū artis, industriæ & successus laude obis;
 & à propriorum studiorum laboribus, quibus
 & de tuo subsidium arti medicæ paras, & de a-
 lienis præcipuè iam dudum præstas, dum uti-
 lissimo laudatissimoq³ studio posthuma & de-
 relicta aliorum scripta, quæ non perire magis
 viuientium interest mortalium, quàm aucto-
 rum mortuorum (certè enim illorū saluti ma-
 gis consulitur, quàm horum famæ, etsi famæ a-
 liquantum etiam ipsorum:) colligis, digeris,
 edis: ab illis igitur inquam operosis cum vaca-
 bit, ad hæc leuiora te demittes, censuraq³ tua
 vel rectè sentiētem me approbabis, vel erran-
 tem*

rem aliquando excusabis & tueberis aduersum calumnias quàm maleuolorum, quàm imperitorum. Amas nimirum hoc genus tu quoque & intelligis: me certè amas, in quem humanitas & beneuolentia tua insignis, & quod te rogo, si minus ipsius rei, mea quidem omnino causa facies: à quo habes leuem hanc obseruantiam in te significationem, quam maiorē tibi debitam non potui in moneta meliore nunc representare. Sed ut asper & probus hic nummus non sit, nihilominus in solutionē valere patieris, non nominis mei totius, sed partis alicuius, quantamcumque solui eo posse tu ipse, cum notam diligentius inspexeris, iudicabis. Erit, ut spero, nota non male prorsum, qua poterit se non nihil commendare tibi: sin is aliter est, me tamen habebis tibi porro de ea planè, qua iam nosti me, nota commendatum.

VAL. ACIDALII
AD Q. CVRTII LIBRVM IX.
ANIMADVERSIONES.



Non sum equidem nescius, calum-
niam in me variam excitatam
querelâ istâ meâ de mendarum
in bonis adhuc scriptoribus ubi-
que superstitie copia: neq; tamen
eius pœnitet me, quam esse ve-
ram & à sincero profectâ animo mihi sum con-
scius: qua conscientia voces maleuolorum o-
mnes facile refuto, certè nō moror admodum,
atq; ita feram, vt spreuisse videar & nec audij-
se. Vna me tamen mouet nonnihil, quæ ni fal-
lor, erit præcipua & grauissima, neque conte-
mnenda adeò mihi, quin iam nunc in tempore
me aduersus eam muniam. Aient, detrabere
nos industriæ priorum, & inuidiam facere ijs,
quos arguimus tam multa reliquisse. Abi verò
Calumnia: non tibi locus in ingenium vel mo-
res meos. Iniuriâ mihi facient, qui factam à
me alijs hanc intēdent. Nunquam in me cadet,
cuius hi me criminis insimulabūt. Venerari e-
go didici labores eruditorū, non sugillare; eo-
rū merita gratè agnoscere, non detrectare; præ-
dicare etiam, non insectari. Quin ita mihi inge-
nium, vt de mea, si qua sit mihi, laude apponere
alijs malim, quam alios sua defraudare. Nec vn-
quam mihi placuit, aliorum obtrectatione po-
pula-

pularis nescio quid auræ captare : qui mos hodie viget apud nimium multos, famam, quam ex se bene dicendo scribendoq; desperant, alijs male dicendo, male de alijs scribendo quærentes. Hic mihi mos detestabilis: nec censeo, decus vllum peti ex aliorum dedecore posse. nec probus quisquam in gloriæ suæ fundamentum ruinam substernere molietur alienæ. Sed ne declamationē instituisse in exsecrandū & vulgatissimum hoc tempore vitium credamur: ab eo nos defendisse satis sit: qui palàm testor, & Deū attestor, non à me scriptū, quò scriptū maligni trahant. quod tamen quomodo illuc tandē trahāt? Nō prestitisse nihil aut parū eos diximus, sed multa necdū prestitisse. Quid priorib. decedit, si posteris etiā aliquid vindicandum? Non illis magna laus, magna gratia non debetur, qui multa iam emendarūt, quia laus & gratia par maiorve debenda, quibus etiam nū plura emendanda. Quæ invidia ijs fit, quos præclarè & prolixè meritos nō negamus, dum merendi materiam concessisse alijs vberem affirmamus. Non pauca sustulisse arguuntur, qui multa reliquerint: sed nimia fuisse, vnde cum plurima sublata, ibidem plura sint relicta. Quis autem culpa dignus vnquam visus, qui cum faceret, quod posset, non potuit, quod debuit? Sed si quidem nec debuerunt omnia: quod nemo ab ijs flagitabit, nisi vel insanus, vel immemor humanæ conditionis. In hanc non competit, vt vnus aut plures in quacunque re; in ista vix, vt

omnes præstent omnia. Tamen de plerisque hîc sperari possit, si tantundem elaboretur deinceps à nouis, quantum à veteribus hætenus elaboratum. Ita vides, magna & multa palàm à me tribui prioribus, qui spem consummata, quod potest, Critices in eo ponam, si tribui aliquando posterioribus eadem possint. De his quidquid erit; nos interim quod possumus, in medium adiuuemus, tirones adhuc quidem & in extremo agmine criticarum copiarum tamen si non strenuam fortassis & vtilem valdè, nec ignauam certè nec damnosam operam collaturi.

Pag. 276. *Rex duabus vrbibus conditis in vtraq; fluminis quod superauerat ripa, copiarum duces coronis, & mille aureis singulos donat. Ceteris quoque pro portione aut gradu quem in amicitia obtinebant, honos habitus est.*

Ex alijs editionibus inserit & emendat Modius: *pro portione aut gradu, quem i. a. obtinebant, aut nauata opera honos est habitus.* Mihi inferenda quidem olim ista videbantur omninò, sed non illo loco. Neque nunc de insertionemuto, de loco tamen nihil turbo. Nam sermonem ita tunc struebam, vt coniungerentur *pro portione nauata opera.* Itaque duplex existebat ordo, & poterant vel præcedere ista, *pro gradu quem in amicitia obtinebant,* vel eadem sequi: de quibus, vtrum melius, non statuebam; vtrumq; bonum arbitrabar. Alia nunc sententia sedet, abesse minimam literam, qua restituta sub eo quo vulgò leguntur

tur ordine præclare sit locus restitutus. Scribo:
*Ceteris quoq; proportionem aut gradus, quem i. a. ob. aut
 nauatæ opera h. e. habitus. Exaudies scilicet & ope-
 ræ & gradus portionem.*

Pag. 278. *Et in vicina oppida ingentem intulere ter-
 rorem, inuictum exercitum & deorum profecto
 aduenisse memorantes.*

Qui Deum scribunt, tamen accipient Deo-
 rum. Non enim ad regem solum trahes, qui
 se Deum ferebat, & ferebatur; credi volebat
 Deus, & à barbarorum plurimis credebatur.
 Exercitum Deorum capies & tueberis alio ge-
 mino loco, qui inferius hoc ipso libro. Terri-
 ti noua facie, deorum exercitum & alium liberum
 patrem celebre in illis gentibus nomen, aduentare cre-
 debant.

Pag. 280. *Equidem plura transscribo, quàm credo.
 Nam nec affirmare sustineo, de quibus dubito; nec
 subducere, quæ accepi.*

Neque hîc mutandum subticere. Subducere;
 vt subtrahere lib. 6. Alijs nominatis me vnum sub-
 trahebat.

Ibid. *Phegelis erat gentis proxima rex, qui popula-
 ribus suis colere agros (vt assueuerant) iussis, A-
 lexandro cum donis occurrit. Nihil quod impera-
 ret detrectans, biduum apud eum substitit. Rex
 tertio die amnem superare decreuerat; transitu
 difficilem non spatio solum aquarum, sed etiam
 saxi impeditum.*

Mire variatur in regis huius nomine. Phege-
 lis hîc, vulgò Phegelas; apud Diodorum Phegeus

scribitur. Sed ille quocunque nomine, recte ne dicitur apud Alexandrum substituisse? potius apud illum Alexander, quippe hospes in eius regno. Distinctionem muta leuiter, & rem optimè compones: *Phegelis e. g. p. r. q. p. f. c. a. v. a. iussis*, Alexandro cum donis occurrit, nihil quod imperaret, detrectans. Biduum apud eum substitit rex: tertio die amnem superare decreuerat. Si me minus; at Diodorum audi, qui penitus persuadebit: *Αὐτὸς δὲ εἰς τὴν φηγέως δυναστείαν ἐμβαλὼν, καὶ τῶν ἐγχωρίων ἀσμένως τὴν τῶν Μακεδόνων παρουσίαν περιδεξαμένων, καὶ τῇ φυγῇ μετὰ δόρων πολλῶν ἀπαντήσαντος, τὴν τε βασιλείαν ἔχην συνεχώρησε, καὶ ξενιδεῖς μετὰ τῆς δυνάμεως ὅτι δύο ἡμέρας λαμπρῶς, ὅπῃ τὸν Ὑφασιν πόταμον περιῆλθε.*

Ibid. Eorumque regem esse Aggrammen, XX. milibus equitum, ducentisq; peditum obsidentem vias. ad hoc quadrigarum II. millia trahere, & praeipuum terrorem elephantos, quos III. millium numerum explere dicebat.

Radit aures meas postremum verbum dicebat, quod à Curtio nunquam scriptum, sed à librarijs adscriptum. Apage in rem malam. Modius autem hoc tulit? Miror, qui quidem alia tam multa passim huius exempli sustulerit. Hoc quidem loco non magis id retinere debuit, quàm alijs, vnde similia & hoc ipsum sæpe iam pridem exturbauit. Sed & alibi superant etiamnum, quæ nobis tollenda prudens an imprudens reliquit. Omnis oratio hæc
à remo-

à remotiore verbo pendet, quod ubique subintelligendum, *cognoscit.*

Pag. 282. *Quid autem interest, totidem sint, quot Porus habuit, an tria millia, cum vno aut altero vulneratis, ceteros in fugam declinari videmus?*

Ad calcem libri inter operarum errata notarunt, delendam notam interrogationis. Ineptè. Retentâ eâ, *viderimus* scribendum fuit, aut *videamus*: quorum hoc vulgatæ editiones rectè habent, eâdemq; non malè, *declinare.*

Pag. 284. *Per vos, gloriamque vestram, qua humanum fastigium exceditis, perq; & mea in vos, & in me vestra merita, quibus inuicti contendimus, oro quasq;*

Concipi hoc eâdem formulâ debuit, qua similes obtestationes solent: *Per ego vos gloriam vestram.* Ita Modius libro 4. emendabat: *Per ego vos Deos patrios aeternumque ignem &c.* Et multa talia cum alij pridem, tum nuper in elegantissimis suspicionum libris V. Cl. Ian. Gruterus collegit.

Ibid. Et is vos rogo, qui nihil vnquam vobis precepi, quin primus periculis me obtulerim, qui sæpe aciem clypeo meo texi, ne infregeritis manib. meis palmam, qua Herculem liberumq; patrem, si inuidia abfuerit, æquabo.

A me distinguo, è vulgatis in particulam infero: *qui sæpe aciem clypeo meo texi. Ne infregeritis in manibus meis palmam, qua Herc.*

Ibid. Nemo respondet, nemo saltem negat, quos alloquor.

loquor. Quid autem postulo? vestram gloriam & magnitudinem vindicamus.

Bona distinctio: nec mala: negat. Quos alloquor? quid autem postulo?

Pag. 286. *Intuere corpora exsanguia, tot perfossa vulneribus, tot cicatricibus putria.*

Vulgò *putrida*: quorum neutrum sanum videbat Modius, eoque cogitabat, *varia*: sed abstinit, cum ipse non probaret. Nos id multo minus: qui nec hoc agnoscimus nunc, quod olim eramus accepturi, *peruia*. videbatur id pulchrè respondere illi alteri, *tot vulneribus perfossa*. Enimverò transponendæ saltem in τὴν *putria* paucæ literæ, vt exeat *turpia*: quam veram scripturam ad præstationem ausim affirmare. lib. 10. pariter, *Ora cicatricibus deformia*.

P. 287. *Properè hinc relegens, quæ emensus erat, ad flumen Acesinem locat castra.*

Correxit ita Modius, edidit quidem certè, pro illo, quod corruptissimum ait, *preparans*. Si corruptum hoc, multo inde facilius erat scribere *properam*: quod valet item properè, formà qua efferruntur huius generis alia multa, modò Curtium ea vsum persuaderi sibi quisquam patiatur. Ego non id ago: qui mutandum nihil fuisse censeo. Nam *preparans* quâ causâ corruptionis arguitur? Equidem mihi illud sanum, sub sana tamen interpunctione. Hanc pristinam reduco, vt superioribus nectatur, vbi non erit otiosum, quod visum fuisse correctori videtur: *Munimenta quoque castrorum iussit extendi,*

di, cubiliaque amplioris formæ, quàm pro corporum habitu relinqui, vt speciem omnium augetet, posteritati fallax miraculum preparans. Hinc relegens, quæ emensus erat, ad flumen Acesinem locat castra. Nihil ita turbat, neque quidquam omnium incommodi quidquam ex se parit. Nisi si pro omnium, hominum reponendum, quod leuiter suspicris ex Diodori præcipue verbis: Ταῦτα δὲ ποιεῖν ἤμελλεν, ἅμα μὲν ἥρωικῶν βολόμενος ποιήσασθαι στρατοπέδιον, ἅμα δὲ τοῖς ἐγχαείοις ἀπολιπεῖν σημεῖα μεγάλων ἀνδρῶν, ἀποφαίνοντα ῥάμῳ σωμάτων ὑπερφυῖ. Qui idem Diodorus hæc tamen ipsa multo plenius & paulo aliter narrat, Arriano iussante, quod miror, & de duodecim saltem aris vix aliquid subiiciente.

Pag. 288. Hi de exercitu Herculis maiores suos esse memorant, agros relictos se, cepisse sedem, quam obtrinebant.

Vulgò relictos esse: quod ait Modius minus mihi placet. At mihi nec hoc, nec illud: quorum tamen alterum si placendum sit, facilius feram; quod est vulgò. Quæso autem, ipsine qui hoc memorabant ex Herculis exercitu reliqui & relictæ ceperant eam sedem? Longæuos admodum fuisse oportet, qui ab Hercule durarint ad Alexandrum. Hoc enim credemus, si vera lectio, *agros relictos se*. At ipsi palam refutant, de maioribus suis affirmantes. Scribe cum apta distinctione: *Hi de exercitu Herculis maiores suos esse memorant: agros relictos*

relictos cepisse sedem, quam obtineant. Iam ipsos populos non Sobios, ut Curtius, sed cum alij alios, tum Ibos vocat Diodorus: qui totidem ferè verbis de origine eorum: περιήλυθ' ὅτι τὸς ὀνομαζομένους Ἰβους, τούτους δὲ φασιν ἀπογόνους εἶναι τῶν μετ' ἡρακλέους ὅτι πλὴν Ἀῶρον πέτραν σφαλιδόσαντων, καὶ τῆς μὲν πολιτορκίας ἀπολυχόντων ἐν τούτῳ δὲ τῷ τόπῳ καλοικισθέντων ὑφ' ἡρακλέους.

Ibid. Delebant incola urbem, hostes defendebant: adeò etiam natura vera bellum in contrarium mutat.

Ut bene Modius, qui defendebant, ita malè idem, qui vera rescripserit è membranis. Alterũ vulgo pessimè: hoc optimè, *natura iura*. quod nullo iure potuit illi posthaberi. Nimium verò membranis tribuimus, si contra verum ijs niti fastinemus.

Pag. 289. *Quippe tria flumina tota India præter Gangem maxima munimenta arcis applicant undas.*

Munimenta arcis ut flumina dicantur, non improbo, quì eadem scio sæpè regni munimenta dici. Concinnius hîc tamen legas *munitamento*, quomodo exstat in vulgatis, ut *applicant* verbum habeat, cui applicetur. Conuenisse vult tria flumina ad arcem, & eius munitiõni se applicasse: quod alij non attestantur, alia nescio quæ nec ipsa inter se consentanea narrantes.

Ibid. Subducere nauta ceperunt: sed ministeria eorum

rum hinc cætu, hinc prærapida celeritate fluminum occupantur.

Non constituo, membranarum cætu, an excusorum metu verius: quorum & neutrum fortasse verum. At ministeria nautarum solens Curtius dicit libro 4. *Miles ministeria nautarum remiges militis officia turbabant.* lib. 7. *Vacillantesque milites, & ne excuterentur solliciti, nautarum ministeria turbauerant.* Alij item ministrandi verbum velut proprium hîc vsurpant. Virgil.

—*velisque ministrant.* Tacitus German. *Nec velis ministrant, nec remos in ordinem lateribus adiungunt. Ut autem nautarum ministerium, sic imperium propriè gubernatorum.* lib. 9. *Nec in gubernatoribus quidem quidquam opis erat, quorum nec exaudiri vox à tumultuantibus poterat, nec imperium à territis incompositisque seruari.* libro 4. *Quippe gubernatores aliàs imperare soliti, tum metu mortis iussa exsequabantur.*

Ibid. In oculis duo maiora nauigia submersa sunt: leuiores cum & ipsa nequirêt regi, in ripam tamen innoxia expulsa sunt.

In vulgatis *maiora omnium*: quod astruere ego poteram aliorum exemplis nonnullis, & Apuleij maximè: sed placet ad ipsum ea rescruare, neque Curtio loquendi genus hoc impingere: qui, ne superuacuum censeamus omissam vocem, ita potius traductim scripsit: *In oculis omnium duo maiora nauigia submersa sunt.*

Ibid.

Ibid. Ergo ingenti certamine concitant remos,
 quantaque vis humana esse poterat, admota est,
 ut fluctus, qui se inuehebant, euerberarentur.
 Findi crederes undas, & retrò gurgites cedere:
 quibus tandem naui erepta non tamen ripa ap-
 plicatur (non, applicabatur,) sed in proximum
 vadum illiditur.

Pulchra descriptio, cuius similis lib. 4. Tandem
 remis pertinacius euerberatum mare velut eripientibus
 nauigia classicis cecidit, appulsaq; sunt littori lacerata
 pleraque.

Pag. 290. Trahi extra sidera & solem, cogiq; adi-
 re, quæ mortalium oculis natura subduxerat.

Melius, subduxerit.

Ibid. Caliginem ac tenebras & perpetuam noctem
 profundo incubantem.

Quid ita recusemus addi mari? Displicet
 ἀπὸ λόγου. Ipsum Virgilianum est: Ponto nox in-
 cubat atra.

Ibid. Iam prospicere se Oceanum. iam perflare ad
 ipsos auram maris, ne inuiderent sibi laudem
 quam peteret, Herculis & liberi patris terminos
 transituro, illos regi suo paruo impendio immor-
 talitatem fame daturus.

Insulsa ineptaque sanè vulgaris & lectio &
 distinctio, non multò tamen vtraque vel altera
 melior Modiana. scribo: Iam prospicere se Ocea-
 num: iam perflare ad ipsos auram maris. Ne inui-
 derent sibi laudem, quam peteret, Hercules & libe-
 ri patris terminos transiturus. Ipsos regi suo p. im-
 pend.

P. 291. *Sed metu ne an oborta seditione inter ipsos, subito profugerunt barbari.*

Novi ex Tacito aliisque alternantem hanc locutionem, Nec ea Curtium usum negem, sed nec tam asseueratè cum Modio affirmem: qui quidquid iuret, à correctoribus intrusa ista, vel *ut traditur*, vel *non traditur*, non persuadet omninò mihi, propter sequentia hæc maximè: *Certè auios montes & impeditos occupauerunt*: quæ melius hærent, ita nexa oratione: *Sed haud traditur, metu ne an oborta seditione inter ipsos, profugerint barbari: certe auios m. & i. occup.*

Pag. 293. *Et nudam hostis latus subiecto mucrone hausit.*

Rectissimè *subiecto* an *damnes* tamen, quod alicubi memini videre. *subrecto?*

Pag. 294. *Subinde Timæus, & paullo post Leonatus, huic Aristonius superuenit.*

Vtunque de aliis alij statuent, mihi non mutandum fuisse videtur *hinc*. At tergemina ista verbi *superuenit* repetitio me offendit.

Ibid. *Sed ipse scilicet gloria sua non refragatus, abfuisse se nissum in expeditionem memoria tradidit.*

Non abesse potest tantum, sed debet omninò istud *non*: quod si nec membranis abfuisset, tamen ego expulissem. Ironiam esse vel *scilicet* particula satis ostendit. Tam hinc timidus autem tam repente Modius factus, ut qui alia sæpe dubiâ aut nullâ causâ, hoc non ausus sit, ad eò magnâ, ad eò certâ? membranis maximè iu-

Q benti-

bentibus, quarum aliàs nimis apud eum celebrè imperium.

P. 295. *Critobulus inter medicos artis eximia &c.*

Scribe cum vulgatis reliqua, & sic interpunge: *sed in tanto periculo territus, manus admoveere metuēbat, ne in ipsius caput parum prospera curationis recideret euentus. Lacrumantem eum ac metuentem & sollicitudine propemodum exsanguem rex conspexerat: Quid, inquit, quodue tempus exspectas?*

Pag. 296. *Hinc certiores spem salutis eius in castra retulerunt.*

Siue, certior esse salutis eius in castra se retulerunt.

Ibid. *Credisne, inquis, aduentu magis hostium, ut iam in vallo consisterent, quàm cura salutis tuæ, ut nunc est tibi vilis nos esse sollicitos?*

Iam olim suspicionem hausi, quam neque dum reiicio penitus, etsi minus teneo firmiter, insita & insuta bina ista esse vocabula tibi vilis. Sic enim absolutè loquebantur, & est locutus aliàs Curtius, ut nunc est. lib. 5. *Hi qui modo ad opem petendam ex tenebris & carcere procedere erubuimus, ut nunc est, supplicia nostra, quorum nos pudeat magis an poeniteat incertum est, ostentare Gracia velut latum spectaculum cupimus. Vbi item boni interpretes addiderant, ut nunc simplicitas nostra est.*

P. 297. *Qui si adhuc de Persidis regno cum Dario dimicares, etsi nemo vellet, tamen ne admirari quidem posset, tam prompta esse te ad omne discrimen audaciæ. Nam ubi paria sunt periculum ac pre-*

premium &c.

Velut in Ixionis rota versatus & vexatus in hoc sum loco. Acumen eius diu & intētē quæsiui: nullus inueni. subestque fortasse nullum istis quidem, vt nunc legimus, verbis. Nam emendatione me tandem haud infeliciter expedisse videor, atque ita statuo totum de integro rescribendum: *Qui si adhuc de Persidis regno cū Dario dimicares, et si nemo vellet, tamē admittere quidem posset, tam promptæ esse te ad omne discrimen audacie (nam vbi paria sunt periculum ac premium, & secundis rebus amplior fructus est, & aduersis solatium maius:) tuo verò capite ignobilem vicum emi quis ferat, non tuorum modo militum. sed vllius etiam gentis barbara, qui tuam magnitudinem norit? Quid mutaue- rim, & quare, intelligens lector facile videbit, cui non opus est omnium omnes rationes reddi: qui has hoc loco per se non videat, ei minus etiam est opus: quippe qui ne sic quidem sit visurus. Et quis adeò facem accendendam cœcoperet?*

P. 299. *Hoc, si licuerit, ipse præstabo. Si me praeceperit fatum, vos mandare mementote.*

Vulgò mandasse. quod cur mutatum? nisi forte mandare referunt ad immortalitatem: quasi dicat, vos mementote immortalitati Olympiadem mandare. At hoc nequaquam mihi quidem placeat, nec opinor alium inueniet, cui placere possit.

Pag. 300. *Et Bactriana arce, quæ quasi negligentius asseruata erat occupata, barbaros quoque in*

Q 2 *socio-*

societatem defectionis impulerant.

Quid sibi vult in ista re *quasi*? Emendo *casu*: pro quo solenni mutitatione literarum in antiquioribus libris scriptum erat *quasu*, & hinc deinde *quasi*. Casu quodam & forte negligentius arx custodita fuit. Ante hæc scribe, *spectare cæperant*, non *cæperunt*.

Ibid. Itaq, *Græci milites arma capiunt, occisuri Biconem, si daretur occasio. Ceteri principes eorum, iram multitudinis mitigauerunt.*

Emendo, *Ceterum*.

Ibid. *Ceterum Boxum protinus placuit interfici, Biconem etiam per cruciatum necari.*

Utrumque rectum, siue diuissim duabus, siue vna voce iunctim legas *per cruciatum*. hoc tamen opinor elegantius. Ita suprà alicubi corrigebam, *per armatos hostes*: & adducebam familiaria Curtio, *percuratum*, itemque *persanatum vulnus*. Eadem facie *per cruciatum*, valet totum *ex cruciatum*.

P. 301. *Centum aurei lecti modicis interuallis positi erant. Lectis circumdederant aulaa purpura auroq, fulgentia: quidquid aut apud Persas vetere luxu, aut apud Macedones noua immutatione corruptum erat, confusis vtriusque gentis vitijs, in illo conuiuio ostendens.*

Non temerè mutem *immutatione*: prorsus tamen *imitatione* scripsisse Curtium opinor, & id rei aptius mecum omnes fatebuntur. Aemulatus per omnia Persas, patrios mores exterrenorum imitatione frangebatur. Etiam *circumdederat*

derat vnitatis numero legendum fortè , quia subditur eodem ostendens.

P. 303. *Indorum legati dimissi domos, paucis pòst diebus cum donis reuertuntur. CCC. erāt equi mille XXX. currus, quos quadrijugi equi ducebant.*

Glareanus mutauit olim: *Mille erant equites, trecenti currus*; nescio , id vnde. cui tamen Modius adhæret. Ac satis hoc curruum, satis equorum esse facilè vterque persuaferint mihi; nō etiam de tot equitibus, vel omninò equitibus donatis: qui nulli leguntur in vllis adedò libris. Nam *equi*, non *equites*, omnes habent. Quòd si licentiā eadem cōiectandi fas etiam vti nobis, maluerim ita potius, extrita prorsus equitum mentione: *CCC. erant currus, quos quadrijugi equi ducebant.* Hoc vnde, si lubet audire, dicam. Quæ deleui, è glossa puto irrepsisse, sed glossa nec ipsa incorrupta. Fuerit & huic, & corruptioni eius origo talis. Ad marginem libri sui computarat aliquis & notarat numerum equorum, quot confierent, si quadrijugi traxissent trecentos currus. Itaque scripserat: *Equi mille CC.* quot omnino exsistūt è multiplicatione. Mox deinde librariorum errore centenarij notæ in denarij, quod facile, & passim in aliis sæpissimè factum, cōuersæ; & hæ cum duæ essent, temerè porrò, vt isti *secundū est semen adulterio*, tertia quoque accessit, vt in cōtextum deniq; pariter ista reciperentur: *equi mille XXX.* quib. abactis & abiectis integrum esse locum minimo secus ipse credo, neq; ferè dubitè eiusdem sententiæ au-

etor aliis fieri, quib. liberum tamen iudiciū relinquo, curā etiā diligentius inquirēdīmando, si quid aliunde certius erui potest. Nam quod ego vel alij attulimus, firmari testimonio nequit. Apud historiæ huius auctores frustra quærendo fui: quos cum anxie antestari cupe-rem, auriculam opponere omnes recusarunt.

P. 304. *Oxatres prætor Bactrianorum non absolutus modo, sed etiam iure amoris amplioris imperij donatus est finibus.*

Multimodis peccat, ait Modius, qui non ita mecum legit. Quid ergo? nihil peccabit, qui sic planè? Ille verò, mea sentētia, nimio tātō plus: & plus etiam, qui lectionis eius auctor. Quid est illud, *iure amoris*? insulsum & sensu & sermone. At membranæ *amoris* habuerunt: inde adeo id insertum, nam vulgò *iure* ubiq; habetur. Audio: sed tu audi vicissim, & permitte mihi arbitrium utriusque. Cēseo in membranis aut pro *amplioris*, scriptum illud ipsum *amoris*, aut idem ex eodem inscita repetitione rescriptum. Neque quidquam alterutra opinione verius. Hoc primum. *iure* porrò vel è glossa alicuius est, qui Oxatren iure & iustè absolutum ad marginem notarat; vel potius ab iis insertum, qui *lò finibus*, distinctione prava, quæ hodieque vilitur in vulgatis, initium periodi sequentis habebant, iungebantque cum *Musicanis*. Vtroque iā refutato, scribes: *sed etiam amplioris imperij donatus est finibus.* *Musicanis* deinde in deditionem redactis &c,

Pag. 305. & 306. Et forte inter promptissimos dimicans intactus euaserat.

Necessario inferes. intactus tamen euaserat.

Pag. 306. Idem (Ptolemaeus) corporis custos promptissimusq; bellator, & pacis artibus, quam militia maior & clarior, modico ciuiliq; cultu, liberalis in primis, adituq; facilis, nihil ex fastu regio assumerat.

Est hoc forte, sed mihi sincerum non videtur. Vti ne Ptolemeum pacis artibus quam belli præstantiorem dicat? Vtraque laude pariter ornare, sed & pari voluisse putem: eoq; scribā, *nec milita quam pacis artibus maior & clarior*. A virtute militari primū commendauit: pacis artes mox subdit, ciuilem cultum, liberalitatem, facilitatem aditus, & quæ consequuntur hæc his consimilia. Tamē haud obstinatē reluctet, & præualeat sanē, quod vulgatur: in quo magis ad exprimendum contrarium istum sensum faciat, si legatur, *sed pacis artib.*

Pag. 307. Ibi diutius subsistere coactus, quia duces socordius asseruati profugerant, misit qui conquirent alios: nec repertis. peruicax cupido incessit visendi Oceanum adeundique terminos mundi, sine regionis peritis, flumini ignoto caput suum totq; fortissimorum virorum salutē permittere.

Incōcinna structura, visendi, adeundi, & mox, permittere. Nisi alia desint (fortē ista, ut non vereretur sine regionis peritis &c.) ausim tentare, ut flumini ignoto caput suum totq; f. v. s. permitteret. Quod mihi tamen ipsi non magnopere probetur: al-

terum magis, quod aliis metuo audaciusculum
visum iri. Proponam nihilominus: *peruicax cu-*
pido visendi Oceanum adcundiq; terminos mundi, in-
gessit, sine regionis peritu flumini ignoto c. f. t. f. v. f.
permittere. Non nūc sanē primum cupido eum
incedebat: sed eadem quæ diu stimulauerat ad
Oceanum terminosq; mundi progredi, nunc
ingerit, suadet, cogit vel sinē ducibus pergere,
vt nec ignoto flumini se suosque credere ve-
reatur.

Ibid. *Intellectum est, mare destinari ab ignavis na-*
tura eius.

In isto etiam verbo sæpē hīc & alibi turbæ:
Passim enim confundi videmus *designari* & *de-*
stinari. Hīc alterū nolim substitui: tuear, quod
vulgatum. Itemq; hoc ipso libro: *Coniectum o-*
culorum, quibus vt fur destinabatur; Dioxippus ferre
non potuit. Nam de illo lib. 4. valdē etiam ambi-
go: *Fama est, cum rex vrbis futura muros polenta, vt*
Macedonum mos est, designasset, auium greges aduolas-
se & polentam esse pastas. Sic enim quidem Mo-
dius: at ego reicere alterum non ausim, qui vi-
deo tam multis locis tam frequenter vsurpa-
tum, vt amasse id præ altero Curtius, & velut
in deliciis habuisse videatur.

P. 308. *Tum aliam insulam medio amni sitam eue-*
cti paullo lenius, quia cursus astu reuerberaba-
tur, applicant classsem. & ad comineatus peten-
dos discurrunt.

A membranis est hoc reuerberabatur, si Mo-
dio cedimus, cuius fidei nihil vsquam diffido.

At

At germanum idem, non Modio, non membranis credo, quibus sæpe non possum credulitatem meam commodare, etsi alij pænè videntur addixisse. Quid is dicit, qui cursum verberari aut reuerberari dicit? hércule non inteligo. si nauem diceret, vtcunq; caperem, & ferrem, quamquam & sic ægrè. Mihi vero emendanda vox videtur, *referebatur*. Et vt sententia magis appareat, etiam scribo *lentius*, non *lenius*. Hoc enim inde perperam natum, quia præcedit: *leni adhuc æstu confundente diffuses undas*. Ait: *lentius euectos*, quia cursus æstu maris crebrescente retrò actus sit. Hoc enim est hîc referri. Plautus Afinar.

*Remigio veloque, quantum poteris festina & fuge:
Quam magis te in altum capeffis, tam æstas te in portum refert.*

Thyeste, siue Senecæ, siue cuiuscunq;.

*Sic incitat am remige & vento ratem
Æstus resistens remigi & vento refert.*

Ouid. Epist. Cydippes ad Acont.

*Ipsa velut nauis vector, quam certus in altum
Propellit Boreas; æstus & unda refert.*

Ibid. Ignor. a vulgò freti natura erat, monstraq; & ira Deum indicia cernere videbantur, identidem intumescens mare, & in campos paullo ante siccos descendere superfusum.

Si intumescens præmisit, cur non subdit & descendens? An descendere omittendum? Minime verò. Rescribe è vulgatis: *monstraq; & ira Deum i. e. videbantur. Identidem intumescere mare, & in campos*

pas p. a. f. descendere superfusum. Distinctione adiuvimus: & norunt vel pueri, qua forma capiendi hi, quos dicunt, modi infinitiui.

Ibid. Hi contis nauigia pellebant, hi dum remos aptari prohibebant, considerant.

Quæ (malum!) ratio postulauit, ut *pellebant* ederetur, non quomodo vulgo est, *appellebant*? Mens certè Curtij ista: in siccum aut vadum appulsa nauigia, ut conscendere expositi possent, non in altum propulsa. Sed reliqua manifeste etiam ubique vitiosa: quæ translatione vnius verbi corrigimus in hunc modum: *hi dum considerent, remos aptari prohibebant.*

Ibid. Alia nauium inconsulte ruentes nō receperāt.

Expeditiior erat sensus in simplici, *ceperant*: pro quo tamen & compositum sæpe usurpari, nec significatui quidquam addere præpositionem additam & alij pridem, & nos pueri non ita pridem ostendimus. Inconsultè ruentium agmina capere naues haud poterant, ita multitudo has, ut alias paucitas, morabatur.

P. 313. *Omnium rerum solo fertilis regio est, in qua statua habuit, ut vexatos milites quiete firmaret.*

Magna vero emendatio, *solo*, pro *sola*. Quin etiam *fertili* scribis.

Ibid. Dum exploraret, quæ delata erant, in eodem honore habuit &c.

Totum hoc cum iis quæ utrinque proxima sunt, ita distingue: *Astaspis erat satrapes gentis, suspectus res nouare voluisse, dum in India rex est: quem*

occurrentem dissimulata ira comiter allocutus, dum exploraret, quæ delata erant, in eodem honore habuit. Cū India præfecti, sicut imperatum erat, equorum iumentorumq; iugaliū &c. Sic enim addita copula scribes simul.

P. 314. Hoc modo per dies VII. bacchabundum agmē incesit. Parata prada, si quid victis saltem aduersus comessantes animi fuisset, mille hercule viri modò & sobrii VII. dierum crapula graues in suo triumpho capere potuerunt.

De verbis rectè acutissimus Palmerius: de distinctione insuper habuit, quam curasse Modius debebat. Ita enim certè sentētia requirit, cuius non parum interest; aut si huius parum, multum certè verborum ipsorum, quæ fluūt, nec consistunt, nisi commodè legitimis interpunctis teneantur: Hoc modo per dies VII. bacchabundum agmen incesit, parata prada, si quid victis saltem aduersus comessantes animi fuisset. Mille hercule viri, modò & sobrii, VII. dierum crapula graues in suo triumpho capere potuerunt.

VALEN-

VALENTIS ACIDALII
IN Q. CVRTII LIBRVM

X. ANIMADVERSIONES.

AD DAVIDEM AICHEVSERVM
iuuenem nobiliss. doctiss.



*Erit omnino singulare fatum eius
dici, quo cum Patavium ego &
Bucretius noster primum veni-
remus, urbem vix ipsam ingres-
sis truxistim, nobilissime Aicheu-
sere, velut caelo missus, obuiam fuisti. Memi-
neris enim, quomodo rudes & ignari omnium
rerum hospites, non locorum tantum, sed & ho-
minum insolentes, cumque sermonem miscere
cum nemine possemus, quò nos verteremus,
incerti, in ipsa platea, deambulanti commo-
dum tibi, bono nostro fato, occurreremus. Vbi
agnitus à Bucretio, & ipsum ultro agnoscens,
me una, quamvis ignotum, complexus es, & v-
trumque domum deduxisti tuam, cumq; ad te
planè recepisses, omnia fecisti nobis, quae comis-
simus hospes amicis hospitibus prestare posset.
Erat hoc memorabile, quod saepe, nec unquam
sine magna voluptate recordor, initium noti-
tiae nostrae, sed idem & amicitiae, quam men-
suum mox aliquot conuictus iucundissimus cõ-
firma-*

firmavit. Ibi tum familiarius inuicem noscentes, arctè sanè coniuncti sumus, cum tu nescio quid in me literarum suspiceres, ego contra virtutem doctrinamq, tuam pariter amarem & admirarer. Sed nihil te, si verum dici vis, nihil te mihi validius conciliabat, quàm quod ita familiarem te GVLIELMIO nostro & antè in Germania, & deinceps in Gallijs etiam domesticum fuisse intelligerem: GVLIELMO nostro, cuius ego nunquam visi memoriam laudatissimam sic amo, sic mortem immaturam doleo, nihil vt eius nomine dulcius simul & tristius habeam. O Musæ, magnum in eo presidium vos, tu Germania nostra magnum ornamentum, ac nescio, an non unicum, amisisti! Verùm hoc & questi inter nos saepe tum sumus, & ego quotidie morsus animi vehementes ex eo adhuc sentio, quos neque dum viuam effugiam: & tu non minus æternum vulnus alis pro pietate ista tua vel in amicum talem, vel in ipsam patriam communem: cui me tamen Fortuna siue Natura propius admouit, & popularem ei magis fecit. Vnde non negabo stimulos acres mihi subiici illum emulandi in his studijs, si vestigia eius rectè legere, & assequi progressus ipsos aliquando possim, quo viri docti me sanè etiam
vocant,

PRÆFATIO.

vocant, & dum hortantur, etsi mihi ipsi diffidentem me, nec sperantem satis, ad quod aspiro, tamen audent eius geminum vel ipsum alterum augurari. Viderint illi, quem me faciant: ego ut adhuc nescio, qui esse possim, aut sim futurus: ita qui velim quidem esse scio, nec ut sim deero ipse mihi, dum alia non desint, sine quibus eniti & euadere illo non possum. Iis destituto minus mihi turpe & ipse ducam, & alij ducent, non peruenisse, quo contenderim: quum per me non steterit, ut steterim intra metam præstitutam. Sed de me non erat hic propositum dicere: ad te & Gulielmum redeo. cuius tu mihi mores, vitam, studia cupidè & sollicitè quarenti cum sapè describeres; mortis etiam genus & suprema ipsa, quibus interfuisses, aliquoties non sine lacrumis & mærore vellicante nec sine titillantis tamen aliquo etiam voluptatis sensu audienti denarrares; aliaque de literis, & Italia ipsa varie iucundeque inter nos agitaremus; effluxit interea nimis subito tempus illud omne, quod isti & urbi & regioni dare decreueras, nobis dolentibus, qui perpetuo vellemus suauitate conuersationis tua frui, nec dimissuri te videremur, si tenere possemus, quo carituri non essemus absque
magna

magna molestia, cum difficultate etiam nonnulla, non assueti scilicet adhuc satis Italica vita; cuius ex te velut exemplo modum imitabamur. Sed ita tum rerum tuarum rationes te renocabant, ut studiorum nostrorum nos retinebant. Aegrè igitur isthinc te dimisimus, quem hic tamen ab interuallo non nimis magno feliciter affecuti recuperauimus, & amici conuiuimus iterum; cisi minus familiariter, quod neque nunc aliter potest, ubi adibus disiuncti, tu in re domestica occupatior, nos in studijs partim; partim alijs negotijs dediti non tam frequenter unà esse quimus. Sumus tamen haud raro; Bucretius precipuè, cui ventitandi ad te crebrior occasio: neque mihi tamen non constat amicitia tua fructus, quem omni tu comitate colis, officijs varijs ornas, cumulas etiam multis beneficijs: quorum ego non postremum illud habeo, præ ceteris hoc quidem loco pradicandum duco, quod bibliothecam instructissimam tuam ita mihi paterere vis, ut tibi ipsi, communemque facis & paullo minus quàm mihi propriam: quã utor; ita te iubente, sanè audacter, & magna profecto cum utilitate meorum studiorum. Adiuuit illa non nihil hunc etiam in Q.
Curtio

PRÆFATIO.

Curtio laborem meum: cuius eo ipso quoque nomine postremum istum librum tibi do, dico, consecro: quem volens accipies, & habebis non amicitia tantum nostra quaecunque monumentum, sed & gratitudinis meae quantumvis leue & vile, magnae tamen & eximia testamentum.

VALEN.

VAL. ACIDALII

AD Q. CVRTII LIBRVM
X. ANIMADVERSIONES.



Entum aliquando est ad extremum librum, ad quem peraspera multa & prærupta enisis in ipso sunt etiam non plana & inuia quædam, quæ cum bono Mercurio facile peruademus. Nec diu hîc luctabimur, quando pauca sunt, quæ nos quidem viderimus: nec multo sane plura crediderim inesse, quibus ab ingenio possit auxilium afferri. Nam lacunas explere, & deperdita membra restaurare,

ἡ καὶ σκληροτάταις ἰσχύϊ ἔδωκε θεός.

Fecimus tamen semel hîc nos, imo nec fecimus: quia non erat locus mutilus, quem integrauimus, sed falsò pro mutilo insignitus. Demsimus igitur inustam saltem notam, & ab imposito stigmate vindicauimus: quod rectè atque ordine factum apparebit, cum erimus eò progressi καὶ τόδε μὲν δὴ παροίμιον, ὡς ἔφη πῖς τῷ νόμῳ. Nam aliud hîc ponere non sustinui, vt ad reliquos libros: vbi forte videbor absurda collocasse. Non tamen ambitiose vsquam fecimus aut in pompam, sed vt ex re præsentî nascerentur, vel vt habitus animi mei esset, cum quemque ordiremur. Atq; hoc nunc ipsum in mētem veniebat heic ex re ipsa anteloqui i

R cem

tem breuiter præfari: dum respiro pàullisper
& paro me ad reliquum cursum, quo vno &
continuo extremum hoc spatium decurrām.

P.315. & 316. *Insulã ostio amnis subiectam auro abundare, inopem equorum esse. singulos eos compererant ab iis qui ex continenti traicere audent, singulis talentis emi.*

Vnde *compererant* hîc insertum? ex ingenio, an membranis? Vellem, vt alia Modius, hoc quoque professus esset. At qui vnde vnde; si ab auctore etiã fuit, equidem in principio ille statim, non in medio collocasset. Proinde aut eò reuoca, aut dele rursus, quod optimum fortasse factum. Plenus etiã ita sensus. Nam omnia hæc intelligere vltro debemus ipsos in re præsentī comperisse: cætera, quæ deinceps, ab aliis audisse.

Ibid. Rursus eos terram legere iubet, donec ad Euphratis appellerent classē, inde aduerso amne Babylona subituros.

In membranīs fuit *Euphratis*: addendum fuit igitur etiã *os*: quæ vocula videatur in illius extrema syllaba latere.

Pag.317. *Namque gentis eiusdem leuissimos falsis criminibus astruxit, monitos tum demum ea deferre, cum ipse iussisset.*

Non puto *astruere* vsquam reperiri pro subornare, vel submittere; & si reperiatur, hîc tamen scribi rectius existimo *instruxit*. Crimina composuit & eos docuit, quæ deferrent quo tempore ipse demum iussisset.

Pag. 319. *Sic scilicet res secunda valent commutare naturam, & raro quisquam erga bona sua satis cautus est.*

In re pæne simili similis omnino loquendi modus lib. 8. *Regis minus iam cupiditatibus suis imperantibus inter obsequia fortuna, contra quam non satie tantum mortalitas est.*

Ibid. *Humiliores quoque reos contra suam voluntatem, quia ceteris videbantur insontes passus absolui, hostibus victis regna reduxerat.*

Curtianum hoc non est, Modianum est, qui tamen auctorem Coloniensem MS. otum laudat. Vulgus librorum habet, *regnare dixerat.* Inde ego, *regnare didicerat.* Acerba irrisio est, in contrarium accipienda, summæ antea moderationis rex, & verè rex, Victor tandem rex esse didicerat: quasi id verò regium, non ex æquo & iure agere, sed pro sua aut aliorum libidine grassari. Probabis hoc? an illud magis? Næ ecce, dum commentamur, incidit, *regnari didicerat.* Hostibus victis ipse victus regnabatur. quomodo? subiungit: *ut aduersus libidinem animi arbitrio scorti aliis regna daret, aliis vitam.* Ut fatear, ipse mihi non satisfacio in hac festinatione.

P. 321. *Tum demum fide facta professi sunt.*

Modius ita: vulgò, *facta professio est:* quorum ille verborum nullum ait esse sensum posse. fuerit imò idem, qui alterius lectionis, si *facta* geminetur: *Tum demum fide facta facta professio est.* Nam ipsa vox nisi geminetur, bis eam intelligi, quod Glareanus censuit, ineptum est.

Ibid. Ille, *Quid hac, inquit, repens consternatio, & tam procax atq; effusa licentia denunciat.*

Sic in carmine libero, quod Tibullo adscribunt:

Quid hoc rei est? quid ira nuntiat Deum?

Vbi malè alius, *nunc ciet*, pro *nuntiat*. Sed in Curtio quod statim sequitur: *Eloqui timeo palam certè rupistis imperium, & precariò rex sum, cui non alloquendi, non noscendi monendique aut intuendi vos ius reliquistis: non moueam quidquam temerè: sed an non elegantius paruula distinctio fecerit? ad hoc inquam exemplum: Eloqui timeo, palam certè. Rupistis imperium, & precariò rex sum. Mihi placeat hæsitantis & yrecundantis affectus iste: nec tamen, ut dixi, velim receptam lectionem mutare. Palam enim imperium ruperant, qui tumultuoso clamore & militari violentia volentem loqui inhibebant, palam professi nusquam inde nisi in patriam vestigium esse moturos. At timendi verbum, ut nos hîc volebamus, alibi quoque Curtio in pudoris intellectu, lib. 4. Num quod maxime suspicor, & loqui timeo, ludibria meorum nuntiaturus es mihi? Ceterum non me præterit, in editione Modij metuo esse: timeo tamen ego retineo, quod est in omnibus vulgatis, & temerè mutatum ab illo censeo.*

Ibidem. *Tam illos acclamantes video, qui abituri sunt.*

Seu potius, *occlamantes*.

P. 322. *Omni hercule spem, quam ex vobis conceperam damno: nec ut cum militibus meis (iam enim*

nim esse destitistis) sed vt cum ingratiſſimis oportet agere decreui.

Ineptiſſima Modio vulgata: mihi neq; hæc multò aptiora. Vtrinque ego interpoſito: *Om-nem hercule ſp.q.e.v.c.d.n.vt c.m.meis(iam e.e.deſiſtis)* ſed vt cum ingratis cuius porro agere decreui. Vide mihi ductus literarum, & erroris occaſionem; & emendationis agnoſces rationem. Paullò poſt: *Neminem teneo: liberate oculos meos ingratiſſimi ciues.*

*Ibid. Hoc cultu nitentes vos accepi, & D.talenta a-
ris alieni, cum omnis regia ſuppelleſ haud am-
plius, quàm LX.talentorum eſſet, meorum mox
operum fundamenta, quibus tamen abſit inui-
dia, imperium maxima terrarũ partis impoſui.*

Vt ordine capias, inuidiæ deprecationem parentheſi include: *quibus tamen (abſit inuidia)* imp.m.t.p.impoſui. Nam abſolutè efferenda iſta, & τὸ quibus ad fundamenta referendum, vt fun- damentis iis imperiũ ſe dicat impoſuiſſe. Hiul- ca & ſententia aliàs & ſtructura.

*Ibid. Aſiane pertaſum eſt? quæ vos gloria rerum ge-
ſtarum Diis pares fecit?*

Ne & hîc ſeducaris, expunge interrogatio- nis alteram in mediò notam, quæ ſuperuacua, & turbat etiam ſenſum. Non iunges enim *quæ gloria*, neque caſu accipies vtrumque nominan- di: ſed hoc auferendi, illud nominandi qui- dem, ſed vt ad *Aſia* referatur.

*Ibi. In Europam ire properatis rege deſerto, cum plu-
ribus veſtrum deſuturum viaticum fuerit, nî as*

alienum luissem, nempe ex Asiatica præda.

Bene ista Modius. Quia tamen ubique *in*, nō *ex*; an non putes retineri potuisse? Sic scilicet hoc dictum fuerit, ut apud Senecam, *In aspero & probo soluere*: & apud alios cum idem hoc, tum alia ad eam faciem plura.

P. 323. *Desiluit deinde frendens de tribunali, & in medium armatorum agmen se iniunxit, notans quoque, qui ferocissime oblocuti erant, singulos manu corripuit.*

Sola hæc editio, *notans*; aliæ, *notatos*: quod profectò melius. Sed verum opinor est; *notatusque, qui ferocissime ob. erant.* id est, cum vel quoniam notasset eos sibi inter ipsam orationem.

Ibid. *Quis crederet seuam paullo ante concionem obtorpuisse subito metu, cum ad supplicium videret trahi, nihil ausos grauiora quam ceteros?*

Scribe iunctim: *cum ad supplicium videret trahi nihil ausos grauiora quam ceteros.* De cetero; sublata hîc à Modio deinceps rectè, quæ pro Curtianis diu se gesserant, etiam post indicium Glareani: nec abest, quin paucula quædam auctoris absint & desint. Lugdunensis autem editor qualis hic? sui, ut ubique, similis. Alia eiecit, retinuit alia: plusculis etiam stigmatibus locum inussit. Parabam iterum in eum dicere: sed mittamus hominem, quia ut video, neque corrigi à nobis sic potest, & est prorsus ex eo genere, ut, ignominiam consumptam, planè iam sine iactura sui peccet.

Ibid. *Sive regij nominis, quod gentes quæ sub regibus*

bus sunt, inter deos colunt, siue propria ipsius veneratio &c.

Confer hæc illis lib. 3. Namque haud facile dictu est, præter ingenitam illi genti erga reges suos venerationem, quantum huius utique regis vel admiratione dediti ei fuerint, vel caritate flagrauerint.

P. 324. Hoc ego non nunc primum profiteor, sed olim scio.

Negans particula, *non*, eiicienda: quam pugnare in sententiam Alexandri miror ab aliis non animaduersum. Iam olim, inquit, ita sensi, sed nunc primum aperio. Manifestum nimis hoc, & quod ultro se prodit: huc usque tamen (quæ nisi clausis oculis?) præteritum.

P. 329. Modus inmodicarum cupiditatum, Veneris intra naturale desiderium vsus, nec vlla nisi ex permissio voluptas: ingentes profecto dotes erant.

Ingentes omnino, & adde vel maximæ: languidum tamen nimis illud, certè non sincerum Ego *ἀντροπιάσας* rescribo, *ingenij*. In tres veluti classes vitia virtutesque Alexandri supra digestæ: in naturam, fortunam, ætatem. Verba vide: Et hercule iuste æstimantibus regem liquet bona naturæ eius fuisse, vitia vel fortuna vel ætatis. Bona naturæ enumerata inde, Vis incredibilis animi, ad hæc usque nunc à nobis emendata: quibus & pender structura superiorum omnis & connexus. Vitia, quæ fortunæ ascribit, his porro memorat: Illa fortuna, dñs æquare se & cælestes honores accersere. &c. Quæ ætati, illis complectitur: Nam iracundiam & cupiditatem vini sicut iunen-

ta irritauerat, ita senectus mitigare potuisset. Hac distributione firmari coniecturam nostram omnes vident. Addenda enim & sua nota virtutibus fuerat in prima classe, quæ nulla, si *ingentes* retinetur. pro quo erit fortasse, qui *ingenita* facilius in eandem mentem scribi posse censeat: à quo non dissentiam, hætenus, ut possit; ut & debeat, dissentiam omnino. Ingenium & naturam eadem tum probem, si nescire elegantiorum quenquam putem.

P. 332. *Nec Di si fuerint (inquit) ut Alexandri fortuna, tantique regni fastigium in istos humeros ruat: homines certè non ferent.*

Suspectum hoc mihi: neque dum istud planè probo: *in istius humeros ruat hominis: certè non ferent.*

P. 334. *Rursus Philippum trahens secum irrupit in regiam, clamitans suffragari reipublica de nouo rege paullo ante concepto. * robur et atis experirentur, modo stirpem Philippi, & filium ac fratrem regum duorum sibi met ipsis potissimum crederent.*

Stigmatiam hunc quoque locum Modius fecit & ἀνρῶσεως arguit, sed hunc profectò sine causa. Non mutilus enim ille aut mancus, sed à scriptura & interpunctione saltem corruptus. Ut debilis videretur, ista fecerunt, *de nouo rege paullo ante concepto*: quæ intellecta de Roxanes imminente partu: nec aliter potuerunt. sed nec ita verè potuerunt, quia *suffragari* præcellerat, quod verbum Meleager non usurparet, si

ret, si de non nato adhuc nato loqueretur. Ille enim Roxanes filium approbaret, cōtra quem nitebatur, Arideum ambitiosè ingerens, & intrudens seditiosè? De hoc ipso scilicet hīc agit, & legendum igitur non *concepto*, sed *recepto*. Receptus enim is paullo antè, & Philippus consalutatus, quamquam mox idem reprobatus. Sed vt & reliqua conueniant huic sententiæ, sic locus integer, qui certè sic erit integer, rescribendus: *Rursus Philippum trahens secum irrupit in regiam, clamitans, suffragari reipublica de nouo rege paullo ante recepto robur etatis: experirentur modo stirpem Philippi, & filium ac fratrem regum duorum: sibi met ipsis potissimum crederent. Nullum profundum mare &c. Plana nunc & plena omnia, nec vsquā abruptum quid aut præruptum.*

Ibid. Pauci Perdicca modo electo, plures Philippo quam sperauerant, imperium dabant.

Sententia poscit & res, quem spreuerant: et si de re quid obiici possit, video. Sed huic variatio consiliorum vicissim obiicitur, quam subiungit auctor eleganter: *Nec velle nec nolle quidquam diu poterant, pœnitebatque modo consilij, modo pœnitentia ipsius.* Orationis quidem filum huc ducit, vt modò electus, modò spretus opponantur. Atque ego, vt conieci, statuo prorsus emendandum.

Ibid. Sequitur phalanx hastis clypeos quatens, expletura se sanguine illorum, qui affectauerant nihil ad ipsos pertinens regnum: in eadem domo familiarique imperij vires remansuras esse: heredi-

*tarium imperium stirpem regiam vindicaturam
&c.*

Benè Modius & *sequitur* huc retraxit, & *miti-*
gabatur ac gaudebant eiecit. illud nō benè, quòd
expletura mutauit. Eādē enim ellipticā formā
expleturam capere debuit, qua reliqua, *remanfu-*
ras, vindicaturam. Porro hoc quoque monebo,
pro *vires* legendum mihi videri *vices.* Quin &
deleuerim *esse*, quod abest venustius & hoc lo-
co, yti reliquis, qui sunt hīc in eadē naui.

P. 336. Atque ille *seditione prouisa, cum regem adif-*
set, interrogare eum cœpit, an Perdiccam compre-
hendi ipse iussisset. Ille ipsius instinctu se iussisse
respondit. Ceterum non debere tumultuari eos:
Perdiccam enim viuere.

Insignis audaciā est huius mutationis, &
proximè ad culpam temeritatis accedens: de
qua ne monere quidem nos dignati sunt ta-
men, vt re certā prorsus, extraque omnem
controuerſiam positā. Ecce in vnitatis nume-
rum omnia verterunt, vt de Meleagro, si Dijs
placet, ipso capiamus, qui vltiò regem adiens,
an auctor intentati Perdiccæ fuerit exitij, in-
terrogât: cū vulgati numerum multitudi-
nis omnes exhibeāt, & de multitudine milita-
ri intelligi planè velint. Quid autem eos non
coëgit dicam, sed mouit? An historiæ fides? ni-
hil minus. Vna iste vocula, vt video, *prouisa:*
quam videbant rei nullo modo conuenire.
Neque conuenit illa certè: quī enim prouide-
re seditionem dici debent aut possunt ipsi se-
ditio

ditionis auctores, & iam manifestè tumultuantes? At emendanda igitur hæc, non reliqua peruertenda. Faciam ego, quod illi minus potuerunt, ac vicein eius rescribo, *professâ*. Palàm enim seditionem profitebantur aditione simul & interrogatione tam tumultuosa. Qui primitus mutarunt, patiendi significatum ferre & concoquere non potuerunt in voce, quæ flexum haberet eum saltem, ceterùm agendi notionem. At quàm multa talia ad idem exemplum ab omnibus passim vsurpentur, omnes iam norunt vel primas literas docti. Tu me sequere, intelligens lector, & totum locum, quàm ex vulgatis libris, quàm ab ingenio nostro restitutum ita scribe: *Postero die indignæ res Macedonibus videbatur Perdiccam ad mortis periculum adductum & Meleagri temeritatem armis vltimū ire decreuerant. Atque illi seditione professâ cum regem adiūssent, interrogare eum cœpere, an Perdiccam comprehendī ipse iussisset. Ille Meleagri instinctu se iussisse respondit: ceterum non debere tumult.*

Pag. 337. Sed ingens sua sponte mœstitia vltima desperationis index erat, suspectique inuicem non adire propius, non colloqui audebant, secretas cogitationes intra se quoque voluentes.

Vel quisq; scribe, cui voluentes; vel voluente, cui respondeat quoque, id est vnoquoque.

Ibid. Et ex comparatione regis noui desiderium excitabatur amissi Vbi ille esset, cuius imperium, cuius auspiciū secuti erant, requirebant. Destitutos se inter infestas indomitasque gentes, expetitur ac

VAL. ACIDALII IN Q.

*petitur a tot cladium suarum pœnas , quando-
cunque oblata esset occasio.*

Fallor , an hoc quoque institutum require-
bant? Omnino est ex illis exemplis , de quibus
egimus & supra sæpe, & hic paullò antè. Nimi-
rum auctor subiicere lectorem sibi ipsum talia
voluit, quæ de industria exprimerè supersedit.
Distinguatur ergo: *desiderium excitabatur amissi:
ubi illum esse, cuius i. c. a. secuti erant? destitutos se & c.*
Ceterum illi nunc diffido, quod in reliquis o-
lim conabar: *quando tanta oblata esset occasio.* Oc-
casionem interpretabar ipsam mortem Ale-
xandri. Non male quidem, etsi fortè frustra.

*Ibid. Itaque inopia primum , deinde fames esse
cœpit.*

Non ego ausim , quod audacior aliquis &
acutior. *fames excepit.* Simplicitas hic mihi pla-
cet: qui meminifere semper à Curtio id ver-
bum in retali poni. li. 4. *Copia aliarum quoque re-
rum abundare cœperunt.* lib. 9. Deinde ad ultimum fa-
mem sentire cœperunt.

Pag. 338. *Ingentem spem indolis ante eum diem
fratris claritate suppressam , ea moderata exci-
tauit oratio.*

Melius credo , *suppressæ:* imo non credo , sed
scio.

P. 343. *Vim autem veneni , quod in Macedonia gi-
gnitur, talem esse constat ut ferrum quoque exu-
rat: ungula iumentis duntaxat patiens esse con-
stat. Strygem appellant fontem, ex quo pestiferum
virus emanat.*

Pulcram

Pulcræ emendationem in turpi mendo
 ad finem mihi reliquerunt. Quomodo autem
 reliquerunt? fato fortassis aliquo. Nam aliàs
 nisi cœci profecto præterire non potuerunt
 manifestam repetitionem binarum vocum,
 quæ è superiore linea in proximam insertæ.
 Expulsis iis scribe: *Vim autem veneni, quod in Ma-*
tedonia gignitur, talem esse constat, ut ferrum quoque
exurat, vngula iumentis duntaxat patiens. Stygem ap-
pellant fontem &c. Si vim Curtio vllam facio hac
 audacia, manes eius iratos ipse mihi imprecor;
 qui pœnas de me condignas sumant nullo re-
 spectu reliquorum, si quæ sunt, nec essentul-
 la scio, meritorum in ipsum meorum:

quibus omnibus vnâ istâ cul-

pâ gratiam omnem
 patiar dero-
 gari.

F I N I S.

FRANCOFVRTI
APVD IOANNEM FEYR-
ABEND, IMPENSIS HEN-
rici Osthausij Iunioris.

Anno M. D. XCIIII.



